

MEDICAL SOCIETY OF LONDON



ACCESSION NUMBER

PRESS MARK

BOERHAAVE, H.

(Vol.2. only)

65117/A

XXI₃

P R A X I S
MEDICA
SIVE COMMENTARIUM

In Aphorismos de cognoscendis
& curandis Morbis.

AUCTORE HERMANNO

BOERHAAVE,

PHIL. ET MED. DOCTORE,

Medicinæ, Botanices, Chemiæ, & Col-
legii Practici LUGDUNI-BATA-
VORUM PROFESSORE.

P A R S S E C U N D A.



Petavii Typis Seminarii,

Apud JOANNEM MANFRE,
M. DCC, XXVIII.



Inflammatiō.

§. 370. **B**asis hæc est omnium morborum acutorum. Inflammatiō dicitur quasi flammæ actiō in partem. *Hippocrates τὸ πῦρ ignis*, Plegmone inflammatiō febris dicebatur *πυρετὸς ignis major*, *κρυτὸς à κρύει uro*, hinc per ignem febrem summam vel phlegmonem summam intelligebat. Mirabile est vocem inflammationis in omnibus fere linguis sonare ignem, latinè enim ignis, græcè *πῦρ* gallicè *le feu* belgicè *een ontsteking*, *brand*, *branding*. Neque profectò, omnes Gentes, hocce vocabulum huic malo imposuisse, hunc affectum bene consideranti mirum videbitur, nam in loco inflammato certe major copia ignis elementalis adest, quam in alio non inflammato: quod evidenter Thermometra & effectus, quos producit, docent. Applica nimirum ignem elementalem è longinquo ad aliquam partem humani corporis vivi, pars illa primo calebit, si propius accedat, calebit molestè, si adhuc propius, incipiet ingratè titillare cum rubore splendente, dein plus rubere acriterque dolere, si iterum propius apponatur, fit intolerabilis dolor, si tunc in eodem gradu maneat, orientur bullulæ sive Epidermis elevabitur, & si penitus pars uratur, orietur macula nigra, eschara dicta: idem etiam fit ab inflammatione;

Pars II.

A

nam

nam 1. pars incipit rubere & ingratè calere; 2. paulo plus calet; 3. pergit calere & simul dolere; 4. calor dolor & rubor augmentur; 5. attollitur in vesiculas epidermis vel producitur anthrax & quidem adeo perfectus, ut medico sagacissimo, manum cum anthrace videnti difficile foret ferre iudicium, an ille ab igne elementalì, an verò à miasmate pestilentiali productus sit: hinc sine discrimine agit idem inflammatio, ac ignis elementalìs, & non immerito *Hippocrates* & *Græci Medici* pestem vel febrim ardentissimam vocarunt τὸ πῦρ ignem; quoniam unico momento hominem quasi comburit; *inflammatio hæc nil aliud est quam collectio ignis elementalìs in parte vide nostras exercitationes Chemicas in Theoriâ Caput de igne*, ubi docui ignem solâ rarefactione cognosci; *Helmontius*, *Paracelsus* & juniores Medici inconsultò sanè rident *Hippocratem* & Veteres suis nominibus, quæ rem optimè explicant, & maximè appropinquata sunt.

Erysipelas ab ἐρυθρόν quod rubrum & πέλαις quod prope significat idemque planè quod ἐρυθροπέλαις designat, Veteribus est lata, rubra, flavescentes expansio, loca epidermidis occupans cum calore & renitentiâ cum vel sine fibre ab inæquali & impedito humorum motu, & cum flava erat; hinc à bile esse dixerunt, sic quoque à cauterio actuali fit phlegmone, si tumor ruber loca sub Epidermide occupet præprimis pinguedinem, tum color adest ruberrimus, quod etiam fit ab actuali cauterio propius admoto, hinc ratio patet, cur *Hippocrates* uno verbo dixerit τὸ πῦρ.

Phlegmone à φλέγω ardeo, uro, unde φλεγμονία & φλογονίς exustio dicitur. Hæc omnia

vocabula uni inflammationi tribuuntur propter causas & effectus morbi, pars inflammata plerumque tumet, nec est differentia inter inflammationem, quæ fit ab igne externo & illam, quæ oritur à causâ internâ, nam si in aliquâ parte oriatur Diathesis inflammatoria, tum fit primo levis pruritus, dein titillatio, postea ardor, dein rubor, pars attollitur in tumorem, fit separatio cuticulæ, & si non resolvatur, fit eschara, pariter orietur, si partem admoveas igni; hinc inflammationis causa est ignis, & si hunc tollere poteris, tum sublata est inflammatio; sic in Pleuritide latus calet & dolet, tolle tumorem & morbum sustulisti.

§. 371. Scimus hodie, quod ignis Elementalís sit idem cum igne, quem facit motus naturalis, animalis, vitalis in nostro corpore, nec ullum est corpus in rerum naturâ, quod se plus movet quam ignis; hinc scimus, quod inflammatio & ignis sunt unum idemque, quod veteres medici intellexerunt, ut patet dum inflammationem ignem vocarunt. Quid jam est inflammatio à causâ internâ, quo ad Phænomena, tum est *tumor præternaturalis, retinens, ruber, calens, punctoriè dolens una plerumque cum febre comite*, quo ad causam, est *cujuscunque generis liquidi stagnatio in vasis arteriosis minimis cum attritu reliqui humoris à tergo moti*. Ergo in omni inflammatione requiritur 1. *stagnatio*; nam quamdiu liquida adhuc per sua vasa liberè transire possunt, nulla datur inflammatio & semper sublata stagnatione tollitur: 2. *liquidum stagnans*; quod nimirum potest esse vel sanguis ruber, ut in phlegmone, vel serum ut in Erypesilate, vel lympa, ut in Rheumatismo, vel fortè adhuc tenuius ut in

Podagrâ, quæ valdè verosimile videtur esse de natura inflammationis: 3. *vasa minima* requiruntur hoc est inter majora, maxima inter minora, & semper *arteriosa*; quoniam arteriæ suo decursu semper angustantur, hoc est evadunt canales conici, per quos nostri humores à basi latâ versus apicem pelluntur, cujus contrarium in venis (vena portarum excepta) obtinet: 4. *attritus à tergo*, qui necessario adesse debet; nam in cadavere est quidem stagnatio humorum, tamen nulla inflammatio: hinc requiritur *attritus à tergo* hoc est vis vitæ in sanguinem obstructum magnâ vi impellens, & elasticitas arteriarum repellens. Hinc *inflammatio est humoris arteriosi impeditus transfluxus in venas & attritus magnus factus à reliquo sanguine appellente & moto*. Ut Veteres optimè dixerunt esse attritum magnum factum ad latera vasorum minimorum; nonnulli voluerunt esse stagnationem in finibus arteriolarum, sed finis ultimus arteriæ illico fit vena, in vena autem utpote in latius desinente nulla resistentia fieri potest, ergo arteria per aliquot spatium à fine est libera, nam si hoc non esset, tum sanguis omni spiritu vitali orbatus transfret in venas, unde ille sanguis in venis esset nimis frigidus, quod frigus nos tamen destrueret, quò plus vas obstruitur, eò semper sanguinis densitas fit in canali. Nam attritus illius sanguinis est quasi duplex, ad motum enim cordis propellitur altius, corde verò relaxato arteriæ vis contractilis ipsum pellit retro, sic ut semper sit in motu alterno, unde attritus fieri debet vehementissimus; hinc rectè dicere possum inflammationem esse attritum sanguinis majorem in vase obstructo & collectionem ignis majorem;

rem; ergo causa inflammationis est ruber sanguis & maximè in parte ejus crassissimâ. At nihil est in Praxi, quod certius persuadet morbos externos & internos esse eosdem quo ad naturam sed effectum tantum differre quo ad vulgarem *χρόνιον & οξείον*, quod manu possit tractari quam hæc inflammatio: omnia ut in externis sic in internis sunt eadem quo ad vasa minima, materiem & curam. Eadem hæc sunt in omnibus notis circumstantiis, quod visum estis ex Veteri Græcorum Medicina Hippocratica, tantum differunt, quod vel hæreant in tota massa, ut Febris, vel in parte ut in Cerebro Phrenitis, Diaphragmate Paraphrenitis, sic in arteriis gastricis intestinis Dysenteria vel Ileus, si ad renes Nephritis &c. omnis ergo pars nostri corporis vivi, arteriis gaudens, huic inflammationi obnoxia est: ut omnes, arteriarum, venarum, nervorum, viscerum quorumcunque tunicæ, tunica adiposa, membranæ, muscoli, glandulæ, ossa, cartilaginee, tendines &c. nec mirum; nam omnes partes recensitæ corpus constituentes abundantissimè canalibus arteriosis scatent, ut Vir hodie sua incomparabili arte clarus *Ruyschius* satis manifestè demonstrat; hinc ad hoc caput magna attentio est habenda, cum sit omnium morborum acutorum fundamentum.

§. 372. *Arteriosis.* Arteriæ enim semper desinunt in angustum; primum genus inflammationis fit in arteriis sanguiferis minimis, quæ verò sunt vasa inter minima maxima; hinc in illis materia est solidior & attritus major, ergo circulatio validissima quamdiu ferre non potest ager, in hoc primo vasorum genere unicum tamen genus inflammationis oriri potest, quæ

fit à stagnatione & attritu ipsius liquoris, sed in secundo genere vasorum duplex genus inflammationis oriri potest, unum ab ipso sero transfluere impedito, & secundum ab ingresso sanguine rubro errore loci in illud, ille enim ultimos fines vasorum permeare non potest, & hanc speciem inflammationis puto frequenter recurrere. In tertio vasorum quod potest esse lymphaticorum genere iterum duplex inflammationis genus oriri potest, sed talis inflammatio nunquam erit rubra, fit enim ab impedito transfluxu lymphæ, vel ab ingressu feri errore loci in illud, quæ dici posset inflammatio œdematosa, nunc pono centum esse decrescientes series vasorum, sunt autem ferè infinitæ, tunc centum & nonaginta novem genera inflammationis oriri possunt, quò nunc vasa sunt minima & propiora sunt cordi, eò facilius & citius destruitur corpus. In febribus ardentibus videmus ægros quarto die mori, quia arteriæ sanguiferæ fuerunt obstructæ, in Podagrâ verò minores arteriæ sunt obstructæ, hinc hæc etiam non tam citò interficit, hinc errarunt, qui putaverunt inflammationes solum oriri posse, ubi arteriæ abeunt in venas, nam vasa exhalantia etiam obstrui possunt, hæc non sanguinem sed lympham admittunt, & quis scit, quam subtile liquidum transmittunt, unde scabies & pustulæ & multa alia mala, nam materia perspirabilis, quæ non statim exit per poros, colligitur sub Epidermide, & attollit eam in tales pustulas, non tumores, quia est nimis subtilis, nec facit dolores, sed prurigines, quia tenuius liquidum nervos tamen vellicat, dum exitus in rupturam trahatur; hinc ubique fit inflammatio, ubi vasa ex lato in angustum tendunt; nulla inflammatio.

tio in venarum cavis accidit, nisi venam portarum venam vocare velis, dein quoque in minimis observatur; in majoribus enim fiunt Polypi, qui non faciunt inflammationem, si enim in his fieret stagnatio illico esset mors, sed hæc stagnatio si contingat in minimis vasis, facit materiam inflammationis, non verò inflammationem; tum enim sanguis in eodem loco manens accumulatur, & ibi semper ruit in obstaculum, hinc attritus fit à vi vitæ; ergo quò vitæ vis major materia eadem manente eò inflammatio major & contra. Omnis arteria definit vel in venam vel vas secretorium vel excretorium, ergo inflammatio fit primò, ubi ruber sanguis abit in venam, vel secundò ubi habet laterales ramos tam minutos, ut non sanguinem sed serum admittant, quæ in initio ita possunt dilatari, ut non modò serum sed rubrum sanguinem accipiant, tertio in lymphaticis etiam oriri potest inflammatio, quia una lymphæ pars crassior, altera tenuior est, ibique nunquam erit rubedo, ergo fiunt sæpe acutissimæ inflammationes magnæque mutationes nulla rubedine apparente. Memini me hærentem adhuc in illâ sententiâ inflammationes solum esse ubi arteriæ abeunt in venas, nescivisse sæpius, unde varia mala, sed jam ex hoc systemate facilè intelligitur. Hæ omnes inflammationes reduci possunt ad hæc sequentia; nempe ad vitia vasorum, 2, humorum, 3, utrorumque, 4. ad errorem loci; quæ vitio vasorum contingit, fit tantum coarctando eorum diametrum, id est quod diametri eorum diametris globulorum sphaericorum fiant minores: quod maximè in vasis arteriosis, unicum globulum tantum transmittentibus, obtinet.

Cum numerus causarum coarctationem producentium sit valde ingens, has ad duas causas reduco, nempe externam & internam. 1. Externa, quando canales rotundi per *στένωσιν* coarctantur: hanc producunt omnis generis tumores, fracturæ, luxationes, distorsiones, contusiones, membrorum tractiones diu perseverantes, compressiones per ligaturas & pondera incumbentia, urentia, erodentia, crispaturam inducentia; calor dilatando nimirum & rarefaciendo liquida, extendendo vasa minima, sic ut inde vasa minima, majora constituentia comprimantur, frigus & aer gravis; quatenus arctando vasa perspirationem prohibent; oleosa quasi epistomia se insinuando in vascula minima etiam perspirationem prohibent; &c. 2. Interna quando per contractionem vasorum propriam vel violentam, *σπασμὸν* dictam, aut *σπασμωδίαν*, canales in sua capacitate minores redduntur: primam producunt omnes causæ rigiditatem fibrarum nimiam producentes; inanitio liquidorum vasa extendentium, quæ tunc quò rigidiora, eò magis se contrahunt, ut in vulneribus apparet: alteram efficiunt pungentia erodentia, vellicantia acria, quæcunque ingesta vel externè applicata; uno verbo omnes causæ nervos violenter afficientes; hinc inæqualem per nervos fluxum spirituum producentes, & fibras musculares violenter contrahentes: tertiam & ultimam producunt omnis generis tumores producti in illis vasis membranas constituentibus, ex quibus majores arteriæ contextæ sunt.

373. *Ortus.* Nullum verò est punctum in nostro corpore, ubi non sit arteria, ergo nullum punctum, quod non inflammari possit.

Si.

Si serum per suos arteriarum fines pergere in venam non possit, vel si vas laterale deviat, hæc est inflammatio secundi generis id est error loci, estque tunc Erysipelas magna flava utcumque à μέλας pannum & ἐρυθρὸν rubrum, quasi lata, rubra expansio, non tumor. Per errorum loci intelligitur; quando humores nostri non debita, seu sibi propria, sed minora vasa occupant: scimus enim, in corpore varia vasorum genera existere & quot genera vasorum, tot genera liquidorum, suis vasis correspondentium; unum atque primum & inter minima maximum genus rubrum admittere humoris globalum, per consequens omnem rubro minorem; tertium forte lymphaticorum, secundo genere exilius, lymphaticum globulum & omnem hoc minorem admittit, ergo non rubrum neque flavum, dantur adhuc forte varia vasorum genera intermedia, sed ad hæc tria reduxi, intelligentiæ causa: si nunc canales serosi rubros admiserint globulos, erit error loci sanguinis rubri, si lymphatici serosos, erit error loci seri: quoniam inter canales & humores certa est proportio & vasa serosa naturaliter rubros globulos non admittunt, sic & lymphatica non serosos: ergo si sciremus omnia vasorum genera ad ultimum usque, haud difficile foret scire, quot modis ille error loci fieri posset; hinc in genere seroso unico modo, nempe à rubris, fortè duplici modo in lymphatico, nempe à serosis, & à rubris globulis, per laxata vasa serosa in ore vasorum lymphaticorum intrusis: & sic de cæteris.

§ 374. *Arterie.* Non hic intelligo arteriarum cavum sed membranam, vidit vetustas in brutis mactatis ad aras sæpe Aortam inflammata.

unde mala sumpserunt veteres præfagia; ergo totum arteriarum genus inflammari potest, de qua re nequidem cogitatum est apud medicos. Demonstravit *Ruyschius*, quod arteria coronaria, ubi ingressa est cor sanguinem det tunicarum aortæ arteriis.

Venæ. Quoniam hæc habent arterias in suis pelliculis, quod injectione clarè patet. *Lewerus, Tulpius, alique Auctores* observarunt venæ cavæ tunicas esse totas vasculosas & habere arterias nutrientes.

Nervi. In nervis omnibus est, 1. vagina crassa exterior duræ matris nervum deducens ad locum actionis, 2. pia seu Arachnoides, 3. medulla ipsa. *Ridleyus* docet nervos accipere à quatuor magnis arteriis ramos, qui usque ad finem continuantur; ergo nervi habent membranam arteriosam venosam, lymphaticis vasis obitam & membranam cellulosam intertextam; horum vaginæ vel nervi ipsi inflammantur, hinc dolor summus oritur; in inflammatione nervorum fiunt paralytis & insensibilitas, interim cerebrum potest esse bonum, ut elapsa æstate in ipsa febre grassante plerique homines incidebant in atoniam, certè quod hic tale quid factum erat, sed nervi in ipsâ substantiâ obstrui & inflammari etiam possunt, quatenus liquidi sui, quod est spiritus, transfluxus impeditur.

Membranae. *Nuckius* in hominis, qui calculo in urethere hærente mortuus erat, urethere maxima vasa detexit, idem patet in homine Ophthalmiâ laborante, ubi oculus antea colore margaritæ rubet.

Musculi. Ut in Rheumatismo hæc inflammatio contingit, & hinc si tum pars moveatur, sum-

suminus oritur dolor, quia muscoli ipsi motum facere debent, simul inde talis dolor in Pleuritide in respiratione observatur, ubi inflammatio non est in Pleura sed in musculis intercostalibus; forte in Rheumatismo levis est inflammatio ad nervos, si nervi sint stupidi, concipitur membranam nervi inflammatam comprimere ejus medullam; ergo inflammatio potest fieri in nervis & tenuissimis partibus, ut in Podagra. Huic malo huic subjiciuntur omnes membranæ, quæ licet tenuissimæ, tamen *docente Ruyschio* sunt arteriosæ. Musculi etiam constant fibris membranis arteriosis, venosis, lymphaticis, cellulosis.

Glandulæ. Nam omnes glandulæ habent arterias, & hinc nulla est glandula, quæ non inflammari potest.

Ossa. In ossibus fieri posse inflammationem plurimi Auctores denegant, verum detexit *Glopton Hawers*, & *Ruyschius* confirmavit per suas injectiones periosteum esse basin vasorum transeuntium per ossa, ergo si inflammatio in vase, etiam exit in ossa; fateor nec febris nec dolor, nec calor tantus ibi, sed hoc est ob nervos paucos, ossi duritiem & insensibilitatem, tum adest in osse ut in periosteio, in medulla verò est pessima inflammatio; hæc plerumque facit cariem in osse, rarò enim in suppurationem abit, si verò in medulla inflammatio accadat, tum fit spinâ ventosa, in Scorbuticis, Rachiticis, & Lue Venereâ laborantibus lamellæ ossæ ab osse secedunt, & tum ibi vasa recrescunt.

Cartilagines quoque inflammari possunt, quia vasis pervaduntur, ut *Ruyschius* notat, verum hic non intelliguntur cartilagines tenues,

supra quos fit motus, sed cavum articuli & tuber, nam ibi nulla injectio adhuc vasa detexit, sed nemo tamen dubitabit adesse vasa, verum hic maximè intelliguntur cartilaginee libere hærentes & non articulationi inservientes, hi inflammari possunt, si verò in prioribus casu tam facilè fieret, tum ibi semper ferè adesset, nam hic semper attritus & motus fit harum partium supra invicem, forsàn tamen in Podagrâ talis est inflammatio; hinc per validum cursum & motum languor in juncturis sentitur, dein quasi tenacitas resistentis, dolores & calores, hocque modo fit sæpe ingens inflammatio, ergo si jumenta nimis urgeantur, hæc vel suppurantur vel ariditatem concipiunt.

Tendines. Ut vidi in præparatis *Russicis*, ibique vidi ligamenta, tendinesque omnium generum, quæ transversim descissa erant, tumque nullum punctum apparebat, donec rubedo appareret à colore materie injectæ per vasa, ut inter alia quoque egregie vidi in ligamento ossis femoris cum osse coccygis, hæc verò inflammationes summopere dolent.

Viscera. Uti optimè notavit *Hippocrates*, Quid enim est Pleuritis? quam inflammatio talis pleuræ? Quid Phrenitis quam cerebri? Quid Paraphrenitis, quam Diaphragmatis? Quid Nephritis quam inflammatio Renum? Quid Rheumatismus quam inflammatio ad juncturas membrorum & tendines musculorum? sicut nullus morbus inflammatorius internus diversus sit ab inflammatione externâ, nisi quod nobilitas viscerum major vel minor citius vel tardius mortem acceleret.

Adipe. Puto fere semper inflammationem hære in pinguedine; omnis enim inflammatio

Nō transit in suppurationem vel gangrænam, sed suppuratio nunquam fere inventa est in pinguedine adiposa, ergo clarè concludo omnem inflammationem & suppurationem in eâ hærere, quæ pinguedo tam ad tendines, quam cartilagineas & inter musculos, imo fere ubique observatur, nam ne minima fibrilla caret vaginâ adiposâ. Vidi Mulierem è cujus corpore detracta fuerunt magna pinguedinis corruptæ frustra ex panniculo adiposo, illæsis tamen musculis subiectis. In Adipe varia pessima inflammationum genera observarunt Auctores, Phlegmonem, Ædemata, Furunculos, abscessus &c. hoc in praxi annotetur, ne putemus statim musculos esse inflammatos, qui non ita facilè inflammantur; hinc pinguis animalia statim incidunt in Pleuritides, imprimis hæc, quæ multum pinguedinis ad costas habent.

§ 375. Hic verò fons omnium morborum acutorum describitur, ergo hic cautè est procedendum, vidimus enim quod ad inflammationem requiratur obstructio, nam nulla fit inflammatio primò, nisi sit impedimentum fluxus humorum & secundò nulla fit quoque nisi sit vita superstes id est motus, & si hic designatum inflammatio cessat, sed impletio seu materia obstruens quidem manet, hinc ergo duo requiruntur ad inflammationem, 1. obstructio, 2. attritus seu magnus conatus in locum obstructum, causæ ergo hanc inflammationem facientes sunt omnes, quæ causant obstructionem. de quibus suo loco locutus sum, 3. sunt omnes, quæ validissimum impetum in locum obstructum producant; de priore egi in *capite de Obstructione*, ibique omnes causas obstructionis

tionis recensui, sed quia est res tanti moment-
quædam hic repetam.

Stagnatio est impeditus fluxus in arteriis minimis; hæc dicitur obstructio. Hæ sunt causæ obstructionis (nam ponas corpus sanissimum) pone simul in pulmone fluxum esse impeditum per vasa minima, inde fit inflammatio accedente motu.

Premendo. Postquam geometræ demonstra-
runt canalem esse amplissimum, si in circulari
sectione explicetur; & maximam capacitatem
& diametrum habere; si verò illa figura sphæ-
rica fiat ovalis, tum minus spatium continet,
& quò magis lineæ ad se invicem accedunt &
rectiores fiunt, eò fit capacitas minor, hinc
in omni luxatione, distractione, ligatura com-
pressionem semper canalus fit minor, nam cir-
cularem figuram perdit, & si hoc modo cum
hoc canali globulus ruber admitti nequeat, tum
est inflammatio primi generis; quidquid ergo
premit, id solâ pressione inflammationem fa-
cere potest, ut illis ægris, diu decumbentibus,
accidit, cui sola ossis coccygis pressio facit in-
flammationem & gangrænam in eâ parte.

Distrahendo. Nam si canalus distrahetur fle-
xilis, in longum tum complicatur, & puncta
fixa ad invicem accedunt.

Intorquendo. Ut si canalus circa axin in spi-
ram vertatur, sicut in luxatione & fracturâ fit,
nam intorsio detrahet de figura canalus circuli;
canalus si sit rectus, nil continebit, & planè
claudetur, unde oritur stagnatio vel inflamma-
tio, hinc cum carnifices intorquent mem-
bra, fit major inflammatio, quam ab exten-
sione.

Rumpendo. Ruptura vasi contractionem per-
mittit,

mittit, quod antea non contrahebatur, sed coërcebatur à puncto fixo, hinc tertio, quarto, quintove die inflammatio vulneribus supervenit.

Contundendo. Quatenus vasorum fit ruptura, & quatenus vasa premuntur, ruptura enim in vulnere obtinetur, sed pressio facit, ut pars crassior prematur in ora lateralium canalium dilatata, hocque modo fit duplex inflammatio.

Urendo. Ab ingenti igne arteriarum fines clauduntur, hinc inflaminantur.

Erodendo. Medicamenta erodentia sunt ageries particularum acutarum quæ contundunt. Erosio fit à menstruo acri, quod omnia solvit, hinc agit ut prius seu effectus est idem, sic etiam causa eadem, nam erosio quoque ab igne fit, & non scio plures causas obstructionis; si tum altera causa accedat, tum fit inflammatio.

Crispando. Si chordæ musicæ secentur, tum abeunt in circinnos, nec rectè resiliunt, idem quoque faciunt partes nervosæ, vel tendinosæ; hinc incurvantur vasa, simulac crescit materia transfluens supra magnitudinem vasis traducentis.

Calor. Dilatando & rarefaciendo facit inflammationem, quia vasa magna & minima comprimit, sic etiam motus facit, ut arteriæ impleantur, & venæ depleantur, sic etiam arteriæ in vasis majoribus implentur, & minora vasa comprimuntur, hinc magnis arteriis minimis distentis canales, ex quibus membrana fit, comprimuntur.

Ligaturæ. Forti homini ligatura applicari non potest, quin inflammatio oriatur, licet hic

hic venæ nudæ & arteriæ plus sint reconditæ; tamen hic comprimere non possumus, quia fiat inflammatio.

Pondera. Medici ægro. cui gangræna est in cubitu pessima mala prædicunt, quia est juxta illos malæ sanitatis morbi indicium; hinc æger crure fracto quiescere debet, licet aliter perfectissimè sit sanus, tamen hac quiete inflammationem & inde natam gangrænam ad calcaneum accipit, ergo calcaneus sic est ponendus, ut pressio sit æqualis, sed cur inflammatio, si pars aliquantulum moveatur, tollitur? Quia tum iterum influit liquor, si verò per septem horas homo sentiat molestiam, & ob metum os fractum iterum è loco fore cessurum, non movet partem, tum his magnis doloribus per septem horis toleratis non magis dolent, hoc quoque potissimum in delirantibus, lethargicis, & qui ossa fregerunt, observatur, nam tum non sentiunt aliquando molestiam, sed immoti jacent; hinc tum illæ gangrænæ, quæ non fiunt à malâ morbi causâ, sed à solo pondere incumbente & compressione vasorum.

Acrida. Possunt esse vel sal, vel oleum, vel spirituosa, vel aromatica, & hæc omnia inflammationem in corpore sanissimo faciunt, sic pulvis adamantinus crassus facit intolerabilem inflammationem, si cuti inspergatur, si hauriatur, facit Dyfenteriam, quatenus hæ partes omnia descindunt, hic pulvis inter venena veterum recensebatur, sic omnia acrida possunt facere inflammationes, sic si quis inani ventriculo vitrum edat, ille ventriculum inflammatum accipiat, quia motus peristalticus impingit in vitri frusta.

Applicata. V: g. agunt ut ignis, vel ut infra-

Instrumenta mechanica, sunt verò nonnulli homines, qui acria pingua ferre non possunt; quin partes inflammentur, ut sæpe in vulneribus observamus, verum hoc non in omnibus obtinet, sed hi certâ teneritudine à nativitate sunt affecti, id verò hoc modo fit, quia oleum impedit perspirationem & sic vas in vas perspirans & se evacuans obstruitur, hocque porro fit usque ad maximum, donec inflammatio fiat rubra, sic si ab obstructione adsit immobilitas, tum hæc curatur oleo cornu cervi, sed vidi ægros inde topicâ gangrænâ esse affectos, sic etiam videmus homines à concessu lardi vel hepatis piscium febre laborare, hinc tum non accuso acrimoniam, sed hic forsân fabrica est eadem in visceribus hominis ac in partibus exterioribus, in nonnullis enim hominibus si emplastra apponentur, tum fit corpus Erysipelaceum ab his oleosis & salinis.

Frigus. Cartesiani dixerunt frigus constare in partium quiete juxta se, sed serior observatio docuit frigus esse ens reale, & summo in frigore in aëre nasci spicula quasi salina vel clavi, quæ infixæ partes conclavant. Frigus dicitur lethale ab inflammatione, quam facit (græcè τὸ πῦρ) & idem efficit ac inflammatio, nam Pestis partem sideratam facit plumbeam, nigram, insensibilem, frigidam, sic etiam frigus, hinc *Virgilius* canit.

Ne ——— rapideve potentia solis

Acrior, aut Boreæ penetrabile frigus adurat:

Id verò frigus facit, quatenus vasa summo opere contrahit & arctat, hinc etiam dicitur gelavit, glacies urit; ergo optimè dixerunt veteres.

nam

nam actio summa frigoris & caloris producant eundem effectum.

Friccio major derivat sanguinem in vasa aliena; reliquæ causæ jam dictæ sunt. Hic habetis ferè Bibliothecam observationum, & ex uno vel pluribus harum causarum inflammationes oriuntur, qui ad has causas attendit, facile observat, nescienti verò est difficilis v: g. in ægris valde decumbentibus fit vasorum arctatio, hinc in iis partibus hic attritus minimus, unde partes destruuntur, quod ita facile fit, quia ægri decumbentes sunt plerumque macilentissimi. *Vide Caput de Obstructione.*

§ 376. *Meatus* imprimis minimos, nam totum corpus omni puncto est vasculosum, & omni puncto transpirat, ut *Sanctorius* demonstravit, si ergo hi canales seu horum fines obstruantur, tum fit inflammatio.

Acria verò id faciunt & oleosa, quæ aculeos acutos habent, qui vascula obstipant, hocque modo ingens fieri potest inflammatio, sed unde hoc? quia in corpore meatus interni & humores maximè moti sunt, qui meatus acris obstipari possunt, imprimis si sal iis humoribus sit mistum; quod tanto pejus est, oleosa obthurant, ab oleo cornu cervi stillatitii rectificati ad partem paralyticam applicato cum super imposito linteo cerato; ne oleum exhalaret, intra paucas horas totus panniculus adiposus gangrænosus factus fuit, oleum enim abierat in meatus exhalantium, idem fit; si internè applicentur; ex g. homo ab assumpto sale volatili oleoso caryophyllarum vel simili largiori dosi laboravit febris, quæ durat brevius vel longius; prout assumptum magis saponaceum vel minus sit; si butyrum nimium assa-

tum sumatur, tum manifestam producit inflammationem, & si quis unciam dimidiam assumet, ille inde in Diarrhæam, Dysenteriam, vomitum, sitimque incidit, nam oleum rancidum factum ex juglandibus veteribus pro pessimo veneno habitum, idem facit lardum rancidum, caro, pinguedo, heparque rancidum; Chirurghi quidem dicunt sua olea subrancida evasisse nobiliora, sic etiam de unguentis, sed hæc augent inflammationem, ut hoc præca-
 veatur acidum debet misceri, hinc patet distinctio inter balsama & unguenta, nam unguenta & olea cocta nullam aciditatem habent, quia ex iis expulsa est, hinc tanto facilius rancescunt, verum balsami spiritum acidum habent; sic oleum sanguinis humani & urinæ si partibus applicentur, faciunt inflammationem, & gangrænam inducere possunt, ergo videtis quam malè *Helmontius Pater de ortu medicinæ* ad paralyfin membrorum laudat oleum ex sanguine humano, oleum ex cornu cervi, Emplastras de Opopanace, gummi galbano quæ omnia gangrænam & suppurationem faciunt.

§ 377. *Cœat. Vide Caput de Obstructione*, cruor enim nimis compactus in suis globulis accipit figuram planam & perdit sphaericam.

Sudor est liquor sero sanguinis tenuior, sicque inde liquidius à sanguine separatur, cum tamen inde non lique scat liquidum rubrum serosumque, hinc sudores nimis protracti sanguinem inspissant, sudores quidem attenuant, sed sudor excretus id non facit, nam liquidissimum è corpore expellit.

Salivas. Ut in Lue Venereâ curanda seu in melancholica fit, illi semper expuunt salivam, unde in eorum corpore oriuntur inflammationes.

Diarr.

Diarrhæas, si quis hoc morbo laborans vigeñes vel ultra de die aquam deponat fere meram, unde ejus sanguinis pars tenuissima è corpore subducta crassissima manet, quæ postea multas obstructions procreans inflammationem facit, putat medicus in initio esse Diarrhæam frigidam, & se abstinendo à potu sublatum, sed accidit postea febris acuta, tum dat diluentia, & miratur juvare, cum tantum aquæ ex corpore ægri abierit, *Vide de hac re Sydenham.*

Ichores. Dum hoc quondam legi in Hippocrate putabam esse erroneum, sed mirum est, hunc virum hæc demum observasse, unde pessimè in morbis inflammatoriis data sunt & adhuc dantur sudorifera illa calida, quibus tum dissipantur humida & relinquuntur crassiora; certè unum feliciter cessum dedit occasionem tot errorum & malorum; matrona quædam sanissima & negotiis suis domesticis admodum incumbens movit corpus solito plus, unde nocte demiserat urinæ copiam incredibilem; accessus deprehendi maximam debilitatem, & tamen febrem fortissimam, causam verò assequi non poteram, donec forte fortuna quidam ex adstantibus dixerunt eam tot matulis urinæ emisisse cogitavi facile corpus exhaustum esse liquidis, crassiora enim ad motum ineptiora nunc undique hære, inflammationem fieri, & prædixi ægram toto corpore suppuratum iri, quod etiam factum est; misera enim hæc à collo ad plantas pedum usque panniculum adiposum habebat suppuratum, antequam moriebatur.

Coagulantia. Ut sæpe contingit in animi perturbationibus & peste, ubi forte aliquid ex
aëre

aere haustum est, quod sanguinem in una parte coagulavit, in altera autem solutissimum reddidit, ut sudore exeat, sed fateor hic Medicina adhuc deficit.

§. 378. *Lymphaticis*. Hic quaestio est, quomodo in valis arteriis lymphaticis fiat inflammatio rubra, sed cur non in serosis dico? Sed quidem potuissim, sed omnia sub uno vocabulo complectere volui.

1. *Vide paragrahum de errore loci in Obstructione*. Docuit *Lewenhoeckius*, quod in corpore toto nulla pars crassior sit quam illa rubra, sic enim canales primi generis transmittunt rubrum sanguinem, & hi omnes in venam terminantur, excepto in splene & pene, illi verò canales rubrum globulum admittere non potentes oriuntur ex ultimis canalibus primi generis, suntque rami laterales, & omne quod rubro uno gradu tenuius est, id in his canalibus derivatur, & hi sunt canales secundi generis; qui sunt maximi inter minima vasa, ut vas rubrum minimum est maximum inter minima, hocque vas mittit omnia liquida, sic etiam vasa serosa exceptis globulis rubris omnia mittunt, sed illa vasa ideo serosa dicuntur, quia illud os est angustius, quam os rubri basis, si verò hujus oris fiat amplificatio, tum in eo rubrum derivatur, sed illa arteria tamen manet arteria, fitque angustior; ramosque iterum dat, hinc illud rubrum in orificium hujus canalis adactum non pervenire potest ad ultimas, hinc ibi hærens manet, nec pergere potest, hinc obstructio & omne rubrum deinceps quoque ad locum obstructum usque derivatur, & hæc dicitur inflammatio primi generis, & quidem error loci, sicque porro, nam ex uno vase

vasè arterioso rubro omnia vasorum genera per series decrecentes derivantur, si ergo causa hæc vasa distendens crescit manente eadem vi contrahente, tum fit inflammatio & contra; hinc proportio inter vim distendentem & contrahentem ad sanitatem requiritur, si verò motus & proin causa extendens major, tum arteriæ nimis implentur, & sic motus summus lethalem inflammationem facere potest, si verò motus sit nimis lentus, tum sanguis in venis accumulatur, fit Hydrops & morbus Chronicus. Clarissimum est, si cutis sit pallida, tum sanguis non pervenit ad cutim, si fricetur cutis, tum oritur rubedo, quia hac actione in vasa dilatata ruber sanguis adigitur, si pugnum oculo infligatur, tum oritur oculi rubedo, quia pugni pressione sanguis ruber transfit in vasa lymphatica; ergo hoc malum non hæret in malâ diathesi sanguinis, sed in diametris vasorum id est in laxitate vasorum, quæ aliena admittunt liquida, & hæc inflammatio est frequentissima. Hydropicis oboriuntur inflammationes sanguineæ, tunc ferè desperant Medici, nec sciunt, quid agendum, sed causa patet, nempe ob vasorum laxitatem, ut sanguis ruber se insinuari possit in vasa serosa, hinc frequens est Hydropicis similive morbo vel malo vexatis tandem oculos aliasve partes inflammari, si manus pallida in aquâ calidâ retineatur, idem accidit ob eandem causam.

Motus. Causa enim cur sanguis non eat in lateralia vasa, primò est lenis motus, quo sanguis in lateralia vasa non pellitur, secundò vis contractilis, quæ superat vim prioris id est vim liquidi moti, sic si corpus sanum sit, & modo vasa fiant laxiora vel motus major, tum
fit

fit inflammatio, nam cogites in sano corpore arterias laterales fieri duplo laxiores, tum esset idem ac si humor duplo fortius rueret in vasa, ergo tum hæc vasa sic sponte laxantur, ut admittant rubram sanguinis partem, & quoque sanguis ipse fit rarior; sic enim *Boyleo* visum est sanguinem illico è vase emissum & adhuc calentem minus spatii occupare, quam sanguinem eundem jam frigefactum, cujus ratio jam nesciebat, cum aliter omnia corpora à calore rarefiunt, & à frigore contrahuntur, sed ratio patet, quia sanguis vinculo coërcente liberatur, si ergo talis raritas à canali laxato sanguini accadat, tum per fines vasorum transire non potest, hinc impulsus facit inflammationem, sic etiam si canalis in initio laxatus & sanguinem naturaliter non admittens illum admittat, tum quoque fit inflammatio, si ergo idem fit à causâ contrariâ nempe à motu aucto & imminuto, unde *Hippocrates* notat maculas purpureas in morbis Chronicis esse pessimi prælagii, quod à multis non intelligitur, sed hoc fit ab inflammatione & laxitate. In sanitate omnia vasa in nostro corpore habent proportionalem vim contractilem & conantem hanc vim contractilem superare; hinc duplex causa, motus proportionalis est primò pressio conantis liquidi, & secundò vasorum contractio æqualis, sicque si sanitas sit perfecta, tum talis proportio inter pressionem & resistantiam æqualis observatur, si verò major sit impetus, tum fit inflammatio, sic homini sano fortiter currendo vel alio modo sibi intra horam inflammatio ad mortem usque conciliari potest; sic vidi equi cursu summopere agitati pinnas narium rubescere, oculosque sanguine quasi suffusos

suffusos & instar flammæ apparentes, hic ergo sanguis agit in lateralia vasa, hocque à solâ auctâ circulatione vide *Caput de Morbis Spontaneis*, hinc ergo uti dixi tot esse inflammationes, quot est decreſcentium vasorum numerus, si dupliciter numerentur, constat exceptâ unâ.

Arteriosi. Contractio vasorum semper est proportionalis causæ dilatantis, sic nunc vas dilatatur adeo, ut nunc liquidum peregrinam admittat, quod nil aliter efficere potest, quam inflammatio.

§. 379. Hic nil dicitur, nisi quod concedunt omnes, cum ex ovo demonstrat *Malpighius* albumen dividi in tot genera diversa partium, sunt enim veliculæ concentranæ omnes in albumine, unde omnis nutritio venit. Antequam hunc libellum conscriberem, nullibi de his actum scio, ut in minoribus lymphaticis & eorum ramulis oriatur inflammatio, quæ est alba. *Hippocrates* dixit Podagram profunda sanguinis depurare senilis & hanc dedit definitionem, putabatque tale naturæ propositum, nam morbum habebat pro instrumento aliquid boni præstante, si verò per profunda sanguinis minimas hujus partes intellexit, tum erit inflammatio spirituum.

§. 580. *Phlegmone combustio vocatur rubræ partis inflammatio* sive ut dicit *Galenus* tumor inflammatorius præternaturalis, calens, rubens, splendens, dolens cum dolore punctorio & partem extendens cum febre continuâ; vel est in natura sanguinis rubri stagnatio in vasis capillaribus, dum urgetur à sanguine cordis propellente. Ergo duplex est hujus inflammatio, vel enim hæret in vasis sanguiferis, vel in dilatatis vasis serosis, illa inflammatio rarò contingit,

tingit, nam sanguis ruber vix crassior & compactior fieri potest, quam est, hæc verò inflammatio est frequens scilicet ex errore loci. Illa inflammatio hæret semper in pinguedine adiposa, nam aliter nunquam vidi, hæc verò membrana ubique ferè ponitur tam inter musculos & supra quam infra cutim, dat quoque membranam ultimis fibris tendinibus musculosis, nam tendinis vagina est productio hujus membranæ pinguedinosæ. Idem confirmat Hydrops Anasarca, ubi pedes quasi in aquâ sepeliuntur, quæ omnis aqua in hac membranâ hæret, dein etiam in Emphysemate clarum est, ubi aëre repletur, hinc ratio patet, cur Phlegmone non adeo in visceribus obtineat? quia modo in hoc membranâ fit, & cur macilenti non adeo Phlegmone obnoxii sunt? quia hæc membrana in his est adeo parva.

Erysipelas id est extensio superficialis seu annuum extensum, hinc *Erysipelas* dicitur *inflammatio superficialis non in tumorem assurgens, latè se extendens, splendens cum calore, dolore, colore flavescente potius quam coccineo*; hinc videtur oriri ex inflammatione secundi & tertii generis imprimis si in vasis subcutaneis accidit, seu in vasis serosis, non verò in membranâ adiposâ, & potest æquè fieri à sero, quam à sanguine, ergo *Erysipelas* cerebri ut & cutis imprimis accidit, cujus ratio ex dictis patet. Hic duplex species est *Erysipelatis* vel *Phlegmonodis* vel *Cholodis*, vidistisne enim, quod sanguis humanus sit ruber pro ut primò per Microscopium in vitro conspicitur, sed tandem fit flavus, sic in vivis animalibus v: g. piscibus imprimis anguillis per Microscopia patet, ubi sanguis ruber it per majora vasa usque ad mini-

ma sanguinea, & tum tandem in minora & minora.. Sed quare hæc inflammatio est tam periculosa? Quia tam facilè partes teneras occupat easque destruit, cæterum idem facit, quam inflammatio in membrana adiposa, differt verò ab ea in eo, quod in longè minoribus vasis obtineat; secundò, quod obtineat in vasis minus extensilibus supra panniculum adiposum hærentibus, color verò flavus fit, quia *docente Lowenhoeckio*, si unus globus admittatur, tum flavedo gignitur, si quinque vel sex globuli in diametro canalıs, tum rubedo, si plures ferè nigredo, hæc ergo ideo pejor est quam Phlegmone, quia obtinet in vasis & membranis tensis ut v: g. est Pia Mater dicitur belgicè *de Roos*, *Rosa Rubra*.

Ædematis. Ab *οἰδῶν* *tumeo* *tumore* *mollis*; hinc *οἰδῆμα* *tumor* *mollis*, sic apud Veteres Græcos Ædipo fuit funis trajectus per pedes, ut moreretur, hinc Græci eum tumorem Ædipum vocarunt id est *tumorem circa pedes*. Est verò duplex Ædema primò frigidum vel secundò Ædema Erysipelatodes seu Phlegmonodes, quæ distinctio maximè est annotanda, nam inde multum commodi redundat, hinc hodie non ita annotatur, sed olim maximè. Sic Paracelsus in sua Chirurgiâ majori dicit Veteres Medici seu Chirurgi hunc morbum tam accuratè observarunt, ut nil addere potuerim, & quæ alii scholastici experimenta non callentes addiderunt, ego me à discrimine abstinebo. Prima species est Ædema Erysipelatodes quod est tumor mollis, subalbus, subflavescent, sat magnus, valdè calens, ille morbus recentioribus dicitur belgicè *de Belroos*, latinè *Rosa Bullata* vel *Erysipelas bullatum*, sic facies sæpe tota

tota tumore albo magno & sæpe calido infestatur, Rosa quæ dicitur ignis Sacer, vel quod Erysipelas apud Veteres non est æquè periculosum, quam tale Ædema, nam Veteres dixerunt hunc morbum esse pestiferum, & malum omen, putabant verò Erysipelas & ignem sacrum non esse adeo graves. In Ædemate verò non tantum sunt considerandæ arteriæ sanguinem vehentes, nec tantum arteriæ serum flavum, nec serum pellucidum neque illæ arteriæ vehentes lympham ad ignem concrentem, sed omnium fere generum, nervis forsitan exceptis, nam si arteria primi generis in ramum lateralem impellat sanguinem rubrum, tum quædam feri copia pellitur ad lymphaticam, & sic porro; hinc inflammatio oritur in vasis secundi, tertii, & quarti generis; hinc tum tumor mollis, pallidus, flavescent adest, & aliquando ruber, tum locus affectus dolet, quia vasa à rupturâ distenduntur, calet ab attritu sanguinis vel lymphæ, hoc verò est Erysipelas Ædematodes, & aliter dicitur Ædema Phlegmonodes; si albus, tum ægri dolent quasi infinitis aciculis pungerentur à vasis minimis tensis, hique de vitâ periclitantur, sed quomodo hoc considerandum sit? dixi arteriarum series decrescentes tot esse, quot sunt series decrescentes liquidorum, hinc si arteria sit obstructa, tum suum liquorem accipere non potest, unde in canali laterali magna copia lymphæ tenuioris derivatur & crassissimum accumulatur, & inde fit tumor, ruborque immaniter dolens. Secunda species Ædematis est frigida, estque tumor mollis, æquabilis, albus, frigidus, aquosus, digito cedens & impressionis tenax, pallidus, hærens in abolitâ mole corporis,

ubi nullus humorum motus per vasa, unde tumore, mole, pondere vasa distenduntur, minora verò vasa comprimuntur, & sic hoc Ædema vulgare vel Hydrops à præcedenti tantum differt, quam Varix ab Aneurismate.

Scirrhus est tumor durus, non dolens, glandulosus, inæqualis & scaber. Ergo si vasa lateralia & folliculi infarcti humore incrassato, diffuso liquido & motus magnus non adsit, erit scirrhus.

§. 381. Quoties materies crassior & vas angustius, quam ut liquidum transmittat, tum nondum est inflammatio, sed tantum causa præcogumena inflammationis, nam obstructio non facit inflammationem: verum quiete manebit, sed accedit causa procatarctica, quæ est vis vitæ, hac causâ ablata morbus pro tempore nullus est, ergo vis vitæ facit calorem, semper autem tum febris accedit, & quò materies ineptior ad transmittendum, eò peior & citior inflammatio, eòque citius ibit in Necrosin id est gangrænam. Hic verò causa efficiens inflammationum omnium tolli potest nempe Venæ Sectione, sed materialis vix tolli potest nisi ope *πεπασμ* id est *coctionis*. Multi Auctores erraverunt putantes omnes obstructions esse inflammationes, sed falluntur quam maximè, tum enim omnes morbi Chronici essent inflammatorii, sed modo est causa materialis non efficiens, sed vita est causa efficiens, id *Helmontius* licet perverso vocabulo bene expressit, qui dicebat, si furorem Archæi vel vitæ coërcuisti, tum morbum quoque subtulisti, & tum non potest fieri suppuratio nec gangræna, & benè dixit, licet circulationem sanguinem ignoraverit.

§. 382. 1. *Arteriæ minutæ*. Ita ut per microscopium sexti generis videri non possunt, sic ut opus sit microscopiis minimis, antequam has arterias videamus, ita ut lentes vix majores quam granum sabuli sint, nam Microscopium primi generis convexitatem corneæ habet, sic decreſcunt, hæc, si globulum rubrum non recipiant, tum non apparent per hæc Microscopia, sed tum fit valis dilatatio; quia ictus augentur & quia plus materiei capiunt, tum videri possunt, nam tum præterea hæc arteria novum globulum à vi cordis accipit, ergo dilatari debet, unde impetus manens urgetur, unde magis ac magis ictus fiunt, & plus materiei, qua vasa distenduntur, ita ut arteriæ, quæ antea unum globulum accipiebant, jam verò quatuor, quinque, sex, octo vel novem vel plures recipiant, ergo oritur tumor, qui à sanguine vasa distendente dependet; & rubor, quia ruber sanguis in ea vasa plus intrat & adigitur.

2. *Vasa lymphatica*. Nam vas serosum primi generis non capiebat globulum rubrum, si tum ille globus ex his serosis pergat in serosa minora, hæc vasa tunc fiunt majora & capiunt globulos rubros, hinc causa tumoris rubri est duplex, primò quia arteriæ rubræ ampliantur, & secundò, quia in serosis rubrum defertur, quia serosa ampliata sunt, putant verò Clarissimi Viri hic fieri mutationem, cum non videant plus sanguinis ibi adeste posse, ut v: g. in phlegmone totum brachium tanta plus tumeat ac ante, nam tamen non plus sanguinis in corpore habetur; sed si pressio esset æqualis, tum nullus tumor adestet, sic pars, per quam æqualiter sanguis fertur, non apparet tumens,

sed ubi sistitur, inflammationem facit, alii verò putant, quod quantum lucretur in una parte, tantum etiam perdatur in alia parte, sed si hoc verum esset, tum animadverti non posset. Vas arteriæ primi generis non potest esse obstructum, quin inflammetur vas secundi generis id est quin ramus lateralis distendatur, fiatque majus & sic tertii generis atque porro, tum sanguis ruber introibit & orietur inflammatio omnis generis.

Augmentum Rubedinis. Vasa verò tertii generis flavescent, & non ita tument, ac in vasis secundi generis esset, nam quò inflammatio in minoribus vasis obtinet, eò tumor minor, sed inde non minus periculi.

3. Ultima vascula rubra id est maxima inter minima, si decem sibi invicem apponantur, nullo modo accedunt ad crassitiem capilli, & lymphatica vasa quidem centies & plus minora sunt, adeoque valdè parva, nec in corpore videri possunt; hinc ille apex nequidem $\frac{1}{16}$ aciculæ apicis partem admittit, si verò impellat in tale punctum impetus liquoris, & liquor nimis crassus adigatur, tum hoc idem facit ac si tot aciculis premeretur, sicque ægri sentiunt, quasi infinitis aciculis premerentur, hinc ille dolor punctorius terebratorius & dilatatorius ita dictus, quia causa acuta minima fibrillam minimam à continuitate solvit, jam si impellatur globulus, fit quasi aciculis pertunderentur ægri sic pleuritici clamant se sentire puncturam in latere (belgicè *een steek in de zyde*).

4. Omnia fluida sunt in arteriis pressa & compressa, sed in venis non premuntur, verum laxantur. Sanguis noster non est ut aqua sine elasticitate, sed est expansibilis compressibilis &

& aliquo modo elasticus; sanguis ægri febricitantis est floccosus & emissus extra corpus concrevit in massam coreaceam, in phtyisicis verò concrevit, quia in his motus est minimus, in illis verò maximus; docui clarissime, quod post motum duorum corporum nil subsequi possit, nisi ignis, tunc hic in vase obstructo est major motus vasis & liquidi contenti inter se, ergo major ignis copia, pone esse tria vasa, quæ habent in statu sano tres venas, quibus dant æqualiter suum sanguinem, sed fortè obstruuntur duo ex illis, tunc necessario ibi fieri debet attritus, nam ad motum cordis propellitur illud obstructum, & vas distendit, motu verò cordis cessante vas extensum nunc multo majorem facit renixum, quam in statu sano, ergo illud obstructum retropellitur, ad motum cordis denuo pellitur, quia attritus debet esse maximus (supponimus hoc vas quidem esse distentum, sed non adeo, ut sit factum paralyticum) tertium vas adhuc liberum quoque talem attritum suscipit, quia nunc huic eadem sanguinis copia est recipienda & transmittenda, quæ sanguinis copia à duobus obstructis retropellebatur. Id quod hæret, cedere nequit, & ultra sit ingens impetus, nec statim sanguis in venas pergit, & si multa obstructa sint vasa, hæreatque crassior sanguinis pars, plus agit & premit, quia nil cedit; hinc sanguis pressus densatur & compingitur.

5. Hiuc inter cor & locum obstructum fit tumor, sic si vesica ad $\frac{1}{2}$ aëris impleatur, flaccidum est corpus, sed ad tensionem usque, tum quasi lapidescit ab impetu, sic etiam si vesica vi aquæ impleatur, ita ut, si reverberetur, resonantiam det & splendeat, eodem modo fit

in nostro corpore; hinc patet, cur locus durescens tactu renitatur.

Splendor verò fit, si cutis maximè tendatur eodem modo, nisi à pinguedine fiat, hic verò à sanguine distendente, nam homines obesi semper habent cutim splendentem à supposita pinguedine, sed nigrescunt exhausti famelici, sic ergo causa tumoris facit, ut replendeat, & ut lucem reverberet.

6. Cogitate arterias esse elasticas & conicas, & in iis omni momento sanguis impelli, tumque in omnem motum & directionem sanguis solet mutari & atteri, indeque calor oritur, verum in venis nullus fit attritus, sed in arteriis, & si ibi obstaculum sit, tum corde quiescente novus fit attritus in arteriis, dum arteriæ se restituunt, & cum impulsus transire nequeat; hinc it & redit, sicque attritus duplex, hinc canalis clausus attritum auget plus quam canalis apertus & pervius, attritus verò quoque facit calorem, qui liquissima dissipat, & reliqua compingit, aucto verò attritu calor augetur, sic etiam hic, hinc æstus in loco obstructo observatur, ergo canales occlusi majorem tritum patiuntur, quam aperti, si verò ille calor esset duplo major quam in sanitate, tum ebulliret sanguis, hinc videtis, cur calor & æstus adeo obstruant, præterea quoque omnis arteria obstructa impedit fluxum in aliis arteriis, venasque comprimit, nam omnis arteria obstructa hujus vena fit non vas, cum enim arteria se in venam appositam evacuare solebat, hinc arteriâ obstructâ hæc vena nil accipit id est fit non vas, nam exhauritur & non impletur, hincque tum plus sanguinis ad locum obstructum defertur. Quo tempore cor pulsatur, san-

sanguine loca obstructa vibrat validè, & necessariò debilitat vasa supra obstructionem, & facilè it per lateralia arteriosa, hinc vas arctatur, remittitur, & ab hoc attritu fit major calor. Calor solum est collectio ignis, ignis notus solum fit per attritum, quò major attritus, eò major calor, attritus augetur per resistantiam & soliditatem; altera causa caloris est velocitas, quæ eò major est quò partes magis impingunt in latera; Tertio est, quod sanguis retrogrediatur, unde (*een scheuringe belgicè*) pars urens fit; hinc necessariò oritur calor major in loco inflammatorio, unde ignis & effectus ignis.

7. Mirum est, in sanitate nunquam sentire pulsationes, hoc verò fit, quia nec humores nec vasa sunt compressa, & ab infantibus hunc pulsum assueti sumus, quia omnes pulsus æqualiter pulsant, sed simulac paululum obstruuntur vasa, tum pulsatio sentitur, nam comprimate v: g. digitum, paulo post videbitur vobis totus digitus pulsari, hocque modo quando febre laborant ægri, tum sentiunt pulsum per omnes digitos, & manus, ergo fit pulsus sensibilis, quia fines ultimi arteriæ plus impetus sustinent, quam arteria libera; hinc *Hippocrates* dicit pulsus notat inflammationem, quia fines arteriæ plus impetus sustinent, hinc sentitur pulsus supra locum, infra eum verò non sentitur, ergo eadem circulatio manet, sed æquabilitas tantum sublata est.

8. Puto hoc problema clarissime solvi posse, cur ab inflammatione nata sine febre, febris succedat v: g. $\frac{1}{1000}$ arteriarum obstrui, tum & $\frac{1}{2000}$ venarum sanguinem non accipiet, sed tamen deplebuntur; verum cur hoc? Quia venæ deplentur in cadavere cessante arteriarum motu

non à vi contractili elastica, & quia arteriæ non resistunt repletioni, sicque primo momento omnis sanguis redit ad cor, sed dein $\frac{1}{1000}$ pars sanguinis plus in arteriis continebitur, momento post longe plus erit in corde; & vasa erunt pauciora, hinc sanguis qui fluit, incipit majori copiâ fluere, hinc arteriæ plus implebuntur, tumque omnis sanguis reliquus ibit versus cor, eritque circulatio aucta id est febris, hinc videmus non opus esse magna obstructione, ut inflammatio & febris fiant, nam si ponatis $\frac{1}{100000}$ arteriarum partem esse obstructam, tum intra horam fiunt 3000 pulsus cordis, & sic ex illa $\frac{1}{100000}$ intra horam habebitis in arteriis tanto majorem copiam liquorum, & si hoc per horas duret, tanto major copia colligetur, sic invenietis, quod $\frac{1}{100000}$ pars facile febrim producere possit, nam tum singulis pulsibus augetur, hinc obstructio erit tanto major, sic si spinam sentiamus in manu, tum post horulam accipimus febrim. Tres causæ sunt, cur semper adsit febris, 1. quia fibræ irritatæ nervosæ & dolentes trahuntur & mutantur, hinc major liquidus nervosi expressio, & ad villos musculosi cordis hujus appulsio; hinc febris, 2. major movendi moles, quam antea erat, si una tertia viarum sit obstructa, primo pulsu tantum duæ ex tribus erunt apertæ, si jam illæ venæ etiam manerent plenæ, proportionaliter moverentur liquida, sed id non fit, venæ motu musculorum & partium circumjacentium exinaniantur. Ergo pulsu circumlabitur moles movendorum, minuitur vasorum copia, hinc major velocitas & febris, 3. ab eorum attritu quando ab acrimonia pungente hic fit, unde major velocitas & febris.

Sitis.

Sitis, homini, animali cuicunque, à naturâ providâ nequaquam pro delectamento concessa est; verum pro fideli custode, ut conditionem humoris oris, ventriculi &c. homini patefaceret, & ipsi annuntiaret: nam nisi sitis adesset, quomodo quæso conditionem, indolem, qualitatem humorum sciremus; profectò vix, ut nunc vivimus, vivere possemus. Causa sitis est multiplex, nam ubi sitis, ibi non semper penuria liquidi, hoc est siccitas; patet contrariam in vetusta hydrope, & maximè in sine ascitidis: verumtamen causa sitis sæpe est siccitas, & potest esse acredo aliqua salsedinis, five alcalinæ, five biliosæ oleosæ vel muriaticæ; vel obstructio emissariorum oris, æsophagi ventriculi &c. ut in aphthis &c. hisce positis, si nunc quædam inflammatio existat, illam sitim producere debere patet, ex aucto motu, calore, & febre, nam hisce liquidissima ex humorum massâ exprimuntur & dissipantur, quæ tam facilè & subito regenerari & iterum readmisceri nequeunt; ergo humorum siccitas; hinc in inflammatione prima causa sitis: verum si liquidissima sanguinis, oleum, sales, terram diluentia, blanda avolaverint, quid superest, nisi falsa acredo in humoribus prædominans? five hæc sit falsa muriatica, five alcalina biliosa oleosa, utraque sitim facit, verum hæc vehementiorem illâ producit: ergo secunda sitis causa. Emissaria oris, ventriculi &c. vel aphthis vel alia quadam de causa obstructa sitim producant, quatenus illæ partes exsiccantur, vel quatenus novi liquidi readmissio impeditur: ergo tertia sitis causa; hinc patet quam sollicitè & citissimè succurrendum sit huic siti & quam malè illi medici egerint, qui suis æ-

gris,

gris, morbis acutis laborantibus bibere, diluentia prohibebant interdicebantque.

Calor per totum corpus, quia celerior est circulatio.

Vigiliae in inflammatione adsunt, quia circulatio augetur per totum corpus, adeoque & per cerebrum; tamen non tantā cum vi, ut cerebrum inde obruatur, sed ut inde plures spiritus secernantur, maximè in morbi initio: hinc plures spiritus quoque ad sensus externos determinantur. Quæ vigiliæ etiam à levi sæpe inflammatione meningum oriuntur, unde sæpe delirium: quæ inflammatio si increascit, sæpe & coma producit.

Debilitas hæc non in omnibus febribus adest, sed è contrario robur, in inflammatione fit, vel à nimia repletione humorum, vel à dissipatis liquidissimis subtilissimisque, hoc est nutrientibus.

Molestia, est illa inquietudo, ubi homo per duo momento in uno situ manere non potest, quin doleat & alterum quærat; quæ adest in inflammatione, quoniam æqualis pressio humorum sublata est, quæ in hominibus cum morte luctantibus, maximè sublata, intolerabilem sæpe inquietudinem producit.

§ 383. Hæc est prima species, hisce signis præsentibus inflammatio in primo gradu versatur, quod bene notandum; nam crassus est error, quod vulgariter huic morbo semper idem nomen imponitur, cum altero die longe alius sæpe sit, & aliam planè curam requirat: in quo casu Empyrici, non attendentes ad gradus inflammationis; suis generalibus & specificis medicamentis liberaliter peccant, nam gradus sunt attendendi, si morbus sit talis, ut
gradus

jam est descriptus, tum est in adscensu seu
 ἀναβασί. . .

§ 384. Si sanguis mittatur tempore inflammationis ex gr. in Phrenitide, Ileo, Rheumatismo &c. eductus ex venâ majori, in initio morbi inflammatorii, quando morbus non est adultus, hoc experimentum obtinet, & oritur hæc vis coagulandi eò fortior, quò major & diuturnior fuerit inflammatio, modo putrescentia humorum absit.

Pleno saltu. Non impingens in obstaculum nisi in pelvim qua excipitur, nam si juxta brachium decurrat, tum non patet, talis sanguis, si per microscopia spectetur, flocculentus apparet.

Latè non ex parvo vel scarificando, sed largo vulnere missus.

Exceptus ex tali phlegmonico corpore.

Albam. Vel flavescentem.

Duram. Sic ut sæpe ex pleuritico febre ardente vel Rheumatismo laborante eduxerim, ut cultello discindere non potuerim.

Rigidam. Ita ut supra orbiculum extendi possit, tam fortiter, ut instar tympani resonet.

§ 385. Hoc verò fit ab obstructione, nam cogita arteriam rubram minimam, hæc in venam se evacuat, & si tum cogites obstructionem esse in fine arteriæ, tum hæc arteria sanguinem eo derivari nequit, sed subtilissimum remanet, hinc obstructio nata augetur, & quò diutius hoc durat, eò major erit obstructio & inflammatio.

Ruber. Si enim à sanguine serum & lymphæ separentur, tum multo crassior evadit parte liquida orbatus, & licet partes separatæ iterum

jungantur & confundantur, tamen non fit idem sanguis, sic enim quoque chemia si ex sanguine spiritum, aquam, & sal eduxit, tum his omnibus iterum inter se mistis non redit idem sanguis, sed liquor à sanguine toto cælo diversus, hoc etiam in aliis corporibus obtinet, nam si omnia vini. Chemicè tractati producta reamisceantur sibi invicem, tum idem vinum non redit, sed hæc omnia in separatione permutantur, & sic de reliquis.

§ 386. Jam exitus inflammationis, quæ est Physica ejus mutatio explicare conabor. Hic conatus sum omnia ex veterum doctrinâ deducere quo ad resolutionem spectat. Hæc verò vox continuò in ore Chirurgorum versatur, semperque dicunt conabor resolvere, sed pluri-
mi nesciunt, quid sit resolvere; hinc videamus.

Resolutio ergo est talis mutatio naturalis vel artificiosa partis inflammatae, ubi partis inflammantis materia ducitur in circulationem & redditur meabilis per partem inflammatam sine ulteriori corruptione, & sine alio morbo inducendo. Naturalis dico nam natura modò resolvit, ars imitatur, quod aliquando etiam egregiè fit, & ibi materia non abit in pus, nec ichorem, sed materia manet sana, & vasa quoque non læduntur, sed manent, ut erant, nec pars scirrescit, nec in suppurationem abit, ergo resolutio facit, ut pars sine ulteriori corruptione ad statum naturalem redigetur, tum verò ut hoc fiat humor debet esse blandus, nam humores corporis humani sunt adeo lenes, ut nudum nervum nec oculum lædant exceptabile (nam urina non est humor corporis sed excrementum) si verò requiratur, ut ille hu-
mor

mor non lædat vasa, tum blandus esse debet, si verò acer sit, tum impingens in vascula tenuissima semper gangrænam facit, & credo, quod si acredo adsit, tum nunquam fieri resolutionem, sicque primò ad resolutionem requiritur, ut ille humor appellens ad locum obstructum sit blandus non acer, nec alcali, nec acidus; hinc patet, cur in peste non fiat resolutio, ergo resolutio fit, si humores arteriosi omnis generis per vim vitæ appellentes ad locum inflammatum non sint acres, seu sit acrimonia oleosa vel alcalina, vel scorbutica vel venerea nil refert qualiscunque sit acrimonia, sed si humores sint blandi, tum est spes resolutionis. Humor blandus est talis, cujus partes acumina vel spicula vasi adhærentia non habent.

Motus sedatus. Nam in motu sedato consistit sanitas, motus verò præternaturalis major est febris, hinc tum rumpuntur vasa à motu, partesque destruuntur, & non fit resolutio.

Obstructio parva. Intelligo talem, quæ humorum fluxum retardat, sed non plane impedit, nempe si v: g. canalis ante quatuor globulos sanguinis transmitteret, jam verò modò duas tum inflammatio adest, sed tamen transmittitur ibi sanguis vel in uno vase si talis sit, tum spes est vas transmittere posse vel materiam attenuari, vel utrumque, vel si partes obstruentes non sint crassæ, causa obstruens non velox non violenta, uti in initiis arteriarum lymphaticarum; magna obstructio dicitur, si corpus crassum & profundè infixum sit, & dein quoque indicatur, pro ut plura vasa obstructa sunt, tum fiet $\frac{1}{1000}$ pars major vis &

¹⁷⁵⁵ parte citius sanguis derivabitur versus cor, hinc tum febris à stimulo oritur, quia arteriæ obstructæ eorumque venæ nil transmittunt, unde numerus vasorum minuitur, & tamen non minuitur copia liquidi, inde cor plus irritatur, ut fiat major motus id est febris, ergo ubi obstructio parva, ibi species est resolutionis, sed ubi magna, ibi nunquam fiet resolutio.

In arteriis. Credo ad obstructionem resolvendam eò majorem spem esse quò majora vasa sunt obstructa & puto in arteriis primigenis facilem esse resolutionem, sed in minimis difficillimè, si enim vigesima series vasorum esset obstructa, tum resolutio non est expectanda, si verò obstructio in arteriis primi generis, tum vel per missionem sanguinis vel per Frictiones, vel per Fomenta aliquid sperari potest, & quò plus vasa in series minores eunt, eò difficilior resolvuntur obstructa, hæc est ratio, cur omnes obstructiones in vasis minimis sunt irresolubiles, nam omnia medicamenta modò agunt in primum vasorum genus nempe venæ sectio & alia, tumque arteria fit vena, & ramus lateralis accipit materiam obstruentem, & sic tum facile resolvi potest; sic *Sydenham* dicit se venæ sectione, purgantibus & abstinencia variolas sustulisse, ultimò verò non potuisse, sic ex litteris ex *Gallia* & quidem *urbe Massiliensi* ad me datis intellexi, quod illi, quibus nulla morbi signa paulo ante aderant, sed illico corripiebantur, hi desperati erant & certè moriebantur, si verò inflammatio *Ædematosa* in vasis serosis obtineret, tum casus erat dubius, si verò in vasis rubris accideret, tum omnes evasisse, & vix unus.

unus ex centum tum perditus fuit, his verò tum anthraces vel bubones erupuisse; in primo vaforum genere motus à corde est maximè variabilis, sed qui in inflammationes & obstructions desinebant, in ultimo vaforum genere non solvebantur, si verò Venæ sectio institueretur ad uncias tres, tum æger moriebatur, si ad uncias decem, tum eo citius, anteqam vena clausa esset, idem accidebat, si ægris his vomitoria vel purgantia darentur, & clysmata injicerentur, si verò hæc omnia in inflammatione rubra adhiberentur, tum non ægros occidebant, sed tamen hæc semper nocebant, hinc videtis, cur posuerim hoc esse debere in arteriis lymphaticis.

Canales mobiles, dicuntur, qui facile se dilatare patiuntur, si vis dilatans accedat, & hac vi desinente se iterum in pristinam figuram contrahunt; rigidus canalis verò dicitur, qui se non facile dilatat, nec dilatatus iterum contrahit; qui verò mobiles habent canales, hi enim facile suppurationem aut gangrænam patiuntur, ut *Hippocrates* quoque dicit, quod in Peripneumonia vel Pleuritide vel Febre ardente, & in omni morbo inflammatorio corpora, quæ admodum laxa sunt, ut otiosorum hominum, vel qui à naturâ valde laxa, quod hi in his morbis non multum discriminis patiantur, sic sæminæ & pueri valde laxi, si hi obstructions patiantur, tum per urinam crassam obstaculum deponunt, & sic materia fit iterum meabilis per vas dilatatum, hocque modo obstructio tollitur, quod tantummodo fit à facili canalium dilatabilitate; hinc *Hippocrates* dicit Pleuriticos valde exercitatos & proin rigidos non curari posse.

Di-

Diluens. Noster enim sanguis est illius naturæ, ut subductâ parte dilutiore tum quasi caleseat, & obstructions faciat, si verò hæc concretio illico fiat post missionem sanguinis quò citius eò pejus tum periculum est, si verò adhuc utcunque dilutus sit, tum spes est, si modò tum dentur diluentia, futuræ resolutionis, si verò huic ægro dare vellem calefacientia hydragoga, sudorifera, tum periculum esset, nam hæc omnia circulationem augent, quantum ex *Hippocrate* legendo & relegendo potui intelligere, ipse circulationem sanguinis ignoravit, sed tamen has resolutionis conditiones annotavit, & hæc conditiones à peste usque ad febrem lentam inflammatoriam requiruntur, ut morbus sine crisi solvatur, hoc est vera sanatio, si verò alio modo hoc fit, tum morbus modo tollitur inducendo alium morbum, ut si suppuratio accidat. Ponatis ergo casum vos vocari ad ægrum inflammatione laborantem, tum resolutionem tentare debes, hinc si quid deficiat de conditionibus ad resolutionem requisitis, tum hoc est supplendum, si v: g. humor non sat blandus, tum blandum reddere debes, dentur Emulsiones ex Tritico, Avena, seminibus papaverum, seminibus quatuor frigidorum, olea Amygdalarum dulcium, Decocta Malvæ, Althææ, Verbasci & Parietarix, si motus sit nimias, tum Venæ sectio convenit; hinc patet, cur hic Diluentia, Balnea, fomentaque adeo laudantur, quia nempe canales mobiles faciunt & vehiculo inserviunt; hinc si vocemur ad ægrum morbo inflammatorio laborantem & æger dicit se sudoribus defluxisse, vel Diarrhæa laborasse, tum non resolvitur, sed plerumque moritur, si verò nil horum

horum fit tum spes est. Hæ conditiones tales esse debent, ut fiat reductio materiæ sine læsione canalium & degeneratione humorum. *Paracelsus* & *Helmontius* cum viderent quosdam resolvendo curari morbos, putarunt omnes sic solvi posse; hinc quæriverunt fortissima solventia, sed frustra susceperunt opus, nam nisi hæ conditiones adsint, inflammatio non resolvitur, ad quod illi non attenderunt.

Reductio. Quando vis sanguinis adeo minuitur, ut non urgeat ex maxima arteria in minimas, tum omnia extrema vasa minima evacuantur motu retrogrado: ratio hujus rei est, quod si urgeatur ex vasis maximis in minima, tum vasa minima evacuantur, ut videmus in homine pusillanimo, qui nullum vulnus videri potest, quin incipiat angi, mox sudare lividum sudorem, accipit lividum circulum circa os, omnis color abit ex oculis, se sustinere non potest, pallet instar mortui, & sic fit animi deliquium, quia cordis vis definit, & hoc definente sanguis arteriosus retroivit ad cor, hinc pallor, nam quod facies & os rubeant, hoc fit ab arteriarum repletionem, sed simulac repletionis vis hic definit, omnia vasa sanguinem retropellunt, & nil sanguinis fertur ad illa loca. Hæc sunt signa infallibilia, quibus prudens Medicus scire potest; an inflammatio in talem benignam resolutionem abitura sit: nempe si temperies ægri sit laxa, quò laxa eò melior, vasa non rigida, color hominis inflammatione laborantis non fuscus, flavus, niger, sed albus pallidus; corpus ejus non multum obsessum pilis, non gracile, agile, robustum, calidum; sed contra molle laxum: si motus humorum non vehemens sit, calor non magnus, febris non nimia, fitis.

fitis tolerabilis, urina non nimis flammæa; obstructio non ingens, hærens præcipuè in arteriis inter minimas maximis vel in initiis lymphaticarum; si tempestas anni non valde æstuaus sit, regio non valde calida. Hæc signa si adsint & inflammatio ultra triduum non duraverit (nisi victu vel aliis medicamentis &c. in hoc casu non convenientibus turbata sit) magna & quidem certa spes est, illam resolvi posse.

§ 387. *Suppuratio est talis partis inflammatae per quam mutationem materia inflammans, & canalis parvus obstructus sic mutantur per vim vitæ, ut materia obstruens & vas obstructum conterantur in puliculam homogeneam lentam, insulsam, albam & dicitur pus, quod fit vi vitæ, per quam liquida nova afferuntur, cogita ad partem inflammata v: g. decem canales esse obstructos, & sanguinem in loco obstructo impingere, sicque tum à vi sanguinis impingentis hos decem canales abscindi, tum his partibus canaliculorum militis cum materiâ obstruente faciunt particulam puris, & quò plus canaliculi se conterunt, eò major copia puris generatur, quæ verò conditiones requiruntur, ut fiat suppuratio. Omnis inflammatio, quæ sine febre est, nunquam abibit in suppurationem.*

Humor blandus, nam si sit acer, nunquam abibit in suppurationem, sed ichorem.

Motus citatus. Nam hic febris non est tollenda, sed tamen febris non sit nimis urgens, hinc motus adsit, aliter sit gangræna, sic *Hippocrates in libro de prognosi* dicit, si omnia symptomata febris, sed non nimis magna in inflammatione adsint, ut si calor adsit, sed non nimis magnus, si dolor; sed non ingens,

tum fit suppuratio intra quinque dies, hinc potest quidem adesse humor acris sed non acerri-
mus, motus velox sed non velocissimus, &
sic hic majores causæ adesse debent, quam
cum fiat resolutio, & minores, quam cum fiat
gangræna, tumque fit suppuratio.

Potens. Nam si Medicus potuisset resolvere
inflammationem non suppurationem promo-
veret.

Obstructio magna. Si enim esset nimis parva
tum resolveretur.

Cum dolore. Tum enim major dolor quam
in resolutione major calor, major tensio, ma-
jor splendor cum succedente pulsatione, nam
omnis suppuratio significat rupturam, sed vas,
ubi rupturæ proximum est, tum nervi irritati
trahuntur, & sunt in periculo ruptionis, hinc
tum fit ingens dolor, & validissima pulsatio,
hinc vascula omnia minima ibi posita, vi vitæ,
vel à distensione vel levi putrefactione abscein-
duntur æquè rubra quam serosa lymphatica,
non verò hic magna fit putrefactio, per quam
liquores abirent in salem ammoniacum alcali-
num oleosum, sed inchoamentum putrefac-
tionis hic fit.

Fluidis miscent. Verum hoc multis offendit,
quod vasa solida hic abeant cum materiâ ob-
struente in unum purum liquidum pus dictum
ex vasis & liquidis factum, sed qui talia cogi-
tat, ille non intelligit, qualia hæc sunt vasa,
nec quomodo vasa possunt atteri, ut in Phty-
siccis observamus, ubi ægri primò sanguinem
spuunt, dein pus, hocque modo totum pul-
monem ferè exspuunt; hinc etiam arteriæ &
venæ hic quoque specie puris exspuunt, sed
unde fit, quod sanguinem non exspuant? quia
sup.

suppuratio non fit in maximis, sed in vasis capillo capitis decies minoribus, sic ut pars detrita vix centesimam grani partem æquet, sed præterea sæpe ex loco suppurato mea ipsa manu pannos quasi eduxi, qui erant vasa nondum satis commolita, vel nimis magna, quam ut conteri possint. Hæc verò actio est actio vitæ, sic minima vasa deterens, hæc veteribus dicebatur *πεποις*, *πεποισµε* coctio seu maturatio, hinc *Hippocrates* dicit in *ulceribus annosis*, *pus generantibus si quadam de causa maneant sicca*, *agri brevi moriuntur*, quod etiam in Phtyficis verum est, nam aliquot dies ante mortem sputa vix desinunt, hoc fit, quia vis naturæ hic deficit, nam est solum naturæ opus, sic enim eschara à ferro candenti adusta non secedit (nisi abscindas, sed tum sana simul lædis vasa) hoc solius suppurationis ope fit, ergo est benignum illud naturæ auxilium, quæ se ab omnibus heterogeniis liberat, hinc non ita timenda, nili pars inflammatione affecta suppurari non possit, quia mors inde sequatur, tum maximè caveri debet.

Pus. Nonnulli dixerunt puris materiam esse sanguinem, alii lympham, alii serum, sed ego puto esse *aggregatum omnium generum liquorum in corpore contentorum & vasorum fractorum & concoctorum*. Pus autem non propriè fit ex suppuratione, sed per moram & calorem in loco suppurato, nam humor immediatè fluens est limpidus non purulentus. Hæc & priora non dixi, quasi deberent intelligi de inflammationibus externis tantum, sed etiam de internis id est omnibus morbis inflammatoriis per crisin solvendis v: g. in febre continua inflammatoria tertio die æger se incipit paulo melius

melius habere, altero die adhuc melius, tertio die verò erumpit urina turbida instar potus Coffè, erumpit sudor & dicitur crisis, hinc in his morbis semper talis suppuratio fieri debet, ut in præcedenti paragrapho annotavi; sed si resolutio fieri posset, semper esset optanda: at quoniam pus semper exitum habere debet; hinc in interioribus, ut in pulmōnibus, membranâ pleurâ, hepate, liene, cerebro &c. admodum periculosa est; in quibus mortem sæpissime inducit, licet morbum tollat, hinc semper in illis partibus, si possibile sit, præca-veri debet.

§. 388. Tertius gradus est *gangræna*, quæ est talis cujusdam partis corruptio, ut intercepta sit communicatio influentium & refluentium humorum una cum incipiente putrefactione.

Motus impingens magnus, ut in valida febre.

Obstructio. Tanta, ut obstructentia corpora transfluere planè nequeant.

Vasa Rigida. Ut æquè citius vasa sanguifera rumpantur, quam minora, vel ut liquidum per motum in illis acrius fiat, quod in robustis aliquando fit, ut *Hippocrates* quoque dicit, in quibus calor summus, tensio maxima, rubedo, splendor maximus, & dolor acerrimus, in his fit gangræna.

Ichor. Hinc in peste & morbillis non fit inflammatio, sed semper putrefactio.

Liquida putrescunt, quando olea & salia fiunt rancida acria & volatilia, quæ talia fiunt per motus violentos; hinc ibi erit putrefactio.

Epidermide. In omni morbo inflammatorio, ubi vidistis post magnos apparatus parvas bullulas elevatas, sub quibus hæret liquor flavus
vel

vel subrubellus, tota supposita pars erit mortua, tum est pessima pestis, si à topica inflammatione sit prægressa, tum gangræna adest, æger enim dicit, antea acerrimè dolui, jam dolor est tolerabilis, tum his bullis uno die pertusis, altero die pars supposita nigra erit, hinc si post inflammationem videatis bullam flavam, tum ibi pars est mortua, & si bulla decidat, tum apparet nigra, sic etiam si clarum, subrubellum instar loturæ carnis liquorem variolæ continere videantur, tum ibi ichor supponitur, estque tum tota Epidermis modo una bulla, hæque sunt variolæ confluentes dictæ propriè ex quibus raro evadunt ægri.

Saniei. Hæc est ingens diathesis in gangrænam, & omnes, qui *Massiliis* mortui fuerunt, hoc morbo laborarunt.

Color primo ferè semper est cineritius, qualis in combustione fit; post pallescit, quasi pus, dein fuscus, ultimo ater, ubi huc pervenit, gangræna est perfecta.

Dolor. Multi non mediocriter in medicina versati crediderunt gangrænam adesse, quamdiu pars dolet, sed gangræna potest esse & tamen dolor, nam margo semper inflammatur; hinc limbus dolet, ideo in gangrænâ perfectâ tamen adest dolor, hicque potest esse acutissimus in loco vicino adhuc vivo.

Rubor. Quia in limbo partis gangrænosæ adhuc sanguis irruit, hinc tum ibi fit inflammatio, & inde accidit dolor, licet jam gangræna adsit, qua in re sæpe juniores Medici errant, sic gangræna esse potest cum acutissimo dolore, ubi modo cutis adhuc viva.

In vicinis. Nam si gangræna sit in aliqua parte, inficiet partes vicinas, sed tunc illæ
vicinæ

vicinæ infectæ tamen resolvi aut suppurari poterunt.

Mors est circulationis finis, & mors partis est finis circulationis in illa parte, sic si in digito v: g. sit circulationis finis, tum ille digitus est mortuus, quia tum arteriæ non possunt adferre ad partem, nec venæ deferre, his animadversis amici ægri sunt monendi, partem affectam servare non posse.

Gangræna verò est talis in corpore vivo & parte molli degeneratio, ut vitales humores in hac parte influere non possint, nec perfuncti suo munere iterum effluere, qui sphacelus dicitur, si ad os vel periosteum usque malum communicatum sit; hinc est conditio corporis viventis.

In parte molli. Nam in osse non obtinet, ita ut in parte hac molli succus arteriosus non admittatur, nec per venam emittatur, per succum verò arteriosum hic intelligo omnem liquorem; omnis verò gangræna fit ab inflammatione præcedenti, sed an in peste tale quid sit, dubito & nescio, numne ibi modo in liquidis nervosis inflammatio fiat, nam in atrocissima peste omnia tamen liquida bona inveniuntur, & hinc non puto tum gangrænam esse, nam hi uno momento cadunt mortui, ita ut si velitis hoc gangrænam vocare, tum casum unum excipiam, aliter gangræna non fit nisi inflammatione prægressa. Causæ ergo gangrænæ sunt, quæ impediunt influxum & effluxum humorum in parte, sic ergo suppuratio est gangræna respectu vasorum, quæ destruuntur & contemuntur, nam si gangrænosa pars separetur, tum inter partem mortuam gangrænosam & sanam fit suppuratio, hæcque hic limes, hinc ergo videris magnam esse affinitatem inter sup-

Pars II.

C

pa.

purationem & gangrænam; signa inflammationem in hanc gangrænam abituram esse sequentia sunt; si humores aliqua acredine, ut scorbuticâ, Venereâ, uno verbo quâcunque, sint infecti & simul valdè moti; si corpus sit siccum, rigidum magnis laboribus fractum; ut in senibus & valdè exercitatis corporibus, si omnia symptomata febrium adsint valdè vehementia & subito aucta, si tempestas sit valdè calida & urina maximè flammea; hinc patet, quam sollicitè Medicus in inflammatione, in qua signa enumerata adsunt, præcavere debeat, ne illa applicentur, quæ hunc exitum id est gangrænam, & inde in sphacelum accelerare possunt.

§. 289. *Compressio.* Omnes Auctores observarunt, quod si Erysipelas vel Phlegmone comprimantur, valde cito Gangræna nascatur. Verum hoc à nonnullis corporibus diu ferre potest, nam podagrici per mensem in dorso jacere possunt, & tamen non inflammationem pati, sed inflammatorio morbo laborantes ne quidem per duos dies uni parti inhærere possunt, quin inflammatio & gangræna sequantur; aliter non tam cito gangræna fit ab incubitu; validissima calefacientia subitò inflammationem convertunt in gangrænam. Gangræna serpit, quando pars gangrænosa exsiccata vicina vasa comprimit & suffocat.

Pars mortua. Pars affecta gangrænosa erit exsiccata, arida, dura, & ita compacta, ut novaculo discindi vix possit, vocatur eschara; interiora sub gangræna corrumpuntur, & fit nova gangræna & putrefactio, quia aditus & redivus liquidi vitalis tollitur.

§. 390. *Frigida actn.* Ut nix glacies, sunt illa,

illa, quæ inducunt frigus ipsi loco v: g. suffocando vasa, unde perit motus. *Galenus* verò ad partem inflammata aquam frigidam applicari iussit, quæ semper tamen nocet, nisi in uno casu, ubi nempe inflammatio rubra ab errore loci in vasis secundi generis obtinet, ita ut à contractione vasorum materia obstruens possit retrogredi, & in vas majus referri, aliter hoc frigus maximè nocet, nam si omnia vasa contrahantur, & magis impediatur fluxus sanguinis in partem, materia obstructa profundius infigitur.

Potentia. Ut sunt quædam venena, quæ faciunt liquidum quiescere in loco vel coagulando vel constringendo vasa; notum est, si omnes partes nostri corporis, in Alcohole vel oleo Therebinthinæ vel simili spiritu immergantur, quod tum durecant instar lapidis, si ergo Chirurgi applicent talia calefacientia, & liquidum absorbentia, tum omnia inferiora suffocantur, & vasa comprimuntur, hocque nempe imprimis fit, si per sales volatiles igneos (ut solent Chirurgi) gangrænam curare velint quæ partes valdè durecunt.

Repellentia. Quæ vasa minima sic constringunt, ut sanguinem rubrum appellentem repellant.

Pinguia acria. Talia tamen in paralyfi laudantur, & sæpe summo cum successu adhibentur, sic oleum tartari semel cohobatum hic maximè laudatur, sed sæpe gangræna in parte fit, quia omnis perspiratio in loco inhibetur, ut mihi aliquando accidit, ubi ægra, ut citius curaret partem hanc oleo oblitam panno cera obducto involverat, ut medicamentum eo melius operaretur, sed inde gangræna facta est.

Narcotica. Quia influxum spirituum cedunt, & sopiendo dolorem Medicum faciunt securum, ut malum non æstimet, sed omnia in vado esse credat, ubi tamen nihilominus curatur, sed narcotica, ut vulgo putatur, gangrænam non inducunt.

Mutationem. Quæ differentia est inter gangrænam & inflammationem? In inflammatione pars incipit disponi, ut liquores vitales non admittantur; in gangræna verò pars jam disposita est, ut admittatur, ergo quidquid in inflammatione facit materiem minus resolubilem, vasa minus laxabilia & circulationem magis auctam id facit gangrænam.

§. 391. *Sphacelus est mors partis usque ad periosteum necrosi affectum:* nam quantum ego novi, gangræna semper hæret in panniculo adiposo, sed si ultra hæc proserpit, dicitur sphacelus, sic ut tantum gradu differat à gangræna, unde *Hippocrates* hæc duo mala confudit, hæc esse potest quartus modus quo terminatur inflammatio; si gangræna augeatur, tum oritur sphacelus, qui est perfecta mors partis, sic ut nullum amplius influxum humoris vitalis habeat, sed omni motu sensuque caret, & hinc sphacelus dicitur, si pars mortua sit ad os usque, sed dicetis forsan gangrænam quoque esse mortem partis, hoc verum est, sed non puto tamen veteres in gangræna totam partem mortuam statuisse, sed modo panniculum adiposum & cutim, sed sphacelus est mors partis ad os usque; sic digitus v: g. habet Epidermidem, Cutim, & nullam membranam pinguedinosam, quia ibi nullus musculus hæret, sed potius mucosum, hinc mucoso-pinguedinosa vocari licet, quia tamen aliquid pinguedinis

dinis habet. Vel sub hac cellulosa tendines e-
rectoris, flexoris, abductoris, hærent & ex-
panduntur, & dein ultimo periosteum; hinc
ergo digitus habet periosteum, expansionem
tendinosam, membranam cellulosam & cutim;
si verò videas digitum inflammatum, ille po-
test increvisse in magnum tumorem, ita ut in
hoc tumore sepultus videatur, si tum ille digi-
tus sat profundè incidatur, tum modo cutis &
hæc tunica cellulosa perscinduntur, nam hic nec
cutis nec tendines nec periosteum tumet, sed
omnis tumor hæret in solâ hac cellulosâ mem-
branâ, si ergo tum ibi gangræna fiat, tum
cutis & membrana manet vivâ, hinc suffocatur
cutis, sed periosteum manet adhuc vivum, nam
æger adhuc sentit dolorem; si scalpellum ad
os usque adigatur, si verò diutius duret, tum
periosteum perit, & æger nil sentit, licet pes
ad os usque perscindatur, tum est verus sphace-
lus, sic & ad pedes quoque facile fit sphace-
lus nempe ad ossicula carpi, Metatarsi &
phalangi digitorum, sed & ad manus in re-
liquis corporis partibus difficilè sphacelus fit.
Sed qualis est veterum gangræna, vidi
multoties in tumoribus in nervi puncturis
totum intra paucas horas mortuum, quia cutis
premitur & ab inflammatione musculi premun-
tur & reprimuntur, & quò vis vitæ tum major,
eò quoque major dolor, sed dein post unum
diem cutis moritur, si tum perscindatur usque
ad tumorem, tunc nil doloris sentitur, nec
Hæmorrhagia oritur, licet musculi adhuc vi-
vant, & hoc Veteribus dicebatur gangræna;
verum hinc in partibus carnosissimis non facilè fit
sphacelus, si verò sphacelus usque ad muscu-
los

los perveniat, musculosque mori faciât, tum æger brevi moritur, nisi sphacelus sit à causâ externâ sine inflammatione prægressâ, ergo *sphacelus est perfecta mors omnium partium ad os usque contingens in locis musculis destitutis*, sed in partibus musculosis gangræna est, hinc ergo non facilè extirpatio in parte carnosâ indicanda ob gangrænam seu sphacelum falso dictum, ut vulgò fieri solet, qui error indenatus videtur, quod putent ingentem hanc molem esse carnem, sed non est caro musculosa, sed modo panniculus adiposus, qui in talem molem intumuit. Hic latini non habent vocabulum proprium, nam ignis sacer etiam sphacelum complectitur, hinc *Latinissimus Celsus* hanc græcam vocem retinuit, nam proprie est vox græca; ex supra dictis non mirum est, quod *Hippocrates* confuderit gangrænam cum sphacelo, dicit sphacelatum ægrum intra tres dies mori, sed si verus sit sphacelus v: g. in capite, non ita diu vivere potest.

§. 392. *Glandulosa*. Nempe si sit glandula conglomerata, ut est Parotis sublingualis, Pancreas, Inguinalis, Axillaris, Mammæ Ovaria mulierum & testes Virorum.

Magnus. Ut sæpe fit, quando Medici in inflammationibus ad glandulas calida spirituosâ applicant, hæc enim indurescunt & faciunt verum scirrhum, nam quando materies in folliculo glanduloso contenta à calore orbatur suo liquidissimo, fitque crassior, tunc continuo novum accedit, folliculus distenditur, quoniam nil amittit, & desinit in cancerum v: g. fit hepatis inflammatum, quam facilè inde non fit scirrhus, qui à motu ab accumulato liquido degeneratus in cancerum tandem consumit integrum.

segrum hepar, ut specie ichoris per alvum deponatur, hic est quintus finis inflammationis.

Glandulosa quia materies ibi stagnat extra vasa, hinc non resolvi nec suppurari nec gangrænescere possit, sed scirrhescit, & hæc est scirrhi idea.

Materies. Hinc Veteres dixerunt in sanguinolentis & biliosis scirrhum non generari, sed in quibus terrestre abundat, sic enim videmus gypsum vel calculum hærentem maximè in renibus & vesicâ felleâ & quoque in glandulis Asperæ Arteriæ & sublingualibus, quod non risui à recentioribus est habendum, nam bene dixere, si enim à bono sanguine pars aquosa & volatilis exhalaverit, & reliquum terrestre cum oleo piceo remanserit, nonne hic tum humor atrabilis vocari liceat? Maximè, ergo vera dixerunt, nam si tale liquidum ad locum glandulosum inflammatum afferatur, tum fit scirrhus, nam si materies mobilis, tum non fit scirrhus, sed vel suppuratio vel gangræna glandulæ, sed si sit crassa immeabilis, tum fit scirrhus, & si in folliculis hæreat, sic enim calculus durus in ductibus uriniferis facit inflammationem, si in vesicam deponatur, tum non fit inflammatio, sed augetur calculus, hinc etiam folliculos considerare licet.

Emunctoria. Nam glandulæ extra circulationem positæ sunt, quod in aliis partibus non obtinet sed hoc liquidum in talem locum immissum per emissaria non emittitur, tum fit scirrhus, nam tum ibi exsiccat, durescit, & sic multa talia loca vel folliculi tali materiâ implentur, nec per emissaria emittitur, tum fit scirrhus, non verò suppuratio vel gangræna, quia illi folliculi extra circulationem sunt positi,

ti, cogitate v: g. glandulam ex mille folliculis constare, pone ibi materiam, quæ non potest exire, tum ductus glandulæ exsiccabitur, inde repletur, quia nec inflammari, nec suppurari nec gangrænescere potest, tum ibi oritur ejusmodi fomes.

Scirrhus est tumor præternaturalis, glandulosus, major, durus, scaber, non dolens, frigidus, nam nullibi verus scirrhus nisi ad glandulas, & quò glandula major, eò facilius scirrhus generatur, nam raro oritur in parvis glandulis, sic ut plurimum observatur ad glandulas axillares &c. sic etiam scirrhus lienis fieri potest, sic etiam sæpe fit, ubi parvæ glandulæ modo ponuntur ut ad palatum, quæ pars quidem non est glandulosa, sed habet folliculos innumerabiles, qui si obstruantur, tum fit unus scirrhus in totum palatum se extendens. Nullus scirrhus fit sine inflammatione prægressa vel suppuratione, nec quoque fit in ullo alio loco corporis quam glanduloso, hinc ubi in tali parte est inflammatio tum semper ad finem usque prudenter est agendum, & emollientia ad finem usque applicanda, ut pars sponte quasi diffluat, hic verò maximè peccare videmus in mulierculis, qui in inflammatione mammarum à materia lactis permittunt resolutionem, quæ agris adeo placet, ut se ipsis committant, hæc tum pannos calidos ad mammas applicant, & spiritu vini calido mammas supra ignem fricant, sicque suppurationem cavent, quasi bene factum esset, nam sic liquidissima parte materiæ obstruentis dissipata nascitur scirrhus; ergo Phlegmone, Erysipelas, Contusio, Suppuratio, omnia hæc quatenus inflammationem faciunt, scirrhum generant;

his

his intellectis patet hunc morbum esse obstinatissimum sic non magis suppurando educi & solvi posse, quam calculus in vesica.

§ 393. Hic inquiritur in prognosin inflammationis, licet in paginâ opposita modò de scirrho videatur agi.

Causa. Ex iisdem prægressis facile videtur, quid temperies sicca, rigida, calida? quid tempestas calida, regio fervida, prægressus labor? quid medicamenta calida faciant in prognosi pronuncjanda? & cur periculosior inflammatio in corporibus annosis, & illis, quorum membra laboribus sunt fracta, quam in junioribus & otiosis? cur periculosior in hominibus scorbuticis cacochymicis; corporibus atrabiliariis &c. quam in illis, his morbis non obnoxiiis? & quam variet prognosis pro diversitate causarum, quibus inflammationes productæ fuerunt, si venenum vel materia suppurari non possit, ut in Variolis & Peste sæpe fit, tum pessima indicant, porro his, qui naturam humorum & viscerum intelligunt, non difficile erit scire, quænam inflammatio, an rubra, flava. lymphatica, &c. vitæ periculosior sit, & quamnam summa subsequi debeant symptomata.

Pars affecta. Magna etiam pars prognosios desumitur ex loco affecto nobiliori vel ignobiliore; si interiora occupet, tum curari nequit, quis unquam vidit scirrhum uteri resolutum; si verò valida inflammatio plus externas partes afficiat & accessus detur, tum inde non est periculum vitæ, nam licet gangræna fiat, tamen hæc bene tractata facile separatur, si verò locus talis sit, ut detergeri non possit, tum inde sunt Phthisis & Mors; hinc pars affecta est

consideranda ex gr. in pinguedine rarò abibit in resolutionem, nam difficillimè regrediuntur pinguia.

Magnitudo. porro verò scirrhus judicatur à magnitudine molis, duritiei, inflammationis febrim facientis, unde eò plus humores agitant, ab irrupta scabritie scrupæa superficie.

Profanditas. Quò profundius inflammatio hæret, eo pejus, ita ut nec manus nec emollientia accedere possint, vel si sub panniculo adiposo hæreat, tum plerumque fit sphacelus, quoniam arteriæ in hæc membranâ hærent flaccidæ, compressioni & frigori externa expositæ, & affluxus humorum hic omnium minimam patitur resistantiam, inflammatio in visceribus vitali functioni inservientibus est periculosissima; in partibus ligamentosis, nervosis, ossibus pertinax & sæpe summopere dolorifica, in glandulis pertinacior; quò citior inflammatio suas periodos absolvit, eo periculosior.

Velocitas. Nam qui lente crescit, diu fertur; qui verò subitò oritur, ille est periculosior. Sic vidi scirrhum mammæ Domicellæ ab Empirico tractatum, tantum sumpsisse incrementum, ut incredibile sit; sic sæpe intra diem in pleuritide latus livescit & sphacelescit, tum moritur æger, ergo velocissima inflammatio semper abibit in gangrænam, si lentius agat sæpe suppurando solvitur.

Natura ægri. Omnis æger, qui lue Venerea laborat, omnis melancholicus pessimè fert scirrhum, uti & omnes, quibus bilis fervida, calor ingens, hic maximè in inflammatione inclinant.

Symptomata. Quò hæc vehementiora, eò prognosis pejor; si pars sit dolens, gravis &

tor-

torpens, tum est inflammatio suppuratoria; hinc patet, quid inflammatio, species, sedes, phænomena exitus, sed hæc æquè ad morbos internos quam externos pertinent, nam omnes morbi acuti fiunt ab inflammatione; sic etiam morbi ex acutis orti Chronici oriuntur male curata inflammatione vel suppuratione visceris unde fiunt fistulæ, quibus homines consumuntur, si sit ad genu, ubi ligamenta ponuntur, sic ut scirrhus externus in principio faciat dolorem tandem in suppurationem id est in cancerum exeuntem, sic scirrhus pancreatis ultimo facit materiam tabidam, & sphacelum, ut consolidari nequeat, sic etiam à fistula pulmonali in Phthysi homines consumuntur, & idem in cancro mammarum obtinet. Ex hac doctrinâ conceptum omnium morborum tam acutorum, quam chronicorum discimus, uti & horum morborum exitum, sic si v: g. homo toto corpore horreat, si sitiat, caleat, & febrim habeat, altero die iterum sanus est, hæc febris fuit Ephemora, quia materia inflammans febrim faciens est resoluta, sic etiam peritus Chirurgus, si videat inflammationem externam, bona medicamenta emollientia seu fomenta applicat, hocque modo si inflammatio non sit nimis magna, intra paucum tempus resolvitur. hic simul dabo fundamentum omnium morborum acutorum, quatenus curabiles sunt, sed omnes non curari possunt, sic etiam Chirurgus non omnes inflammationes externas curari potest, verum *Hippocrates* dicit ille Medicus mihi æquè est laudandus, qui scit morbum curari non posse, quam qui curat morbum curabilem.

§ 394. Hic omnia supra dicta ad memoriam sunt.

sunt revocanda, nam maximè fallimur, dum adhæremus uni methodo & remedio, cum natura sit mutata, omni enim momento mutatur, inflammatio vel in pejus, vel in melius; sic ut altero die sæpe nomen inflammationis vix mereatur; hinc alia requiritur cura, nec medici in inflammatione pleuræ, quæ aliquamdiu duravit, debuissent dixisse, est inflammatio pleuræ, sed suppuratio vel gangræna &c. pleuræ. Venæ sectio ferè semper conducit, nisi homo sit summè Phthisicus.

§ 395, In omni morborum curâ semper debemus illi viæ insistere, quæ est tutissima, jucundissima, & perfectissima: sic & in hoc morbo qui valde cito & non sine periculo decurrit, hominemque sæpe ad plures mittit, vel ad minimum in magna discrimina enim postea conjicit, quæ ut plurimum in initio à prudenti medico præcaveri poterant. Illa via tantum unica in hoc morbo invenitur; nempe benigna resolutio, quæ semper quærenda est, licet non semper eam obtinere possimus: sed aliquis forte dicet; nonne inflammatio etiam suppuratione sanatur? imo sanatur quidem inflammatio producendo alium morbum, quod præcisè non est sanare; nam sanare est materiem morbosam in sanam mutare, ita ut nulla functio inde morbofa reddatur, nec ullum liquidum præternaturale producat; quod tantummodo resolutione obtineri potest; ideoque hunc proponere mihi animus est. Ponamus vos vocatos esse ad inflammationem cognitam, & videtis eam posse resolvi, tum ad hæc signa sunt attendenda, id est signa resolutionis, ut sunt laxa temperies, sed non callosa, nec nimis fortis, aliquis febris sed moderata, lenis calor, non magnus.

gnus, nec nimium frigus, non acris humor, tumor parvus, sed non durus, nam tum fit scirrhus, quidam rubor & tensio, sed non magna, dolorque tolerabilis, & pars affecta sit cum dolore, satis mobilis, si nullum vitium circa cerebrum, si urina non valde inflammata tum est species resolutionis, excipitur tamen pestis, ubi omnia bona apparent, sed tamen lethalia sunt, ad hæc omnia sunt attendenda, nam usum habebunt in Phrenitide, Pleuritide, Podagra & Rheumatismo.

1. Nam si vasa non lædantur, tum nil metuendum, sed hæc inflammatio est in vasis minimis, quæ brevi vascula destruit, ergo faciendum, ne ulterius lædantur; nam resolvere non possum, si vasa sint soluta, ergo primo hoc efficiendum, ut pus vitæ adacta non magis destruat vascula.

2. Si vascula illa adhuc resolubilia, tum adhuc integra sunt & resolvi possunt, si modò inflammatio ulterius impediatur. Læsis hic est cum vasa ad fines sunt obstructa, & ultimi fines nimium sunt dilatati.

3. Ut ire possit per loca obstructa, sed simul lenitas requiritur, ne minima & tenera vasa ab acrimoniâ lædantur, & vasa jam jam labefactanda rumpantur, non autem sufficit humorem reddere fluidum, nam in gangræna & sphacelo quidem fluidus fit, tum non lenis est, sit acerrimus; si materia acris circa locum hæreat, tum quidquid agis, sit tamen species putrefactionis, & proin non perfecta resolutio, verum hanc resolutionem multi promovere tentarunt per salia volatilia, ut v: g. spiritum salis ammoniaci, salis tartari per deliquium, sed male, nam hæc resolutio non est promovenda

per acria, sed lenia, aliter non fit, licet cæteroquin resolutio esset facta sponte à materia.

Conservare id est putredinem inhibere, ergo multa blanda adhiberi possunt, vidi per lac, Malvam, Althæam resolutionem esse factam, & ab aromatibus gangrænam ortam esse.

4. Si materia obstruens fluida reddi non potest, tunc retropellendo debet in majora vasa agi; hæc est methodus Veterum, quam *Hippocrates* excoluit, sicque arteria fit vena, ergo si inflammatio oriatur ex errore loci, Venæ sectio instituatur, tum pressio fit ab angustiori ad latiora; hæc quatuor designant remedia & quid fieri debeat in quacunque sectione. Hæc methodus primò apparebit difficilis, quia vulgò dicunt, tantum Missionem sanguinis aut fomenta esse adhibenda, sed non distinguunt, & revera hæc esse observanda patebit in praxi; revulsio verò fiat pro magnitudine inflammationis plus minusve, tum missio sanguinis instituatur, nam nil est, quod melius resolutionem faciat; hinc *Hippocrates* dicit, si pars inflammata sit, statim mollissima, liquidissima tepentia fomenta applicentur, & quod si quid turgeat, tum fiat Venæ sectio in initio, & *Galenus* addit, si necessitas postulet, tum instituatur missio sanguinis ad animi deliquum usque.

§ 396. Impetus cordis urgens in vasa obstructa minuatur, si v: g. ligatura inflammationem facit, hæc tollenda est, si frigus nimium tollatur, si videamus emplastrum calorem conciliare per totum corpus, tum tollatur & sic porro.

Causæ notæ. Id est tumores vicini tollendi

Si

Si ad hominem febre ardente laborantem & uni loco per duodecim horas incumbentem advocatus videbis eum locum rubere, calere & paulo dolere, estque tum inflammatio primi generis, si tum non moneas ægrum, ut locum mutet, tum altero die gangræna aderit, sicque ad hæc advertere debemus, loca verò quam maximè periclitantur ab incubitu, quæ imprimis sunt ad scapulam, os coccygis & calcaneum, si ergo æger uni lateri vel dorso immoto inhæreere debeat, tum facere debemus, ut omnes partes æquabiliter pondus sustineant, quod linteis vel lecto fieri potest, & hinc Medicus si os fractum sit, hoc ruditer tractari non debet, nec nimis comprimi aliter sit gangræna.

2. *Minuendo.* Sed quare? impetus sanguinis arteriosi est causa suppurationis vel gangrænae vel scirrhi, si hæc evitare possum, erit resolutio; ergo missio sanguinis ad animi deliquium usque requiritur, quæ facit, ut impetus desinat, & puto hoc semper fieri debere in initio morbi acuti seu inflammationis primi generis, & nil plus juvat, credo, quod si initium pleuritidis sentire possit, tum hoc medicamento morbus prohiberi possit, sed hoc non observatur, verum tamen maximi est momenti, nam si in corpore decem horis ante mortem sunt tales conditiones, quæ mortem faciunt, tum hæ conditiones prima hora non sunt pessimæ, sed sunt peiores, & peiores usque ad decimam horam, tumque æger moritur, sed si initium tollatur, tollitur & finis, verum si medicus sic in initio morbum tollit, tum homines non putant illum medicum multum fecisse, nam morbus vulgò

vulgò à magnitudine symptomatum dijudicatur, sic ergo si videamus hominem plethoricum fortiter anhelantem, nec interim à causâ internâ sit, vel non à motu musculari, tum Pleuritis est futura, & si tum illico missio sanguinis instituatur, tum sanatur, sed hoc non ab hominibus consideratur, sicut ferè semper nimis sero morbi gravitas dicitur. Utinam verò practici non negligerent, hunc torporem inflammatorium in primo initio resolvere missione sanguinis unâ vice, si sufficiat, aliter duabus vel tribus vicibus, prout necesse videtur; nam per hanc vim vitæ id est impetum sanguinis possumus adeo imminuere, ut nulla fiat hoc est mors; si nunc tantum sanguinis educam, ut debilitas, quæ gradus est ad mortem, accedat, homine interim vivo, tunc certissimè unam causam, imo primariam tollo, hac enim sublata ulterior vasis destructio impeditur: hinc in tota Medicinâ in his morbis (cæteris paribus) nullum efficacius remedium invenitur: nam non tantummodo quantitatem sanguinis imminuit, sed etiam densitatem & pressionem, unde vasa laxantur; hinc frustra *Basilius Valentinus*, *Paracelsus*, *Helmontius*, *Bontekoe* similesque clamant contra venæ sectionem.

Purgationem. Quia visum fuit purgatione post venæ sectionem magnum gravemque morbum inflammatorium esse sublatum, sic etiam *Sydenham* in praxi quasi fractus dicit paucis septimanis ante mortem, datur purgans post venæ sectionem Antiphlogisticum quod alvum laxat, illud verò purgans non debet esse inflammans vide *Materiem Medicam*, ubi has proprietates habet 1. ut sanguinem solvat, 2. ut

ut solutum sanguinem per vasa mesenterica ad intestina deducat, 3. quod reddit sanguinem nec acriorem, nec magis mobilem, ergo maximè curat hos morbos, ubi nimium impetus est metuendus v: g. Tamarindi, Manna, Syrupus Rosarum, Decocta prunorum, Tartarus ejus cremor & crySTALLUS, Sal Polychrestus, pulpa Cassia fistula, Tamarindi; Rob Sambuci, Ribesiorum, Syrupus Cichorei cum Rheo, Solutivus, Mel, Saccharum, Cassia, Stibium Antimoniatum; quæ omnia continentur, donec in artificialem Diarrhæam incidat æger, sicque curatur unâ methodo, quæ aliter diversas requisivisset, Iene Narcoticum vesperis prodest, omne quod Sydenham nos docuit est, 1. mittere sanguinem, 2. dare purgans, quod laxam alvum servat, & sit remedium antiphlogisticum, 3. motum cum mollibus Diacodiatis vel Narcoticis tollere; ille verò in primâ suâ praxi putabat febrem quamlibet esse aliquid substantiale seu ens singulare, hocque sua singulari methodo curandum esse, sed paulo ante mortem in scedulâ monitoriâ hæc tria nos monet, pestem verò ab hac methodo excipit. Multa verò purgantia febrem faciunt, ut est Aloë, Trochisci Alhandal, Turbith, Colocynthis, alia non sunt moventia, sed liquefacientia, alvumque ducentia leniter sine motu, ut hic recensui, sic Tartarus est acidus primas vias purgans & putredini adversus, sic etiam Nitrata hic conveniunt, ut est sal polychrestus, optimum verò purgans acidum est Tamarindus maximè ejus pulpa; hinc in India tam frequens est ejus usus. Hæc verò in *Materia Medica* vobis recenseo ut salina subacida & salina contra putredinem vel antiseptica seu saponos sub.

subacidulos, hæc danda sunt tantâ copîâ, ut alvus sit laxa, non verò (ut dixi) debent esse inflammantia; tum dein injiciatur Clystma, hocque modo inflammatio jam præsens tolli & futura præcaveri potest, sed tum non videmur magni quid fecisse, nam curatio vulgò à magnitudine mali mensuratur, quod malum tum nondum est præsens, sed hæc tamen non sunt negligenda, sed omni cura observanda, hinc credo inde factum esse, ut ultimis temporibus (ut sine jactantia dixerim) non tot ex ægris meis febre acutissima laborare viderim, quia hac methodo processî. In inflammationibus oculorum diuturnis fortis alvi purgatio, quæ impetum humorum à parte inflammata ad intestina derivat, convenit, sed illa purgantia sunt eadem, ut hic supra descripta sunt, quæ satis fortiter purgant, modo augeatur dosis, si v. g. crystalli Tartari dragmâ una non purget, dentur tres aut plures, si Decoctum Tamarindorum uncia una non moveat, dentur tres aut plures, & sic de cæteris: nam fortioribus, ut Helleboro, Colocinthide, Aloë &c. hic non uti licet, quoniam febrim excitant, antequam purgant.

3. Venæ sectio non tantum agit, quatenus impedimentum tollit, sed etiam quatenus copia minuitur sic etiam purgatio.

4. *Revulsio est derivatio copię liquidi circulantis à loco dato versus locum datum*, dolui me videre in Clarissimorum Virorum Professorum publicis scriptis, quod scribant veteres delirasse, cum de revulsione locuti sunt dicentes hæc omnia jam vana falsaque esse circulatione detecta, quæ docet sanguinem fluere ad extrema, & ab extremis per venas iterum ad cor, sed errant.

errant hi viri in his, nam si venam vel arteriam aperiam & sanguinem mittam, tum fit revulsio, & hoc tamdiu continuare possum, donec satis revulsum esse videam, nam hoc ad mortem usque facere possum, ergo possum revelendo in iis morbis impetum sanguinis à loco maximè nocente ad locum minimè nocentem derivare, si prius locus foveatur, tum ibi fluxio orietur, quia ex laxitate erit minus resistens, sic impetus & copia minuuntur. Si v: g. venâ sectâ & purgationibus in ægro laborante morbo inflammatorio institutis tamen inflammatorias Diathesis adsit, tum ad partes inferiores variis in locis applico cucurbitas, quæ impetum sanguinis à loco inflammato obfesso in alium locum derivant.

Frictiones lenes applico ob eandem causam, tunc venæ in uno loco citius evacuantur, & arteriæ iterum citius deplentur, & sic motus eo determinatur, *Hippocrates* cui circulatio sanguinis latebat, dixit, omnis pars trahet, quo plus calet; de frictione *Galenus* totum librum conscripsit, Græci docente *Celso* curaturi per resolutionem ducentes ægrum in balneum linteis fricabant in loco adverso.

Suctu. Hic intelligo cucurbitas aëre vacuas sugentes sine scarificatione, & sic resistantiam minuunt in loco jussu, & derivant ex aliis locis huc versus, quod feliciter omnem impetum avertit, hæ cucurbitæ multum prosunt v: g. quando cerebrum est inflammatum, nam in his morbis acutis capitis sex, septem vel octo cucurbitas ad jugulum femora & brachia applicui, & inde maximè levatus fuit æger.

Epispastica sunt attrahentia, quæ partem in certo loco reddunt laxiorem, quam in alio lo-

co, vel ut humores plus ad ea loca vergant, ubi vis, optimum epispasticum est aqua tepida; fortissimum Epispasticum est vapor aquæ tepidæ, & incredibilis efficaciam, quia partes laxant, & minorem resistantiam producant, vel lac dulce solum vel cum emollientissimis herbis incoctum, & forma foveæ vel cataplasmatibus parte applicatum; nonnulla sunt fortiora, quæ etiam laxant & acerbis componuntur, ut Oxycrata ex aceto, & aqua, tum agit stimulando, laxando, & aperiendo, si tale quid applicetur pedi, pes tumebit, ac si Erysipelate Ædematoso laboraret; talia applicavi homini ab initio Variolis laboranti optimo cum successu, sed partes aliquid deturbat, id eo non facile capiti applicarem, fermentem panis nigri cum sale & aceto mistum vel Emplastrum de Galbano applicatur plantis pedum, talis, poplitibus &c. quod in curanda inflammatione cito optimè conducit.

Vesicatoria. Vulnuscula parva in loco faciunt; rumpuntque tenues fistulas & attrahunt, *Hippocrates* hæc attrahentia vocavit, & conveniunt, ubi lentor est ingens, & calor requiritur, & ablata Epidermide applicari non debent, quia ei parti semper febrim causant, sunt nimis acra, ergo iis non confido.

Fomenta & Balnea, hæc laxant unam partem plus quam aliam, ut magis deriventur humida & minus resistant solida; ut sit aqua tepida.

Fonticulus dicitur vulnus incisum Epermidis & cuti usque ad panniculam adiposam, cui corpus durum ut Pisum imponitur, ne concretio fiat; hinc convertitur hoc vulnusculum in ulcus, unde continuò ichor effluit, fonticulus

culus convenit in omnibus morbis inflammatoriis.

Setaceum fit hoc modo, acus trajicitur per Epidermidem, cutim & panniculum adiposum, relinquitur filamentum in vulnere, quod si concrefcere incipiat, tum movetur, ficque locum ulceratum retinet, aliquando materia acri relinquitur filamentum, quod convenit in morbis ex lentore non à calore oriundis, hæc setacea humores determinant & evacuant, verum videmus nonnullus homines ita obsequosos esse revulſioni, ut si à quadam causâ externâ, inflammatione oculorum seu Ophthalmia laborarent, quod statim curarentur, si modo eorum pedes sudarent, quod sæpe in laxis corporibus obtinet.

Forti alvi subductione. Ut omnia exire possint siue resistantia, quod omnium optimè fit per clysmata ex solo lacte, saccharo cum syrupo Althææ Fernelii & Melle, quod intra sex horas ter vel quater injiciuntur, tum avertitur motus inflammatorius ab intestinis. Medicamenta hæc non debent esse nimis acria v: g. dentur cremoris tartari dragmæ sex, tum æger purgabit fortiter sine magna acrimonia.

5. *Ære subfrigido.* Ær enim penitus frigidus constringendo vasa facit rigida; quæ & liquida compingendo crassiora reddunt: calidus verò humidiora dissipat, crassiora relinquit, putredinem auget, & vasorum rupturam accelerat; hinc ær debet esse subfrigidiusculus, ut in initio mensis Maji, qui est optimus, & omni anni tempore in cubiculo ægro tantum sic obtineri potest.

Sicco sed moderatè aliter vasa fiunt nimis rigida, licet ad locum obstructum, & inflamma-

matum aër non appellatur, quia ibi fomenta similiaque applicantur, sed aër ille ficcus ad pulmones appellitur, ubi nocet, si modò febris adsit, quod hic suppono, aliter ficcus ad ægri sanitatem multum facit.

Affectibus animi nullis. Nam homo, qui perfectâ utitur sanitate (nam ira furor brevis est) tum anhelat, rubescit, cum verò hic æger periclitetur à nimio impetu, hinc ergo cum affectus augeant impetum; hinc ab his se abstinere debet.

Quiete naturali. Sine confabulatione, omnia quiescant circa ægrum, tum si homo in tali quiete versetur, si somnus naturalis fieri non possit, tum arte est conciliandus per anodyna, laxantia, humectantia, acre emendantia, vel paregorica, demulcentia, vel narcotin inducentia ut opium; sed disputatur; an per artem liceat conciliare quietem, dico maximè, si lenioribus id fieri possit, non illis anodynis & narcoticis, quæ sanguinem incitant, rarefcunt, sensumque obtundunt, imprimis si inflammationem non negligamus, putantes ægrum se bene habere, dum æger non conqueritur de dolore, hinc medicamentis leniter anodynis somnus est conciliandus, ut externè inungendo tempora, carpos manus &c. ubi arteriæ fere nudæ jacent Unguento populeo & similibus; interne assumi possunt aqua stillatitia florum Rheados, Syrupus ejusdem, Syrupus Papaveris Albi, Diacodii &c: sed semper in parva dosi & sæpe repetitis vicibus, donec quiescat æger, non ultra; impossibile enim est aliquid boni in parte inflammata efficere, si non quiescat, si verò pars ita sit affecta, ut intra octo horas destruc-

tionem producere possit, tum datis Opiatis dolor quidem tollitur, sed destructio non prohibetur, ideo fallit Medicum, quia æger conqueri non potest; hinc puto licere quidem somnum conciliare, modo Medicus cogitet se modo indolentiam induxisse, sed non causam doloris subtulisse.

Victu tenui. Qui quam maxime accedit ad aquam, sic *Hippocrates* in tali casu laudat hordei crudi non mundati decocta, quod per multas horas coctum & dein contusum iterum plus coquebatur, & hujus colatura ipsi fuit dicta Phtysana, si plus Gelatina, si adhuc plus cremor, vel puls; Diæta sit ex Avena, Milio, Oryza &c. cum aqua in Phtysanam decoctis; ex quibus etiam ut ex seminibus quatuor frigidorum majoribus & minoribus &c. quoque emulsionem parari possunt; huc etiam spectant decocta panis cum pauxillo vini vel succi citri poma, cerasa, pyra, ribesia, bene matura, in aqua cum parvâ vini copia decocta, vel assata &c. quæ omnia sunt optima, quoniam sanguinis motum nec ejus impetum augent, nullum pondus faciunt obstructis, & interim pro vitâ sustentandâ sufficiunt: si verò crassa dentur, tum inflammatio augetur; ex hisce & adhuc pluribus aliis tot varia edulii genera cum eadem indicatione à Medico præscribi possunt, ut, si æger ab una abhorreat, facile Medicus alteram formulam præscribere queat. Potus debet esse aquosus tepidè assumptus ex avena tenuissima; vel serum lactis, quod est optimum nutrimentum à *Sydenhamo* laudatum in Rheumatismo. Lac ebutyratum, & quoque lac cum aquâ seu hydrogala nempe aquæ pintæ tres & lactis pinta una, vel partes æqua-

æquales, si hyems sit, si æger sit debilis, tum lac ebutyratum est egregii usus, qui est refrigerans & nitrosa aciditas adest, sicque resistit putredini; cæterum decocta farinosa quoque hic bona sunt, uti & decocta Cerasorum, quæ multâ aquâ cocta per Setaceum transmittuntur, unde fit quasi puls, postquam pauca farina est admixta, crassior tamen est quam lac recens; qui verò est valdè debilis, huic uti licet ovis & jure carniū, hæc dicta vobis in memoriam imprimit, ne res ita sese vobiscum habeat, uti cum plerisque junioribus Medicis, qui formulis quibusdam sunt instructi, sed ubi seniores Medici quærunt, qualis victus sit instituendus, tum hærent, sed si æger sit in eo statu, in quo nondum suppuratio adest, tum his uti possumus, hæcque simul loco potulenti sunt adhibenda.

Antiphlogistico. His tamdiu uti debemus, quamdiu inflammatio est adhuc in statu, ubi suppurari vel gangrænescere potest; tum hæc dicta danda sunt, quæ quoque possunt loco potulentorum adhiberi, nam aliter obstructio augetur, nam per nullum locum difficilior est transitus, quam per locum, ubi inflammatorium spissum hæret, si verò hoc attenuare posset, & interim non augere motum, tum curo inflammationem, sed hoc est difficillimum, nam hæc, quæ attenuant, plerumque motum augent, hinc verò danda sunt Antiphlogistica id est quæ inflammationi opposita sunt, φλογώσις enim significat *inflammatio*, hinc φλογιστικόν *inflammatorium*, & hæc medicamenta attenuant & simul refrigerant, si æger his utatur, tum imprimis vasorum læsio impeditur.

Diluens

Diluens est aqua, quæ multo levior sanguine inflammationem nec calorem procreare potest, nam si homo esset calidissimus, & unico momento sanguis ejus aqua fieret (ut per impossibile loquar) tum illico frigeret, quia aqua in vasis fluere non impeditur, omne strictum laxat, crassum diluit, & in venas non resistentes facile abit.

Refrigerantia, quæ calorem minuunt effectum physico, uti & densitatem in liquidis, stricturam in vasis & impetum cordis, quæ sanguinem attenuant, si jam humorem diluere, vasa laxare & impetum minuere velis, tum Venæ Sectione & purgatione hoc corpus refrigeratur; refrigerantia sunt primò, quæ diluunt, secundò, quæ vasa laxant, tertio, quæ humida laxant, quarto, quæ mitificant, hic ergo aqua, aciescentia, Nitrosa, Emulsiones oleosæ & oleosa laxantia summi usus sunt, aqua sola refrigerat: verum sunt nonnulla, quæ aquæ admista aquam plus refrigerare faciunt, ut est succus limonum, Ribeliorum, & hi cum sint aciduli, Nitrosi & molles leniunt, & acre suppressunt, quod alcalescere potest; hic verò in *Materia Medica* tale refrigerans medicamentum præscripsi, non verò volo, ut adeo compositum medicamentum sumatis, sed potius unam omittere plantam, & alterius dosin multiplicare, sicque variationes habere potestis; hæc medicamenta refrigerantia sunt Decocta ex Radicibus scorzonæræ, Graminis, Tragoponis, Acetosæ, Sisari &c. ex Foliis Becabungæ, Endiviæ, Lactucæ, Dentis Leonis, Cichorei, Acetosellæ, Agrimonoides, &c. ex floribus Buglossæ, Violarum, Borriginis &c. Emulsiones ex seminibus Bardanæ, Cichorei;

Pars II. D quæ

quatuor frigidorum, majorum & minorum, Petroselini, Hordei, Avenæ &c. quibus Decoctis & Emulsionibus addi possunt Syrupi Radicum quinque aperientium, Violarum, Rob Sambuci, Ribesiorum, Sal Prunellæ, Nitrum, &c.

6. Hæc Methodus Veteribus famosa fuit, sed apud recentiores explosa est, Veteres quam maximè laudarunt repellentia, & adstringentia in obstructione & inflammatione, sed recentiores id neglexerunt, quia putabant hæc coagulare humores, sed videamus, quid veri sublit, si v: g. fiat obstructio in arteriæ sine, ut semper fit, si ibi aqua frigida nitrosa, vel sal ammoniacus applicari possit, tum materia obstruens retrofilit, quia vascula inde se contrahunt, & sic materiam obstruentem repellunt, sic ergo si ad vasorum apices accedere possimus, tum talis effectus est sperandus, si verò hoc non ita citò succedat, tum non in hæreere debemus, nam tum gangrænam procrearet, sic etiam Veteres hoc fieri quoque voluerunt modo in initio, quod est impetus in loco minui, arteria ad finem obstructa plus impetus patitur quam non obstructa, quia non nimis ad hanc adfertur, quam antea, sed non transmittitur, ergo jam quæro, quid sit impetum sedare, seu fluxionem Veteribus seu Catharrum græcis, recentioribus circulationem? Hoc fit faciendo, ut vasa non extendantur, nec impetus in iis fiat, hæc verò fiunt, 1. per refrigerantia, quæ vasa arctiora reddunt & liquida pellunt in locum magis patentem; refrigerantia verò porro sunt talia, quæ attritum minuunt, nam caloris incrementum est, ut attritus incrementum, & decrementum attritus est,

est, ut incrementum frigoris, & sic omnia, quæ minorem attritum faciunt, dicuntur refrigerare, sic Missio sanguinis est refrigerans, sic etiam quoque si æger febre putrida alcalina laboret, tum succus citri est refrigerans, hoc in casu etiam omnia, quæ causam doloris tollunt, sunt refrigerantia, ergo omnia 1. quæ acre tollunt, 2. quæ impetum minuunt, 3. quæ obstructionem tollunt, sic enim si quis v: g. valida manus inflammatione laboret, tum ponantur ad locum fomenta aquæ tepidæ vel lactis, tumque mitescit inflammatio, calor & impetus minuuntur, sed modo hoc lac humectando ratione olei agit, sic etiam ad locum podagricum applicari potest lac mulsum recens cum flore tritici cocti adde parum croci, hocque puls applicetur loco dolenti, raro fallitur, quin dolor tollatur, hæc sunt refrigerantia.

Repellentia sunt, quæ constringunt vasa, & faciunt ex arteriis venam, idem adstringentia faciunt, quæ si externè adhibeantur, tum ligatura est primarium adstringens, hinc Chirurghi circa locum inflammatum lenem ligaturam circumducunt, si videant resolutionem possibilem; Veteres talia repellentia adhibuerunt, nempe applicabant parti inflammatae aquam frigidam, Phreniticis affundebant frigidam aquam capiti, calidam pedibus in initio morbi; tamen non auderem hæc sola adhibere, sed prius internè cæteris adhibitis; illa medicamenta sunt aqua simplex, aqua florum Sambuci, Plantaginis, Rosarum, Acetum Sambucinum, Rosaceum, Scilliticum; Nitrum, Sal ammoniacus, Sief albus, Tutia præparata, Saccharum Saturni, Vitriolum album; hæc & multa alia similia magnâ copiâ harum aqua-

rum diluta, tepidè applicata, optimi usus sunt, si in initio morbi cum prudentia applicentur, præcipuè prægressa Venæ Sectione & cæteris; in initio Variolarum obvolvo pedes ægri fomentis emollientibus, ut vasa laxentur, & mollia reddantur, tum capiti lenia frigida applico; sed hæc fomenta magnâ cum prudentiâ sunt applicanda.

Anodyna sunt eadem, quæ refrigerantia, 1. sunt acre rodens mitificantia, 2. tensum laxantia, 3. humorem distendentem diluentia, 4. motum seu impetum vitæ minuentia, hinc applicetur fomentum humectans & oleosum si locus doleat, ut *Hippocrates* suadet.

Aperientia sunt vasa laxantia, quæ superficies lævigant, quasi obliniendo, & quæ materiem obstruentem tollunt, hæc generalia sunt, sed videatis in exemplo, quantum hæc methodus juvet, sit v: g. æger calore rubore per totum corpus siti & febre laborans & doloribus hinc inde obnoxius, sed tamen sine stupore inflammatorio, ne quid maligni adsit, quomodo hic morbus vocandus sit? An inflammationem cum febre dicerem? Imo, tum hac methodo ægrum curare possumus, ut si quis v: g. ultra vires deambulet, tum vesperi sentit dolores circa artus, & tota nocte sitit, calet, rubet, & urinam habet rubram, ergo febricula & levis inflammatio adsunt, sed quid tum faciendum, legite *Hippocratem* & *Celsum*, qui suadent ægrum in balneum ducendum, vel pediluvia adhibenda, & potus aquosi tepidaque magnâ copiâ dandi, ut est Caffè, quod ferè idem potus est, ac tempore *Davidis* milites usi sunt, ut in sacris legitur, quod erat ex tritico tosto, si verò medicamenta moventia ci-

bosque

hosque crassos sumat, tum tota nocte æger est inquietus, aliter felicitur hisce supra dictis à febre liberatur, sic quoque in Rheumatismo obtinet, ubi ægri calore, siti, & febre laborant, si verò tum spiritus vini adustus vel aquæ Theriacales dentur, hisque medicamentis quieti ad sudandum componuntur, tum sæpe ex hoc morbo fit morbus acutus multo gravior; ergo jam huic quæsito satisfactum est, ubi quærebat, quot modis læsio vasorum impediatur; hæc verò æquè vera sunt in morbo interno quam externo, hocque modo in Pleuritide & Phrenitide læsio futura est tollenda.

§. 397. *Laxata.* Simul verò causa obstructionis & causa obstructam materiam urgens tolli debet, sic si distractio nimia sit, tum pars est laxanda, ut liberum sit iter, & hoc vas paralyticum factum, hinc se non iterum contrahit; verum hic de paralyti non ago, sed pono vires contractrices vasis nondum esse diiperditas, tum distractione laxata se restituit, vasque redit in naturali statu, sed primo modo fit semi-paralyti.

Vis. Nisi ita distenta sint vasa ut elasticitatem omnem amiserint.

§. 398. Hæc tertia indicatio hic magnam difficultatem facit, nam quid est materia obstruens? Est lentus, viscosus inflammatorius sanguis, per quem lentorem sanguis seorsim in flaccos concrevit, dein in majores & minores, & tandem fit homogeneous corpus, nam non est terra, sed sanguis inflammatorius, & illa materia est ponderosior, densior & durior materie sanâ, quæ plerumque est orta à nimia sanguinis compressione, hæc verò à nimia ve-

locitate, hinc hic longè alia resolutio requiritur, quam in morbis Chronicis.

Attenuare est partes quasi scindendo reddere tenuiores; hinc ita attenuatur, ut non plus increseat, nec moveatur.

Diluere est materiam ex globulis concretis compositam liquido interposito resolvere; de his vobis multa dixi in Capite de Obstructione, si enim potestis facere materiam tam tenuem, ut transfluat, tum resolvistis.

1. *Vasis &c:* uti in obstructione dixi, omne vas, ubi obstructio fieri potest, est arteriosum, sed omne arteriosum reciprocè expanditur & contrahitur, hoc motu materia contenta atteritur, & dividitur, hinc vasa nimis distenta amittunt elasticitatem & motum; hinc non conteritur liquidum, ergo causa distendens est minuenda.

Missio sanguine. Nam cui perfecta est arteria magna, ex hac exit sanguis, æger fit debilis, frigescit, pallefcit, anxie obruitur, & cadit in animi deliquium, & tum sanguis retrogreditur; dicunt verò alii, quod si semel in arteriâ retroiret sanguis, quod tum non esset circulatio, sed tamen hoc pro momento fieri potest, nam si sanguis incipiat deficere, tum retroit & ad partes non derivatur, sed modò ad cerebrum, quia ibi (ut dixi) minima fit resistentia; hinc *Galenus* dicit, quod missio sanguinis ad animi deliquium fieri debeat, quia tum vasa per frigus contrahuntur, & hinc sanguis retropellitur, putavitque ille illo temporis puncto quo fit animi deliquium, sanguinem retropelli, hoc summum remedium, sed sæpe nocet alteræ indicationi; hæc verò methodus sola sufficeret, si non quandoque aliquod esset obstaculum, nam
me-

medicinam nostram non tradere possumus nisi ad circumstantias, universale enim remedium non habetur, si verò quærat, an missio sanguinis sit bona? si nil aliud adesset quam obstructio, tum sufficeret, si nullum esset contraindicans. Venæ sectio prodest in eo, quod etiam si oscillatio sit amissa in aliquibus arteriis, sed non in omnibus, tum facile restituitur hac operatione; hinc sanguine ex venâ quadam detracto, subsequenti pulsu statim restituitur oscillatio. Vide *observationes Severini & Bartholini in Anatome de Arteriotomia*, nam simulac arteriarum fines sunt infarctæ, ut venæ sectio non profit, tum instituenda est Arteriotome v: g. ex arteriâ temporali.

Per stimulum. Hæc quoque est antiqua methodus, ubi resolutio cito maximè fieri debet, ut notat *Baglivius in capite de Pleuritide*, qui solum hoc animadvertit, sed tamen sub conditionibus præmissis, at tantum in hoc casu sufficient decocta tenuia leviter aromatica internè calida assumpta; quæ præparari possunt, ex tribus lignis Santalinis, Sassafras &c. ex Radicibus Imperatoriæ, Graminis, Petroselini, Enrigii, Carlinæ &c: ex Herbis Scabiosæ, Rutæ, Betonicæ, Parietariæ &c. & ex variis pluribus leviter stimulantibus, in *Materia Medicâ* dedi tutissimas & ordinatissimas formulas; hæc si largitur potentur, vi illius aquæ dilutæ solent ad illa loca venire & facere stimulum, ut motus oscillatorius restituatur; idem fere efficitur per syrupum de Acetosa *Fernelii*, de Althæa vel citri, hæc omnia magnâ copiâ sunt assumenda, si hæc pertransire possunt, tum bona sunt, sed si acre vel acrimonia oleosa adsit, ibi ligna & reliqua, in *Materia Medica* recensita meliora sunt; hæc

tutò usurpari possunt, licet sint Aromata, quia sunt lenia, quæ à Veteribus fuerunt laudata.

Fomentis. Hæc nunquam sunt omittenda, & hæc est regula universalis quod nunquam singularia debeamus adhibere & universalia ommittere & vice versâ, sic si homo sit pleuriticus, tum omnia, quæ in pleuriride singularia & simul generalia applicentur, ut fomenta; sic si quis in crure inflammationem habeat, tum fomenta adhibenda sunt, & simul venæ sectio, quod à multis Chirurgis non observatur.

Frictionibus, mollibus nempe & lenibus, qui olim fiebant per servos Alyptas dictos, quando redibant Domini ex balneis; fibræ enim hoc modo roberantur & humorum fluxus promovetur.

2. *Diluendo.* Dissolutio fit diluentibus tantum aquosis, nam omne, quod diluit ut serum lactis, lac ebutyratum, Cerevisia Neomagensis *Mol* dicta tantum diluit, quatenus aquam admistam habet, hisce diluentibus utantur forma balnei, fatus, vaporis, Clysmatis, potus &; hinc diluens generale est aqua, nec novimus aliud, oleosa conglutinant, spirituosas consolidant, ut alcohol summum est consolidans, salina descindunt. Aqua calida laxat, frigida verò contrahit, ergo obstructionem majorem creat, ut *Galenus* optimè annotavit, hinc si Medicus posset invenire modum diluendi sanguinem per aquam, & immiscendi eam sanguini, tum sanguinem solâ aquâ dilutum retineret, & sanaret utique omnes morbos inflammatorios, sed jam observavit *Galenus* aquam in sanguine non remanere, nisi admisceantur saponacea ut mel aquâ dilutum, quod per totum corpus penetrabit, nempe si intra

viginti

viginti quatuor horas libra una & dimidia mellis magnâ aquæ copiâ diluti potentur, & addatur succus Limoniorum, vel decocta farinosa ex Althæis Malvis similibulvæ quæ additis levibus salibus & saponaceis maximè juvant; si urina sit ruberrima, tum aqua sola nil juvat, sed adhiberi debet sapo suboleosus acidus ut Mel cum aceto & aquâ; in omni cura Antiphlogistica primo subministrentur Clysinata mollia, postea potetur æger Decocta Tamarindorum, vel decocta mollia cum paucis aceto vel sale Prunellæ, præmissâ venæ sectione, laxatione, tum dare potest Decoctum lene aromaticum superius descriptum.

3. *Attenuantibus.* Singularis enim phlegmones tenacitas in sanguine hæret, hæc verò alia est quam in morbis Chronicis & frigidis; hinc quæritur, quid tenacitatem inflammatoriam resolvere seu tollere possit 1. Nitrum, 2 Nitrum fusione paratum, Nitrum cum sulphure ut sale Prunellæ & Polychresto, Tartarus, Tartarus vitriolatus, idem quoque Saccharum, Mel, Manna, hæc omnia conveniunt, sed quia putredo simul adest, hinc sumatur Oxysaccharum, quæ ex Aceto & Saccharo paratur, Oxymel, omnes succi horæorum maturi recenter expressi, ut Uvarum, Pomorum, Carasorum, Ribesiorum, qui sunt veri saponæ; hæc Hippocratica in diversis modis proposui, ut sciatis, quid sumendum sit, Vide *Caput de Obstructione.*

Genio. V: g. si ex salino concreto, tum aqua sufficit, si ex acido concreto, tum alcali cum aqua sumptum solvit, si verò materies impacta inflammatoria, tum sal Ammoniacus, Nitrum, salia utpote levissima cum aqua sunt

potanda, si à terrestri tum saponacea acida ut Rob sambuci, de Ribefiis, & Syrupus ex hisce compositi, Oxymel tam simplex, quam scillicet, si æger sit acidâ laborans acrimonia & pallidus, tum sal Corni Cervi, urinæ vel sanguinis; nam Medicus obstructionis genium plerumque videre potest; in inflammatorio morbo raro muriaticum peccat, sed fere semper alcaliescentia salis & rancescentia olei. ut & utriusque indolis alcalinæ volatilis; (si sit viscosa iners, tum aquâ tepidâ cum aromatibus convenit.

Externè. Hinc apud *Swalve de quærelis Ventriculi* Ventriculus conqueritur, se medicamenta assumere debere, si digitus Podagra sit affectus, sic etiam hic externa quandoque sufficiunt, interna verò efficacissima sunt; hæc tantum cognita à Medicis remedia novi, unde jure quodam Medicus expectabit resolutionem aliquam, si enim materiem reddat meabilem, corrigit id vel ope vasis vel ope liquidi; in morbis inflammatoriis potus optimus est sequens.

℞. Aurant. Curasav, succ. ℥j.

Nitri puri ℥ss

Aquæ hordei ℥xx.

— Rosarum ℥j.

Syr. Capillorum veneris ℥ij.

M.

& si æger sit valde pauper, tum

℞. Aquæ tepidæ & coctæ ℥xx.

Aceti ℥j.

Mellis ℥ss.

Nitri puri ℥ss

M.

Quod est oxymel *Hippocratis*.

§ 399. *Aquoso.* Quoniam statim transit per vasa, imprimis si potus sit tepidus, nisi adsit nimia

nima laxitas, sed in inflammationibus est rigiditas frequentissima, ergo fere semper conducit.

Blando. Vix verò ullus victus in genere blandus vocari potest; hinc semper debet esse respectivus ad materiam peccantem. si illa non est oleosa, tum omnis generis Emulsiones conducunt v: g. ex Avena, Hordeo, Tritico, Amygdalis, semine Papaveris, quatuor frigidorum majoribus & minoribus coctis & tritis; victus sit ex oleis & farinosis. De Obtundentibus dixi, ubi de corrigentibus acrimoniam egi.

Acri. Sic ubi acre peccat ibi veteres laudantur maximè terreas medicatas, ut Bolus Armena, Terra Lemniæ, Terra Silesiana, hinc in ipsa peste hæc medicamenta adhibuerunt, si verò acre biliosum adsit, tum mellita conveniunt, & Syrupi acescentes vel aciduli, verum multi à melle acidum in corpore timent, sed hoc acidum in corpore non tam cito fit, quia longum tempus requiritur, antequam acescat.

Oppositâ. Si v: g. bilis sit acerrima, tum oleum Amygdalarum Dulcium recenter expressum in copiâ conducit, si fætidum, acida & acescentia, si acidum, blanda carniū jura conveniunt, ut corrigat illud acidum.

§ 400. Veteres vocabant retropulsum, quando inflammatio hærens in fine vasis vase hoc integro manente nec destructo fiebat evacuatio liquidi arteriosi ex arteriâ, ita ut hæc arteria fiat tunc pro hoc tempore vena; ergo dixerunt, materiam esse resolvendam vel retropellendam, & effectu, licet sanguinis circulationem ignorarent, optimè dixerunt. Ultima indicatio est, ut inflammatio non abeat in suppurationem nec gangrænam; melius sane remedium Medicina invenire vix potuit; quam hanc retropul-

tionem, licet nonnullis videatur impossibile sed videant modo experimentum in ala Vesperilionis contusa à *Leeuwenhoekio* captum in qua nimirum deprehendit motum sanguinis sese bene habere, nisi quod particula crassa in contuso loco hæreret, quæ motu oscillatorio majori tunc fortius adigebatur in vas illam continens; tunc ab illo fortius retropellebatur, tandem uno ictu fortissimè in vas impulsæ, validissimè ab illo retropellebatur in vas majus, & sanguinis per illud vas, antea obstructum illâ crassâ particulâ, liber transibat. Præterea certus sum, neminem esse, qui hanc retropulsionem non sæpissime viderit: v: g. homo sanus habens omnia vasa proportionaliter plena, faciem vividam & roseam, cui triste aliquod nuntium adfertur, statim pallefcit; si tunc omnis rubedo sit à sanguine arterioso transparente, uti re verâ est in nostro corpore, tunc ille sanguis, qui antea faciebat colorem roseum, in arteriis amplius esse non potest, nec tamen tam cito transivisse in venas (sit enim uno momento ille pallor) sed necessariò debet retroivisse, imprimis cum in animi deliquio, quod in his casibus fit, appulsus sanguinis à corde, si non tollatur penitus, maximè tamen imminuitur, sicut arteriæ ultimæ non solum non accipiant sanguinem, sed etiam quasi venæ illum in vasa majora retropellant: quod idem obtinere possumus.

I. De hac veritate dubitare possumus, quia sanguis non agit per omnia vasa eodem impetu, eodem modo, nec æqualiter, sed in his semper variant, est tamen quædam pars, per quam liquor sine mutatione adigitur, ut sit per cerebrum, cerebellum, medullam oblongatam & spi-

spinalem, nam hæc intra cavitatem offeam sine musculis, pinguedine, & mutabilitate hærent, & vasa elasticitatem non habent; hinc sanguis licet motus minimus modo sit superstes, tamen adhuc pellitur in caput, quamvis ad partes ire non possit, ut in Phrygiæ videmus ubi tota syncrosis externa perit, sed sensus manent, & vix pedibus insistere possunt, quin cadant in animi deliquium; ergo hic tamen circulatio per cerebrum manet, nam omnibus sensibus tam internis quam externis gaudent, nunc si reliquæ partes premi possunt, facillè patet, quod, ubi sanguis non premitur ut in cerebro, fluxus sanguinis maneat, sed contrarium accidit, ubi vasa elastica premunt in contenta & retroagunt, hoc enim non à venis fieri potest, quia illæ semper sanguinem ex angusto in latum ferunt, ergo verus retropulsus fieri potest, & hæc est ratio, cur Veteres tantam spem posuerunt in revulsione in initio adhibita; hinc mittatur sanguis ad animi deliquium usque, vel tamdiu, donec æger pallescere incipiat; quam missionem sanguinis ad animi deliquium usque tam optimè laudavit Galenus.

2. De hac materia ante dixi in capite de morbis rigidis, ibique demonstravi, quod intra octo dies corpus sic reddi possit laxum, ut æger stare nequeat, si modo illi detur decoctum Malvæ pro cibo potuque assiduo, vel serum lactis imprimis cum emollientibus oleribus vel farinosis incoctis, injiciantur omni horâ talia clysmata & balnea tepida continuò adhibeantur, sicque omnia laxantur, hinc vasa fiunt laxissima & patula, nam vasa laxando, ea capaciora reddo: ergo laxare possumus prout requirit;

hinc omnes morbi inflammatorii consistunt in rigiditate, & non potestis nimium laxare, quamdiu calor & febris adsunt, si verò hæc non adsint, tum ab hac cura est desistendum, aliter novus fit morbus.

3. Frictione topica partis affectæ; nam hac retropello sanguinem ex minoribus in majores canales; dum enim v: g. ab inferiori parte manus duco ad superiora, tum arteriosum & venosum sanguinem ad cor pello; hæc ergo est veterum Medicina, nam hi post missionem sanguinis ægros ducebant ad balnea, & quando in balneis partes erant emollitæ, tum frictiones adhibebant, sed quod dolendum est, hæc methodus hic apud nos eviluit, & à nullis magis excolitur, nisi in Asia, sed videmus quidem ex centum Medicis vix unus, qui non dedit antimonium diaphoreticum cum nitrosa & acetosa vi præditum, hæc quidem resolvere possunt, sed tamen priora felicius, & optandum quidem esset, quod hæc methodus resuscitaretur; Vide Celsum.

§ 401. *Resolvere in omni morbo est, totâ sanitate intactâ manente stagnans reducere in fluentem materiam & minus acrem reducere in mitem; hoc raro fit in majoribus vasis, sed sæpissime in lateralibus vide de hac re exemplum Leewenhoekii in vespertilionis in obstructione enarrata.* Resolutio tamen hic sola est perfecta curatio, ergo resolvere est maturare materiam, emollire vasa & retinere vitam; & si his omnibus satisfecerimus, tum est videndum, quo natura inclinet, tumque eo est deducenda, hodie verò ille, qui chemiæ edocti sunt post Paracelsum putarunt hic medicamenta sudorifera esse adhibenda, ut v: g. Theriacam, Antimonium


asum Diaphoreticum tenue, sic etiam Helmontius dicit, quod si Sulphur Veneris seu Sulphur Narcoticum accedat ad linguam, quod tum illico resolvatur, & hoc nulla ratione nec experimento firmari potest; hinc hæc sunt omittenda.

Sanatio perfecta est corporis aegroti talis mutatio, ut salvâ vitâ omnes functiones restituantur integrè, ergo est ablatio morbi & conservatio vitæ, & sic sanatio est perfecta, si sanando nullus alius morbus inducatur, talis sanatio est resolutio. sed semper resolvere non possumus; si v: g. Clyisma injiciamus, demus purgantia, & salivationem inducentia, tum hoc modo morbum curamus, sed hinc curando alium morbum inducimus.

Crisis est talis corporis status, in quo magna mutatio vel in morbum vel in mortem, vel in sanitatem accidit, vel in quo natura & morbus sibi invicem oppositi & contrarii magnam mutationem faciunt, vel in bonum vel in malum; sic est quasi judicium morbi, an sanitas vel vita integra futura, vel an aliquid superfuturum, vel an mors futura sit, & sic hi duo stant ante tribunal, ubi judicatur: Crisis verò fit vel per vomitum, vel per urinam, vel per sudores, vel per alvum deponitur, tum dicitur crisis naturalis, si verò in certum locum deponatur, tum fit metastasis seu abscessus, ergo alius morbus; resolutio verò fit sine crisi, hinc si quis in peste v: g. inertem possit reddere materiam vel insensibiliter expellere, tum resolutio esset facta, si verò Anthraces vel bubones oriantur, illi quidem liberantur à peste, sed alium morbum accipiunt. Hinc ergo cognoscendum est, an à stimulo, vel in materia,
quæ

quæ non sine alio morbo curari potest, hæreat. *Helmontius Pater* dicit optimè, quod non sit bonus Medicus, qui crisin non expectat, sed si resolvere interdum non possimus, uti *Helmontius* ipse non potuit, tunc omnino hac contenti esse debemus. melius enim est, quam gangræna perire hominem; *crisis enim vocatur materiae morbosæ à sana separatio.* Pone Medicum vocari ad ægrum decumbentem, sentit dolorem, nisi dormiat, si tum simul sitis excitetur, & urina simul valde sit rubra, tum puto, hunc hominem circa viscera accipere inflammationem eodem modo, vel externè de brachii inflammatione dixi; si tum missio sanguinis, balnea & frictiones applicentur illico, tum urina evadit paulo crassior, vel secretio augetur, hacque resolutione factâ hoc opus melius feliciter perficitur à naturâ, si verò tum spiritus Theriacales, Confectiones Alkermis, vel de Hyacinthide, Tincturæ Bezoardicæ vel similia Bezoardica adhibeantur, tum motu aucto fit febris, & sic quandoque levis morbus evadit incurabilis. *Hippocrates* quoque eadem suadet, & dicit, si homo cepit τὸ πρῶτον, tum quies imperanda, nil nisi Phytisana assumenda cum aceto, & aliquando, si necessitas urgeat, venæ sectio, dicit Clysmata Emollientia hic nunquam esse omittenda mane & vesperi; his adhibitis magnus ille Vir ad dies criticos maximè attendit, si tum videat materiam ad quandam locum determinari, ut si alvus solito plus fueret cum levamine, tum clysmata dabat, ut materiam porro eo determinaret; sic chemici hic multa mala induxerunt, ut ipse *Paracelsus* dicit Alchemici (sic Chemicos vocabat) multa mala & bona fecerunt; ex hisce apparet, quam

quam faciliè sæpe (modo Medicus, apparente inflammatione, ægro adesset) inflammationem resolutione curare posset, quæ aliter abitura foret in suppurationem & gangrænam &c. ex præcedentibus etiam patet, quodnam symptoma in inflammatione maximè urgeat? febris nimirum; quò enim illa est major eò difficiliorem habebimus curationem; hinc æger male stragulis obruitur; male cogitur fenestris & cortinis clausis in suâ propriâ Atmosphærâ, ægro sæpe tam molestâ & noxia hæerere, deinde etiam focus nimis non instituatur. Sudoriferæ nunquam in inflammatione profunt, nisi obstaculum unico impetu abigi possit, si nimirum sit valde subtile ut in Peste &c. in quo morbo aliquid calidum magnâ aquæ copiâ dilutum sæpe profuit, aquâ verò omisâ fere semper obfuit. Omnis morbus externus inflammatorius eodem modo Chirurgo est tractandus, ac medico morbus internus.



Abscessus.

§ 402. Hujus vocabuli Auctor est Hippocrates, nomen abscessuum derivatur ab ἀποχωρῆσαι abscedere; hinc ἀποσεισθῆς, ἀποσειμα, quod significat, quod materia hætenus fluxa per vasa incipiat abscedere in loco, ubi est extra legem circulationis. Recentiores verò putant abscessum semper notare suppurationem topicam, quod non semper verum est, sed est modo propriè transmigratio vel secessus, verum quia ut plurimum fit suppuratio; hinc in hanc

hanc sententiam devenerunt, in quo vulgato sensu illud quoque accipimus.

Frustrâ. Nam sæpe omnia supra dicta adhibemus, ubi tamen nil efficimus, sic vidi aurifabrum, qui febre & horripulatione cum levi delirio laborabat, & circa femur magnam inflammationem accepit, licet omnia in inflammatione dicta adhibita fuerint, tamen tertio die ulcera gangrænosa fiebant, hoc vero accidit, si in liquidis talis sit dispositio, quæ nulla arte nec revulsione, nec aliâ Methodo in inflammatione descriptâ averti potest, dein quoque in panniculo adiposo plerumque fit inflammatio, ubi tamen difficulter resolutio fit, quia vasa ibi minus elastica in tam molli pulvinari jacent.

Non. Tum hæc inflammatio suam naturam sequitur.

Sero. Si Medici omnia bene considerent, tum milleni forte ægri supervixissent, sed lenem inflammationem negligunt, tum materia obstruens abit in vasa minima, ita ut tum resolvi non possit, quomodo verò sciamus inflammationem non posse resolvi, sed eam in abscessum abituram. *α* Si tumor sit magnus, si parvus sit, raro sequitur suppuratio. *β* Valdè tensus & elasticus non mollis, sed renitens. *γ* Si pars affecta magis magisque calida, rubens, pungens & dolens fiat, & hæc symptomata per tres dies maneant. *δ* Si febris augeatur & pertinaciter perduret. Suppuratio verò seu pus non fit sine inflammatione prægressa, sed dicetis forsan in Phlyti non esse inflammationem, hoc non est verum, nam inflammatio hanc febriculam producit, qualibet vesperi, & si febriculam non habeant ægri, tum sequenti die

die pus non spūunt, si hæc ita sese habeant, tum resolutio non est tentanda, nam sic materia condensata solidiori liquido privatur; sæpe vidi Chirugos tractantes mammarum & uteri inflammationem, quam resolvendo curare non poterant, curam tamen ad suppurationem dirigere nolle, unde dissipatis liquidissimis scirrhus natus est; tumque putabant se ægrum curasse, quod minimè verum, nam in pejus periculum conjecerant; *Helmontius* verò vult suppurationem esse morbum, quod negari nequit, sed tamen ægrum liberat à majori morbo. Hæc quatuor cum ita sese habeant, tum metus est suppurationis, si verò subito hæc omnia augentur, tum brevissimè suppuratio est expectanda, sic etiam si materia violenter sit impacta, tum non resolutio seu suppuratio est expectanda, si verò tum quis vellet pertinaciter dissolvere, tum fit scirrhus, hoc enim modo sæpe imperiti Chirurgi suos ægros majus malum conciliant, sed hic nulla est occasio ad resolvendum, licet multi Medici tamen tentare velint, sed frustra, nam tum resolutio est impossibilis; hinc tum modo suppuratio est promovenda, quæ fit sex modis.

1. Crudum *ὀπὸν* græcis dicitur, omne id quod recens est, & functionem impedit Medici crudum vocarunt, ut id, quod per vasa fluere debet, transfluere nequit, tum si tale quid hæreat in mille vasis, hæc omnia cum materia contenta sunt conterenda; *conterere* verò dicitur *macerare*, *coquere*; 2. recens Medicina id tentare volebat per exsiccantia, ideoque applicaverunt spiritum vini Camphorati & reliqua calida, sed quid illis faciebant? Constrinxerunt vasa, fecerunt majorem motum, dissiparunt
flui-

fluidissima crassioribus interim relictis, & se præcavebant quidem suppurationem, sed indurescebant partem in scirrhum millionesies peiorem, sed aliud quid faciebant interioribus v: g. laborat quis inflammatione hepatis, statim dabant Medici Spiritum Theriacalem, Cornu Cervi, Tincturas Bezoardicas, putantes se nunc resolvere partes, certè si talia ita agerent, ut illi putant, indurescerent partem in petram, uti probant Anatomici, quando his spiritibus sua præparata indurescunt & conservant, ergo Emollientia hic sunt optima; hinc id quod nunc pro parte ruptum est, ad rupturam magis est aptandum. *Hippocrates* ubique ubi agit in suis scriptis de morbis materie, loquitur de Apostemate, quod idem est ac abscessus, *qui est collectio materie morbum facientis, prius dispersæ, nunc in unum locum collectæ*, unde intelligitis, quod aliud sit suppuratio & aliud sit abscessus seu secessus materie, nempe hac collecta primo suppuratio fieri debet v: g. suscipit quidam venenum aliquid pestiferum, laborat vehementissimè, tertio die erumpunt maculæ, tum abscessus est factus sed nondum ulcus, ergo hic prius fieri debet Metastasis sive transmigratio materie in alium locum, qui si suppuretur, dicitur abscessus scirrhou, gangrænosu, cancroso, & tandem purulenti, de quibus hic est noster sermo.

3. Ut materies quæ ex vitalibus partibus secessa ducatur extrorsum, ne vergat ad interiora, quæ materies cum acris sit, & absorbeatur in sanguinem, inducit Cacochymiam; si materiam semper ad exteriora ducere possemus, tum in omni ferè inflammatione hanc methodum curandi per suppurationem eligeremus, sed

sed hoc non semper succedit, at hic quidem naturæ viam quodammodo sæpe parere possumus, sic enim *Hippocrates* in Pleuritide in suppurationem cedente jubet externè fomenta applicari, & inunctiones & incisiones fieri, idem quoque dicit de Peripneumonia, quæ transit duodecimo quarto die in suppurationem, & ubi vigesimo primo die pus est factum & maturum, tum corpus præparat, dat vinum molle & vapores haurire jubet, vunctiones in curru præscribit, ita ut pus in vesiculas sibi aperturam faciat, & sic per asperam arteriam derivetur extra corpus, præterea ægros multum edere & bibere jubet, ut ventriculus impleatur, & diaphragma sursum prematur, tumque corpori sic præparato curru imponit, & per aspera & inæqualia loca vunctiones facere jubet. *Hippocrates* per apostema intelligebat materiam in sanguine non coctam sed hæterogeneam, quando autem illa materia abibat ex sanguine & recedebat, ut v. g. quando pus abibat per renes, tum dicebat materies abivit ἀποσάσκει, cum verò in morbis inflammatoriis hæc materies abeat in quasdam corporis partes, hinc apostema vocatum est, dein ab omnibus Medicis abscessus; abscessus igitur hodiernus sive suppuratio est species illius generis ἀποσάσκειν

Hippocratis.
 4. *Puri cocto.* Dum maturatum est, nam aliter tenuius & acrius it facile in vasa resorbentia, & sanguinem facit Cacochymicum; cutis raro vel nunquam suppuratur & consumitur, sed panniculus adiposus, qui est multo tenuior, pari ratione hepatis substantia est friabilior ejus membrana.

5. Omnis locus suppuratus semper est impurus

purus & sordidus, plus minusve, tum est ulcus, quod differt à vulnere in eo, quod sit antiquum, purulentum vel ichorosum, & nunquam consolidetur, nisi prius rubens & mundus sit factus.

6. Tunc enim relinquitur vulnus, sed cum substantiâ perditâ, hinc eodem modo est tractandum, sed quomodo hoc nunc fiat, est difficillimum; possum enim in externâ cute aliquid efficere, quod magnam difficultatem haberet, si fieret in hepate. Omnis abscessus suppuratus habet, 1. vomicam, quæ est materia in vasis collecta, tum dicitur vomica clausa, 2. inflammata labia, 3. si vomica aperiat, tum vocatur ulcus apertum, 4. si mundetur. Si hæc sex fieri possint, tum suppurationem curare possumus.

§. 403. *Maturatio est omnis materiæ obstructis & vasculorum obstructorum per vim vitæ auctam communitio in pus.*

1. Hic generalem Methodum præscribere est impossibile, nam in nonnullis motus nimius & nimis calor, qui paulo est coercendus, in nonnullis verò, qui v: g. febre quartana vel morbo hypochondriaco laborant, hi inclinant in Scirrhum; hinc tum Cataplasma ex cæpis asfatis sub cineribus cum fermento panis & paulo aceti & gummi galbani subactis applicare licet, nam tum motus ibi plus est augendus, si verò medium obtineat, tum medicamenta media adhibamus; si v: g. mille vascula obstructa, hæc ut suppurantur, febrim requirunt, nam si pus fiat, tum febris & dolor adsunt, si verò factum sit pus, vix dolor & febris adsunt.

Calefaciendo. Nam pars maturando debet esse calidior, ac pars sana; aliter scirrhescit: at-

tritum enim est faciendus, quo solida cum fluidis melius miscentur, falso ergo dicunt Medici calorem debere esse talem in parte ac est naturalis calor, sed *Hippocrates* optimè notat calor, sitis, dolor, febris, sed longe majora quando pus nascitur, quam quando adest, idem ac si diceret, si suppurationem promovere velis, calorem majorem conciliare debes; nam in omni parte inflammata, ubi frigus adest, ibi non fit suppuratio, hinc calefacientia tum applicanda sunt, ut Emplastra calefacientia nempe Emplastrum de Meliloto, de Cuminio, hocque modo calorem & motum augemus.

Febricula. Id fiat motus major, ergo qui Medicus scit locum esse suppurandum, & tamen imminuit febrim, ille scirrhum inducit febre longe pejorem, nisi febris vehementissima, quæ gangrænam minitatur, adsit, ergo non in omni morbo febris est tollenda, conducit enim maximè ad suppurationem, uti vidimus, maturantia talia optima sunt gummi, quæ constant duabus partibus, altero subtiliori, quæ se in vascula minima insinuant, & materiam movet, altera tenaciori & vi plasticâ prædita, quæ hos poros occludit, unde ejus calor optime fovens & prægnans est; hinc nulla suppuratio fit sine febre, etenim v: g. Phyticus, quando mane expuit suum pus ex suo pulmone, credit se bene habere, sed postquam sumpsit cibum, tum materiâ alimentorum coctâ fit novum pus, quod iterum excreat, cum ob virium vitæ debilitatem hanc materiam concoquere non possit.

2. Qui verò sola calida & sicca adhibent, illi scirrhum & gangrænam faciunt; hinc debemus

imus modo facere, ut calor & motus redundant in partibus affectibus, ut ibi fiant attritus & digestio, eodem modo ut Chemici sua menstrua cum parte solvenda induunt in vase, & huic ignem supponunt, sicque motum faciendo materiam solvendam solvunt.

Motus nempe redundatur & reflectatur in loco, tum fit prægnatio eodem modo ac gallina ovo incumbit, quod belgæ optimè exprimunt *broejen*, nam in aliis linguis non habetur melius vocabulum sic sensum exprimens.

Exhalationem. Si verò spiritus vini vel alcohol applicetur loco affecto, hæc nimium dissipant, si verò parum sal ammoniacus imponatur, cui supponit gummi, Galbani, bdellium & similia; hæc enim obthurant, vel fiat Cataplasma ex farinâ Secali cum pauxillo Allii vel Cœparum vel cum pauxillo ficuum, hæc calida in loco retineantur, acris cœpa dividit, farina determinat, alii sumunt in hoc casu butyrum recens, in quo magnam copiam acetosæ decoquunt cum farina lini, quod est optimum maturans.

3. Nam qui vellit magnam febrim excitare, ille gangrænam faceret, si verò inflammatio per nimis siccantia tollitur, tum fit scirrhus, sic qui incipit laborare Variolis, si accipiat febrem infestissimam, tum non fit suppuratio, & ille tum habebit Variolas confluentes dictas, in quibus nullum pus, sed ichor oritur, totumque corpus fit nigrum, ergo hic summa est Medicorum sapientia ut febrim faciat, sed non nimis, febremque etiam nimiam tollat. Emplastrum de Mucilaginis adhibeatur ad maturationem & gummi ammoniacum, applica ad locum inflammatum, tum fit attritus partium

ad locum & hæc est maturatio, si verò adverte-
at Medicus nimium esse calorem ab Emplaf-
tro, tunc oportet adhibere lenius; si autem in
morbo inflammatorio magno ut Peste suppuratio
fieri non possit, tunc adhibenda sunt emol-
lientia, ut farina lini, avenæ cum paucis aci-
do, si corpus senile sit, & deficiat motus, ti-
measque scirrhum, tum adhibenda sunt calefa-
cientia, ut gummi ammoniacum &c. si autem
mulier lactans & febriculâ simul laborans acci-
piat malum in mamma, ut plerumque accidit,
unde timeatur Cancer, tum oportet adhibere
farinam avenæ cum paucis melle, non autem
applicanda sunt Emplastrum de Galbano, Opo-
banace & similia calida, nisi mulier fuisset laxa
& debilis, nec febrim haberet.

4. Hoc verò nullibi majori cum periculo
negligitur, quam in mammis & glandulis in-
guinalibus à lue Venerea, nam si talis suppu-
ratio nimis cito aperiatur, tum medicamenta
fortissima sunt adhibenda, ut per vim resoluatur,
aliter maturatio hic sufficeret, hæc ultima
methodus est optima, si nempe talis locus sup-
purans clausus maneat per tres, quatuorve dies,
ut tota materia obstruens & vasa obstructa
magis minusve sunt, si verò aperiatur, ante-
quam omnia in pus sunt conversa, tum omnia
effusa fiunt, hujus ratio est, quia si sub cute
clausa v: g. mille vasa suppurare incipiant, &
semidia pars horum jam suppurata in pus abierit,
tum hæc pars, ut bonum menstruum reliquum
convertisset quoque in pus, sed si aperiatur,
tum omne illud pus effluit, sed tum reliqua
vasa cum humoribus indurescunt, fitque scirrhus,
tum si Chirurgus aperiat, pus effluit, aer ac-
cedit, omnis illa pars exsiccatur, contrahitur,

Pars II.

E

NON

non suppuratur, sed materies ichorosa effluit; verum scio; quod aliter scriberent ex urbe Massiliensi, ubi crudi Bubones & Anthraces illico exciderunt, sed dum consulo litteris ad me inde delatis, & video hæc omnia pessime habuisse eventum, sed pars maxime est emollienda, si hoc fiat, nil tum oritur mali, idem quoque in lue Venerea obtinet, si bubones erumpantur, tum per Emollientia & macerantia tolluntur, si suppurationi sufficiens tempus concedatur, & puto, quod tum simul venenum è corpore tollatur.

Pus. Alii dixerunt esse à sero, alii à sanguine; verum Chirurgi norunt, quod si omne pus absorbeatur, & post horam iterum ulcus aperiatur, tum ros appareat humidus, quo sublato si post duas horas aperiant, lymphidâ aquâ tenuius apparet, & sic semper per moram in loco (si non abstergeatur) ex tenui fit crassius, & si per sex horas relinquatur, fit aliquid puri simile, hinc non puto in vasis pus generari, sed ichor tenuis, inde fluit, ex quo parte liquidiissimâ separatâ fit pus.

§. 405. Hic recenseo signa, quæ docent, quando abscessus est aperiendus.

Mollities. Quamdiu materies est in vasis duris, tum pars est dura, quasi spinis ferreis vel ligneis constaret, sed cum materia est soluta, tum pus est molle, quia vasa in unum liquidum abierunt; hinc tumor debet esse molle digitis cedens.

Fluctuatio. Undulatio Chirurgis dicta si v: g. magna suppuratio vel bubo, tum digito explorat Chirurgus, an ad omnes partes, si in lateribus oppositis prematur, tumor æqualis vel fluctuatio adit, quæ si adit totus locus est suppuratus.

Remissio doloris. Nam omnia hæc sunt minuenda, simulac pus factum sit, careatque pars affecta his malis, - neque rubeat, neque doleat, neque magis dura sit pars.

Vertex mucronatus. Ut ab Anthrace furunculo, Carbone, ubi pus sub cute hæret, ibi in medio liquor in cuspidem mollem adscendit, tumque attenuari incipit, & hoc est bonum signum, nam omnis locus, quamdiu est inflammatus, tum tensus & dolens est.

Febris. Nam omnis pars, si beuè procedat, se ita habet, & si ita non sit, tum nondum est apta, ut aperiatur, idem fit internis, ergo febris jam abesse debet.

Vertex, qui semper deprehenditur, & ibi aperire potest, si in circumferentia se bene habeat, idem fieri deberet in internis, si Chirurghi manui daretur accessus.

Gravitas. Id est in parte, nam id ponderat, quod est extra vasa. Hæc sunt signa jam maturati puris, verum sæpe latere possunt in loco varices vel aneurismata, quæ pro suppuratione habentur, nam signa suppurationis quoque adesse possunt; hinc *Hippocrates* dicit, ut scias suppurationem esse, inflammatio debet esse prægressa; jam ergo dictum est, quid sit maturare, qui sunt effectus, quæ causæ, & quæ sunt signa maturationis, & hac occasione monui, quod si inflammatio ita sit disposita, ut in suppurationem vergat, tum hæc sit promovenda tamdiu, donec omnis pars affecta sit facta pus, & hinc quoque signa dedi, quando abscessus est aperiendus. Omnis inflammatio non potest dissipari, ut perperam existimavit *Helmontius*, nam si tunc istud teneretur, tum spirituosum & tenue resolveretur, re-

maneretque crassum; ergo apponenda sunt medicamenta superius allata, & tamdiu ea relinquenda & apponenda, donec pus viam ex se sibi aperiat, quando sibi parare viam potest, nec obstat crassities integumentorum aut loci profunditas, idem dicendum est de bubonibus, quando nimis cito aperiuntur.

§. 406. Si verò pus accuratè perfectum & maturatum diutius in loco relinquatur, tum ibi attenuatur, fitque iterum tenuior, cæterum si modo ad illud punctum temporis perventum sit, ubi est bonum pus, tum est instar cremoris lactis recentis seu quasi liquati butyri, & spissitudinem albuminis ovi habens, sed si tale pus diutius in loco affecto retineatur, tum ex spisso pure fit tenue, quæ res vobis non mire videbitur, qui novistis, quod sanguis missus illico concreascit, sed postea iterum resolvatur per eandem causam, nempe per Aërem, sic etiam per dissipationem partis liquidioris fit pus crassum, & dein per speciem putrefactionis fit tenue, ut quoque in omnibus nostris liquidis observatur, quæ omnia, si stagnent & foveantur leni calore, semper evadunt tenuiores & acriores, sic si sanguis blandus ullo modo acris fiat, tum cuti impositus Epidermidem sua acrimonia deglubit.

Putrescit. Est illa conditio, per quam olea & sales antea blandi, nunc acres, antea sal ammoniacus, nunc acriores, antea saponis, jam sales simplices non færentes, jam færentes, antea sales ammoniaci, nunc volatiles, sic etiam quandoque olea ex blandis acria, & minus volatilibus, volatilia, ex minus færentibus færentia evadunt, & sic hic quoque fit, pus verò fieri & in frigore admodum diu hærere potest,

poteſt, antequam putreſcat, ſed ſi aër & calor accedant, illico putreſcit, aliter eſt tam blandum, ut oculo inſtillatum nullos dolores faciat.

Vicina. Pus verò ſemper ferè hæret in panniculo adiposo, ubi ſtagnando putreſcit, & ſic vicina rodit, & atterat, ſimulque in pus abire facit; ſicque parvum Apoſtēma fit maximum, quia materia purulenta ſibi materiam ſanam jungit, eodem modo internè accidit, ubi homo internè accipit ſuppurationem, v: g. ſi quis ex pulmone ſanguinem ſpuat, tum ſi inde fiat ulcuſculum, hoc non detergeri poteſt, ſemperque hic manet vomes, unde tum ſemper pus exſpuunt, ut in Phthyſicis fit.

Erodit. Inſtammati vaſorum parietes ſuppurantur & abeunt in pus, hoc vocant Chirurghi pus ſerpere vel rodere.

Pondere. Dum incumbit in quendam locum, atque etiam motum excitat in vicina, nam pus propellitur pulſu arteriarum vicinarum, unde pus circa inguem propter arteriam inguinalem & circa femora & brachia à motu muſculari vel arteriis vicinis ſemper movetur & excitatur, unde tam facile ibi oriuntur fiſtulæ.

Sinus dicitur in Chirurgicis locus capax, ſeu intercapedo in parte molli facta, quæ pure ſanie & ichore eſt impleta: ſemper verò hi ſinus hærent in panniculo adiposo Veterum ſeu membrana celluloſa *Ruyſchii*; ſed tamen hic maxime notandum, quod hæc membrana ubique muſculos, eorumque tendines inveſtiat, & inter eos ſe intinuet, ſic ut licet profundè hæreat, tum hæreſcere poſſit in hac membrana muſculis tamen illæſis.

Fistula est sinus statim descriptus, qui parvum Emissarium requirit; hinc fistula & sinus non differunt, nisi quoad emissaria, hæ quoque in locis pinguedinosis hærent, sinus verò & fistulæ fiunt mole materiæ purulentæ, quæ sic locum dilatat, quam occupat, ut capacitas fiat major, & pondere quoque fit, tum deorsum descendit, at si v: g. pus colligatur circa verticem, tum descendit usque ad os coccygis & sic decedit juxta gravitatem, sicque subjectas fibrillas dilatas dilacerat, sibi que locum facit. Motu ille semper internus & externus est, sic motus muscularis. promovet quoque motum internum, & sanguinis circulationem. hacque ratione etiam fistulas promovet, sic v: g. si ad finem musculi Deltoidis hæreat suppurata pars, tum si brachium multum moveatur, suppuratio augetur, facitque sinus, hocque modo sinus & fistulæ fiunt; 1. si materia extra vasa posita sit ichorosa, & sic partes rodendo fistulas facit, 2. per molem materiæ accumulata vel per pondus, vel per motum, hocque modo materia suppurata partes dilatans sibi viam facit.

Varias. Hæ pessimæ sunt in locis laxis v: g. in utero, vagina & intestino recto, quia in his locis partes cedunt, nam ibi fere nunquam sanies vel ichor repurgari potest, quia partes hic adeo laxæ, ut omni impetui cedant imprimis verò intestinum rectum, in quo aliud quid obtinet; nam habet sacculos ita capaces, ut, quandoque dragmam unam muci contineant, à quo mucro acre & durum stercus oblitur, ne partes lædat. si verò hic talis fistula fiat tum redditur anfractuosa ob nixus, qui fiunt in egerenda alvo.

Circa

Circa Glandulas. Tum in illis glandulis fit Tophus, vel quasi germen cornu futuri, hoc fit præsertim circa mammas & uterum. Doluerunt sæpe Chirurgi, postquam habuerunt suppurationes bonas, tum fieri scirrhum, ut si circa inguina, vel sub axillis sint bubones pestilentes vel venerici & non maligni, nam habent tres species sunt, tum fit scirrhus in tali loco glanduloso, 1. hoc fit, si materia incipiat lentescere, 2. si humores cum vasis concrecant, & sic vasa quoque inter se consolidantur, si pus tenue factum absorbeatur venis tum est tertius exitus loci suppurati, si clausus teneatur, vel si aperire nequeat; ergo in hoc tertio casu hæc tria sunt annotanda primo puris absorptionem, secundo permissionem cum sanguine, tertio metastasin.

Vel denique. Inde verò intellectus Phthiseos pendet, si v. g. in quocunque loco hæreat acris purulenta & tenuior facta materia, tum quia ubique (uti demonstratum est) sunt venæ bibulæ, quæ tum hauriunt hoc tenue pus, proin etiam id acre & semi-putrefactum, hoc deferunt in majores venas, & sic tandem ad cor & pulmones deducitur, ubi reliquo sanguini miscetur, hoc tum facit purulentam cacochymiam & diathesin ad Phthisin, nam ubi hic sanguis cacochymicus factus per pulmones transit, ibi tabem imprimat, sic omnis sanguis degeneratur ex natura bona in ichorosam purulentam, inde multi, & varii oriuntur morbi imprimis *Phthisis*, qui est consumptio corporis totius per acrem tabem purulentam toti sanguini impressam, ita ut loco boni sanguinis, ichorosus, purulentus per totum corpus circuletur & est propriè *Cacochymia purulenta cum cachexia*; olim sæpe miratus sum,

sum, quare homines sani illico tali modo afficerentur, & Atrophia & Febre Pomeridiana exstinguerentur, sic vidi mulierem, quæ circa periosteum ossis femoris, ut ex morbi exitu patuit inflammationem habuerat, sed primo animadvertere non potui, ubi malum hærebat, sed dein bonus Chirurgus accersitus putavit ibi pus hære, & quoque undulatio sed valde profunda avertebatur; hinc ille considerandum dedit, numne esset aperiendus abscessus, quod tandem conclusum est, tum loco aperto multum puris prodibat, sed reliquus sanguis jam erat infectus, ut verò Phtysi non multum post mortua sit, quia locus nimis sero erat apertus; sic etiam fuit aliquis vulneratus magno vulnere ad os humeri, ita ut ibi locus vacuus magnus in substantiâ absumptâ relinquebatur, ergo etiam laxitas ibi adfuit, & si magna copia puris ibi generati abstergeretur omni die, tum omne nutrimentum eo vergebat, si non, tum faciebat febrim hecticam, sic etiam in extirpatione mammæ toties accidit, hinc hæ operationes non tam temerè (ut in Gallica fit) sunt adhibenda.

Collectionibus. Contingit sæpe, ut pus in loco collectum subito disprens abeat in venas, tum oritur febris, & pus illud ruit vel per venam meseraicam, & hinc venit in hepate, unde fit postea apostema in hepate, vel determinatur ad emulgentes arterias, & tunc feliciter cum successu emingitur, tum oritur febris, quando venit in pulmones; *Hippocrates & Galenus* dixerunt, quod homines, qui solebant habere pus alicubi collectum, & secerni consuetum, si illis pus non pergat secerni & dispareat, tunc pulmonum vomitum acquirant,

si pus quotidie secernatur & absorbeatur in sanguinem, tum fit febris hectica quotidiana; si pus resorptum veniat in pulmonem hominis hectici, tum fit febris, quo febris pus deponitur ut plurimum ad hepar, si verò inde exire non possit, fit apostema, si exeat per vasa biliola in duodenum, tum fit Diarrhæa salutaris, si verò ad renes determinetur, tum oritur mic-tus purulentus & salus ægri: Vidi ægros, vaviois suppuratis laborantes, sanatione factâ, totum sanguinem habuisse pure infectum, qui tum abscessus accipiebant à metastasi ad multa loca, verum pessimum est signum, si tales abscessus in viscere quodam fierent, sic vidi illico ægram inde mortuum, in quo purulenta materia magnâ copiâ ad pulmones secesserat, sæpe etiam ad caput, ad hepar; sed si ad loca exteriora, tum bonum est signum; collocutus sæpe sum cum Chirurgo, qui diu *Parisis* praxin exercuerat, qui dicebat, se vidisse sæpe, quod in omni magnâ aperturâ omnes fere homines in Phthisin incidebant, & non mirum, nam sic sæpe quoque accidit, purulentam materiam in sanguinem abire: si ingens Aneurisma sit exstir-pandum, tum arteria supra & infra Aneurisma ligatur, & supra aneurisma incisio est facienda per longitudinem usque ad arteriam supernè, tum semper pus generatur, quod abit in sanguinem, vel in viscus plerumque deponitur, & sic Phthisis fit; hi homines in febrim hecticam incidunt, tussunt, & tandem moriuntur, cadavere verò aperto invenitur pus in hepate vel in pulmone, vel in toto sanguine hærens; curavi fabrum ferrarium magno vulnere & suppurationem laborantem; qui procul dubio Phthisin accepisset, nisi tam fortis fuisset ad

E s

multa

multo aquosa assumenda, ut pus ex sanguine allueretur.

407. Partes vicinæ sunt emolliendæ & pertundendæ, quia quò molliora eò minus se contrahunt, eadem adhibenda, quæ in suppuratione commendantur, aut eadem, quæ attenuant; uti tetrapharmacum, quod est obstipans & paululum laxans, & vocatur emolliens & suppurans per eandem causam.

§ 408. Si ergo pus non expurgetur tum hæc tria ut in antecedenti vidimus) inde sequi possunt, vel 1. generantur sinus & fistulæ, vel 2. fit scirrhus, vel 3. fit absorptio puris à venulis resorbentibus; quæ sunt signa ad aperiendam suppurationem, jam videamus, disputatum diu fuit inter veteres & recentiores. Veteres partem suppuratam aperiri noluerunt, sed tamen quandoque partem non sat emollire possumus, si verò faciunt, ut sponte aperiat, melius est, ut si applicetur vulgare illud medicamentum ex farinâ secali, lini, vel avenæ cum lacte dulci cocta ad crassitiem pultis vel cataplasmatidis, adde oleum liliorum alborum, vel amurcam olei vel butyri insulsi, hoc facit pultem emollientissimum, & illud cataplasma semper teneatur calidum, sub quo cataplasmate tegumenta mortua separantur, quorundam magnum est arcanum, si acetosæ latifolia coquatur in butyro cum farina lini vel fecalis in pultem, quod est egregium medicamentum emolliens, tamen ut prius additur oleum, horum usu, si aër non accedat, plerumque sponte rumpitur; hinc credo in locis glandulosis semper spontaneam aperturam per emollientia & maturantia esse expectandam, idque multo melius esse, quam lanceolâ Chirurgicâ

chirurgicâ aperiri, sic vidi ulcera ad mammas lanceolâ aperta, quæ vix consolidari potuerant.

§ 409. *Acria*. Ut v: g. Panis butyratus fâlivâ subactus, ficus paululum ustulata, unguentum basilicum, cæpæ sub cineribus assatæ, vel semen Synapi illis aliquantulum permistum; his super impositis & perpetuo calefactis fiunt integumenta tam mollia, ut fere sint insensibilia, uti lotrices per calorem perpetuum lixivii decoriantur, ita ut insensibiles fere fiant manus; si habere velis medicamentum acre adde acetum cataplasmatibus prædictis hæc sæpissimè usurpavi in multis annosis ulceribus v: g. circa crura, ubi Mercurius & decocta Guajaci nil proderant, adhibui talia cataplasmata, & maceravi tamdiu, donec caro viva incipiat apparere in fundo, hoc idem fit in locis glandulosis & ulceribus venereis; cum ulcera annosa v: g. mammarum tractanda habes, fume emollientia, & sponte suppurabuntur, sed si non succedat apertura, tum acria Emollientia & subpinguia sunt adhibenda.

Queant. Requiritur, antequam abscessus aperiat, ut in blandimentum ægri & commendationem artis possit aperiri abscessus sine magno dolore; nil enim magis gratiam Chirurgo comparat, quam quod nullo dolore percindat; hinc tota ars in eo hæret, ut integumenta sic macerata & emortua sponte fere rumpantur; hæc operatio ideo tantum est instituenda, quando pus profundè in corpore hæret, vel quando resorptionem intra venas timeamus, vel quando integumenta sunt nimis crassa ad macerandum.

§ 410. Si Chirurgus sciat abscessum aperiri

debere; tum quærunt, ubi sit aperiendus, & dicunt ibi, ubi pertusio fit facillima, quod est ubi contusio est facta, & in parte inferiori, ut pus pondere extrorsum vergat; denique abscessus est aperiendus in loco, ubi cutis in apicem assurgit, ubi est albissima & mollissima, ubi sentimus tenuitatem & subtilitatem maximam, non verò semper opus est eligere partem infimam, nam hoc situ mutando fieri potest; hinc dissectio fiat in parte, quæ minimè dolebit, & minimè vivax, hæc semper est eminens & albissima, in vicinia verò color est ruber, & cutis crassior, si ergo conclusum sit, quali in loco apertura est facienda, tum Chirurgus debet ad latera premere, ut elevetur apex, ut pars supposita nec vicina lædatur, hocque fit tali pressione, nam sic nec muscoli nec vasa eleventur, sed hoc facit, ut eo profundius hæreant.

Scalpellum. Pungendo eo usque intrudatur, quo usque requiritur, nempe ut cuspis eo usque perpendiculariter introeat, ut exeat pus juxta latera scalpelli, cur verò hic tam sæpe erratur? quia pars non sat profundè pertunditur, nam panniculus adiposus est laxus & non cedit, licet cutis pertundatur, tamen sæpe non pertundunt Chirurgi panniculum adiposum, sed si fortius premant, tum facilè transit, ad hoc opus perficiendum verò nulla vis requiritur, nam hic panniculus pressione cutis adeo tenuis factus, ut facilè perscindatur. Raro partes subjæctæ læduntur ob pus, quod fere semper hæret inter cutim & musculos; directè intrudatur scalpellum, donec certi simus nos penetrasse, quia ægri secundam scissionem, metuant. Causa cur sæpius primo vel secundo
die

die non exeat pus, est. sæpissimè, quia panniculus adiposus inferius non est pertusus; licet Chirurghi tunc temporis falso incusent panniculum adiposum. *intercipientem het is voorgeschoten belgicè.*

Dein. Nam scalpello intruso (dum illud extrahitur) inferior apertura æque late fieri debet ac superior, hoc fit, si lanceola perpendiculariter adacta horizontaliter incurvando extrahitur, tum omnia perscinduntur, in locis profundus ut in femoribus eadem methodus præsertim servari debet.

Aut per oppositam. Hæc methodus in Italiâ adhuc in usu est, tum quoque si materies purulenta hæreat in tali loco, tum quoque eodem modo premi debet, & tum loco opposito perscinditur, & sic aperitur, sed hæc operatio est aliquantulum crudelis.

Vitatis fibris. Hoc facilè fit, nam ubi pus est factum, ibi tumor factus est à pure, & præterea cellulosa membrana imprimis hæret supra musculos; hinc si cutis prematur pressione ad locum suppuratum, tum tumor ibi magis ascendit, & vasa & fibræ eo magis reconducuntur, & à læsione caventur, sed an loco aperto pus una vice educendum? minimè, quia balsamus est optimus, qui sponte à natura exprimitur, nam si illico omnis materies exprimitur, tum fit magna cavitas, in quam aër secedit, verum aër tum maximè nocet, nam tenues fibrillas exsiccat & inflammat, observatio quoque est in Chirurgicis, quod locus suppuratus non apertus cito curaretur, nam Chirurgus aperiendo aërem admittit, & tum non cito curat, sed tum modo maturantia & emollien-


tia sunt applicanda, ut aperiatur sponte, quod melius est, sic v: g. certus sum, quod mammarum suppuratio cito curetur, si ei emollientia applicentur, quam si in hac parte incisione facta quotidie turundas intrudantur, quia hoc modo semper aër huic parti noxius admittitur; nunc incisio est instituenda usque ad muscolum, quia ibi aliquando adsunt vasa ut in bubonibus venereis ad inguina; metuitur arteria & vena cruralis; hinc nunquam in flaccidum ulcus intrudî debet profundè scalpellum, aut semper læduntur inferiora. Omne pus hæret ad exteriora situm in panniculo adiposo; hinc non tantum est metuenda directio fibrarum nec arteriæ (quia panniculus adiposus est supra fibras & arterias majores) nisi malum hæreat in periosteio ossis, de qua re vide *Caput de morbis ossium*. simulac incisio facta est, pus lenissimè non vi exprimitur, sed omne, nam aliter partibus collapsis fit ulcus; tum tegitur tantummodo plumaceolo aliove defendente, nec turundæ applicentur, ut *Cæsar Magatus* & sæpius laudatus *Belloste* monuerunt; hinc non laudamus methodum *Paræi* & aliorum, qui nimis cito aut fero pertundunt abscessum.

§ 411. Quinta indicatio, cum ergo habemus ulcus quod est solutio continui in parte molli cum pure, sanie vel ichore, sanies est pure tenuior liquor instar carnis; Ichor est pus putrescendo degeneratum, & circa articulos dicitur liquor articularis belgicè *leedewater*; vidimus ergo, quod omnia semi-mortua per mundantia & suppurantia tollantur, hinc etiam hæc suo loco in usum vocare debemus, si ergo quærat, quomodo ulcus curandum sit? hæc in *historia vulnerum & contusionis* dicta sunt, hæc

hæc si repetantur; ibi videbitis, quod omnia semi-mortua separari debeant deterlivis, corrosivis, suppurantibus, digerentibus; & balsamicis, hæc separant partem mollem à viva parte, hæc separatio obtinetur in ulceribus annosis pessimis, quæ hærent & coërcentur intra musculos & cutim, sed consolidari non possunt, quia nil consolidatur, nisi sit humoribus permeabile, ibi verò sunt folliculi semi-putrefacti & vasa semi-mortua, hinc ibi emollientia medicamenta sola frustra adhibentur. Nil melius est quam ipso die, quo apertura est facta, aliquot guttas balsami sulphuris cum unciâ unâ mellis & pauxillo Aloës vel Elixiris proprietatis leniter immittere ulceri aperto, si interna latera male se habeant; suppurantia adduntur, ut vascula hærentia absumantur, optimum hic est unguentum Basilicum, his si non curetur digestivo vel balsamico quodam, ut pauxillo Myrrhæ, tum deterfiva ut balsamus arcai adhibentur, exsiccantia sunt cicatrisantia, tunc vulnus curatur, hocque modo omnis abscessus curatur, quatenus curari potest. Internè v: g. in pleura curari non potest; hinc sequitur suam naturam, & insanabilis fere est abscessus, quidquid Chemici & quidam Emperici clamant cum suis traumaticis apozeimatibus; hinc abscessus pleuræ, pulmonis, hepatis, & cerebri semper fiunt lethales, vel ægri in Phtysin conjiciunt.

§ 412. Sunt multi homines sic pusillamini, ut quidquid persuaseris, ferrum tamen admittere nolint, hinc ergo mos gerendus est illis, tum applicetur causticum quoddam ex lapide infernali, vel illud commune ex calce viva & sale alcalino igneo, quæ urunt instar ignis & ef-

charam faciunt, quæ postea unguento Basiliconis est separanda, & si integra sit cutis, tunc nondum apta est, tunc iterum causticum est applicandum & eschara iterum separanda butyro insulso vel simili quodam, quod valde sit emolliens; hisce intellectis scimus, quid sit suppuratio, ex quâ materiâ fiat pus, in qua parte fiat suppuratio bona, quid natura faciat, quid ars, quid agendum sit ante & post apertionem factam.



Fistula.

§ 413. De fistulis hic sum tractaturus, quia infiniti morbi ex iis & finibus bene cognitis intelliguntur.

Sinus est cavitas præternaturalis in partibus mollibus corporis nata à puris copiâ vel quantitate, continens humorem præternaturalem degenerascentem.

Fistula vel cavum est dilatio facta in membranâ pinguedinosâ vel inter illam à materiâ quadam præternaturali, quæ hinc suâ materiâ vel pondere vel acrimoniâ partes suas flexiles erodendo sibi viam parat, quæ viâ à musculis vel partibus prementibus variè determinatur; illæ verò viæ curvaturas vel decursus aliquos semper affectant, sunt cò peiores, quò profundiores positæ sunt, tum nondum illos anfractus incurvos habet, tum dicitur sinus, qui ita vocatur, quando illa cavitas nullum emissarium habet, per quod à fistula distinguitur, quæ

quæ est sinus longus, cujus extremitates sunt arctissimæ, venter verò latissimus.

Origo. Nempe est materia extra vasa fusa in vasa recipi non potens, quæ partes fibrosas ibi existentes dilacerat; hinc nunquam fistula est inventa, nisi computruerint humores, & per consequens inflammatio prægressa fuit, quæ adeo est diversa, hinc etiam fistulæ sunt diversæ, sed dices forte inflammationem in fistulis luis venereæ non præcessisse, sed tamen puto, quod sit verus morbus inflammatorius.

Causa est materia præternaturalis, ichorosa, vel saniosa (nam nunquam pus est bonum) quæ copiâ & motu minimas membranas dilatât, ut & eas membranas, quæ musculos eorumque tendines obvestit.

Natura. Nam ibi parietes vasorum vicinorum erunt inflammati & semi-putridi, & nil in corpore coalescere concreescere & consolidari potest, nisi accedat ad naturam boni purique vulneris.

Locus. Non scio unquam in musculorum substantiâ obtinere fistulas, nam per membranas musculos obvelantes nunquam penetrat, sed muscoli semper pinguedine tecti sunt, habentque membranam pinguedinosam seu cellulosa *Ruysschii*, quæ pinguedinem musculis affundit, & sic laxos & flexiles servat, sed etiam muscoli habent quoque alteram huic primæ succumbentem membranam solidiorem, quæ propriè musculosa est dicenda, & per hanc membranam fistula nunquam penetrat, sed modo per membranam primam adiposam fistula serpit longè latèque, & ubi ad interstitia musculosa venit, ibi se insinuat, & sic sub musculis abit, hocque modo prout motum & pres-

pressionem materiæ purulentæ communicatur, eatenus varios gyros anfractusque facit, ubi verò sic fistula ad tendines pervenit. Quid tum fit? omnes tendines, ut funes dimittantur per vaginas, quæ vaginæ sunt de naturâ adiposæ membranæ, quæ ergo quoque facilè exeduntur, & tum tendo denudatur, nec non ab unguento per hanc membranam stillante orbatur, si ergo tum pus detergeatur, tum cum ossè concrevit, & sic tum musculus adhuc quidem bonus est, sed tendo non agit, hinc hujus musculi virtus est perdita. Quid verò fit, cum ad glandulas pervenit? omnes glandulæ constant glandulis, quæ dividuntur per membranam, quæ est de natura membranæ cellulosæ, hinc materia fistulosa quoque ibi per hanc membranam proserpit, hæc est natura omnium fistularum. Membrana cellulosa scroti etiam si non appareat in viris ob inopiam olei, in cellulis ejus, attamen est vera membrana cellulosa. Ulcus si pervadat ad tunicam cellulosam scroti, ibi tot gyros & labyrinthos facit ut nunquam sanari possit. Quando sanies exit è scroto tunc tunica cellulosa ejus ita evanescit, ut scrotum nil esse videatur, sic in femore si nascatur ulcus per musculos varios intra cellulosam tunicam serpit illud ulcus superius; si materies saniosa veniat in ossè, fit spina ventosa.

Effectus sunt, quod fistula omnes membranas tenuissimas corporis consumat, sibi viam paret, & omnia in pus convertat vel bonum vel malum, tum vita novos motus excitat, legite supra hanc rem *Aurelium Severinum* in libro de *Abscessuum naturâ*, ubi dicit, si quidam caput percutiatur, tum oritur tumor super-

superficiarius, verum cutis capitis multo validior & fortior est, quam in reliquo corpore excepta nucha, & hinc non facile cedit, sed tamen membrana cellulosa hic flatu est dilatabilis, si tum hic dragma una vel altera materie colligatur, hæc per totum caput obambulat, & ad cervicem pergit, indeque usque ad os coccygis sæpe descendit, ibi tumore facto materiam deponit & aggregat, sic ergo mollis pinguedinosa substantia in corpore consumitur, nullaque fit consolidatio, nam nil in corpore consolidatur, quamdiu hæterogeneum adest, tum etiam in hoc loco 1. nulla fit concretio, quamdiu pus est in sanguine, 2. tum nullum vulnus consolidatur, nam in vulnere ubi partes semi-putrefactæ sunt, nulla fit consolidatio, hinc idem est in fistula, in qua parietes acute factæ sunt semi-erosæ, hinc non permittunt, ut pus concreescere possit, & omnia ibi in saniem ichoremque convertuntur, quod non prius desinit, donec pars sit deterfa, quod tamen fieri nunquam potest, si Chirurgi manus accedere nequeat.

§. 414. Signa fistulæ apertæ sunt, 1. si multum materiæ per parvum os effluat, 2. si materies aperto orificio non exeat, sed presso quaquaversum exit & effluit ex spongiâ, 3. si magna aquæ copia in talem locum per syringam injecta intret, tum sunt fistulæ, non verò credo id instrumentis duris explorari debere, sed tubi flexiles sunt adhibendi, & tum syringâ aqua injicitur, & hac ratione videmus, an sit profunda fistula vel non; quo ad plus vel minus aquæ intrat.

Clausi. Si profundi & non aperti sint, tum vix cognoscuntur, ut in Spina Ventosa & Rachitide,

chitide, & tum non melius cognosci potest, quam si 1. noverimus locum fuisse inflammatum & dolentem, 2. si non bene facta fuerit resolutio, nec suppuratio appareat, sed tamen supurationis signa adfuerunt, si tum adhuc profundè æger ibi doleat, tum Medicus dicit ibi hærere fistulam, hoc cautè est observandum, ut distinguatur ab Aneurismate & Varice, si verò non tam profunde sit & manus accedere possit, tum mollitiem fluctuantis materiæ sentire possumus, & sic cognoscitur fistula. Raro homo habet magnos sinus ac fistulas, quin laboret febre hectica, quia pus in sanguinem resorbetur. Vidi hominem, qui ulcus ad cervicem habebat, cui dein nati sunt tumores ad os sacrum circa nates, is autem tumoribus pertusis exhibit pus, & homo sanatus est ex ulceribus suis ad cervicem, & per totum reliquum corpus, quin & aqua injecta per ulcus cervicis exire visa fuit per inferiora foramina tumoris ad os sacrum.

§. 415. Omnes fistulæ una methodo curantur, nempe depuratione membranæ adiposæ, nam natura nil impuri curat.

Inferiori id est illa ex qua nititur exire materies, & in quam incumbit, natura enim hic totum facit, modo tollantur impedimenta, quæ sunt flocculi membranæ cellulosæ, qui flocculi instar fonticulorum impediunt concretionem; sed quomodo hæc membrana semiputrefacta depuratur? Hoc difficillimè fit, sed quo versus materia vergit educenda; si Medicus sciat. fistulam non esse sinuosam, tum ad inferiora ad fundum fistulæ aperitur, hocque modo sæpe curatur, nam per injectionem aquæ fistulæ sic ritè depurari possunt.

Impletione. Recentiores id excogitaverunt, & hæc methodus in galliis maximè est in usu, ut balsamica putredini resistantia in fistulam infundant eo scopo, ut solvantur semi-putrefacta, & ulterior putrefactio inhibeatur, sed hi balsami æquè ac pus impediunt concretionem, hæc verò conveniunt in fistulis rectis ut inferius aperiri & sic detergeri possint, si verò locus jam purus sit factus, tum nil requiritur, modo imponantur plumaceoli sicci aërem arcen-tes.

Digestiva. Vide *Boyleum in tractatu de Philosophiâ experimentalì, Hildanum & Aquapendentem.* Sed non illis assentior in eo, quod promittunt de suis digestivis; omnis enim digestivi vis consistit in eo, ut vulnus reddat nididum, ita ut concreescere possit, nunquam autem digestivum concresecet cum partibus vis; hinc omne quod promittunt, nil plus facere potest, quam ut ille sinus reddatur vulnus, sed si illud digestivum nimis diu maneat, tum ex vulnere fit ulcus, hinc non credo hoc sensu esse ulla digestiva specifica, secuti contingit homini prædicto, cui plura digestiva in- cassum fuerunt injecta, sed statim atque aper- tus fuit tumor in osse sacro, sanatus fuit ultimo. Optimum digestivum est *Therebinthina* cum ovi vitello juxta *Belloste.* Attendendum etiam est, quod præter illa impedimenta flocculorum cellulosæ membranæ in sinibus, accedat etiam *Diatheſis* ad putredinem, unde *Cacochymia.*

Injectu. Id *Paracelsus* fieri voluit, & apud *Boyleum* & alios hac in re tam multa arcana abentur, laudantque summopere adstringen- ta, ut *Nitrum*, quæ tamen modo in uno ca- u conveniunt, nempe ubi nimia humiditas at- que

que putredo adsunt, & corrosio requiritur, tum nitrum in aqua dilutum addito parum Elixiris proprietatis injici potest, tum fistula est comprimenda, ut iterum exeant, vide *Aëtium* & *Æginetam*, sic alter solutum nitrum, alter spiritum vini Camphoratum vel vinum cum aqua & Sal, vel cum Aloë & Myrrhâ vel decocta Vulneraria laudant, hæc quoque naturalem diathesin ad concretionem (si in cæcam fistulam injiciantur) impediunt, sed hæc si finis rectus à nucha v: g. ad os coccygis decurrat, adhibere possunt, ubi ad inferiora foramen pro exitu horum sit factum, ut hoc modo

℞ Mel. Mercurial. ʒij

Elix. propr. cum sale tartari & spiritu vini pp. ʒj.

Aq. Comm. q. s.

M. F. injectio.

Ligatura. Hæc optima Mechanica est methodus, nam pressio hic multum facit, ut galli notarunt; vide *Verduc*, cogitate v: g. fistulam hære ad os humeri, & pergere deorsum, tum injiciatur aqua cum sale & melle, & claudatur foramen, sicque fundus fistulæ est quærendus, & tum fistulæ injectu horum benè depurantur, fistulæ Elixiri proprietatis cum melle rosaceo & vino deterfæ foveantur, tum liquor injectus exprimatur, & sic repetendo donec satis detersum sit vulnus, splenium postea ponatur ad fundum fistulæ, & ligatura comprimatur, foramine verò aperto relicto altero die iterum eadem remedia injecta exprimantur, tumque splenium supra primum ponatur, & ita hoc pergendo, donec ad aperturam

ram perventum sit, vel donec vulnus sit planè consolidatum, verum hæc citius fierent, si æger permittere vellet, ut cuspide aperiretur vulnus, hac ratione fontem fistulæ indagaremus, si jam facta sit apertura & fons detectus, pus detergeatur, injiciatur quid mundificans & contra suppurationem tali modo.

℞ Mel. Rosar. ʒij

Olei infusi Hyperici ʒj

Balsami Sulphuris Therebinth. ʒv

Spiritus vini commun. ʒiv

Tincturæ Aloës. ʒij

M. F. injectio.

Sæpe res est cum infantibus & mulieribus teneris, qui nil plus ferro metuunt, putantes nescio quid accidere, sed quid hic remedii? Si scire velim quam profunda sit fistula, hoc autem experior premendo sensim locum, donec nullam amplius possim exprimere materiam, tum sumo injectionem depuratissimam ex herbis Hyperici, Virgæ Auræ, quas coquo in phiala alta, ne ejus vis avolando pereat, cui decocto admisceo parum salis Ammoniaci, & marini, & injicio, donec pus exeuns non amplius fateat, sed injectum æquè purum redeat, tum ultimo aliquid balsami infundo, & sic de die in diem injiciendo, depurando, & ultima injectione aliquid balsami immittendo fiet curatio, hæc Methodus est rustici Northollandici (de *Fisp*) vocati, qui hac methodo curavit fistulas inveteratissimas; tum applico ad inferiorem splenium vel compressam parvam ferè digito latam, superiori parte libera relicta; & sic si successive leniter fiat à fonte compressio sensim pro-

progrediendo ad finem curatur; attendo interim, an non pruritus, dolor, ardor, collectio in alio loco, vel aliud symptoma superveniat, tunc enim est varianda cura. Pessimæ & frequentissimæ fiunt pustulæ in intestino recto dictæ fistulæ ani, de quibus optimè scripserunt Chirurghi Parisini imprimis *Dominus Dionis in libro dicto Cours d'operations de Chirurgie*. Veteres hic valdè timuerunt, quia sub parvo osse sæpe pus hæret, sed alia non superest difficultas, si oblonga incisio fiat inferius v: g. si in brachio per longitudinem sentiatur fistula, ab humero usque ad juncturam cubiti, tum ad cubitum fiat, & pus quatuor digitis ad inferiora premendo pellatur; cætera peragantur, ut prius dictum est.

Cannulam. Tum stylus argenteus in fossam excavatus cannula dictus intrudetur usque ad fundum fistulæ, tumque parum elevatur, ita ut pars affecta emineat, postea unâ sectione circa cannulam aperiatur, hocque modo vidi fistulas antea per annos tractatas intra quatuordecim dies sanatas.

Filum argenteum flexile ad apicem obtusum, quod quoque quadam vi ad vulneris fundum adigitur, tumque infimo loco aperto filum extrahitur, & juxta illud sectio fit, hac ratione fistulæ ani in galliis tractantur.

Omnes hæ tres Methodi in eo conveniunt, quod vulnus depurent; Cætera multa, quæ de fistulis curandis habentur, non puto esse tanti momenti, nam *Boyleus* laudat præparatum ex vitriolo ustio, quod modo in locum injiciebant, sic etiam tale remedium *Paracelsus in sua Chirurgia majori* descripsit, dicitque se per unum decoctum plus quam centum fistulas curasse, sed hæc

hæc universaliter non succedunt, hinc patet
 esse impossibile posse curari fistulas per remedia
 interna, ne mercurium quidem excipio, nisi
 aliquando fiat per decoctum ligni Guajaci.
 Fistulæ verò à carie ossium sunt pessimæ, ut si
 in tibiæ ad anteriora, ubi valdè nudum est,
 accipiat fistulam, tum hæc fistula, quæ manui ac-
 cessum dat, facillimè curatur, sed si ad femur fiat,
 tum per interstitia musculorum pergit, & sic
 ad anteriora deveniens difficillimè curari po-
 test, sic etiam si caries fiat sub musculo del-
 toide, tum malum per musculum ipsum serpe-
 re nequit, sed per commissuras musculorum
 descendit, inde patet, quod multæ fistulæ sint
 incurabiles, nisi per curam ligni Guajaci, de
 quo ligno postea dicam, cum de Morbis os-
 sium vel Lue Venerea sum acturus, ad cariem
 ossium curandam fiat incisio ad os usque,
 et mortuum exfoliando separetur, & locus
 epuretur, tum consolidatur sponte.

Syringotomen est instrumentum fistulæ inci-
 endum aptum.

§. 416. *Bubo non malignus est tumor inflam-*
matorius, durus, glandulosus ad axillas vel in
guine, qui oritur, si subito fiat inflammatio,
et si magna sit, non nisi suppuratione curatur.

pestilentialis sit, tum inflammatio est præ-
 cessa, & agit ut causticum summum, Chi-
 rurgi enim norunt, quod pars caustico affecta
 non suppuret, sed hoc malum per suppurantia
 vel digestiva separatur; ex his dictis patet,
 nam perversè agant hi, qui per causticum &
 ferrum candens venenum pestilentialia expellere
 volunt, quod tamen plerique faciunt, hoc
 quoque in urbe Massiliensi factum est, verum
 mollientissima sunt applicanda, nam homines

Pars II.

F

peste

peste affecti optimè veteribus dicuntur syderati, quasi à flatu sideris pestilentialis illico necati sint, tum tota glandula à materia instar ignis penetrantis exurit, quasi fieret à ferro candenti, postea pars emoritur, & sic pars semi-mortua cum vivâ cohæret, hocque est suppurandum, quod ad bubonis labia fit, sed tum etiam omnia vicina simul sunt suppuranda, hinc difficilis & diuturna est cura, inde non nisi emollientia sunt applicanda, sic Asiatici Medici ficus in pulvem contusas parti affectæ imponunt, quod maximè emollit, sic quoque legitur in *Sacris Chizkiam* sic curatum esse ex consilio prophetæ.

1. *Bubo inflammatorius* est, si materia adhuc hæreat in vasis.

2. *Suppurans*. Si materia cum vasis contundi incipiat.

3. *Suppuratus*. Si omnis in pus sit conversus.

4. *Pestilentialis* tum aliquid maligni seu diabolici vini latet.

5. *Venerens vel virulentus*. Si venerea materia adfit, tum semper tendit in suppurationem sed quia motus ibi est lentus, promoveatur Galbani ʒj in albumen ovi dissoluti Melle & Similibus, hinc hic semper summa suppurativa sunt adhibenda v: g. Emplastra emollientissima, Decoctum Avenæ &c.

Parotis est inflammatio glandulosa in salivæ parotide orta, parotis est vel benigna, ut in multis morbis, vel maligna, ut in pestiferis & lue Venereâ, difficulter suppuratur ob motum lentum, promovetur iisdem.

Furunculus est parvus superficialis Anthrax vel est tumor inflammatorius difficulter suppurabilis.

abilis natus in pinguedine subcutanea, licet sit exigua inflammatio, tamen est fortissima; unde facit partes excidere & quasi furere, hinc nomen; raro verò solum pus fundit, sed semper simul sanguinem, belgicè vocatur een bloedsweer.

Anthrax est tumor gangrænosus durus, saepe teger, uno momento factus, difficillimè ad suppurationes deducendus, qui tandem reductus exilit in magnis frustis, & dicitur ignis piperi similis seu carbo (belgicè *peperkoorn*) hæc sunt, si pestis sit, & si parvi tumores fiant, tum maculae perpureæ gangrænosæ adsunt, hic est pessimus omnium, & si nigrae; tum nemo inde evadit, notat etiam interiora sic esse affecta, tum acida Antiseptica & Diaphoretica perpetuò sunt danda; Anthrax notat causas internas tam violenter agere, ut escharam duram facere possint, si verò margo suppuretur, tum instar carnis ambustæ excidit, nam ferè dema est, ac si ferro candenti pars esset amputata; summum remedium est jam olim *Abizkie Regi* ab *Jeschabja* commendatum, id est ficus in pulvem contusæ, mel & cœpæ sub ineribus assatæ.

Carbunculus. Est tumor idem cum Anthrace, sed minor; si particulæ quædam excident, parva foramina faciant, quæ tot furunculos præsentant, & pus emittunt, tum oriuntur, & dicitur belgicè *negen oog*. Omnes verò partes sic affectæ per suppurationem labiorum, quibus coercentur, tolli debent, hæc ergo est promovenda; hinc emollientia sunt applicanda & bona diaphoretica sunt danda, tum materiâ rorsum derivatâ curatur locus affectus, si maligni adsint.

Phyma. Si plures carbunculi conjungantur, oriuntur, si majores fiant grana peperina (*peperkooren* belgicè) facilius determinantur ad gangrænam & cadunt, quia vasis desituuntur.

Quid mali Anthrax facit? Si pars siderata seu Anthrax sideratus adsit, tum hæc vasa mortua hærent inter viva, & fit inflammatio, elevatur cutis, dolores fiunt intolerabiles, si aperiat, tum non exit, si calida applicentur, tum lapidescit, si verò emollientia diu applicentur, tum cutis moritur, tumor aperitur & sic Anthrax vi vitæ propulsus expellitur.

Erysipelas de hoc dixi, hæret magis sub epidermide, hinc apparet flavum.

Morbilli sunt pustule parvæ inflammatoriæ instar morsus pulicum sub epidermide contingentes, quæ quarto die decidunt secessu Epidermidis, tum distinguuntur à Variolis, antea enim distingui non possunt; hæ Pustulæ sunt valde periculosæ, quia semper idem fit in tenuissimâ pulmonum membranâ.

Variolæ sunt parvæ pustule inflammatoriæ ortæ hinc inde ad quædam puncta glandulosa subcutanea, dein colligentes pus in parvam vesiculam; quæ, si suppurentur in bonum pus, dicuntur benignæ, si verò ichorem effundant, vocantur malignæ. Benignæ semper tendunt in supurationem post octo vel decem dies. Si sint confluentes, tum in magnam vesicam ab epidermide elevatâ factam colligitur pus, quæ vesiculæ continent ichorem subrubellum, & his apertis eschara ferè nigra apparet, in hoc casu non credo vix ullos ægros evasisse vide Sydenham.

Maculæ rubræ sunt multa puncta rubra, quæ speciem hepatis repræsentant, interdum sunt
nigræ.


ignis, interdum purpureæ, sed has sequitur
 immediatè mors, denotat enim esse necrosin
 vel gangrænam in parte vel in toto corpore;
 tales maculæ in febre scarlatinâ apparent, qui
 morbus transit semper cum desquamatione
 Epidermidis, si Medicus ægri peste laborantis
 partem peste affectam ad suppurationem dedu-
 cere possit, tum semper eum sanabit, nam
 cum ille morbus sit ardentissimus, & omnes
 partes in ægris sint siccæ, tum facilè hæc par-
 tes ad putredinem vergunt; hinc Medico est
 attendendum remediis Antiphlogisticis, applicanda
 sunt fomenta emollientissima & enemata, non
 autem sunt danda exsiccantia & calida, ut sunt
 Theriacalia, Tincturæ Bezoardicæ, ut perpe-
 ram factum est in cura pestis Massiliensis.

Sciuntur. V: g. oritur Ædema Erysipelato-
 tes in facie, quam immaniter hoc non tumet?
 Sed tamen facilè curatur, si verò orta esset in
 cerebro, æger ilico phreniticus moreretur,
 igitur hi morbi benigni sunt, qui facilè suppu-
 rantur, & quò difficilior ad suppurationem
 perveniunt, eò peiores sunt, ut in peste, ubi
 sæpe mensis & plus temporis requiritur, sic
 etiam si homo incubitu ad nates accipiat gan-
 grænam, tum quandoque hæc pars intra duos
 menses ad suppurationem & separationem per-
 tinci nequit; hinc hic emollientissima sunt ap-
 plicanda, id circo non mirum est in peste intra
 quatuor dies non fieri suppurationem, si verò
 nimis motus suppurationem inhibeat, tum
 /enæ Sectio instituatur, & danda sunt diluen-
 tia.

§. 417. Si pus membranis ruptis hæreat in-
 tra cavitates, tum putrescit, & orietur semper
 species Phthyseos aut Hæcticæ febris, talis fit

à materiâ acri purulentâ sanguini communitatâ.

§. 418. Si ad femora abscessus fiat profundus, nec aperiri possit, oritur puris resorbtio, Atrophia & sæpe Phthisis ob puris collectionem, & vix in his locis aperiri potest ob partes carnosas; si abscessus in Thorace sit, scio pulmones affici, & quia pulmo vitæ est necessarius, hinc mors prævidetur; in abdomine pus corrumpit viscera abdominalia, ex hoc enim fundamento hæc omnia intelliguntur.



Gangrena.

§. 419. Jam ideam mortis in plerisque morbis acutis hic daturus sum, nam quæ natura, causa, effectus inflammationis in parte externâ, talis in toto.

Gangrena est partis mollis ea conditio, ut liquida vitalia nequeant adfluere ad partes vel refluerè sine vitio relicto, desinitque in una parte & est mors partis.

Alia curatio. Id clare patet, quod aliter hic morbus ac φλυκωνή sit tractandus.

Gangrena dicitur, si pars in mortem tendat; hinc etiam mors, barbarè mortificatio partis νεκρωσις dicitur.

Mollis. Nam in ossibus non dicimus Gangrænam obtinere, quid verò est mors partis! Est illa conditio corporis, quæ per vasa arteriosa non admittit, neque per lateralia secernit. Ergo mors modò ratione circulationis, si ergo ruber, serosus, lymphaticus humor in fluore

perennet, tum pars non est mortua, hic verò
pars tendit in mortem, ita ut, si eadem con-
ditio diu pergat, vel plus augeatur, tum tota-
is partis mors fit, ita ut à fluxu impedito pen-
deat, nam sic partem hominis sanissimi gan-
græna affici potest, nempe si tum partem for-
titer ligemus, ita ut nil influere nec effluere
possit, tum partem incipit frigescere, livescere,
& si hoc per aliquot horas duret, tum fit sphac-
celus, & pars excidit, hoc verò hic repeto,
quia omnes Scriptores Medici sunt in ea sen-
tentia, quod aliquid causticum vel mirè acre
ad gangrænam requiratur, sed hoc sine acri-
beccante fieri potest, sic contingit totum femur
computruisse, & putabatur ibi miram acridi-
nem in causa esse, sed ibi modo in vena erat
obstaculum impediens refluxum humorum vide
Harvæum tale exemplum narrantem. Gan-
græna à sphacelo distinguitur, quod in gan-
græna calor, sensus & dolor adhuc adsunt;
his absentibus est sphacelus verus gangrænosus,
si non suppuretur, compressione partium subja-
centium sphacelum facere potest, ita ut mus-
culi quoque moriantur; nullus verò fit sphace-
lus, nisi gangræna sit prægressa, si non ab osse
malum incipiat vel contusio magna sit facta,
nam tum musculi prius quam panniculus adi-
posus moriuntur, nisi à senio in extremis
fiat articulis.

Sphacelus rarior est, gangræna maximè fit
in panniculo adiposo; vidi nuper ingentem tu-
morem inflammatorium in pede intra sex ho-
ras, dedi resolventia superius dicta, tertio vel
quarto die panniculus adiposus plusquam ad
palmae magnitudinem excreverat, eratque in-
flammatiō cum magno dolore; tunc si fieret

suppuratio vel gangræna, metuebatur mors ob
pus & mortificationem. Dedi maximè diffi-
pantia, tandem suppurabatur, exhibant partes
panniculi adiposi, clamabant omnes Chirur-
gi pedem esse abscindendum, contradixi sciens
aliquando incredibiliter hic intumescere, cura-
batur bonâ diætâ, caro erat livida, tamen om-
nia recreverunt, & in inferiori pede ubi nulla
apparebat pinguêdo, tumor sextuplo erat ma-
jor, quod tantum erat in membranâ cellulosa
Ruysehii vel adiposâ *Malpighii*. Si nimia sup-
purantia non adhibeantur, omnia recrescunt,
suppeditato inferius bono alimento.

§. 420. *Panniculus adiposus est collectio sac-
culorum membranaceorum superposita cuti &
musculis.* Omnes phlegmones dictæ, quæ ten-
dunt in gangrænam hærent tantummodo in
panniculo adiposo; hinc post gangrænam ma-
ximam, homines si ritè curentur, habent nihi-
lominus usum suorum musculorum, quia cel-
lulosa membrana tunc temporis sola fuit cor-
rupta; porro per panniculum adiposum intel-
ligo quoque hanc cellulosam membranam,
quæ non modo supra musculos, verum inter
ipsos extenditur, propagaturque, membrana
cellulosa mirum in modum per inflammationes
tumere potest, & quidem decuplo aliquando
magis quam naturaliter, ut apparet in variolis,
in Rosa bullata, & visa sunt brachia, quæ
quadruplo fuerant mole aucta per inflamma-
tionem, qui tumor oritur semper in solâ mem-
branâ cellulosâ seu panniculo adiposo; hinc
humor hic stagnans corrumpitur, moritur fit-
que gangræna, quando muscoli & tendines
nondum sunt affecti. Hic verò triplex canon
ex Anatomicis locum habet.

1. Ubi plurimi muscoli ibi maxima piague-
do; hic tanta pinguedo circa nates & hume-
ros.

2. Eò plus pinguedinis in loco cæteris pari-
bus, quò partes magis moventur, ut ad abdo-
men, hinc hic major pinguedinis copia, quam
in reliquis locis proportionaliter ratione crassi-
tudi musculorum.

3. Ubi minimi muscoli, ibi non hæret
membrana adiposa, sed tunica cellulosa, est-
que ibi valde tenuis & tamen expansilis vixque
pinguedinem habet, sic circa scrotum non hæ-
ret pinguedo sed membrana cellulosa, ibi ta-
men hærent musculus cremaster & membrana
Darthos, ubi verò hæc membrana hæret, ibi
gangræna fieri potest, hæcque membrana mi-
nime inflari potest, ut vidistis in juvene hic in
Nosocomio, qui valde enormes pedes habebat,
hic verò tumor pendet à sola hac membranâ,
quæ aqua impleta & inflata est, sic quoque in-
tumescentia penis à sola hac membrana pendet,
hinc gangræna in omnibus his locis oriri potest,
sic vidi talem gangrænam ab humeris usque
ad digitos descendisse, ubi extirpatio indicaba-
tur, sed tamen bonis remediis pars gangræno-
sa separata fuit & æger brachium retinuit. Præ-
terea omnes muscoli ex fibris constant, & quæ-
libet fibra accipit talem tunicam cellulosam,
sic ut gangræna per totum musculum serpere
possit, cum tamen musculus maneat illæsus,
sicet aliter appareat, nam plurimi putant tum
musculum æquè consumi & infici, sed errant
vidi enim tendinem qui suppurabatur ab hac
membranâ, sed tamen servatus est cum motu
integro.

Sphacelus cuncta. Tendines, musculos,
F 5 nervos,

nervos, periosteum, ossa & omnia occupat.

Gangræna verò sæpe pro sphacelo haberi potest, quia tam mirificè serpit, sic vidi ingentem gangrænam, ubi muscoli tamen integri manebant, sed inter musculos se insinuaverat & separatione hujus membranæ gangrænosæ factâ, tum muscoli tamen suam viam retinebant, si verò sphacelus sit, tum omnes muscoli sunt mortui.

Præcedit nunquam aliter nisi fiat sphacelus à causâ externâ.

Sequitur si verò gangræna diu occupaverit partes, tum fit sphacelus.

Corruptione. In semi-corruptione ossis sequitur corruptio totius, & sic à parte inferiori ossis ad exteriora pervenit, ut in spina ventosa oritur.

Medulla. Non modo ossis medulla confusa totum os corrumpit, verum etiam quando nervi in sua origine, ut ad medullam spinalem contunduntur, pars, ad quam tendunt, sæpe gangrænescit.

Periostei. Nam tum inferiora inficit, verum quoque confusio non ita observat vulgarem ordinem adscensus inflammationis, nam aliquando ilico gangrænam vel sphacelum producit. Utinam verò hæc dicta legissem, cum me primò ad praxin accingebam, nam hujus rei cognitio maximum habet emolumentum, sed hæc apud Auctores non habentur.

Duxerit. Sphacelus semper præsupponit gangrænam, sed si aliqua confusio in ipso osse vel periosteio sit facta, tunc gangræna & sphacelus sequuntur.

§ 421. Habent eandem causam tam materiale quam efficientem nempe obstructionem

vasorum & motum illius obstruentis & ipsius sanguinis validissimum.

Vi. Nam major vis in sphacelo quam gangræna tam in materia quam in effectu; sic etiam sphacelus non tam cito generatur ac gangræna, & tandem sphacelus hæret in omnibus, gangræna verò in quibusdam partibus tantum; hinc *Hippocrates* dicit os sphacelatum sed non gangrænosum.

Duratione. Nam primum id est gangræna tendit in mortem, & sphacelus nunc demum est mors partis.

Loco. Gangræna in pinguedine hæret, sphacelus verò in musculo, periosteio imo ipso osse.

Vidi aliquando pedem gangrænosum factum & dein adeo tumidum & mortuum apparentem, ut Chirurgus sat peritus putaret esse sphacelatum omnino & ideo esse extirpandum, tum verò advocatus inveni tumorem maximum sed rigidum prorsus, ita ut etiam putarem esse extirpandum, sed tamen rem penitus considerans adverti calorem quendam ad extrema digitorum, quæ non erant adeo tumida, itaque adhibui fomenta maximè resolventia, putredini resistentia, nempe muriam salis cum vini & herbis aromaticis coctis ut scordio &c. quæ descripsi in *Materia Medicâ*, tum demum post aliquod tempus factæ fuerunt in illo pede fissuræ undequaque, & hoc pacto tota cellulosa membrana à subjectis molliculis gangrænosa separata est, sed tunc temporis cum musculi apparerent integri & sani, remotis his resolventibus adhibui leniora ad pacandam inflammationem, non tamen efficere potui, quin gangræna serperet per tunicam cellulosam tendinum, quâ abruptâ tandem & delapsâ tendines.

accreverunt ossibus, & æger sanatus est illo pede qui tamen ita rigidus mansit, ut illo amplius uti non poterit.

§ 422. 1. *Omnia*. Hoc clare patet, nam quid est gangræna? mors partis, quid est mors partis? conditio Physica, quæ influxum vitalem arteriosum refluxum venosum, & simul secreti liquidi defluxum inhibet, ergo gangrænæ causæ sunt sequentes, 1. ut adsit obstructio, 2. nixus ingens in materiam obstructam, 3. ut partes frangantur nempe membranæ cellulosæ partes, idque non tam æqualiter ac in suppuratione.

a. Si vena solitariè ad partem pergens comprimatur à quadam causâ internâ, vel si ligetur, ut nil remittat, tum pars tremit, calet, livescit, & gangrænescit, si verò arteria comprimatur, ut nil permittat, tum exarescit & exsiccatur pars, ad quam sola pergit; sic tale *Diemerbroek* narrat exemplum, quod accidit *Ultrajecti* in juvene studioso, qui ebrius domum redeuns se tamen ante fenestram posuit ad videndos prætereuntes, ille verò tum somno quasi sepultus in hoc situ mansit usque ad sequentis diei tempus matutinum, tum verò evigilans se restituere non potuit, & pedes cruraque terribiliter intumuerant, ibique gangræna erat nata, quia sanguis arteriosus circulare non potuit ad cor, nam tibialia nimis fortiter adstrinxerat, hinc venæ erant compressæ, & se sustinere non poterant, putebat enim se pedes non habere, ipse verò inde mortuus est, idem accidere videmus in suspensis, hæc verò oriri possunt à ligaturâ, 1. in loco sanissimo, 2. in loco inflammato.

b. Har-

6. *Harvæus in libro de generatione Animalium* tale exemplum habet, ubi homini nascebatur ingens tumor in femore circa venam cruralem, qui sensim livefcebat, sicque subsecuta est gangræna partis, nulla causa aderat, nisi steatoma venosum magnum vas comprimens, sic venæ comprimi possunt, ita ut causas ignoremus, hinc modo hic dicimus hoc factum esse à compressione, licet malum sit incurabile.

7. Frigus magnum, quod per multos gradus calorem nostrum superat, calorem extinguit, si homo ponatur in frigore, quod frigus tantum à calore nostro recedit ac sanguis calidior aëre, tum partem congelaret, & si hoc profundè sit, tum sit sphacelus, sic in obsidione quadam princeps amisit à frigore brachia & pedes & modo truncus remansit, ibique multi milites in excutias omnia membra externa solo trunco remanente amiserant; frigus in corpore agit per spicula salina, quæ mirabiliter in parte congelata agunt, quæ inde rigescit, hæc verò spicula si moveantur, tum omnes partes, quibus sunt infixæ rumpuntur, & fit gangræna non ab humoribus urgentibus, sed ab his spiculis motis, motus verò horum fit ab igne; hinc pars congelata non igni admovenda, sed in aquam frigidam est intrudenda, sic enim caro congelata, si aquæ gelidæ imponatur, uti etiam pomum, tum circa carnem & pomum aqua congelatur, & se applicat, hocque modo spiculæ per eandem viam quam ingressæ sunt extrahuntur; nam sunt lanceolæ per aërem motæ quæ uniformiter vi ventorum se insinuant in meatus, & faciunt, ut pars sit rigida, hinc putrescit, sed si nive involvatur pars, tum illa spicula extrahuntur illæsa parte, aliter hæc cor-
F 7 pora

ora putrescunt, sic etiam in nobis fit.

δ. In inflammatione quædam partes moventur, quædam non, obstruæ non, sed laterales, jam verò si spicula impediunt fluxum per lateralia, oritur Phlegmone & Gangræna. Norunt etiam Chirurgi à valde pingui idem fieri, quia totus impetus illa vascula conterit.

Abstringentia non nisi in initio phlegmones profunt, sed his non insistendum uti dixi, idem de repercutientibus verum est, quæ vasa angustant, si in phlegmone adhibeas adstringentia, tum motum impedis, sic etiam frigida faciunt, imprimis verò stupefacientia, tum semper ex phlegmone fit gangræna. sicque quali comburantur pedes, nam partes ab inflammatione quasi comburuntur, hinc dum frigida applicantur, fit gangræna, omnia enim hic commoluntur, & per ea, quæ tum applicantur omnis vis ad interiora adigitur, tum fit ruptura, & hinc gangræna, nam semper in loco inflammato adhuc motus est, qui his compescitur; per oleosa tenacia fit gangræna, hinc qui à phlegmone gangrænam avertere vult, ille locum perspirabilem tenere debet, ut *Sanctorius* suadet, ergo fomenta sunt applicanda ex aceto sale & similia.

Stupefacientia. Ut sunt Narcotica, quæ quidem per se non sunt mala, sed quia mens non animadvertit signa in somno, ut dolorem, ardorem hinc non quæruntur; sed medici sæpe dant in febribus aquam aromaticam, sal volatile aromaticum, sal viperarum, & sal cornu cervi, spiritum ammoniaci, hæc omnia incendunt & flammam & motum augent, hinc hæc si non requirantur, viam in gangrænam parant.

Acria. Si v: g. æger assumat Theriacam vel sal volatile, & tum simul externè applicet motum nitentia, dum interim internè augeatur, tum citius gangræna fit; medici recentiores saepe suaserunt ægris, ut assumant alia, cæpas, sal Cornu Cervi, Camphoram, Diascordium & similia, tum gangræna eo citius fit, quia est obstructio, sed cum motus ingens ad partem obstructam irruat, nec interim ille motus hoc obstaculum superare possit, tum eo citius fit gangræna, non si v: g. decem ova habeam, tum si omnia constringere velim, tum eorum testæ mihi sunt frangendæ, sic etiam hac ratione omnia franguntur, hæc ergo est natura gangrænæ.

4. Hæc gangrænam ipsam citissimè producit, id est si inflammatio sit in aliqua corporis parte, & simul febris excitet interiora, sic blanda causa ita augetur, ut partem destruat; sic quoque Diaphragma Pleura & Intestina inflammari possunt, & hæc inflammationes æquè possunt abire in gangrænam, sed dicetis forsan, quod dixerim eam modo hæere in cellulosa membrana seu pinguedinosa, hoc verum est, sed ibi quoque hæc membrana invenitur, licet pinguedinem habeat, sic etiam hæc membrana omnes arterias venasque ambit.

5. Medici quò magis in praxi sunt versati, eò plus repudiare solent methodum à præceptore præscriptum; semperque fere putant, quod fractum os semper debeat restitui, hoc quidem verum est, si nullum adit contraindicans, nempe si videamus ægrum inde moriturum, tum pars non est reponenda sed relinquenda, nam melius unam partem deformatam habere, quam totum destructum, sic quandoque in
fistu-

fistulis magna est inflammatio, tum facilè fit gangræna, sic quoque putatur luxata pars iusto reponenda, sed sæpe accidit partes immensè tumere, si quis reponere velit; ille facit gangrænam, hinc in omni tali casu operationem omittere debemus.

¶ Omnia illa inventa de oleis stillatitiis v: g. de cornu cervi de pinguedine humana, de lumbricis, de Galbaneto *Paracelsi*, quod fit Myrrha, Galbano, Maltiche & pluribus gummatibus, ex quibus vi ignis oleum acerrimum educitur, quod à *Paracelso* commendatur in paralyti partium, ut partes eo fricentur, & in contractura, Anchylosi, hæc verò omnia juxta *Helmortium* nullius sunt momenti, nam in inflammatione vel suppuratione fricanda applicata sæpe gangrænam inducunt, nil enim plus quam oleum acre alcalinum gangrænam facit, imo nonnulli Emplastrum Diapompheligos quod est macilentissimum, ferre non possunt, quin Erysipelas oriatur.

Contusa. Puto verò, si contusio talis sit facta, ut sanari non posse videretur, me tamen sanare posse, si modo calor & sensus adhuc adsint, si verò pars jam sit frigida, tum sanari nequit, sed quidem ab ulteriori putredine præcavere.

¶ Si v: g. homo fregerit crus, & Chirurgus methodum non bene observet, tum totum corpus calcaneo innititur, si hoc sic per viginti quatuor horas duret, tum dolor oritur intollerabilis, sicque videtur totus locus niger & pars gangræna est affecta, hinc perici Chirurgi totum femur & pedem suffulciunt ad poplitem, ut ubique sit æquale pondus, sic quoque facilè gangræna ab incubitu circa coxas fit,

fit, ita etiam circa olecranon & scapulas, non verò est peior morbus, quam hic, & homo, qui sic parti incumbit & eam non movet, accipit gangrænam in partibus quibus incumbit; hinc in decumbentibus semper de hac re cogitare debemus, & studere, ut partes æqualiter pondus sustineant, & talis æger, quandoque supposito linteo (belgicè *servetten*) elevandus est, tum partes parum liberantur; hi verò jacent plerumque in dorso, quia ibi tum latissima est superficies; hinc ossis coccygis, sacri & scapulæ eminentiæ afficiuntur, hic verò lectus licet mollissimis plumis constans tamen incubitu instar lapidis durefcit; hinc aluta (belgicè *seemleer*) est supponenda, quod est optimum remedium & magnum arcanum.

I. Uti fiunt circa Umbilicum vel inguina; circa scrotum, in fæminis post partum impri-
mis, vel adhuc gravidis plerumque in Umbi-
lico, umbilicus enim hic huic malo plerumque
est obnoxius, quia peritonæum ibi loci est
quasi nudum, hinc si fiat laxum in suis parti-
bus, tum per illud angustum foramen exit cum
omento vel etiam cum intestinis, & facit ple-
rumque amplissimum saccum, vel si præterea
ad intestina semper accedit fex, quæ ex illo in-
testino egredi iterum non potest, fit ejus con-
strictio & gangræna, nisi intrudatur iterum in
abdomen viginti quatuor horarum spatio; in
viris plerumque oritur Hernia serotalis, quæ
eodem modo ac Umbilicalis oritur; scitis
enim lamellam anteriorem esse adhuc tensam
in abdomine, si nunc oriatur laxitas quædam in
peritonæo, tum ibi loci, ubi peritonæum tan-
tum est simplex, fit extensio, & formatur sac-
cus continens ipsa intestina, ab hac lamellâ
in-

interiori, quæ per dictam vaginam se expandit usque in scrotum, & ibi etiam sæpe colliguntur fæces, & oritur gangræna, tandem fiunt singultus, Vomitus, Borborigmi, Deliria, & sic brevi mors, nam vis intestinorum urget in hunc saccum, eum dilatat, oritur inflammatio, quia vasa magis stringuntur, tum vita in locum urgens cito gangrænam facit, hinc aperiendum est, quia hic stercus colligitur, nam stercus quidem introire potest in intestina strangulata sed non iterum exire, unde illa mala supra dicta superveniunt, ergo Venæ Sectio instituatur, Clysmata injiciantur oleosa, oleosa propinentur, & fomenta oleosa applicentur, si verò jam intestina sint suffocata, & gangrænosæ, tum si non moriatur æger, apertura est facienda, aliter manet perpetua Cloaca, quod ferè ipsa morte ægro est intollerabile. Ubi vasa Spermatica devenerunt prope ossa pubis, transeunt utrimque per annulum, qui est inter secedentes fibras musculorum transversalium abdominis; hic autem fieri potest Hernia, quando intestinum ileum, quod ibi adest, protruditur per hunc annulum, & descendit in scrotum, si verò hoc intestinum materia turgens stranguletur in transitu supra ossa pubis, tunc gangrænescit, & hæc Hernia vocatur completa; Bubonocèle verò fit in Inguinibus, quoniam ibi peritoneum non est validum, tandem etiam fit in Umbilicali regione quia ibi vena Umbilicalis transit & perforat peritoneum, quod hoc pacto ibi est multo debilius, tandem fieri potest Hernia in aliis locis abdominis, si peritonæum lædatur quocunque modo, tum verò si intestina exeant, nec statim reponi possint, oritur gangræna & mors nisi

abscissa parte putrefacta bina intestini extrema bonâ fortunâ concrecant peritonæo *Vide Courzial de bubonocèle*. Aut etiam conglutinari possunt vulneri, & tunc fæces semper exeunt per vulnus.

§. 423. 2. *Destruantque*. In paragrapho præcedenti recensui causas gangrænæ. Ibi humores adhuc boni sunt non acres, nam illa acrimonia semper post mortem oritur, nunquam enim observavi talem acrimoniam in corpore esse, nisi orta fuerit à morbo prægresso, hic verò vobis causas recenseo ab acrimoniâ humorum desumptas; vix tamen acrimonia humorum fieri potest in corpore vivente, modo aër non accedat, sed statim atque mortuus est homo, tum omnes humores alcalescunt, verum in quibusdam morbis etiam in viventibus acres fiunt humores, ut in Specie Scorbuti, Rachitide, lue Venereâ; hinc oleum Vitrioli, mercurius sublimatus, spiritus urinæ acrimoniâ suâ exedunt partes corroduntque, ita, ut fiat gangræna.

a. Nam dixi, quod putredo oriatur à stagnatione, putredo verò magnam acrimoniam facit imprimis si aër accedat; ubi humor stagnat, & homo cæteroquin sanus est, acerrimus fit humor. Multi hoc negant, sed tamen certum est, cum à posteriori comperi, aperui cadaver hydrope mortuum, cum ex hoc aperto exiret serum, adstantium pulmones subito invasit talis anxietas & respirandi difficultas, quasi oleum vitrioli haurissent, aut plurimum sulphuris attraxissent, omnia viscera hujus cadaveris ab hoc acri humore erant quasi macerando putrefacta, omentum tactu cadebat, hepaterat contractum in minimum spatium; pus-

diu-

diutius retentum fœtidissimum fit, idque solum à sale & oleo acribus & volatibus causticis factis, urina in hoc cadavere erat tam fœtida, quasi in calculoso, de quo diximus urinam cathetere, esse educendam, nec mirum quod ab hoc liquore acri, omnia interna viscera adeo corrodamur, ut omnia putrescant, nam si talis stagnatio fiat in cranio, oritur Hydrops capitis, & totum cerebrum in ichorem fœtidum resolvitur; ubicunque & quacunque fuerit hæc materies, si diu hæreat in quodam loco, fit acris & putrefacit omnia; sic de reliquis.

Craur. Si cui v: g. arteria intercostalis percutiatur, tum sanguinem fluit in cavum thoracis, hinc ibi hujus putrefactio fit, & vicinæ gangræna, nam licet aër non accedat, tamen tepore & calore fit putrefactio, ut vidi in Capitano; in quo ex abdomine aperto tantus fœtor oriebatur, ut vix ferre potuerim, imo ab attactu contentorum abdominalium Epidermis deglubita fuit, talis aderat putredo.

6. Si per quendam locum violentus acrium humorum motus fit, tum fit gangræna, unde in his hominibus toties tanta mala oriuntur.

Morbosa. Multi Auctores negant à morbis tales putrefactiones oriri, sed illi scorbuticorum gingivas subolfaciant à jejunis averso corpore, fere cadent in animi deliquium; temperies est acris in lue Venerea & Similibus morbis.

Lympha. Ad tendines aliquando adeo acres fiunt humores, ut exurant partes; has gangrænas ab his causis seu una harum ortas vidi diu sustinere posse, & curando lethales fieri, unde vulgò fit belgicè *leedewater*. In Coryza ex
naribus

naribus stillat humor, qui labia exulcerat, & quasi urit.

Dysentericus. In Dysenteria fluore sanguinis mutatur humor in tantam acrimoniam, ut panniculi intestinales abradi exornantur.

Materia febrilis. Sæpe in febre materies est tam acris, ut gangrænas post magnas inflammationes prægressas excitet, tale quid vidi in aurifabro, qui bina crura adeo inflammata habuit post febrè, ut nullo modo impedire potuerim gangrænam servato tamen ægro.

Cancer ischor, qui lintea ipsa corrodit, vidimus in mulieribus cancro depastis indusia, quasi aquâ forti essent corrosa, unde Chirurghi hoc vocant virus idem intus contingere potest v: g. pancreas concreseat, oriatur fluor Dysentericus, qui aliquando totam fistulam intestinale corruptam extrudit.

Variolose. In variolis idem aliquando videtur, ubi in curatis inflammata gangrænosa excidunt.

Carnem, aut ad quamcunque aliam partem, nempe si materies deponatur in aliquem locum, quod imprimis probant variolæ confluentes, in peste sæpe intra paucos dies, vel etiam foras totus oculus excidit gangrænosus.

Gingivas, ita ut dentes ex suis aveolis sponte cadant, corruptis perfectè gingivis ab illo acri rodente.

§. 424. 3. Vidi exemplum in consule hujus urbis, qui incidit in speciem indolentiæ, mirabar cum homo esset aliter satis timens, narrabat sibi quid ad pedes timere. vidi digitum pedis totum putrefactum jam esse mortuum, considerando ætatem malumque progressurum de exstirpatione non cogitabatur, tandem gangræna

græna pergente cum levi delirio quasi somnians mortuus est; pars gangrænâ affecta à defectu humoris influentis diu sustineri potest, non verò est separanda, nam tum parvus admodum locus afficitur, & quasi vermis esse videtur, tum dein hi Lethargi fiunt, antequam moriuntur, hic enim separatio non est tenenda, nam hæc mortem partis & totius proserpendo accelerat, verum tum cardiaca sunt danda, & locus cum sale & aceto fovendus, sic enim talem senem per unum annum & dimidium tractavi, sed cum contra meam consiliam emollientia sunt applicata, tum totus pes, dein femur gangrænosum factum est. & paulo post æger est mortuus. Illis senibus quibus est lentus soporosus morbus præ solo virium defectu his omnibus gangræna ad digitorum extrema pedum oritur. Sæpe aliquando ante mortem oritur in hominibus quies summa, ut videantur se quasi se bene habere, sed tunc tanta est penuria spirituum, ut nunc motus in parte gangrænosa subsistat, tum statim actum est de vita.

Debilitas ob humorum stagnationem.

Circa Gangliones. Ganglion est membrana firmans nervos plurimos mox emittendos, v: g. nervi, qui pervenire debent ad inferiora intestinorum tenuium è thorace emergunt per diaphragma & tendunt ad mesenterium, ubi magnus plexus nascitur, qui nervi sub diaphragmate transeuntes firmantur.

§. 425. 4. Mirabile est, quod mulier lue Venerea affecta tantummodo solo affricu & applicatu sic hominem corrumpere possit, ut totus putrescat, vidi juvenem, qui luem veneream contraxerat pessimam, ossa depascentem

tem

tem & ulcera terribilia creantem, cum tamen solummodo orta fuerit ab eo, quod ille juvenis, prout fassus est, ipse, genitale membrum ad pudenda muliebria admovisset, neque tamen intromisisset ullatenus. Veteres tradunt olim fuisse homines, qui salivâ suâ omnia animalia occidebant. Venena adsunt, ut pestis, quæ dum parcit brutis, homines tamen interimat, & vice versâ, at etiam in peste bovina soli boves laborant, non alia animalia, quæ cum iis in eodem stabulo degunt; hinc in corporibus singulis animalium sunt vires reciprocæ, quod quidem ab *Hippocrate* αἰμαὶν vocatur; in calidis regionibus scorpiones & serpentes sunt, unde morbi gangrænosî oriuntur; est in africa serpens quædam seps vocata (vide *Lucanum in Pharsalia*) quæ, quamvis sit admodum exigua, creat putrefactionem universalem per totum panniculum adiposum; à morsu Tarantulæ solus systema nervorum patitur vide *Baglivium*. A morsu viperæ totus homo fit ictericus; hinc agit tantum in bilem, & in aula Hetrusca visus est magnus bos à viperâ morsus brevi post mortuus concidisse & aperto cadavere nulla nota hujus mortis inveniri potuit coram Duce à Clarissimis Viris *Borelli* & *Bellini*. Legimus Agatoclem, qui terror erat vicinis, porrecto dentiscalpio, quo post prandium gangivas scalperet, cujus in cuspide erat venenum toto capite & gingivis computruisse & contabuisse.

§. 426. Jam quæritur, quomodo scimus, quod in gangrænam transeat phlegmone vel alius morbus? Si causæ gangrænæ præcesserint, si itaque Medicus causas gangrænæ intelligat, & eas præexistere observaverit, tum gangræna futura, si v: g. in corpore satis valente videam

tumo-

tumorem steatomatis venam iliacam comprimere, & qui hoc seu hanc causam præexistere videt, ille faciliè gangrænam futuram vidit, nisi tumor tollatur.

§ 427. 1. Si phlegmone jam conspicua fuerit cum omnibus suis signis, & tunc omnia phænomena subito sine ullâ causâ cessent, si ante paucas horas locum attingens audiam ægram vociferari præ dolore, locum tumentem video calidissime rubentem, splendentem, attendo, an pulsus adsit, suppuratio, mutatio &c. fortis si nulla alia causâ gangrænæ sit.

2. *Sensus hebes.* Gangrænolus locus est semper insensibilis, tumens inflatus membranâ crassiori quam naturali tectus, nec pars inferior pondus sentit, quia superior nimis premit ipsam. Ubi verò hæret gangræna? semper in membrana pinguedinosa per quam nervi distribuuntur, qui tunc moriuntur, verum tunc cutis nondum est mortua; & hinc cutis adhuc dolet, ideo cum hic dicitur sensum hebetem esse, id intelligitur tantummodo de parte gangrænâ affectâ; hic verò primo cutis nondum est affecta, ideo dolor adesse potest, cum tamen gangræna adsit, verum cutis quidem tantummodo vasa per panniculum adiposum accipit; sed hæc per totam cutim longè latèque distribuuntur, & sic paulo supra locum affectum vasa ex panniculo emergentia hac quoque ferri possunt.

4 Pathognòmicum signum inflammationis est tensio, ita ut fiat dolor magnus, si initio prematur, primum retroilit magnâ vi, quali pars esset valde elastica; in gangræna verò hoc non fit, nisi cutis quandoque possit esse adhuc inflammata, cum tamen membrana cel-

cellulosa jam sit gangræna affecta. Pars flaccida pressa non resurgit, quia non affluunt liquida, quæ retunderent.

5. *rustula* id non fallit, in omni nempe loco, ubi videtis phlegmonem adesse, ibi videtis Epidermidem elevari in pustulas seu vesiculas, quasi ab urticis essent factæ, aqua vel ichore subflavo seu rubello impletas, tum certis gangrænam esse natam, & quò plures & majores pustulæ, eò peior est res, & si colore rubello impletæ sint, id valde malum est signum, si verò ichore hoc pessimum est, tumque est magnum periculum futuri sphaceli; si verò liquorem colore & dote aquam referentem contineant, tum non multum est periculi, si hæ pustulæ rubræ seu subflavæ aperiantur. tum liquor effluit, & intra tres horas pars supposita fit nigra; hæ pustulæ semper ita apparent, nisi fiat decubitu, ubi Epidermis compressa à cute objectâ abit; hinc patet, cur *Hippocrates* dicat, quod urina ichore plena sit lethalis, notat enim elicam gangrænosam factam vel renes; hinc quoque patet, cum stercus ichore mistum sit mortis brevi futuræ indicium, si homini non contingenti effluat, notat intestina gangrænosa; sic etiam si homo exspuat talem materiam, tum notat gangrænam pulmonis; hinc hæc signa iter pessima in morbis acutis habentur; hic verò adhuc semel repetam, noto gangrænam prius membranam adiposam destruere, sed tum cutis adhuc viva manet, quæ tamen postea quoque moritur, vasa verò tum tamen adhuc deferunt suos liquores ad partem mortuam, & hinc hi liquores accumulantur, unde illæ pustulæ tumque materia olim transudans jam in ichorem degenerat.

6. *Frigore.* Pars verò à frigore gangrænosa facta seu à congelatione habet longè alia signa, quam in præcedentibus recensita sunt, quia ab aliâ oritur causâ, illa pars prurit, estque punctura ingens primo in parte, ubi scitis, cum habueritis manus valde frigidas, tum sensistis puncturam ingentem hinc inde quasi aciculis partes pertunderentur, imprimis si ad ignem accedatis, tum dolor punctorius oritur magnus, hocque notet partem satis prædispositam esse, ut pereat, tum adest rubedo sublivescens, sic si in summo frigore, aures cum livore rubescant, seu nares fiant rubræ, & in pinna nasi oriatur circulus livescens, tum gangræna has partes occupat, & fit pruritus circa gangrænosa partis margines; quando accedimus ad ægrum cum magnâ febre conflitantem accedente maximo dolore, tumore ad partem, & aliquot post horas redeuntes sine ullâ causâ cognitâ videmus hæc omnia symptomata evanuisse, tum pars est mortua & gangrænosa facta.

§ 428. *Sphacelus.* Hunc scio futurum, i. si videam gangrænam magnam procedere, nam cum gangræna sit mors membranæ adiposæ, quæ membrana supra & infra musculos ponitur, & simul musculos quasi perforat, & inter eorum fibras se insinuat, hocque modo musculum quasi penetrat; hinc nondiu gangræna esse potest, quia simul partes vicinæ inficiantur ergo etiam musculis tum malum communicatur, dein quoque gangræna validè fibras musculares & vasa præ tumore comprimit; hinc liquorum per vasa influxum ut etiam spirituum nervosorum impedit, inde gangræna muscularis fit, qui est sphacelus, quia tumor subiacentia suffocat; verum sphacelus, qui à senio &

& debilitate oritur, ille habet alia signa, si v:
ad extremos articulos pedum parvum punc-
um purpureum appareat, quod se aperit, &
choris gutta exit, tum ibi interiora instar lintei
arpti apparent & eminent ex foramine, tum
erti fumus sphacelum futurum quidquid fa-
iamus, ille articulus cadit, dein etiam alter
& sic porro pergit, hic verò sphacelus
non à signis phlegmone, prægressis, sed
ine iis fit; hinc etiam non valet argumentatio,
est gangræna prægressa, ergo est sphacelus,
sed est maximum periculum, ne oriatur spha-
elus.

§ 429. 1. Verum si ingens gangræna sit
prægressa, quæ etiam diu hæsit, tum ordina-
tio sphacelus adest, sed tamen huic signa non
atis fidere possumus, sed simul sensus adesse
debent, ita ut viderim scalpellum à Chirurgo
in parte adactum ad periosteum usque sine sen-
sibus ullo doloris; hic verò quæstio oritur mul-
tum inter Medicos agitata & nondum compo-
ta, an pars sphacelata motu sit destituta? mo-
tu destitutus est, quatenus sphacelatus est muscu-
lus, sed si musculus partem sphacelatam mo-
vens non sit sphacelatus, tum moveri potest,
cuius digitus esse potest sphacelatus, ubi tamen
cuius extensor sit vivus, tumque moveri potest,
cuius pueri ludentes sumunt pedem anserinam &
trahunt ejus tendines, hacque ratione articulos
digitorum pedis movent, quia pes non move-
tur per ea, quæ sunt in pede, sed quæ circa
eum sunt, hinc licet tendo sit sphacelatus,
tamen musculus huic tendini annexus agere
tamenque movere potest, nam est modo quasi
vivus & nil ad motum facit, nisi quod parti
mobili annexus à musculo trahatur. Fui ali-

quando in consilio Medico, ubi proponebatur, an sphacelata esset pars nec ne, hic verò Medicus quidam dicebat partem non sphacelatam esse, quia movebatur, sed erat tamen verus sphacelus. & licet etiam tendines sint sphacelati, tamen si muscoli adhuc vivi sint, pars moveri possit, nam tendines pro fune tractili inserviunt.

2. *Puncta.* Cum membrana cellulosa sit crassissima & profundè pergat; hinc Chirurgo est adigenda lanceola, donec ad ipsa ossa perveniat sine ullo dolore facto, antequam asseri possit sphacelum esse, neque tum etiam sanguis est exeundus, ut detur optimum prognosticum.

3. *Mollities.* Sphacelus incipiens est mollis, sic etiam putrescentes cadaverum muscoli sunt valde molles, quod est signum manifestum, raro aliter accidit, quin tum sphacelus non adsit: memini enim me demonstrasse in Nosocomio in pede mulieris, in quo cute detractâ mirè variegati colores apparebant in membranâ adiposâ in uno loco rubrâ, in alterâ flavâ in tertio albâ, hac verò membranâ detractâ caro supposita erat nigra, sed an semper hæc mollities observatur? non, nam quò pars gangrenosa in initio mollior, eò postea magis durefcit, quia omnia liquida dissipantur, quòd pessimum est, sic quoque videmus, si tempore æstivo aëri humida suspendatur caro pro canibus, hæc primo incipit quasi liquefcere, si verò postea siccitas aëris superaccedat, tum dissipata parte liquidiori valde induratur.

Durities fit, si vis vitæ desinat; exemplum est Hagæ-Comitis in muliere habente sphacelum perfectissimum in crure, & quia in consilio Medico putabatur sphacelum nimis repisse,

&

amputato crure ægram tamen supervivere non posse, amputatio etiam non fuit instituta, sed scarificatione in viva parte facta applicatum est fomentum ex scordio, Marrubio, & similibus putrefactionem impredientibus, quo fomento sæpe repetito carnem mortuam à viva separabatur, & ægra post annum adhuc vixit crure sphacelato & arido.

5. *Cadaverosus*. Si aperiatur, fætor ille ruit adstantium pulmones, unde deprehenditur horribilissimus, ut vidi in Chirurgo, qui nimis propinquabat ad partem sphacelatam, præterea suadeo, ut cauti otis in his casibus.

6. Nam pars mortua semper putrida vivæ adhæret; hinc malum vicinis partibus adhuc vivis communicatur, nam per partem mortuam nil fluit. hinc omne quod accedit, statim infectat eam partem, & sic vicina in consensum abitur, puto nos jam non posse hærere, an pars sphacelata sit nec ne. Hæc ut in exterioribus contingunt, sic etiam in interioribus se obtinere possunt, sed ibi signa non apparent.

§ 430. Vidi senatorem senem, qui mihi conquererebatur se incommodo quodam, sed non malo (ut dicebat) laborare ad pedem, & tumescebat, cum partem monstraret, quia putabat vix operæ pretium esse, eâ de re conquerere, nam cæterum sanus erat, nisi quod pedem esset soporosior solito, sed parte detectâ di sphacelum esse natum, nam punctum purpureum apparebat, quod Chirurgus instrumentis accipiens extrahere conabatur, sed æger infere ferè convulsus cadebat, pars verò extracta elevata paulo linteorum filamentorum instar apparebat, unde 1. primus articulus sine ægri assensu decidebat, dein secundus, porro tertius,

& tandem os magnum metacarpi, & sic malum proscripsit usque ad tibiam, tum ille bonus vir levissimè delirare incipit, postea soporofusus factus placide mortuus est. Si verò vel intestina vel hepar vel ventriculus sit affectus tum hoc in casu non animadvertimus, nisi debilitatem; hinc difficillimè cognoscitur; hic verò in Europâ apud omnes nationes duo vocabula in usu sunt, quæ in omnibus linguis adhibentur nempe *ignis calidus* & *ignis frigidus* Belgicè *het heet-vier*, *het kout vier*, Germanicè *het kalte oder hitsige brand*; ignis verò calidus est summa phlegmone cum summo ardore tendens in mortem; ignis verò frigidus est mors partis seu sphacelus; sic veteres quoque hanc rem accuratè considerarunt, qui vocarunt inflammationem τὸ πῦρ φλεγμὸν, ultimò verò est ignis siderans, seu τὸ πῦρ φακελισμὸν, qui est mors partis, sphacelus, vel ignis frigidus.

§ 431. *Ætatis.* Infantibus gangræna ob humorum abundantiam faciliè fit, ut in cancro aquatico gingivarum dicto patet, in senibus pariter pessimè sunt, in mediâ ætate non ita malè, nisi à violentâ febre.

Temperiei. Sphacelus à debilitate est incurabilis, sic etiam gangræna in temperie debili pessima, uti si acris temperies adsit, hinc gangræna in febre ardente & peste est incurabilis, quia cito in putredinem vergit, si temperies oleosa, alcalina vel biliosa, in morbis acutis pessimum est; hinc homines putrefactionibus obnoxii & qui habent sanguinem ruberrimum crassissimum & fibras rigidas, difficillimè ab hoc morbo curantur.

Morbi. Si Hydropi sphacelus superveniat, pessimum est, sic etiam in lue venerea & scor-

corbuto; qui oritur à violentissimo motu febrili.

Virium. Memores quæso sitis illius effati, æquus calor & summum frigus adurunt, à summo frigore adustus pes in gangrænam & phlegmone mutatur, summa vis vitæ id est febris ardentissima & quies senilis eundem patiunt morbum, id est humorum stagnationem, si verò gangræna & sphacelus his superveniant, periculosissimum est, ergo clarè sequitur, quod gangræna, quæ oritur à violentâ phlegmone, multo sit pejor, quò major vita, eò status est pejor, in gangræna verò, quæ oritur à debilitate, est idem, nam quò ibi vis vita minor, eò status est pejor.

2. *Velocitas.* Dum inflammatio tendit in resolutionem; tum secundo die non erit benignior, si in suppurationem vergat, tertio & quarto die erit pejor, si in gangrænam, tum secundo die se ita malè habebit, ut ille, qui tendit in suppurationem quarto die, ergo secundo die erit gangræna & quarto die erit mors; quò citius oritur, eò progressus est perniciosior, lentior minus est metuenda. Si vespere mane pars sana, & nondum dolens sit, sed illico post meridiem accedit magnus tumor, rubor, calor, tensio partis, tum cito fit gangræna, nam velox mutatio partis sanæ in inflammationem facit gangrænam, ita ut si omnia symptomata in inflammatione recensita subito velocissimè fiant & augeantur, tum fere semper fit gangræna, sic erat aurifaber in hac urbe, cui febris lenta manebat, aliquando post phlegmone cruris observabatur; hinc ego vocatus sed ab negotiis impeditus vespere primò accessi, tum quidem

largam missionem sanguinis institui, sed tamen sequenti die gangræna aderat, quæ tamen à parte viva feliciter separata est, & sic æger fuit curatus; hinc ergo velocitas phlegmone vobis semper sit suspecta.

3. Sic violentissima febris phlegmonem excitat, quæ tum dein facit gangrænam, inde est, quod Pleuritis violentissima ante tertium diem occidat, pleurâ sideratâ; sic quoque in atrocissimâ Peripneumoniâ ægri tertio die pulmone gangrænoso facto moriuntur; sic quoque in violenta inflammatione intestinorum hæc Necrosi consumuntur, & æger cito moritur, si sit causa interna, si tumor venas comprimatur, tum liberes ægrum nisi venæ sectione, sed hæc curatio est tantum pro momento, nam venæ iterum revehunt sanguinem, & sic comprimunt; sic quoque externè accidit, si omnia vasa majora & minora per contusionem fracta & contrita sunt, tum oritur sphacelus, sic potest ab hac causa gangræna occupare digitum, tum hæret malum in his locis sinuosis, & oculis materiâ subpingui repletis, hocque pessimum est, nam plerumque tum digitus est extirpandus.

4. Summus æstus, summumque frigus eodem faciunt effectus, à frigore summo æque exustio. quam ubique, eadem fere phænomena in iis fiunt; ergo summus frigus, & summus fervor sunt duo pessima accidentia gangrænæ.

5. Gangræna & sphacelus digitum sine magno malo corporis occupare possunt, sed si medullam spinalem occupent, tum periculum est.

Humida. Ibi pessima est gangræna, nec facilis

illis resolubilis; hanc gangrænam visum est pedes & manus toleratè melius quam v: g. nates & femora, dum brevi corrupta fuissent loca, ubi cellulosa membrana hæret.

Sinuosa. Ut ad vasa feminalia in viro, ad ovaria, tubas falloppianas. ligamentaque uterina in fæminis, hoc pessimum est, tumenim gangræna ilico proserpit, & certe quam plurimi hic nil agere possunt, qui nesciant illud arcanum ex spiritu salis marini, nil enim præstantius in hoc casu. Nonnullæ partes debent integræ manere, ut vita maneat, nempe cor, pulmones, cerebrum, cerebellum, medulla spinalis, muscoli intercostales, non enim peior est morbus, sed in hac parte est periculior, quia in læsâ vitâ perennate non potest.

In sicca temperie gangræna rarissimè sanatur, quia vasa non suppeditant humores ad sanationem.

§. 432. Hinc fluunt sequentes regulæ, quæ sunt instar axiomatum:

Id quod sphacelo est affectum, hoc perfectè est mortuum, verum id cohæret parti vivæ, hinc etiâ viva pars debet mori, & sic omnia vicina inficiuntur, hinc mors totius, tam verò semper gangræna vel sphacelus procedit, si gangræna sit ad digitum, margo semper est inflammata, & citissimè per novum anulum ille gangrænescit; hinc ulteriora inflammantur; ergo simul nato sphacelo, vicina etiâ sphaceliscunt, sic dicitur assurgens sphacelus; gangræna cito succurendum, nam si v: g. arteria infecta sit necrosi, tum ejus pars paulo superius liquores adferens quoque ilico inficitur, & sic malum serpit. cujus causa est in-

fectio vitalis, quod movet vivam versus mortuum.

Sphacelus si fieri possit, exstirpandus est, nam est pars mortua heterogenea, quæ ad vitam nil boni facit, & hoc quidem ilico est faciendum, quia aliter juxta hos versiculos.

*Principiis obsta, sero medicina paratur.
Cum mala per longas invaluere moras.*

nam sphacelus semper reliqua in consensum trahit; hinc si non exstirpari possit, non est attingendus æger, ut famæ vestræ parcatis.

Gangræna cerebri. Tale exemplum vobis demonstravi ante annum in juveno phrenitico, qui malè curatus in Nosocomio allatus fuit, sed cum nil remedii superesset, sic delirans primo die, dum in Nosocomio allatus fuit, mortuus est, in illo cerebrum sanguine impletissimum & gangrænosum factum apparuit, totumque fuit sideratum.

Viscerum. Cordis, Pulmonum, Hepatis, Omenti, Lienis, Pancreatis, Ventriculi, gangræna lethalis & brevi mortem inducit, nam tum ægri magnâ inflammatione & febre acutâ laborarunt.

Vesica. Hanc gangrænosam factam patet, si urina saniosa seu ichorosa acris sine voluntate ægri effluat; quando gangræna oritur in vesica ab extractione calculi nimis violentæ, tunc nervi vesicæ adeo afficiuntur, ut totum reliquum systema nervorum perturbent, & inde mors.

In acutis. Nam causa, cur homines in morbis acutis tam cito moriantur, est gangræna, si v: g. homo Pleuritide vel Peripneumoniâ

vehe-

vehementi laboret, & de doloribus atrocissimis conqueratur, qui dolores si ilico desinant, tum plerumque gangræna est facta & mortem pronunciat, sic ut hæc pax valde insidiosa sit; sic si externè homini sano v: g. ad humeros applicetur Emplastrum ex galbano cum sale volatile cornu cervi & ejus oleo, tum pars, cui Emplastrum applicatum est, incipit cadere, dolere & inflammari, & ipse homo incipit febricitare, si relinquatur hoc Emplastrum, tum incidit in febrim calidam, & tandem pergerendo fit morbus acutus, si ergo hæc externam inflammationem producere possint, multo plus internam, idem quoque facit combustio; verum cogitetis hæc in interioribus partibus vix sensum habentibus fieri, ut est v: g. hepatis, sic etiam lien, quæ viscera nullum sensum habent nisi in membranâ, hinc his inflammationis non magnus quidem dolor oritur, sed hi ægri perpetuâ febre laborantes statim moriuntur, hinc si homines morbis acutis afficiantur, tum semper ob eam causam pereunt.

Partibus. Puto quod inflammatio posteriorum serierum vasorum sit maxime lethalis, si magna sit, sic inflammatio in vasis primi vel secundi generis pleuræ per bona remedia, si non nimis magna sit, resolvi potest, verum si eadem inflammatio in vasis minimis cerebri triatur, tum ilico fit mors, nil corruptum, nec læsum, neque in solidis neque in fluidis est, sed hic partes sunt læsæ in vasis minimis, simile quid etiam in peste obtinet.

Gangræna oris interni pessima est, belgicè dicitur *waterkanker* quod non mirum est, nam oris gingivæ, & palati labia interna sunt Epi-

dermide privata, hinc hoc tegumento non defenduntur, neque ibi adest pinguedo, quæ depauci & separari possit, sed nervi plurimi & vasa, unde non possunt separari partes gangrænosæ in cellulosa membranâ, ut fit alibi; hinc si semel gangræna has partes occupet, facile serpit, & fomenta atque cataplasmata non ita applicari possunt, saliva etiam semper advehitur, quæ putrefactionem auget, nam saliva plus in alcalescentiam, quam in acidum inclinat; optimum medicamentum est, si applicetur spiritus salis marini vel spiritus nitri vel vitrioli.

Labiorum. Quia labia sunt mirificæ texturæ, & musculos tenerrimos sibi insertos habent membranam cellulosa & Epitherion *Ruysschii* membranam huic papillas mammarum investiens similis, habentque vasa arteriosa & venosa, sed hæc omnia non multum mali præ aliis partibus gangræna affectis facerent, nisi hic globuli parvi nondum ab ullo Auctore bene descripti invenirentur, si hi globuli gangræna afficiantur, hoc pessimum & vix spei curæ adest, tumque maximus metus est cancri.

Narium. Quia ibi quatuor ossa spongiosa mirè texta inveniuntur, ut etiam sex cavernæ osseæ, quæ omnia obvelantur membranâ mucosâ, si verò ibi gangræna oriatur, contagium per omnia hæc loca serpit, unde oritur morbus foris dictus.

Genitalium. Quia ibi cellulæ sunt extra corpus in corpus, in quas extravasatus humor seu sanguis effunditur; hæ cellulæ, si venæ comprimantur, admittunt sanguinem & sanguine implentur; hinc hic pessima gangræna, sed cur hoc præ reliquis in Urethra pessimum? quia de-

demonstrante *Ruyfchio* glans est substantiæ urethræ retroflexa, hinc ab urethra accipit vasa retroflexa, per quæ nutritur & in libidine inflatur; hinc pessimum est, si ulcera venerea in urethræ substantia spongiosa oriantur, nam hoc vix curari potest, & glans cadit manentibus corporibus spongiosis; hinc ad curandam luen veneream si adhibeantur oleosa acrida, pessimè cedunt, & fit gangrænosa pars, quæ difficillimè curatur, quia in omnibus his partibus est lenta circulatio, mucosus humor & locus temper nudus, hinc si semel hic oriatur putrefactio, vicina attenuata computrescunt.

Sphacelus in senio. Ubicumque sphacelus senibus oboritur, nempe in articulis extremis pedum, manuumve annunciat citam mortem; nec novi ex pandectis medicis ullum supervixisse, quia sphacelus est illis à causa interiori & sursum adscendente.

Gangræna Hydropica. Nam omnes hi dejecto corpore & destitutis viribus vivunt, hincque nil spei, unde refocillare possint, intelligo verò illam gangrænam, quæ fit ex hydrope, dum simul aqua partes suffocat, vel dum ex suffocatione aquæ accipit talem putrefactionem vel acrimoniam.

Phthisicis. Phthisici veri sunt, qui Atrophiam laborant ex purulento sanguine, tum ex degeneratione talis sanguinis facilè gangræna oriri potest, & hi ratò moriuntur, quin gangræna circa os coccygis oriatur.

Scorbaticis. Nam in pessimo scorbutico humores sunt cacochymici, Atrophyci & fere putrescentes, puto verò omnem scorbutum oriri ex diathesi cadaveroso & putrido, licet alii aliter credant, ergo hi sponte hanc Diathesin in

gangrænâ in corpore suo habent, nam ulcera eorum proximè ad gangrænâ accedunt; hinc si gangræna accedat, eo peior status.

Sphacelus superiora petens. Quomodo sphacelus occidat hominem? Hæc omnia in senatore senî notavi, si senio sphacelus oriatur circa pedem, sensim adscendit & tandem cerebrum petit, tum fiunt jocosiores & hilariores, postea symptomata subsequentiâ oriuntur, & tandem mors.

Vigilias. Quod est pessimum signum, nam hoc notat nervos maximè affici.

Syncope est dejectio spirituum belgicè *flantè*.

Singultus. Quia processit ad ultimos nervos octavi paris, qui tendunt ad Diaphragma, & hoc mirum est, quod ægri ipsi nesciant se singultire, tum vix quadraginta & octo horas supervivunt, postea spasmi oriuntur, nullumque pejus est signum.

Dolores circa marginem sphacelati adscendunt, suntque vagi per partes vicinas membri sphacelati.

Sudorem. Nam enormiter frigidum sudant sudorem ab influente liquore, donec superiora extinguantur; ex his dictis Diagnôsis & Prognosis intelliguntur.

§. 433. Gangræna sumi potest vel ut ultimus gradus Phlegmones, ubi adhuc aliqua pars vitæ superest, vel ubi pars jam mortua est, sed unde supputabitur Gangræna? Gangræna incipit, ubi Phlegmone desinere incipit, & usque ad mortem partis sunt infiniti gradus gangrænæ, hinc 1. gangræna incipiens vocatur phlegmone 2. phlegmone tendens in mortem dicitur gangræna 3. gangræna penitus mortua vocatur gangræna completa.

Vires.

Vires. Quænam sunt Vires? Causæ moventes, quænam sunt hæ? Superflites humores circulantes, ergo vasa & humores in æquilibrio sunt servanda, uti & omnes causæ physicæ, per quas fit circulatio, sunt conservandæ, nam vires vitæ hic aliter periclitantur, est enim gangræna mors seu diathesis ad mortem partis, ubi verò pars est affecta, facilè totum inficitur.

2. *Putridum.* Dixi, quod nisi urina, sales & olea in corpore humano incipientia putrescere abluerentur per renes & sudores, cerebrum peterent, & causarent novam inflammationem, & febrem, hinc cerebrum destruerent, sic etiam si gangræna in corpore sit, sanguini permiscetur, fit cacochymia, & habet eundem exitum ut Ischuria.

3. *Arcere.* Ita ut diffundere non possit, & ut coërceatur, ne ulterius serpat, quod hæc tria efficiunt, hacque ratione credo gangrænam felici cum successu curaturam & à sano separaturam, quod tamen à solâ natura fit, Medicus tantum tollit impedimenta.

§. 434 *Vires firmare.* Si sciatur, quid hic sint vires, facilè intelliguntur hæc, vires sunt potentiæ exercendorum motuum, ergo sunt causæ vitales, quæ possunt motum excidere & versus cor continuare; vires naturales sunt, ut in stomacho coctio, in intestinis subactio, in lactea introitus, per corpus mutatio & secretio continentur; animales promovent motus voluntarios & sensus; ergo vires firmare est præsentibus juvare & absentibus restituere.

1. In omni gangræna vires debilitantur & maximè periclitantur, quia nil magis vires corrumpit quam materia putrida, 1. si homo
ad

ad corpus gangrænosum accedat, tum à fœtore debilitatur; hinc imprimis omnis causa putridum in corpore faciens vires maxime debilitat, ergo si causæ hoc putridum producentes observentur, & victus contrarius detur, tum vires augmentur, ut etiam medicamenta huic causæ contraria.

Spiritus excitent. Hôc secundum est cardiacum, primum erat ex eis, qui causam destruunt, secundum quod spiritus excitet, ut summos motores circa has partes, unde robur tantummodo pendet; hinc de ultimâ causâ loquimur, quando motum liberum restituere volumus.

Liquidis motum id est ut liquida apta sint ad bonum sanguinem, serum & reliqua liquida inde conficienda. Si adsit mucosa materies, adhibenda sunt ea, quæ aperiunt, talia sunt optima quæ petuntur ex quinque Radicibus aperientibus, hæc tuto usurpari possunt, ut sunt Radices Graminis, quæ aperiunt & nullo modo phlogisticæ sunt, tum vide, an vires deficient, vel non, si pulsus magnus, celer & durus, tum vires sunt sat magnæ, si urina colorata, fœtida, amara spumam retineat, tum oleum solum hæret, & certus sum sat vires adesse, tum de remediis incitantibus non cogitandum, sed de refrigerantibus; si videas in gangræna pulsum debilem colorem minorem, urinam minus fœtentem nec amarescentem, tum scis gangrænam ex debilitate pergere, ergo incitantia & calefacientia sunt danda, jam verò videre debes, quænam sunt danda, nam universalia hic non conveniunt, nam nimia acria vel acida, vel alcalescentia, vel salina peccare possunt, ergo specifica hic non conveniunt, sed gangræna fere semper vel à stagna-

gnatione vel nimio motu, raro alia de causa, si verò sit illa, tum contraria adhibenda sunt; Cardiacum in alcalina temperie est lac ebutyrtatum calidum epotum pro pauperibus, pro diutioribus aqua, quæ miscenda est aqua Rosarum succo citri, aurantiorum, & sumatur paucâ copiâ simul, pluribus vicibus sæpe repetitis; si gangræna sit à putrido, cochleare aceti majus erit cardiacum, quam haustus vini Hispanici; si gangræna sit à stagnatione, ut in senibus convenit spiritus vini, vinum meracum, sal volatile oleosum, in oleosa putrida dabo vinum Mosellanum &c. in frigido acido utor alcalescentibus acidis.

Ætatis. In recens natis & senio confectis vires quam facilè periclitantur, in mediâ verò ætate non tam facilè, quia tum vires constant.

Sexus. Mulierum corpora mutationibus sunt assueta; hinc facilius quam viri pati possunt mutationes, nam fœmina deponit sanguinem menstruando, uterus & abdomen in gravitate maximè diutenditur, lochiis dein laborat, sicut variis mutationibus sunt obnoxia, nam illæ facile dispendium decem librarum sanguinis per vias uterinas pati possunt, sed si viro Venæ Sectio ad libras duas instituatur, statim in animi deliquium cadit.

Temperiei. Temperamenta sanguinea plethorica facilius acquirunt gangrænam & contra.

Tempestatis. Gangræna minimè fert summum frigus, calorem verò æstivum longe diutius sustinere potest etiam in abstinence sat magna, nam æstate homo abundat minus humoribus, quam hieme. Hic in *Materiâ Medicâ* definit.

descripsi medicamenta spiritus excitantia in omni temperie, sic si senex pituitâ & inertia laborans gangrænam accipiat, tum ibi recenseo medicamenta hoc in casu spiritus excitantia, ut sunt spiritus volatiles, Elixiria, Tincturæ Succini, Myrrhæ, Croci Vinum Hispanicum &c: sed si homo fortissimus gangræna laboret, tum contraria sunt danda, ut acetum & similia acida, spiritus acidus prophylacticus *Sylvii*, qui in Peste adeo laudatur.

2. *Cibos &c*: Nutrimentum, quod iustâ copiam datum non gravat, sed reficit, talia sunt, quæ maximè sunt meabilia, ut facilè ex ventriculo per corpus distribui possint sine magno motu, uti diximus in capite de *Fibra debili*; hic quoque victus causæ oppositus est præscribendus, in his casibus si sit senex frigidus, edat jus carniû decoctum cum pauxillo rorisinarini chariophyllorum aliorumque aromatum; juveni calido dabo pulticulam aquæ cum avenâ & pauxillo succo citri aut limonum, bibet vinum Rhenanum, si quis laboret febris ardenti, præscribo spiritum Theriacalem cum aliâ aquâ diluta; cæterum de his dixi in capitibus de *Acido Spontaneo* & *Alcali Spontaneo*.

Epithemata. Ægri enim gangræna laborantes facilè syncopen & sudorem frigus patiuntur; hinc applicantur Epithemata ex medicamentis idoneis circa scrobiculum cordis, post aures ad tempora, jugulum, ad carpos, sub articulis quibuscunque, ubi est concursus vasorum, hocque modo præcavimus, ne materia corrupta animi deliquium producat; optimum Epithema est in hisce casibus panis tostus vino intinctus & vesica scilla tectus, ut nil exhalet.

§. 435. Veteres dicebant attritum & frictiones ad exteriora gangrænam viscerum curare, quia materiam extrorsum ducit; hinc etiam omnia illa, quæ extraherent & expellerent, hic laudarunt, hæc verò omnia motum faciunt & circulationem augent. in partibus exterioribus, tum ibi fit Diaphoresis magna, & materia, subtilis educitur sale spiritu oleoso & oleo imprægnata, quæ frictiones impediunt, ne materia introrsum rapiatur.

Introitus. Nam si putrida materia in venas introeat, tum homines post octo dies plerumque spasmos habere solent, & inde sequuntur deliria, singultus & Apoplexia, vel Lethargus & tandem mors, quia inde cerebrum afficitur.

1. Si locus gangrænosus sic tractetur, ita ut facilius liquida in se admittere & remittere possit, tum nunquam metus est, quod materia rapiatur in venas, tum enim putredo per vim vitæ separatur vel per vias urinæ vel diaphoresin extrorsum deponitur.

2. Hinc locus non ficcus est relinquendus, nam sic durefcit instar corei, vidique gangrænam adeo exaruisse, ut æquè impossibile esset liquida exire quam per laminam ferream, imo vidi talem escharam adeo duram, ut scalpello perfcindere non potuerim; hinc tum omne corruptum ad interiora derivatur, si verò hæc crusta emollita mollis reddatur, tum pars perspirat, & materia extrorsum ducitur.

Fomenta. Herbæ quæ hic commendæ sunt emollientes & laxantes contra siccitatem nimiam hic facilè peccantem, suntque simul aromaticæ contra illud stagnans, hocque faciendo pars perspirat.

Scarificatio. Si metuatur, ne materia semi-vitale rapiatur in sanguinem, tum hæc operatio requiritur per cristas nempe gangrænosas non vitales carnes, hoc enim esset crudele; quod est antiquissimum inventum, si v: g. gangræna in escharam crassam siccam degeneret, tum scarificationes conveniunt; hic verò longâ scissurâ partem mortuam perscindunt ferè usque ad partem vivam, hacque ratione materiei exitus conciliatur, si verò ab hac operatione dolor oriatur, dum sublitere debemus, quia partes non penitus sunt mortuæ; hoc facto emollientia diaphoretica putredini resistentia ut prius sunt adhibenda.

Emollientibus. Sed dicetis hæc augere putredinem, quod quidem verum est, sed hæc simul faciunt, ut fiat separatio, & quoque simul addantur putredini resistentia. Hæc verò applicata debent semper tepescere, aliter si locus frigescat, tum non manet perspirabilis; hinc hic habemus scuta ex levi ori terra belgicè *colyksteen* corpori adaptata hæc superimponantur calefacta fomentis, & si unum frigefactum sit alterum iterum calefactum imponatur, hocque modo locus in balnei specie conservatur. Si hæc omnia semper fierent, præcaverentur mala à materia putrida in sanguine resorpta aliter futura.

Cucurbitæ. Hæc quoque est Methodus Veterum, quando nempe pars erat scarificata, tum cucurbitas cum flamma applicabant, ut materiam exsugerent, & liquidi vitalis fluxum eo determinarent, ut perspirare ibi possit.

Hirudines. Sanguisugæ, animalium genus, quod sanguinem exsugit, sic major motus in parte fit.

Calore.

Calore. Si aër sit humidus, omnia vasa laxa reddit, impacta diluit, & acre demulcet, sic-
cus verò nocet.

§. 436. Antea enarratæ sunt causæ putredi-
nis in paragraphis citatis. Ex compresso tumo-
re. Videatur *Caput de Spontaneâ putredine*. Vi-
de etiam *Materiam Medicam*, pagina 98. dum
applico hæc fomenta, quæ in *Materia Medicâ*
recitantur, perforo hinc inde leviter lanceolis
non profundè partem gangrænosam, quo me-
lius fomenti vires agere possint. 1. Causæ
sunt stagnatio, attritus, motus magnus, salis
alcali vel olei rancidi abundantia. compressio
venarum, hæ ergo sunt tollendæ, si fieri
possit.

§. 437. Hic Chirurgi sunt valdè solliciti,
& metuunt hic motum augere, at hac ratione
stagnationem tollimus, nam vita prohibet pu-
tredinem, licet etiam putredinem producat,
sed tum etiam simul hanc materiam putredini
proximam expellit per cutim vel per urinam.

α. Homo enim per nonaginta annos vivit,
& non fit putridus, sed si moriatur, tum post
mortem intra tres dies putridus evadit, hyeme
verò vasa & humores non ita putrescunt, &
per aliquod tempus manent sine putredine. sed
si homo æstate moriatur, tum omnia citissimè
putrescunt. Omne sal compositum, omne
acidum, vino, acetum, spiritus vini. alcohol
perfectè putredinem tollunt, nam si totum
cadaver in aceto vel vino vel muria salis con-
dias, tum servari potest per multos annos, hoc
quoque faciunt aromata; sal marinus minus
penetrat. hinc sumitur potius sal ammoniacus,
si inflammatio sit ingens, sumitur nitrum,
quod inflammationi resistit, eodemque modo
ap-

applicatur. Alterum quo condimus, est acetum, sed fortissimum est optimum, non tamen oleum vitrioli & spiritus nitri & alia similia crudelia, sed acidum illud fermentatum vegetabile penetrantius ex limonio citrio. In spiritu vini pars non putrescit, sed quia est nimis acris, admiscetur parum aquæ; balsami etiam corpora à putredine conservant, sed perspirationem impediunt & obstipant; hinc inflammationem augent Alcohol olim adhibebatur, sed quia exsiccat, nunc repudiatur, sed vinum semper applicari potest, & auderem lateri pleuritico imponere, modo esset aqua dilutum. Aromata si misceantur cum vino & aceto sunt optima, tamen non auderem dare Pleuritico Theriacam bibendam, sed auderem Theriacam diluere Aqua Rosarum & Vino Rhenano & applicare lateri dolenti cum summo successu.

ε. Sic etiam si formâ fomenti Mirrha, Aloë, Marrubium, Absynthium, in corpore vivo ad partes affectas applicentur, tum pars aliter ad gangrænam disposita non gangrænescit, sic si sal marinus formâ fomenti applicetur, tum putredo inhibetur, verum spiritus vini & Alcohol quidem putredinem tollunt, sed escharam inducunt, dicam verò hic catholicum remedium mihi sat notum & expertum.

℞ Aceti

Vini ana librâ unam

Salis ammoniaci ℥ij

Aquæ librâ unam & dimidiâ.

M. F. Fomentum.

Si tale fomentum applicetur ad locum ad gan-

gangrænâ prædispositum, tum & putredo & ariditas præcavetur. Voluerunt verò multi Clarissimi Viri acria hic adhibere, ut sunt oleum tartari per deliquium, sales alcalini, lixivium de calce vivâ & similia, sed hæc potius malum augment, si verò una sanguinis libra per annum servare velles, tum modo sal addatur sufficienti copia.

γ. Omnia continentur in illo uno Sale, Aceto, Spiritu vini, & Aromatibus, hinc universale quoddam medicamentum præscribi potest. Inter omnia vegetabilia optima sunt Scordium vel Ruta, hæc in Phiala alta cum Spiritu vini decoquantur, exprimantur & acetum cum his coctis misceatur, addatur sal ammoniacus, tum hoc decoctum in lagenis servetur; hoc enim est pro omnibus scopis, utcumque sitis in castris vel in navi &c.

§. 438. Hic tamen est illa quæstio, quænam ratio physica præservet partes affectas à putrefactione? Facilis est responsio, sicut sal vel marinus vel gemmæ vel ammoniacus vel nitri putredinem æqualiter inhibent, acetum etiam putredinem inhibet, sed putredinis causam simul corrigit, sales verò aliquam rigiditatem & indommabilitatem à naturâ habent; Vinum optimum omnem putredinem inhibet, quidquid enim in eo conditur, à putredine servatur. Aromata etiam sunt optima ut Alliaria, Scordium, Rutha, Absinthium, Cardui, Tanacetum. Hic verò omnia in *Materiâ Medicâ* recensui, quæ huc faciunt, eaque dein non sine magno labore in formulas redegi, ita ut eligere possitis, hacque ratione omnia ordine in classes disposui; Aromata quoque, quæ ad condienda cadavera inserviunt, hic recensui,

ut

uti ea, quæ in pharmacopæis Aulicis in hunc scopum observantur, quæ etiam in gangræna sunt optima. Utinam verò hæc, ubi requiruntur, applicarentur, meminini enim me vidisse ægrum, qui inferiora contuderat, ad quam partem Chirurgus nil nisi fatua medicamenta sine sale applicuierat; hinc putredo aderat, ita ut cum primo accedi, fætorem cadaverosum ilico hauserim; sic quoque vocatus ad juvenem, qui pedem fregerat, ubi extirpatio membri jam erat conclusa, & fætor cadaverosus aderat, sed ego dissuadens, applicatum fuit fomentum ex aceto cum alliariis, Scordio, Rutha & similibus herbis, hacque ratione fuit curatus, nisi quod pes callum retinuerit, sed hoc suâ culpâ factum est, quia nimis cito in publicum prodiit; his verò medicamentis per mensem uti possumus, & sic partem servare ab ulteriori vicinorum corruptione licet postea tamen extirpatio sit instituenda. Maximè verò (ut dixi) prodest aqua & acetum, quod est oxycraton Veterum, & latinis Posca, idem præstat vinum. sed pessimè sal volatile alcalinum à recentioribus laudatur, spiritus vini verò partem mutat, & alcohol vivum perdit, licet corruptum conservet, hinc nocet; Salia acida quoque nocent, nam mutant naturam, quia coagulant humores excepto aceto. Olea quoque mutant naturam, ergo acetum, vinum & aromata modò supersunt, nam alcohol, Spiritus Theriacales parti vivæ nocent, licet conservent mortuum à corruptione & putrefactione; sic meminini me tractasse gangrænam ultimi pedis articuli in sene, ubi acetum cum sale, aquâ & vino per pannos laneos applicui, hæcque modicè tepida retinui, sicque

icque per æstatem ambulare adhuc potuit, sed
 nodò animi deliquiis afficiebatur, quæ facile
 medicamentis internis cardiacis curabantur, sed
 applicatis medicamentis emollientissimis ad se-
 parationem intra aliquot dies mortuus est, sic
 Hagæ - Comitis erat anus, quæ sphacelo pedis
 & cruris correpta fuit, ita ut exstirpatio con-
 clusa fuerit, sed Medicus prudens dicebat,
 hanc non ita diu supervivere posse; hinc ope-
 rationem non esse instituendam, sed applicata
 sunt fomenta ex Spiritu Theriacali, sale mari-
 to, ammoniaco, aquâ & aceto, hacque ra-
 tione instar mumix partes servatæ sunt, & diu
 cum crure mortuo supervixit, *Ruyschius* quo-
 que alia exempla narrat.

§. 439. Quantum hæc proficere possint, ex
 raxi patet, nam si videas totum crus hominis
 hlegmone laborare tendente in gangrænam &
 metuas, ne partes substantiæ putrescant, tum
 me acetum cum aquâ, misce sal ammoniacum
 el nitrum & Aromatica ut Scordium, Ruta,
 absynthium, fiat ex his simul cum vino fo-
 mentum, quod calidum parti affectæ applica-
 tum eam servabit à putredine, si putredo non
 plus nascatur in loco, tum vicina solida quo-
 que non inficiuntur: hinc patet, quare maxi-
 mi Medici in summa peste iisdem usu sunt,
 amiserunt acetum Calendulæ acerrimum, da-
 rant sal marinum descriptum aut sal ammo-
 niacum in antimonio diaphoretico contritum,
 debebant acetum superbibere; tum ægri ab hoc
 medicamento sudantes à peste liberantur, nil
 enim melius in peste quam acetum si sudorife-
 rum simul putredini resistens detur.

§. 440. Vide *Caput de Obstructione.*

Stagnantia in motum. Hoc valdè audax est,

Pars II.

H

ut

ut videtur assertum, sed tamen dico hoc posse fieri sequenti methodo, si simul circa locum stagnatio sit & adhuc vasa viva supersint, hacque ratione aliquo modo circulationem promovere possum.

a. Nam tum materies per tot liquida dispersa in uno loco vim suam exercere nequit, si v: g. assumpserit æger uno die libras decem Decocti Sassafras, si fieri possit, hoc putredini resistens diluit id, quod stagnat, optimum quidem est decoctum ligni Guajaci, si febris non sit admodum magna. Quando putredini resistentia applicantur & per calorem externum partes vivæ siccantur, tum circulatio languens ab interioribus ad exteriora deducitur, sic v: g. applicatur sequens fomentum.

℞ Fol. Scordii recent.

—— Rutæ

—— Alliar. ana M. J.

Conciss. & confract. Coq. in Vino
Colat. unciam duodecim addatur

Salis ammoniac: ℥β

vel Acet. ℥β

Aquæ libra una

M. F. Fomentum.

Hoc Medicamentum nil agit ex se, sed est mortuum, sed si faciam, ut panni hoc liquido imbuti & parti affectæ impositi plus caleant, tum motus & perspiratio parti conciliatur, aqua est danda cum roborantibus, si æger sumat libram unam aquæ & decoctum Sassafras, Cossæ vel decoctum aquosum ex Arornate libras duas, tum stimulando omnia dissolvuntur, & aqua pro vehiculo additur, quæ aliter nocet, sed

sed addito stimulo prodest. Quamdiu vivimus tota cutis est quasi massa perforata, per quam aqua, acetum, sal ammoniacus, vel sal subtilis intrare potest, ergo ubique impleri potest, si calide applicentur cum vesica suilla, ut eo determinantur, hoc tantum præstat, ut vix credi possit, bibat etiam talia internè, tum putridum exterius diluitur, quod idem fit interius per arterias.

β. Hæc stimulantia antea in *Materia Medicâ* recensui.

Malum, quod ibi hæret, plerumque est putridum, ergo vinum & acetum applicanda sunt, acetum fortius agit, vinum lenius; hinc posca vel Oxycraton id est temperatum medicamentum ex aqua & acetum est optimum, & miraculum quasi præstat, vinum optimè resistit putredini, & male agunt Medici, dum vini usum prohibent, nam si aqua vel succi citri vel acetum addatur, est optimum aperiens, putredini resistens, & naturæ amicum stimulans, idem fit, si sumantur eadem herbæ, & jubeatur, ut hujus decoctum bibat, tum æger sudabit, & sudor ille imprimis ad gangrænosum locum determinatur per prius fomentum applicatum, hocque modo pars ferè certo curatur; si verò gangræna ab alcali, tum idem decoctum dare possumus addendo magnam acetii copiam, ut in peste convenit, si verò in senio ab inertia, tum addimus vinum cum sale volatili aromatico vel Sale Cornu cervi vel Viperarum, vel Elixire proprietatis & sale volatili oleoso, hæc omnia conducunt: hic verò semper considero causam gangrænæ, & medicamentum huic causæ contrarium præscribo. Omnis fere gangræna est ab alcali putredine,

nunquam eam vidi ab acida putredine, licet id scribat *Sylvius* & multi alii; hinc accusare acidum, est quærere aliquid invisibile non demonstratum, nec ex acido extrinsecus vidi unquam innatam gangrænam.

γ. Liquida semper per teporem à putredine sunt servanda, gangræna enim est frigus, & sphacelus est perfectum frigus, hinc calidè fomenta sunt applicanda.

Friccio. Idem facit, quam elastica arteriarum vis; hinc in corpore languidissimo, ubi humores stagnant, ad arterias motum facere possumus movendo sanguinem ab initio venarum ad fines earum; si in senio sit gangræna, partes continuè sunt fricandæ linteis asperis calidis, aromate imbutis supra fumum succini vel mastiches recentis.

Cardiaca in ultima parte institutionum digessi & in repellentia & stimulantia divisi, summum cardiacum est vinum, sed in peste acetum dari potest, sic in aquâ poma citria aut aurantia exprimi possunt, inde tum corpus sentiet se mirè refici, hinc semper sunt eligenda causæ opposita, quæ vires augent.

δ. Verum nonnullæ gangrænæ fiunt à magnitudine febris, & tum quò motus vel febris major, eò gangræna citior & major fit, nam tum sæpe aliquid stagnat, quia sanguis nimiam copiam rapitur in arterias, nam quò vita est major eò plus sanguinis in arteriis, & quò minor eò plus in venis, ergo in hoc casu hærebit sanguis in arteriis & orietur suffocatio, vel si videam corpus plethoricum, si liquida in hoc corpore valde moveantur, & ad partem semimortuam determinentur; tum destructio fit eò major & gangræna proserpens belgicè *het loepend*

pend vier; id tum. fit à febre, & hac sublata tollitur, ergo missio sanguinis est instituenda; scio tamen à quibusdam in gangrænosis morbis missionem sanguinis haberi lethalem, quia malum inferius trahitur, id verum est, sed ut hoc caveatur potandum est multum de commendatis potibus.

§. 441. Hic totum arcanum curationis est cavere, ne ante curationem destructa sint vasa.

His. Id vobis meâ bonâ fide assevero, ne unquam desperatis, dum gangræna nascitur ex phlegmone, & si adhuc sit rubedo, licet vesiculæ aliquo modo adsint, faciet tamen, ut limen sit contra putredinem, & dicta non sunt omit-tenda, tum mala aliter incurabilia curantur; scarificatio etiam permitti potest; sic si gangræna nondum adsit, & humores nondum putridi sint, sed tamen maximè ad putredinem dispositi, si tum applicem putredini resistentia, tum gangrænam incipientem tollo; sic v: g. dictis fomentis externè applicatis, internè decocta memorata sunt præscribenda, tum curatur æger, antequam gangrænam accipiat, sic si v: g. vocatus sis ad hominem juvenem, qui primo in horripulationem incidit, & dein accipit febrim pertinaciter perdurantem per duos dies, si tum huic feбри subsequatur tertio die ingens tumor circa tibiam, & tumor augeat molem ultra duplum usque ad talum, si tum febris æquè atrociter perduret, & leve delirium adsit, tum hic tumor est phlegmone mox desitura in gangrænam, sic si pustulæ oriantur, tum scio materiam sic esse infarctam, ut putrefactio fiat, si eam non impediam; hinc tum Missio Sanguinis, & Clyfina Antiphlo-

gisticum v: g. de Tamarindis cum dragmis tribus nitri & mellis adhibentur, simile verò medicamentum internè detur, externè fomenta applicentur ex decoctis Alliariis, floribus Rhæados, Sambuci, quæ in Oxycrato (quod est acetum cum sale ammoniaco & aqua coctum) decoquantur, & formâ fomenti applicantur, ita ut noctes atque dies pars tepeat in hoc fomento, tum est videndum, an sic curari possit, si tum per sex horas redeam, & omnia meliora videam, tum iterum Venæ Sectionem & Clyfma simile injicio, si febris maneat, si verò vocaris ad ægrum, in quo jam pars gangrænosa est facta, tum similia medicamenta sunt adhibenda, ne proserpat, si hac ratione omnia peragantur, tum morbi aliter incurabiles curantur; jam ergo dictum est, quomodo gangræna vel diathesis in gangrænam tollatur, quod consistit 1. in putredine prohibenda, 2. progressum arcendo, 3. moderatione victus.

§. 442. *Liquida* id est sales jam soluti & extracti; sales in sanitate nondum sunt ammoniaci, sed adhuc fixiores, nec acres, sed penitus saponacei; hinc in nobis sanis non est sal volatile, putrefactio facit salem orbem esse oleo & acido, ergo his ablatis fit volatilis & alcalinus, acer & causticus, & tum facile destruantur minima vascula.

Putrefacta. Ut blandam indolem amiserint.

Mobilissimæ sicut partes sanæ.

Destructi. Ut influxus & effluxus humorum planè impediat & omnino absit, tum restitui nequit, nemo enim habet medicamentum, quod vasa facit revivere, & hinc si vasa sint planè destructa, tum perdita sunt, & si perdita
sint,

sint, tum non amplius sunt vasa sed heterogenea, seu ad partem non spectantia, nec cum vivis se unire potentia.

Corruptæ. Chemici verò adeo hæteroclitici & jactabundi sunt, ut se tale quid possidere ostentent, ita ut dicant, si crus plane sit ablatum, quod tamen recrescere possit; hinc rogant, cur non æquè hoc fieri possit ac in cancris, ubi chælæ recrescunt, sic etiam cornua cervorum decidunt, sic etiam nostri capilli in anno ut plurimum (ut credo) bis cadentes recrescunt, quod verò pars gangrænosa recreverit, non scio ullum Auctorem scripsisse.

Motis. Hoc patet in curatione membrorum congelatorum, nam tum oportet partes glaciales educere per vias, per quas ingressæ sunt.

Exhalare. Quia eschara gangrænosa vel cutis dura supposita loco gangrænoso facit operculum tam durum, ut miasma contagiosum exhalare non possit, sed hic circa vicina circulatio adhuc motum facit; hinc tum partes putridas movet, & vivis permiscetur, tum dein altero die ibi quoque gangræna, & tum iterum vicinia hoc putrido inficitur, hocque modo iterum sequenti die ibi gangræna adest & sic porro; hinc si tum quis medicamenta moventia adhibere vellet, ille partes adhuc vivas mortuis permiscet, & sic gangrænam proserpere facit, nam hac ratione cutim nimis solidam & difficile gangrænescentem non rumpit, sed gangrænam per panniculum adiposum serpit, & materia putrida venis ingreditur; tamen motus convenit (ut prius dixi) si simul pars exhalari possit.

§. 443. *Separare* id est separetur, quod communicationem non amplius habet cum parti-

bus vivis, nam mortuum habet idæam hæterogenii, sic etiam eschara, hæ enim cum parte viva non concrescere possunt, hinc neutiquam curatur sine separatione.

§. 444. Nullum Medicamentum facit suppurationem in gangræna, sed sola vis vitæ, nam licet nil applicetur, tamen internis medicamentis ille motus augetur, & gangrænosa pars quandoque excidit; verum quidem est margine descissa & oleo vitrioli applicato, quod tum suppuratio fiat in margine, sed in fundo non, & hoc nunquam separabitur, nisi vis vitæ augeatur, ergo hoc prospiciendum est, & eatenus talia caustica profunt.

Vi vitalis. Vis est motus humorum per arterias omnis generis, non enim sunt Chemicæ, Chirurghi & Medici tam felices in arte ut possint curare vel separare crustam planè gangrænosam id est sphacelatam, nisi fiat cultro, sed tum regeneratur; sic habui Hagæ-Comitum Chemicum & Doctorem Amicum, qui dicebat se id posse eodem modo efficere, ut ope calcis vivæ cicatrici applicatæ, quam in cute ovilla vel bubula, quæ sic separatur, sed hoc fit, quia omnia sic moventur & atteruntur.

Ad fines. Hic est finis vasis vivi & initium vasis mortui, dum ibi suffocatio & suppuratio oriuntur, nam aliter arteriæ sanæ sibi respondent, si verò suffocentur, tum una talis particula accipit pus, omnes partes fiunt breviores, nam una pars sursum, altera paulo deorsum quasi vergit, hinc fit rima.

Imperiti Chemicæ quæsierunt facere separationem per caustica, ut per Butyrum Antimonii, sed tunc faciunt escharam & suppuratio inter vivum orta separationem efficit, non verò
causti-

causticum; cum separatio fit, primo die dehiscit margo, sequenti die margo est alba, humida, purulenta, tertio elevatur, quinto fit pus, tandem pars abibit soluta ab ipsâ naturâ; non vidi ablatam gangrænam, nisi intermediâ inflammatione, quæ in suppurationem abit.

§. 445. 1. De his dictum ergo est non inhæreo, in omnibus tribus ergo agendum est, ut vires augeantur, putredo arceatur, & quæ adhuc futura non avertatur, suppuratio promoveatur & caveatur, ne putridum intret venulas, & totum sanguinem inquinet, ideoque maturantia & suppurantia sunt optima. Si pars gangrænosa facta sit à decubitu, & si escharata, tum scarificatio facienda est nempe partem incide, ne tamen sentiat æger, tum Unguentum Aureum vel Cataplasma applico, & si tum altero die incipiat liquor effluere, hoc notat naturam triumphare, nam aliter illa eschara vasa supposita suffocat, quod scarificatione tum cavetur, hocque modo gangræna non amplius proserpit.

§. 446. Ars in eo hæret, ut suppuratio fiat, & ut ulterior gangræna prohibeatur, & eschara emolliatur, tumque fit pulchra separatio, quæretis autem forsan, an gangræna semper suppurando separari debeat? Imo, nisi cultro fiat, etiam ipsa caustica non agunt sine suppuratione, si verò Medici hoc scirent, tum partem gangrænosam non ita exsiccarent; verum Chirurgi suppurationem adeo metuunt.

Scarificatio. Chirurgus bene facit, quando incidit escharam ad vivum ferè usque, quod est inventum veterum, qui tamen hanc operationem semper adhibere volebant, sed dicunt, si crusta tam dura, tum redde perspirabile per

H 5. inci-

incisionem partis mortuæ fere usque ad sanam; crudeliter verò agit Chirurgus, si partem vivam incidit, ergo scarificatio fiat, ut partes inferiores non confundantur in suo liquido proprio, illa scarificatio tum facit, ut suffocata contusio, vasa comprimens, nec interim coctionem, nec contritum vasorum permit- tens auferatur; si magno vulnere imponatur ferrum, hocque instrumento pars fortiter alligetur, tum omnia comprimuntur, quod non curabile est, nisi pressio tollatur; hinc in hoc casu eschara etiam est incidenda, ne pars superposita nimis comprimatur.

Serpentis. Est violenta vis partium vivarum contra mortuas.

Abscessus. Quia partes perspirare possunt; hinc non integrè suffocantur, sed suppurantur.

Separantur. Si vasa libertatem nascantur, tum semper elevat escharam, fitque febris, quæ si forsan non sit sat fortis, tum augere debemus, sed hoc rarò accidit nisi in senio, aliter sæpius nimium motum sedare quam augere debemus, motus verò in parte fit per ea, quæ in paragrapho subsequenti describuntur.

§ 447. Ut revocemus calorem in parte, non tantum sufficit corpus solum implere, sed ad margines cucurbitis, hirudinibus & similibus attrahentibus applicatis facimus, ut præcisè ad gangrænosum locum determinetur motus, & hoc faciendum, quando vis vitæ languet, si verò demum adsit inflammatio; hinc hæc nocent. Idem facere possumus per Emplastra Emollientia, ut faciebant Veteres per hirudines.

§ 448. Vidi plerosque recentiones Chirur-
gos

gos scribes, post incisam escharam balsama spirituosâ ut spiritum Camphoræ, Tincturas Aloës & Mirrhæ esse applicanda, quæ omnia iterum novam crustam faciunt, verum Veteres noluerunt putrefactionem, sed suppurationem & separationem promovere; hinc separatio non est putrefactio; hic ergo 1. putredo est inhibenda, ne pars abeat in alcalinum volatile acre liquamentum, 2. faciendâ eschara tam mollis, ut mucus. Hic verò nonnulli ad putredinem arcedendam adhibent spiritum salis ammoniaci, spiritum urinæ, cornu cervi, alii verò herbas putredini oppositas, vel similia ut Mastichen, Myrrham & Aloën, sed Veterum potius emollientia acida vel acescentia hic adhibenda sunt, ut decocta farinosa, ut ex secale, hordeo, Avena, Milio, quæ sunt emollientissima, vel flores Verbasci, Althææ, Papaveris Rheados, folia Absynthii, Violarum, Mercurialis, ex his cum lacte dulci pulvem coquebant veteres & cum paululo olei raparum vel lini faciebant Cataplasma optimum; hæc non putrefaciunt, sed potius acescunt, suntque mirè emollientia, si per noctes atque dies tepidè applicata teneantur, verum simul putredini est resistendum, hinc præscribi potest Unguentum Aureum v: g. ad partes decem, Unguentum Ægyptiacum ad partem unam Misce, addatur vel Unguentum Basilicum vel parum Therebinthinæ, hoc simul acidum continet, & præservat partem à putredine.

449. Habeo enim per experimenta fidelissima, quod aliquando pars gangrænosa sit relinquenda imprimis cum non admodum sit vehemens, sub illa enim tunc optimè fit suppuratio, & illi flocci gangrænosi non semper

sunt auferendi; hinc eschara non est auferenda, sed id, quod valde liberum est, auferri potest, si nullus inde dolor oriat, nam aliter relinquetur, nil faciat mali, meliusque inserviet pro operculo, quam linteam externè applicatum; Chirurghi scarificationes facturi debent habere scalpellum ad utrumque latus scindens, & fiat incisio in eschara ad viva fere usque, tum fomentum est applicandum ex farina secali cum lacte recenti cocta addito oleo lini, hoc putredini resistit, & facit crustam gangrænosam instar mucii mollem, si verò flocculi mucosi mortui hæreant in parte incisa, hæc forcipe sunt auferenda, si dolor non sentiatur, aliter partes sunt vivæ, quæ sunt relinquendæ; si partes sint pendulæ, abscindi possunt, sed inde non credi debet meliorem futuram curationem.

§ 450. Dixi ad separationem requiri, 1. ut febricula (si motus deficiat) incitetur, & inflammatio uncula, ut suppuratio sequatur, 2. ut acria obtundantur, & 3. ut illa eschara mollis fiat & secedat, 4. ut illa materies aliter putrida evadens præcaveatur, ne putrescat, & à venulis in corpus absorbeatur; hæc est doctrina Hippocratica, pars, cujus vasa sunt fracta, non habet calorem; hinc Cataplasmatibus calidis huic defectui suppleatur, in uno verò hoc cataplasmate fere omnia quæ huic casui conducunt, sumpsî, hinc juxta hoc plures formulas concinnare potestis v: g.

℞. Fola recent. Rutæ hortens.

————— Scordii. ana mss.

Flor. Melilot.

————— Matricariæ ana ℥ij.

Cum

Cum aq. decoct. vase clauso spatio $\frac{1}{4}$ horæ admisce

Farin. Avenæ $\mathfrak{z}\text{ij}$.

Ol. lini $\mathfrak{z}\text{j}$.

Spirit. vini Theriacal. ana $\mathfrak{z}\text{ss}$.

Salis. marini $\mathfrak{z}\text{ss}$.

M. F. Cataplasma.

Si non fuerit bona perspiratio, tum emollientia, lenia sunt optima, ut scordium, quod est optimum perspirabile & Antiphlogisticum medicamentum, cui additur semen lini contusi ad uncias duas vel tres, decoquatur in aqua pura, & addetur paululum saponis veneti, aceti Theriacalis, vel spiritus vini Theriacalis, quo cataplasmate loca gangrænosa obvolvuntur; scordium partem perspirare facit, acetum putrefactionem sistit, semen lini emollit, ne retorrída fiant labia, si partes sint sicca, tum hoc cataplasma prodest, si partes sint humidæ & molles, tum non opus est, hinc in hydropicis, ubi gangræna ad partes non adest, totæ cellulæ subcutaneæ & panniculus adiposus ad duorum digitorum distantiam aqua dilatantur, hinc si in his casibus emollientia applicentur, tum partibus adhuc plus emolliitis fit gangræna, ergo ibi cavendus est motus, quia materia non est putrefacienda, quæ postea educi non potest.

§ 451. Nam impedimenta suppurationis & emolliitionis à Medico sunt tollenda, aer verò accedens hoc impedit; hinc si Chirurgus certus sit, quod gangræna non proserpat, nec magis augeatur, tum non multum aperire debet, sed si post sex horas à deligatione accedat, tum partem modò movere debet, & videre,

an mala signa adsint, an odor cadaverosus, & sic per duodecim vel viginti quatuor horas imo plus temporis sine deligatione relinqui potest, aliquando per quatuor dies reliqui omni die bis ægrum visitando, tum est animadvertendum, an calor, pruritus, vel odor cadaverosus adsit, quod levi elevatione Cataplasomatis subodorari Chirurgus potest, si nullus adsit odor, tum medicamenta sunt relinquenda, nam hæc non corrumpuntur.

§ 452. *Contrahi eschara.* Hoc ita est concipiendum, cogitate talis est phlegmone, jam cum partes sanæ inflammatae sint, tum adhuc est unum corpus, margo incipit in vasis minimis mori, phlegmone manet in partibus sanis, sed mors fieri incipit in ipsa parte, ubi liquor non amplius vadit, tum radii se versus centrum contrahunt, & oritur rima, quæ vi vitæ nempe à contractione fit; hinc illa rima est semper alba, hinc si cinereus circulus oritur, tum nil est metus, est tantum limitatio gangrænæ & reptatus, ubi sustitur; sic quando eschara in natibus ab incubitu orta curari incipit, tum quotidie minor fit, & contrahitur intra se ipsum, hocque est bonum signum, & si fundus tum humectetur, vasa assurgunt, unde escharâ humectatâ circulus postea albus escharam ambiens oritur.

Scarificata pars. Margo est primus limes docens sisti gangrænam hic margo est humida, si jam scarificatione adhibitâ omnem humorem ab eschara abluas, & videas humorem prorumpi ab inferioribus, hoc optimum est signum, & notat gangrænam sisti in inferioribus, si pars non scarificata fuisset, tum humor, qui nunc
per

per vascula transit, sub eo loco putrefactus vasa compressisset.

Margo sana tumere. Nam limites jam habet gangræna, tum sequitur secundo vel tertio die calor, rubor, pulsus, tum fit separatio, prima separatio à mortuis erat, jam se habent ut in vulnere, ergo oritur pus, tum vivum est impurum & dicitur ulcus, hoc depuratum vocatur vulnus, quod sanandum est, ut antea dictum fuit.

Vacillare. Hoc digito est sentiendum, escharam enim non semper excindendo (nempe si magna sit) nec urendo tolli potest, quia hoc escharam novam facit, & hinc sub hac crustâ separatio est facienda; antequam separatur, idem de causticis verum est, hinc suppuratione semper separanda est eschara; si hæc signa nobis offerantur, tum modo emollientia sunt applicanda, sic butyro vel oleo lini est inunguenda pars, non verò tum spiritus vini Camphorati, Decocta scordii, Rutæ, Elixiria sunt adhibenda, hæc quidem partem ut dixi à putredine præservent & instar mumie condunt, sed suppurationem & separationem prohibent, si verò eschara auferri nequeat, tum pars præservari non potest; hinc gangræna interna est lethalis.

§ 453. *Anodyna.* Hæc sunt egregia veterum inventa, inter hæc optimum est Basilicum vel tetrapharmacum unguentum simile, quod non solum à colore, sed etiam virtute aureum dicitur, vel farina avenæ vel secalis cum lacte adde butyrum insulsum, sal ammoniacus, nam nil requiritur nisi ut omnia emollescant, tum si hæ applicentur, suppuratio fit melior, evitetur verò usus aromatum nimius & à spiritibus

tuosis abstinendam est, his quidem putrefactio tollitur, sed suppuratio impeditur; sic enim vidi Medicum juniorem, qui escharam, parvam Mirrhæ, Olibani, per mensem tractaverat, & ille hac ratione fecerat escharam durumam instar lapidis, sed Chirurgus bonus accedens imposuit medullam bubulam, nam Medicus à Galenicis medicamentis abhorrebat, sic separatio vel suppuratio successit; Chemici verò peccant, dum perpetuo lixivium cum sale Tartari applicant, sed mica panis cum lacte cocta meliorem habebit successum, quam illa, ergo omnia quæ fibris rigiditatem adferunt sunt vitanda. Optimum digestivum est Therebinthina cum Vitello Ovi vel pauxillum Balsami Arcæi.

Omnia. Spiritus vini, alcohol non conveniunt, licet laudentur à viris in praxi, ut apparet, versatis, *Boyleus* maximè laudat spiritum vini in gangræna, sed *Sydenham* longè melius dixit, spiritum vini in inflammatione primâ esse tolerandum, sed in gangræna esse contra indicationem.

Quies danda. Ne nova fiat inflammatio, jam gangræna deducta est ad naturam ulceris, omne ulcus curatur depurando, detergendo, replendo, exsiccando; verum de his ante egimus; applicantur balsamica si his non obediant, tum apponitur Radix Gentianæ vel Aristolochiæ rotundæ tenuissimè incisæ, aut aliquid Mirrhæ, eadem curatio ut in abscessibus.

§ 454. Si pars perfectè congelata sit, tum omnis hæc pars infinitis quasi spiculis congelatis penetrata est, hæc directè debent per eandem exire viam, per quam sunt ingressæ, sed si moveantur, tum pars instar maci cadit.

Niveæ


Nive vel aqua, nam nil citius quam aqua congelascit, hinc spicula frigifica magis trahit, quam humores nostri; hinc circa partem aqua congelascit, & crusta congelata nascitur; quæ solvi non debet, nam extractis spiculis à calore interno. circa partem crusta liquescit, & sponte decedit, tum in hac crusta spicula hærent, & pars iterum mobilis & sensilis erit, sed tamen adhuc frigida, aqua verò debet esse proxima congelationi, hinc sal ammoniacus vel marinus vel alius sal est addendus, si enim fumatis pomum vel ovum vel carnem, & sinatis congelari, tum immittatur aqua calida, tum caro, pomum & ovum erunt instar muci, si verò immergatur aquæ frigidæ vel nivis, tum accrescit glacies juxta latera pomi vel carnis vel ovis, & si relinquatur, donèc regelascant, tum æquè nitida manent, ac ante congelationem erant, hac methodo scio corpora in borealibus locis sub nive diu sepulta esse servata, & revixisse; frigus enim non est absoluta quies, sed compositum quid, si manus sit congelata & mortua, tum nive est obruenda, tum nix circa manum congelascere incipit, & spicula extrahuntur, si verò manus ad ignem accedat, tum pars cadit, quia tum per viam rectam spiculæ non educuntur, quando ægro servato frigus eductum est, tum caleficientia & frigida adhibenda sunt. Hoc malum accidit hominibus, qui in Norwegia & Groenlandia balenis capiendis operam dant, his enim oritur species scorbuti à gelu & gangrænescent partes. Hoc concipiendum est, quasi infinitæ aciculæ vel spiculæ adigerentur ab aëre in nostram cutim, seseque fortiter ingerent, & partes solidas invicem conjungent,

gerent, ergo congelatio nil aliud est, quam conversio fluidi in massam duram id est solidorum cum fluidis conjunctio; hæc dicta conveniunt maximè cum Verulamianis experimentis, majorem motum esse hyeme & alcohol in gelu duplo plus exhalare, quam diebus canicularibus, aqua congelata est levior, & quod glacies levior, eò gelu est acrius, tum rimæ à calopodiis ferratis factæ deerunt post viginti quatuor horas, & glacies iterum erit polita, ergo non à quiete congelascunt partes, ut voluit *Cartesius*, sed ab insinuatione corporum acrium, ut clavis ferreus hæret in assere, non per quietem sed per validum motum adactus. Si poculum nive in vase majori aqua repletum tempore brumali imponatur, & vas illud aëri frigido exponatur, tum congelabitur aqua circa vas nive plenum, & quod mirum erit nix ipsa fundetur in vase, certo argumento quod spicula congelata nivis, quæ ipsi dant hanc consistentiam, exiverint per parietes vasis, ubi erat nix & congelaverint aquam circumfusam, hinc idem obtinet in curatione horum morborum supradictorum vide *Mariotte*. Postea datur homini Theriaca, ut sudet. Si nivem cum sæe mistam in aquam demittam, aqua congelatur, & nix cum illa solvitur; id docet vim elasticam sive attrahentem inter nivem, aquam & spicula glacialia.

§ 455. Hoc patet ex præcedenti.

§ 456. Si nix non adlit, tum stragulo aqua frigida imbuto obvolvantur ægri, donec nulla glacies stragulis aderit, tum ægri valde debiles refocillantur, quia gelu nondum est resolutum circa cor, uti loquuntur, tum medici saccharo, vino,

vino, cum nuce myristica, macis refocillant hocque modo curatur morbus.



Sphacelus.

§ 457. *Sphacelus est conditio Physica corporis vivi, quando pars aliqua nullam omnino communicationem cum partibus reliquis vivis uti corde, pulmonibus, cerebro, cerebello habet, & hoc pertingit ad ossa usque, id est tum illa pars non amplius est pars corporis; ergo jure merito auferri debet, hoc fit duplici modo vel per naturam, quæ sæpe adeo valida est, ut illud mortuum à vivo separet, & excutiat, vel lanceolâ Chirurgicâ vel medicamentis causticis, quod idem est; natura sæpe mirabilia facit, Ruy-schius vidit ad partem gangrænosam undequâ fieri marginem rubram, quæ tandem suppurabatur & secessio fiebat, non tantum cutis, & panniculi adiposi, sed etiam musculorum & lamellarum ossium, præterea in Nosocomio Amstelodamensi talis separatio gangrænæ facta est in brachio, quæ penitus separata brachium decidit quasi mortuum esset & porro sanatum naturæ ope, si talis separatio non fiat per naturam, tum Medicus arte hoc tentare debet.*

Auferendum. Nam illud sphacelatum est heterogeneum, & nil nisi unionem cum vivo habet, sed an omnis pars sit auferenda? si fieri possit, si vires permittant, & si non sit ætas, senilis, sed an semper cultro fieri debeat? non, sed natura & ars hic aliquid facit, & quoque

que nonnunquam tota pars non tolli potest, ut si sphacelus sit ad nates, tum tolli nequit, ut talem casum vobis in Nosocomio monstravi.

§ 458. *Affecta*. Pars enim non auferri potest, quæ non ad fundum, vel non in totum corrupta est v: g. si demidia pars brachii sit sphacelata, tum difficilior sit separatio, quam in toto ambitu.

Situm. Loca adsunt, ubi exstirpatio non institui potest, ut circa genas & nates, v: g. ægri ob diuturnitatem morbi diu decumbentes in parte sæpe accipiunt gangrænam in osse coccygis, ita ut cutis panniculus adiposus, muscoli, periosteum, necrosi affecta sunt, osse interim abhuc bono, certè hic non potest exstirpatio fieri, ergo bonæ naturæ hoc opus est relinquendum, quæ natura omnia corrupta sæpe resolvit, vidi hic in Nosocomio puellam talem necrosin patientem, ita ut ipsæ lamellæ ab osse sacro recesserint, quod tantum fecerat natura, exsurgabant nempe punctula rubra; quæ quasi nebant novam membranam, qua obducebatur os loco periostei, hacque ratione sanata est, licet pars mirè deformata esset, illud enim periosteum omnes cavitates arctissimè obducebat, & præterea inserviebat pro cute, nam reliqua integumenta non recreverant; in summo senio non est tollendus sphacelus, quia cum parva sit circulatio, multum mali ab hoc sphacelo non est timendum, si sphacelus occupet aliquam partem externam v: g. manum vel pedem, nullum est remedium, nisi auferre totam partem.

§ 459. Si videas in loco maculam cæruleam, tum sphacelus ibi est, qui adhuc serpit,

si scalpellum intrudatur, nullus inde oritur dolor, hoc vidi in ægro febre anomalâ laborante, qui inde valde hebetatus fuit; hinc cum ad eum accessi, rogavi quamdiu sic jacuerit? respondit per tres vel quatuor horas, tum ad os coccygis respexi, vidique ibi maculam lividam, quæ quidem à præsensibus parvi æstimabatur, sed erat verus sphacelus, nam rarò hoc bene cognoscitur, sed si tale quid videmus, tum nobis est studendum, ut faciamus crenam inter partem mortuam & sanam, ut eschara facta contrahatur ut § 452, dictum est, hocque modo primæ indicationi est satisfactum.

§ 460. Progressum impedire sphacelo, est impedire, ne proserpat, id est ne 1. parietes vicini ab hoc corrupto infecti inflammentur, quæ inflammatio duplici ratione fit, 2. ab effluente sanguine nec potente pertransire, hoc autem impediri nequit, nisi sphacelus tollatur, si ergo conclusum sit, partem perfectè esse mortuam, & ideo esse auferendam, an tum expectabimus naturam? non, sed si adsit rima in medio apparens inter partem vivam & mortuam, tum natura molitur; hinc juvanda est, si verò nulla talis separatio adsit, tum vivum radicatur in mortuo, & altero die moritur, sicque porro, hinc ilico est videndum, an pars separari possit.

§ 461. *Secundo* proximè ad partem vivam fere diversis sectionibus juxta *Veterem Poëtam*.

*Immedicabile vulnus ense rescindendus
Ne pars sincera trabatur.*

Urendo. Si malum proserpat, est egregius
mo-

modus, licet crudelior videatur, ferro candenti usque ad vivum fere inuritur, ut fiat crusta seu eschara, tum partes utrumque summopere contrahuntur, & nil plus constringit quam ustio, hacque ratione fluxus humoris corrupti tollitur, hinc progressus sphaceli impeditur, non sumitur ferrum latum, sed acutum instar cultri, paulo supra utrumque adeo indurescit, ut vitalia ad mortua non amplius ferantur.

Rodendo. Itali ad hanc rem sumpserunt ferrum ignitum; in hunc finem butyrum antimoni laudatur, optimum est, si in oleum conversum sit, aliter nimis est crassum, bis vel ter lique scat, tum manet, ut oleum, hocque paulo supra sanam partem ducitur linea, quæ postea sistit communicationem, quia crusta induratur intermedia, ut sphacelus siccus non progrediatur, sed adhuc est humidus.

§ 462. *Progressus est perpetua & successiva partis sanæ cum mortua communicatio & continuïtas*, & sic semper reptatus sit corruptionis adscendendo ad vas vivum; hinc ergo progressum impedire est tollere continuitatem inter partem vivam & mortuam.

Uritur semper eo usque, ut ad sanum fere ustio pertingat, hoc quidem videtur crudele, sed tamen requiritur, & nullum dolorem facit, si vivum, ut fieri debet, non attingatur.

Acri lixivio. Ut sit ex calce viva & sale alcalino diluto cum aqua, hoc optimum & efficacissimum est, & facit, ut tota pars escharodes fiat; sed tamen magis amarem lixivium acidum, hinc spiritum nitri applicarem ad fundum seu medium partis sphacelatæ eodem modo, ut ad latera cum butyro antimoni limitem

tem mali annotavi; hæc verò omnia semper in parte mortua sunt applicanda, nam in vivis nil boni faciunt, imo credo Chirurgos non debere unquam cum suis corrosivis aliisque medicamentis dolorem facere, nam hoc faciendo nil proficiunt, sed ad mortuam partem similia adhibeantur, ut putredo auferatur & arceatur, talia sunt spiritus nitri, spiritus vitrioli, spiritus salis, vinum, sal tartari v: g. ad dragmam unam diluatur in unciiis decem aquæ, tum penicillo calido hoc lixivium intruditur, si lixivium fortissimum sumatur, tum uritur pars, sed cum hoc sale diluto citior tamen fit separatio. Si gingivæ sint gangrænosæ & atræ, tum his spiritibus sunt attingendæ, hæc omnia locum habent, si v: g. gangræna sit ad nates seu ad os sacrum, ubi exstirpatio fieri non potest, tum incisio est facienda fere usque ad sanum, & licet etiam pars ossis sit sphacelata, tamen vasa sub parte sphacelata hærentia resurgunt, si verò sic ad os usque incisio facta sit, & os nigrum appareat, tum applico spiritum vini communis, sed non acida (acida enim hic nocent) cum pulvere Mastiches, Olibani, Mirrhæ, si tum his applicatis pars ossea incipiat tumere, tum fit exfoliatio, aliter scarificatio est instituenda, vel cuneolo os incidatur prope vivum juxta methodum *Belloste* hincque postea tractetur, ut vulnus cranii iisdem cum cautelis, si verò totum os sit mortuum, tum nulla spes est separationis.

Emolliendas. Quod fit partem obliniendo vel cum butyro insulso vel Unguento Basilico, vel Balsamo Arcæi, hæc locum habent, cum videmus crustam gangrænosam cum vivis cohærentem.

§. 463. Si in loco putrido sphacelato pars incipiat humectari, corrugari, crispari, contrahi, rinæ inter sana & mortua fiunt magnæ, albæ, non nigræ nec plumbeæ, non retorridæ, aut siccæ, sed humidæ, si pus appareat, & eschara sphacelata sit mobilis, tunc cura peracta est, sphacelus ergo interius incurabilis est, nam crustam & pus cadunt in corpus. Si talis crusta non adsit, sed viva pars est perspicua, tum curatur ut ulcus per suppurantia medicamenta. Pars sphacelata auferenda est cum osse, nam nudum os cum suis vasis nunquam nutriripotest.

§. 464. Hic verò certus esse debes de sphacelo præsentente, antequam verò hoc scias, tum debes certe cognoscere nullam esse circulationem ad os usque, hac enim in re falli possumus, nam mors partis potest esse sat profunde, cum tamen modo panniculus adiposus sit infectus, nam hæc membrana mirè increlescere potest, sic enim sæpe Chirurgi cultro explorantes quam profundè mors sit, ubi ad tendines perveniunt, fere convulsiones faciunt; hinc hic cautè procedendum est, & credo neminem medicorum esse, qui hoc negare possit, nam si pars extirpari possit vitâ manente, tum est extirpanda, quod fit vel à naturâ vel arte; natura longum tempus requirit, & periculum facit, ne totus homo moriatur; ars verò cito tollit.

Una cum osse. Omne enim os vasis, integumentis & musculis nudatum est, hinc nullo modo inservit, non enim magis fulcrum esse potest pro sustentanda parte, hinc os non est excoriandum vel deglubendum, sed totum auferendum. An verò illa extirpatio semper est facienda?

facienda? Non semper, nempe si corpus senile & debile, tum pars non auferenda est, sed tum illa, quæ mumialem & condiendi vim habent, sunt apponenda, ut spiritus vini, alcohol cum aceto, aloë Myrrha sic tale exemplum Hagæ-Comitum contigit, & simile in *Ephemeridibus naturæ curiosis* narratur, erat mulier senex, quæ incidit in sphacelum femoris & exstirpatio jam erat conclusa, sed Medici prudentes videntes ægram non diu supervivituram, reliquerunt operationem, tum ad præservandam putredinem applicuerunt condientia cum Antisepticis ut Mirrham, Aloëm, Salletem & Spirituosos, hocque modo impeditaverunt, ne proserperet sphacelus, tum parte exsiccata inter vivam & mortuam partem fiebat vinculum, hacque ratione putrefactio fuit impedita, nam non sat virium habebat ad suppurationem, sicque margine exsiccata vixit adhuc per duos annos, hoc sola natura cum his medicamentis fecerat, verum si vis vitæ fuisset sat magna, tum suppuratio & separatio fuisset facta totius partis mortuæ, tam mollis quam duræ, ne medium ossis, quod est solidissimum, excipio; hinc ergo ubi natura est debilis, ibi potius expectemus, & medicamenta putredinem inhibentia applicemus, sed si cito malum proserpat, & vis vitæ major adsit, tum citò exstirpatio est instituenda, si possibilis sit.

§. 465. *Exstirpatio est partis vivæ à mortuâ integra separatio per artem*; hæc fit variis modis; nonnulli ligando hoc tentarunt, & si tibia esset exstirpanda, fecerunt ligaturam ad genu, ut nutrimentum hujus partis tolleretur; damnoſa hæc est praxis, nam hostem intra propria

manica coërcent, quod supra ligaturam est; morietur, ut & partes vivæ turpissimo eventu intra paucos menses, nec exustio non est bona, in crudebilibus operationibus debemus esse prudentes, & devinare, quid sit futurum; ergo per ferrum exstirpatio est optima, hæc in variis locis varia est, novimus quod acinacibus digitos amputent in bello Chirurghi, nec multum damni sequatur; hinc in partibus ubi commodè fieri potest, concedendum supra lignum durum, nec nimis rigidum (belgicè *een Slaggers blok*) imponitur cuneus, forti malleo præciditur pars, neque magna operatione opus est; ita fit in *Metacarpo*, hinc sæpe una pars tantum exstirpanda est, sic contigit hac in urbe, medium os metacarpi tantum sphacelatum fuisse factum; tum instrumentum fit tale quod solum id capere possit bene diductis aliis digitis vel ossibus & valido ictu è loco intermedio exciditur, fitque ictu oculi vix sentiente ægro; statim postquam operatio est facta, balsamica & nervis amica sunt imponenda, aliter hic tota manus exstirpanda est, quod valde esset ingratum.

§. 466. *Eget.* Nam si dictam methodum per cuneum & malleum hic sequeremur, tum os finderetur & oriretur majus malum; si exterioribus artubus ablatis videamus tolli posse incommodum à sphacelo futurum salvâ interim vitâ, tum exstirpatio est instituenda, & hæc operatio proprie exstirpatio dicitur; hinc ergo hic in concilio venit, an pars sit auferenda nec ne? Ut verò ad hoc respondeatur, inquirendum est, an æger se melius haberet, si exstirparetur, si hæc tum ita inveniamus, ut parte ablata diutius & melius vivere possit, tum operatio est instituenda,

tuenda, si verò corpus debile atrophycum vel hydropicum, tum ab operatione desistendum est.

§. 467. Si ergo de hac re conveniat, quod exstirpatio sit instituenda, tum quæstio oritur de loco, ubi est facienda, hoc his canonibus definitur.

1. Quia est substantia vitalis.

2. Nam si margo mortua maneret, tum non juvaret exstirpatio; hinc omne mortuum semel simul & citissimè est auferendum, sic *Dionysius* narrat de Rege Galliæ Ludovico XIV, cui quædam pars exstirpanda erat, eum dixisse se semel pati velle, sed non bis.

3. *Ufus*. Quidquid in digitis, carpo, metacarpo, tarso, metatarso, humeris, femore conservari potest, illud semper habebit usum, sed hoc non de tibia verum est, quia si quid remaneat, hoc retrorsum incurvari debet, & ligneus pes sub genu poni; hinc sub genu est exstirpandum, si accidat viro generoso se contudisse pedem, ut hinc exstirpatio conclusa esset, is dixit Chirurgo, ut faceret, quid vellet, si modò commodissime inniti posset, Chirurgus verò prope tarsum exstirpationem instituit; hinc pedem retrorsum gerere debuit æger, ideo ille huic rei pertæsus novam exstirpationem subiit, sub genu, ubi tum commodissimè fit loripes.

§. 468. Si exstirpatio in brachio, aliave parte sit instituenda, separatio fiet semper in parte sana, quæ ægræ proxima, multi Chirurgi contra egerunt in mortuo ob metum doloris & hæmorrhagiæ; postea pars diu tecta debet manere ob hæmorrhagiam & recrudescentiam metuendam. Verum si fiat exstirpatio quatuor digitis sub junctura genu inventum est instrumentum, ut in Anglia hodie optime fabrican-

tur, quod pedem bonum fingeret, & fungere-
tur officio bonæ tibiæ, totoque crure eo ulque
ablato, brevi commodius applicatur instrumen-
tum, quo fulcitur, hinc fit facilitas, ut sat
facile incedit, ubi paululum modo assuetus es
æger. Chirurghi castrensēs Viris primi generis
& ordinis tibiā fere totā reliquerunt, quia
non erat infecta, sed præ tædio debuerunt illi
ægri diu pati sibi auferre eam partem; nam
musculi gastrocnemii non extendunt crus, sed
firmant musculos subiectos & sunt loco tertii
ossis firmantis Astragulum & totum crus, hoc
enim sine tendine Achillis (qui est tendo eo-
rum musculorum) dirigi nequit & retroflecti-
tur, hinc si non secetur supra genu, tum pars
fit rigida & retroflexa, quia tota vis musculo-
rum Gastrocnemiorum perit; vide de his *Hil-
danum*, *Paræum*, & famosissimos Chirurgos.

§. 469. 1. Medicus præsens debet curari
ut omnia instrumenta & totus apparatus præ-
sentia sint, tum Medicus & Chirurgus se in-
vicem amicè rogare debent, si hoc vel illud
accidat, quid tum faciendum sit; hic verò
non nimis est festinandum, sed omnia requisi-
ta hic adesse debent, sic apud Chirurgos prac-
ticos est regula, omnia nempe quibus indigebo,
& omne quod primò indigebo, ponatur supre-
mo loco, & quod ultimo egebo, loco ultimo
ponatur, sic primò viri fortes & constantes re-
quiruntur, ligatura constringens, retrahens
& reparans, dein instrumenta secantia, inter-
secantia, & ferratim secantia, dein pulveres
stiptici, & arteriarum ligatura vel ferramenta,
quibus inussio fiat, pro ut quis methodum eli-
git, & quia ligaturam sanguini superinducere
debent, hinc vesica adesse debet, sed hæc po-
natur

natur in infimo loco; postea debemus certi
 esse quod Chirurgus hanc operationem sæpius
 fecerit, nam novus nauclerus non bene guber-
 nat navim, deinde quod non sit pusillanimus,
 ut *Ravio* contigit, ubi Chirurgus prima inci-
 sione facta in animi deliquium cadebat, &
Ravius ilico operationem suscipiens perfecit;
 verum si hoc alii Medico contigeret, ille ma-
 num operi adhibere non posset, hinc pessimum
 esset, i. vasa venosa nil damni dant sed ar-
 teriosa, hinc Medico est cognoscendum, ubi
 arteriæ decurrunt, sic in humero circa superio-
 ra & circa flexuram cubiti arteria nuda locatur,
 solitaria arteria ligatur sub poplite, ibique sple-
 nia pyramidalia sub poplite inter chordas à ten-
 dinibus musculorum factas ponenda, & tunc
 ligatura *Tourniquet* gallus est applicanda, quæ
 adeo adstringi potest, ut nil plus effluat, quam
 Medicus velit, nisi quod hæret infra ligaturam
 & supra locum exstirpandum, hoc fit per illud
 instrumentum, sic si ad carpum sit, tum ibi
 ad arteriam ponatur papyrus paulo manduca-
 tus, & dein paulo latior, sic ut ad superiora
 sit latissimus, tum supponatur splenium vel
 compressa, & simplici ligatura obvolvatur, cui
 immittatur baculus, & sic pars baculum rotan-
 do constringatur prout lubet, unde nil sangui-
 nis nisi infra ligaturam effluit, si nunc circa
 genu, vel paulo inferius sub poplite exstirpatio
 sit facienda, tum ponantur ibi similes com-
 pressæ pyramidales, & fortissimè intorqueatur
 baculus, hacque ratione adeo comprimere po-
 teris, ut non plus liquidi exeat quam velis;
Celeberrimus Chirurgus Petit adhuc aliud in-
 strumentum excogitavit, ut videre est in *Actis*
Parisiensibus, sed dicta Methodus commodior &

simplicior esse videtur. Nonnulli ut *Horatius Augenius* cultro candenti partem descindere suadent, ut arteriæ & reliquæ simul consolidentur, id verò crudele esse videtur, nec adeo facilè & accuratè dirigitur, quam quidem imaginatur, præterea ferro candefacto pars non bene discinditur, tandem escharâ delapsâ subito consolidatio est sublata; hinc illa methodus non valet.

2. Quòd pars descindenda magis dehiscat, eò facilior est sectio, & melius partes recedere possunt, sic pars sana sursum trahatur, altera deorsum, *Hildanus* ad hoc excogitavit ceraceam quasi manicam, quæ per fibulas adstringi & remitti posset, estque bona, quia id manibus difficulter fit vide *Hildanum de Sphacelo*.

3. Contigit sæpe ægros consensu dato credidisse se satis fortes esse & noluisse firmari, sed dolore & crudeli spectaculo territos se movisse de loco; hinc postquam dedit voluntatem suam, æger est firmandus, ne se noceat.

4. Sic si scindatur brachium ad humerum, tum debet incurvum manere uti est in statu naturali; ergo æger decumbens esse potest in latus. *Verulamius* notat omnes articulos in somno in angulos esse flexos; hinc crus non in lineâ rectâ positum est exstirpandum, sed paulo retrorsum flectendum, tum enim naturalis est flexus, & pars sibi commissa postea æquabiliter trahit, ergo membrum ponendum est in eo statu, qui forent, si nulli muscoli agerentur.

5. Melius est, infelicia tempora transigere dormiendo vel hebetando, hinc grana duo vel tria opii vel guttas aliquot Tincturæ opii dentur.

§. 470. 1. Culter sit acutissimus, ita ut novacula certet; sit fortis, ne diffiliat ad os; sit curvus oppositus rotunditati partis exstirpandæ; hinc diversitas est in infante vel adulto in eadem parte & variis partibus requiritur; in dorso sit obtusus, ne frangatur vel flectatur, & Chirurgus caveat, ne ipse adigendo vulneretur, tunc enim actum est de facilitate curæ; sit bene temperatus, non nimis fragilis, ubi applicatio facta est uno ipso momento quo incipis, adigendus est ad os usque, sic multum de crudelitate tollitur, ubi semper adhæret; neque fortiter premat Chirurgus, donec acies cultri hæreat ad os, ergo culter debet esse maximè acutus, aliter obtunditur hoc adactu; hinc antequam operationi adhibeatur culter, debet Chirurgus eum exploravisse ad lignum durum cinctum corio rigido, & oportet, ut possit hoc lignum scindere sine hebetudine aciei cultri, hocque modo Chirurgus suam manum affuescere debet; si crus exstirpandum, debet Chirurgus se collocare inter duo crura ægri.

2. Si ergo unicum os modo esset exstirpandum, tum nulla alia Methodus requireretur, sed si duo ossa sint exstirpanda, tum inter os hærent muscoli & vasa, tum intrudatur culter ab utroque latere scindens bistorium clictus, hocque cultro secetur inter musculum & os, hoc quoque una vice fieri potest, si culter intrusus elevetur & semel deprimatur; omnia exactissimè sunt descindenda, nam si aliqua fibra tantum relinquatur, ea secundo tracta maximum dolorem creat; hinc ne capilli crassities integris partibus remaneat.

3. Aliter exterior pars nempe cutis sursum trahitur, & interiora deorsum premuntur, sic

ut saepe vulnus coïret, & serra benè transfadigi non posset, hoc verò distractione cavetur.

4. Serra sit tensa per arcum chalibeum suppositum, ut firmetur serra, quia lamina serræ valde subtilis esse debet.

Perpendiculari. Si obliquè hoc fiat, tum illico impeditur operatio, & Chirurgus procedere non potest, nam obliquitas serræ impedit, tum dicunt Chirurgi belgicè *het klemd*, hinc prima crena perpendiculariter est facienda, hac enim factâ reliqua sponte sequuntur.

Dissectione. Plerumque faciunt Chirurgi, ut serra utrumque os tangat; ita ut tenuius prius descissum sit, sic & in brachio fieri potest priori methodo & fere sine ulla differentia, sed in crure alia est res, ubi fibula prius serra est separanda, dein tibia, aliter si prius tibia separaretur, tum vix pes retineri potest; quinâbula in varia fragmenta diffringatur.

5. *Meatus.* Ne aperturæ compressio fiat & actio impediatur; hic verò metus est hæmorrhagiæ in juvene & plethorico, sed multo minor hujus metus est in debili, ex succo inertique sene, ergo sub ipso loco extirpationis hypomochlion vel manus ponenda est, vel os à ministris sic est incurvandum, ut sursum ad crenam à serrâ factam gibbum formet, ut liber sit serræ meatus, aliter si hoc non fiat, tum ad inferiora à vi serræ impressâ gibbum formatur, & tota operatio procedi nequit, nam tum serra nulla vi agi potest. Jam intelleximus artem, quam Chirurgi in extirpandis extremis artubus adhibent, verum hic nova est inventio, de quâ non novi quempiam unquam cogitasse ante *Petrum Adrianum Verduyn*, ille occupatissimus & exercitatissimus Amstelodamensis.

Chi-

Chirurgus observavit, partem ablati muscoli temporalis repositam recrescere, si verò paulo modo sit avulsâ, ille ergo cum in tot extirpationibus viderat, quod si pes modo esset sphacelatus, tum tota fere tibia usque ad distantiam quatuor vel quinque digitorum infra articulum sub genu esset auferenda, excogitavit novam methodum, qua in re ipsi jam præluderat *van Solingen*, cujus operationes Chirurgicæ adeo famosæ & bonæ sunt; hic verò explicabo differentiam inter hanc operationem & priorem; si v: g. pes paulo supra articulum sit sphacelatum, tum ad distantiam duorum vel trium digitorum superius in vivo fit operatio, primo partem abscindunt usque ad os, & quoque sursum longitudinaliter fit sectio, tum caro ibi pendula hæret, & illa caro applicata concrescit cum osse & carne, nam tum ex hac parte pendula circumapplicata facit quasi emplastrum; quid verò censendum de hac opinione? Hic quatuor lucrantur, 1. cutis manet retrotractâ, 2. musculi retinent æquipondium, 3. ille sic parcit corpori vivo, 4. super quâ excellit, quod pes loricatus sic æque bene retineat flexuram ac antea in sanitate; ille Clarissimus Chirurgus hac ratione multos ægros curavit, ego hanc rem sedulo inquisivi, vidique in hac operatione terribilia oriri symptomata & incredibiles tumores, quia pars carnis ossi applicata putrescit, quæ putredo quidem separatur suppurando; verum si Chirurgus hoc non noverit, tum putaret novum esse sphacelum, & novam denuo extirpationem instituendam esse censeret, nam tum caro inflexa ad decuplum plus intumescit, sed tamen separatione bonâ factâ callus satis bonus & mollis nascitur; ve-

rum tamen credo hanc operationem non fieri posse nisi à Chirurgo experto, Galli & Britannique quoque scripserunt se hanc methodum tentasse & bonam invenisse legite *libellum hujus Petri Adriani Verduyn de nova artuum curatione*. In corporibus lue Venerea, Scorbuto & Rachitide laborantibus ossa tam mollia sunt, ut præcedens methodus non possit in omnibus adhiberi, sed tantum os scindendum est.

§. 471. Primarium symptoma est Hæmorrhagia arteriarum, venæ verò hic in considerationem non veniunt, quia nil adferunt nisi quod habent, & si venæ aut parvæ arteriæ facile propriâ contractione; aut vitriolo aliove pulvere adstringente, nec cum magno dolore sistantur; hæc hæmorrhagia raro magna in operatione illius *Verduyn* fit, quia pars retroflexa comprimit arterias; aliter verò hæmorrhagiæ est prospiciendum, nam contingit aliquando *Parisiis* in hospitali in exstirpatione Instrumentum *Tourniquet* fregisse, unde ille æger procul dubio periisset, nisi adfuisset *Chirurgus Regius in Anatomicis Versatissimus Marechal* dictus, qui illico arteriam compressit sub poplite.

Illico sistenda. Nam aliter vasa dilatantur, primo si requiratur, venæ sectio est institienda, quod melius est, quam si æger per locum truncatum sanguinis fluxus patiatur; Methodi sistendi sanguinem sunt hæc, Amstelodamenses Chirurghi præparant de lycoperdo vel crepitu lupi orbiculos & primò faciunt parvum orbiculum, dein majorem & majorem, ita ut ex fragmentis successivis annularibus forment conum &c. tum exstirpationi facta, vident, ubi sanguis effundatur, & trudent eo loci hunc conum, tum farina volatili molendinæ superpersa,

spersa ligatura constringunt, hanc tutissimam esse methodum dicunt, sed tamen non audent huic confidere, nisi per tres dies & noctes apponant servum, qui una manu semper tenet arteriam sub poplite compressam, & manu altera intrudit, vel intrusum & applicatum tenet lycoperdon extremitati arteriæ, aliter abluitur.

I. Optima & tutissima methodus est hæc, extirpatione factâ *Tourniquet* paulo est solvendum, ut sanguis effluat, & tum observandum, ubi sanguis effluit, & ibi tenaculo arreptam materiam cum carne filo constringunt, & supra fili circumductionem acu pertundunt partem, sicque firmanit ligaturam, quam tutissimè hoc toties repetendum, quoties arteriæ magnæ adsunt semper solvendo *Tourniquet*, & invento loco iterum adstringendo sic acquiescere possumus, & nil mali inde oritur, imo vix inde dolor sentitur, hæc methodus debetur *Ambrosio Paræo*, ille enim sumit tenaculum ex duabus lamellis chalybeis sat tenaciter hærentibus, & tum operatione factâ statim hoc tenaculo arripit arteriam una cum carne, & tum illud annulum, quod ad tenaculum hæret sursum ducit, & supra tenaculum ligaturam faciens tenaculo protrudit in arteriam, sicque eam constringit, simulque arteriam perforat ope acus semel vel bis, ita ut ligatura vel funis per eam ducta maneat, fune relicto nil effluit, tunc apponuntur reliqua, sic certi sunt postea quoque nil effluere posse, hæc verò operatio unum incommodum habet, nempe, quod arteria semper se retrahat, ita ut sæpe arteria non possit arripi; hinc ad hoc incommodum supplendum ultimo excogitaverunt duæ

acus incurvæ bene præparatæ, & sumunt filamentum cera obductum, tum vident, ubi arteria in parte truncata hæreat, quod est, ubi est copiosissimus sanguinis effluxus, tum ibi per carnem & integumenta acum sat profundè intrudunt ab inferioribus sursum, & ope alterius acus à superioribus deorsum, sicque in medio arteriam & carnem interceptam firmiter ligant, & hæc methodus mihi videtur optima; licet Chirurgi Amstelodamenses dicant suam methodum ipsis nunquam fessellisse, mihi tamen videtur quid incommodi vel periculi subesse, cum noctes atque dies servum ægro apponant, verum quidem est, quod lycoperdum vel vitriolum hæmorrhagiam sistat, sed si paulo ab arteria secedat, tum sanguis ex hac arteria profluens hoc abluit.

Infixum. Hoc est faciendum, quando vas deprehendi nequit, accidit enim aliquando, ut arteria citius se retrahat, quam Chirurgus eam advertere possit, & eam constringere filo per medium ejus corpus.

Hæc est methodus Veterum, hi extirpatione peractâ comburebant partem vivam truncatam, sed tum quarto die escharæ à cauterio factæ separatio fiebat; si arteriæ sint parvæ & instrumenta debita non adsint, tum methodus est instituenda, aliter non.

3. Galli parvum nodum Vitrioli instar ciceris in formam sphænoideam formarunt eodem modo, ut de lycoperdo dixi nempe conum formando, & tum unicuique nodo involvunt gossypeo (belgicè *cattoen*) hacque ratione quoque conum formant, verum globos sphæricos ab unâ parte faciunt planos, tum certi sunt Hæmorrhagiam non futuram, si hoc bene ap-

plicatum teneatur, sed tamen servus Chirurgi eodem modo ut prius per tres quatuorve dies ægro adesse debet ad comprimendum conum illum vitrioli, & arteriam sub poplite comprimendam; de his vide *Dionysium in libro sæpius citato.*

7. Somnus est conciliandus, aliter nimis dolent ægri, & corpus in quiete tenere non possunt, inde difficilis cura.

Victus non sit acer, non pinguis, non facile putrescens, non durus, non difficilis in coc-tu, sed tenuis, hinc victus præscribatur ex ci-bus non moventibus, non vinis, non aroma-tibus, ab omnibus animi affectibus est absti-nendus æger, Diæta sit valde tenera, quia viscera antea solebant parare nutrimentum pro corpore integro, jam verò tantum de corpore ablatum est, hinc non tantum chyli requiritur ad illud corpus nutridum, huic rei maxime est attendendum, ne ægri fiant vel plethorici vel apoplectici. Si æger fuerit plethoricus paulo ante deligationem, tum venæ sectio est instituenda, ut præcaveatur nimia hæmorrhagia.

§ 472. Si vasa sic coiverint, ut non amplius stillent sanguinem, ab omni margine adnasci-tur non statim vera cutis, sed quid cuti simile, & sensim accrescit, & sponte obducit totum os, si adsit luxuries, tum optimum est, si im-primis paululum uratur. Os in medio trunci exstirpati hærens habet plerumque medullam, & lamellas exteriores corruptas; hinc cavenda facilè est caries, si Mastiche in farinam tenuis-simam contrita & cum pauxillo spiritu vini subacta, qua plumaceolum humectatur, appli-cetur offi, unde non putrescit, nec corrumpi-tur, sed facilis fit exfoliatio.

§ 473. Si nullus sit metus. Hæmorrhagiæ, tum bona digestiva, carnem facientia, cicatricem mollem reddentia & tollentia sunt applicanda.

§ 474. Ratio clara est, quia viscera chylopæa & hæmatopæa manent, & tantum quantum ante adhuc conficiunt sanguinem, unde tales sunt maximè salaces, quia sanguis ad partes ferri assuetus nunc refluit pro majori parte ad vesiculas feminales; apud Romanos observatum est milites in bello truncatos plures procreare liberos. Tale exemplum hic in Bataviâ habuimus in homine, qui in nave à Bombarda utroque crure fuit spoliatus, ille postea curatus, cum prius macilentus fuerit, jam verò obesus multoque in libidinem salacior est factus, verum si tandem plethora nimium abundare incipiat, tum fiunt vomitus mictus sanguinei, Apoplexiæ, hinc sanguis aliquoties est mittendus, donec vasa assueta sint tantæ copiæ liquidorum; hinc victus sit tenuis, non semper fiat missio sanguinis, sed tantum per annum semel vel bis.

§ 475. Hinc Artifices varias excogitarunt machinas, ut ablata manu machinulas ferreas, quæ manica obducta videntur manus, ita ut moverint fingentes tendines musculorum; hi etiam invenerunt pedem formæ humanæ similem, cui homo inniti posset, quia dum pedem movet, flectet genu, & homo semper impingit in proprios articulos; hinc hic aliquid est difficultatis, ut commodius ambulent, quod fit baculo ad inferiora acuto, tunc progrediuntur extravertendo describentes circulum vel ut jocabundi loquuntur galli per parenthesin. Tota ars hic consistit, ut instru-

menta

menta sint satis alta, ut homo illa instrumenta brachiis axillisque dirigere possit, uti & instrumenta ad pedes apposita. De Machinis optimè scripsit *Aquapendens in Chirurgiâ suâ*, ibi habet armaturam totius corporis per bracteas ferreas; hæ figuræ sunt nobilis pretii, nec sine labore inventæ, hinc semper hic consulantur in tali casu; *Guiljemeaux & Uffenbachius in Thesauro Chirurgico* sunt optimi in hisce casibus.



De Combustione.

§ 476. *Ignis ardens* sic voco vivam flammam.

Latens sic voco aquam & oleum fervidum vel ebulliens vel nondum ad rubedinem ignitum.

Destructio oritur à gradu intermedio inter calorem fani & aquæ ebullientis, hic est primus gradus destructivus, & quò gradus excedet, eò magis agit, imò in aqua ebulliente caro ab offe cadit, sed hoc multo citius in vivo corpore fieret, ubi adhuc noster vitalis calor accedit; dicunt verò in combustione à ferro ignito vel fluente quid maligni hære, sed nil subest nisi, quod aqua sit gravius, hinc ignem diutius retinens magis adhæreat; omnis ignis hæret seu in elementalì, ut in foco villettiano & schirrausiano habetur, seu hæret in quodam corpore, & in utroque casu idem facit; verum multi Auctores crediderunt hic aliquid absconditi & maligni subesse, sed ferrum, nisi plus caleat quam aqua ex fonte hausta, tum non comburet

buret partes, at sola combustio ab igne præsentate & modò à solâ ignis copiâ determinatur, verum quidem est, quod focus eò diutius manet in corpore, quò corpus est densius, sic Aurum diutius ignem retinet quam ferrum, quod verò oleum ebulliens longè fortius agat ac aqua ebulliens, id dependet ab ignis copiâ nam tanto plus ignis ardentis requiritur ad ebullitionem olei quam aquæ, quanto oleum magis ignitum & fervidum est aqua, nam in oleo ebullienti quidem metalla ut stannum & plumbum fundi possunt; hæc est ratio, quare multi Auctores oleo malignam vim tribuerint, sed agit modo quatenus perissimum ignem continet, & quatenus magis partibus adheret quam aqua.

Extravasio. Nam per ignem summum omne oleosum inflammatur, terra & aqua rarescunt, hinc vascula rumpuntur, quia materia non exit.

Causa est solus ignis.

Durationis. Si subito ignis accedat, & subito recedat, tum pars non multum inuritur; hinc possumus per maximam flammam manus movere sine combustione, sed ignem foci villiettiani schirrenhausiani ferre non possumus.

Partis affectus. Ubi callos hæret, ibi ignis ferri potest, sed ad pulpam apicis digitorum à momento ignis maximus fit dolor.

§ 477. Si enim primo è longinquo apponas parti sanæ ignem, ita ut pars inflammetur, primò leniter & gratè pruriet, si tum propinquius ponas, dolet idque magis quò appropinquas, tum fit bulla, si adhuc propinquius fit echara, & si tandem adhuc propinquius, tum tota pars gangrænescit & emoritur, sic à gradu

inflammationis blandæ usque in sphacelum ignis agere potest, ergo de omnibus his actum est.

§ 478. *Diagnos* Si combustio sit lenis ab aquâ fervidâ subito præterlapsâ, & cutis integra, rubor, dolor, calor non magnus, hinc sine suppuratione facillè curabitur vel sponte vel ad ignem parte apposita, vel cum spiritu vini; si pars retenta fuerit in aquâ fervidâ gangrænam ferè usque, tum non ita cito restituitur, sed post longum tempus ad suppurationem perducitur; si bulla fiat sine suppuratione, tum facillè prædicatur curatio, sed magnus dolor ob nervea loca sub bullis, si bulla sit rupta & appareat nigredo, gangræna est pessima, longa cura, nec facilis & mala cicatrix prædicatur; scio multos jactare se magnas ustiones ad bonam cicatricem reducere posse; sed hæc vana sunt, in parvis in me ipso expertus concedo, non verò in magnis; hinc Chirurgus peritus statim id monebit, si id non faciat, tum turpitudine relicta ei facillè imputabitur, nec ille multum in his casibus plerumque inibit gratiam; si cutis sit ablata, expetitur plus quam ars efficere potest; cuticula splendens tenuis & semi-lucens semper perfectè restituitur, sed cutis est nimis artificiosæ figuræ quam ut restituetur sine vitio, si suppuratio sit profunda raro ab inferiori parte renascitur tantum, ut vacuum reduci possit, difficillimè verò in senibus, cum muliere octogenariâ sæpe animi deliquio & convulsiones possit, caderet in ignem & per totum latus usta nigra & inflammata esset, postquam educta ex igne ad se redibat, vidimus accuratè hæc omnia observata, nempe quod simplex inflammatio facillè curaretur; ubi bulla erat rupta, quod unguento Diapompholigos

fie-

fieret cicatrix; sed quod ubi eschara erat, gangræna fieret.

§ 479. Si levis sit inflammatio, curatur facile; si jam bulla adsit, tum non curatur nisi suppuratione; sed eschara hæc quoque tolli nequit, nisi sub ea fiat suppuratio, hæcque ratione eschara separatur, si verò tota pars sit exsiccata, arida & usque ad os mortua, tum non nisi exstirpatione tollitur, hinc in omnibus eadem requiruntur, ac in inflammatione ejusque exitu, quod quoque animadverti legendo tractatus *Fabricii Hildani veri occupatissimi & candidissimi de Inflammatione, Suppuratione, Gangræna & Sphacelo* & tandem quoque de Combustione sed ubi priora legeram, vidi tractatum de Combustione non opus fuisse ut enim curatur Erysipelas, sic quoque levis combustio curatur, quod imprimis peragitur applicando unguentum Populeum, emplastrum Oxycroceum cum saccharo Saturni; multi Auctores jactant se combustionem sanare posse sine cicatrice, sed tum modò intelligunt levem combustionem, quam aqua lithargyrii curare possunt, si verò magna sit, bullæ adsint, & cutis cinerea nigra appareat, tum separatio vel supparatio est promovenda, unde Epidermis postea recrescit, & albedo stricta manet, si verò jam bulla sit facta, tum idem est faciendum; si crusta adsit gangrænosa, tum hæc modo suppuratione est tollenda; si adsit sphacelus, tum exstirpatio requiritur; hinc in his casibus nullum est remedium specificum, alter adhibet flores cerevisiæ, alter saponem nigrum, alter unguentum ustorium (belgicè *brandzalf*) quod idem est, si modo hi Chirurgi advertant gradus, cum cura hic longè varia sit.

§. 480. Si v: g. ad hominem cadentem in ignem fervidam advocer, tum Chirurgum præsentem rogo, an pars non erit deformata, & an resolutio sit futura, hanc resolutionem futuram promittere possumus, si pars adhuc integra sit, si figura non multum mutata, si non in bullas assurrexerit, si color ruber & dolor subtilis adsit, si cutis mota nullum signum det Epidermidem esse separatam, sed adhuc cum cutis ubique cohærere, & si dein signa externæ inflammationis adsint, tum tento resolutionem, & si corpus sit plethoricum, tum Missio sanguinis est instituenda, & danda quoque medicamenta Antiphlogistica, emollientia, ut infusa Ciani, Althææ, Sambuci, Verbasci cum aqua, deinde adde Rob Sambucinum, tum simul ægro levis victus est assumendus; parti verò affectæ assumentur diaphoretica, laxantia & putredini resistentia; hinc obliniatur Unguento populeo, seu Nutrito, & sic curatio peragitur; alii verò solum vinum gallicum, in quo sal dissolutus est, applicant, alii Emplastrum Diapompholigos, sic ut res hic consistat in procuranda resolutione, si verò parva bulla facta sit, tum hac apertâ subjacent nervi tunicis exuti; hinc valdè dolent, ideo tum potius bulla clausa relinquitur, ut materia absorbeatur.

Ignæ. Si qui sint, qui se facile comburunt, certe sunt Chemici, sed hi ex tempore curare norunt; hi enim partem proprius igni ad movent, ita ut dolor ab igne modo in loco ambustionis, non verò in parte sanâ sentiatur, tumque tamdiu attenuatur & igni appropinquatur, donec pars sana æquè ab ignis vi afficiatur ac mortua.

Totus qui expedit iter, à putredine servat, laxat & emollit; fumatur æqualis copia aquæ lactis ebutyrati, hæc omnia spiritu vini miscantur, quæ applicata optime sanant, vide *Materiam Medicam* fumatur vel lac virginis vel acetum Lythargirii cum aquâ & vino mistum, vel urina recens, vel unguentum Lythargirii. Pro Cataplasmate inservit pauxillum feminis lini, bulborum liliorum alborum, pauxillum aquæ, ultimo addatur parum spiritus vini Theriacalis similisve; Hic tantum conveniet spiritus vini, non in aliis occasionibus, hoc moneo, ut caveatur à *Sydenhamo in ultimo tractatu paulo ante mortem edito*, vult ibi ab inferioribus probare exemplis & hoc sine discrimine, sed pessimè facit, ubi malum est emolliendum.

§. 481. Gangræna futura scitur. *α.* Si bulla adsit; *β.* si cutis sit crispata & contracta; *γ.* si pars incipiat dura apparere, tum esto certi, quod panniculus adiposus eo usque sit corrosus, ut perspirabilis non amplius sit, tum resolutio tibi erit impossibilis, & quoque separatio, nisi promovendo suppurationem; an verò hic quandoque nil tentandum? Imo, si in facie vel in partibus, ubi deformatio timetur, tum missio sanguinis est instituenda, Diætæ tenuissima, & medicamenta Antiphlogistica sunt adhibenda, hacque ratione prospere resolutio fit, ut in me ipso experui, nam magnam unctionem acceperam à machinâ papinianâ, quæ sic valde ignea dissiliebat in manum meam, & sic aqua in eâ contenta vi sursum in faciem meam cecidit, ita ut uno momento cæcus factus fuerim, sed adhuc menti bene compos dixi Chirurgo, ut sanguinem mitteret ad animi

deliquium usque, dein sumpsi Purgans Antiphlogillicum, & Unguento Nutrito partes oblinire jussi, & modo pro victu aquam hordei cum paulo lactis & macilento jure carniū sumpsi, & Missione sanguinis repetitā & alvi subductione octavo die iterum in publicum prodii. Parvam puellam, quæ in ignem facie ceciderat, curavi Venæ Sectione (licet parentes detrectarent in tali puellâ tenellâ Missionem sanguinis permittere) sed tum semper vires vitæ sunt minuendæ, ita ut nulla suppuration fieri possit, hic enim maximum incommodum habemus à viribus vitæ & nervis fibrisque irritatis. Si stillet liquorem ex parvis bullis, semper quid gangrænosum adest, si externa tangantur, nec æger sentiat, aut dicat se sentire saltem quasi per supposita stragula, si color sit cineritius, fuscus, certa est gangræna & curanda, ut talis inflammatio; hinc ægris & amicis prædicimus diuturnam curam & mansuram cicatricem.

§. 482. Gangrænosum separari non potest sine suppuratione, hinc agenda sunt, quæ ante monui, 1. perscindenda est pars usque ad initia sani, 2. lavanda fotu, qui putridum consumit & emollit, cum aquâ & spiritu vini, tunc apponitur Cataplasma suppurans, laudatur farina lini, nam est blandissima puls, huicque decocto addatur pauxillum butyri insulsi, tunc optime emollit, si eschara vacillet, tunc bona est spes, & curo ut vulnus balsamo aliquo, si quid adhuc adhæreat, digestivis tollitur. Si cellulosa membrana fuerit consumpta ab igne, ibi recrefcere non poterit, sed cutis subsidens se applicabit tendinibus subjectis, ibique fiet fovea seu cicatrix, quæ nullatenus vitari potest.

test. Quidquid hanc crustam gangrænosam externè emollit, & quidquid internè vasa laxat, hoc faciet separationem & curationem.

§. 483 Si magna vel profunda ultio non sit facta, sit bona cicatrix, si profunda non item. Combustio exedit pinguedinem & cutim, sed tum cuticula adnascitur musculis, deformata sunt solida, & tensa atbedo in hoc loco nascitur; hinc semper ut hoc caveatur, emollientia, non verò adstringentia vel exsiccantia sunt applicanda, quæ emollientia faciunt ut natura quodammodo amissi defectui suppleat; hinc observandum est, quod monent *Hildanus Charriere* & alii locum semper esse emolliendum, ut vasorum fiat textura; ergo conveniunt fomenta ex farina lini, floribus Meliloti, Sambuci, Unguentum Basiliconis, quod ultimum optimum est emolliens. Cicatrix ex combustionem est politissimè resplendens candidi coloris, & dein non fere perspirat, hinc locus cicatrifatus nunquam sudat, non habet pilos, sed est tantum confusa vasorum compages in cicatrice; ad pulchram cicatricem procurandam 1. cavendum est, ne exsiccatio fiat inter curandum, 2. ne fiat suppuratio magna, nam nullum est remedium circa cicatrices, nisi hæc duo inter curandum simul fiant.



Scirrhus.

§. 484. Hic morbus non modo Chirurgicam pertractationem, sed etiam maximè medicam contemplationem requirit, quia in morbis

bis Chronicis ex decem ægris fere novem ab hac causa laborent, & hinc est, quod sæpe Medici morbum Chronicum curare non possunt, sic v: g. sunt multæ species Icteri in quibus æger flavet per totum corpus, urina est flavescens, & dolor in pericardiis & imprimis in hypochondrio dextro observatur, & febrem hecticam quotidie habet, tunc sæpe Medicus, quidquid facit, sanare nequit hunc morbum, quia scirrhus hærebat in hepate, ut ex dissectis cadaveribus patuit, tum malum non pendet à vasis nec ab humoribus, sed à scirrhus, idem quoque in pulmonibus & liene observatur, Medici *Scirrhum definiunt*, nempe *quod sit tumor præternaturalis, durus, scaber, non dolens in loco glandulæ*, hacque ratione bene ab alio glandulæ morbo nempe glandulæ phlegmone distinguitur, nam ibi dolor adest, uti & inflammatio, nam glandulæ tumore inflammatorio laborare possunt, qui non est scirrhus.

Durus est, ut vis scindi possit.

Scaber id est scabrius prærupta, scrupea, aspera.

In glandula, nam nunquam carnem scirrhosam factam observatum est.

Causa quæ est? Diu ad hoc negotium cogitatus credidi, quod omnis glandula nobis cognita habeat folliculos cavos, qui folliculi extra vasa & circulationem positi sunt, nam novistis, quod arteriæ disponantur supra folliculos & tandem in iis hiant, hinc tale cavum est extra circulationem & vasa; hinc cum materia in eam secreta durescere incipiat, tum subtile exhalat & crassius remanet; hinc medicamenta modo in vasis agentia eo pervenire non possunt, inde calculus in vesica solvi non

non potest, quia medicamenta eo non pertinent, sic etiam liquor perspirabilis partim hæret in glandulis, ibique inspissari potest, ergo pro causa habet omne id, quod inspissat seu serum coagulat. Lac in uberibus naturaliter depositum inde in ductus galactophoros fertur & tandem per papillas educitur, si verò ibi inter ductus galactophoros & papillas obstaculum hæreat, tum omne crassum manet, tenuius serumque per papillas exsugitur vel exstillat, manetque crassus caseus, & qui eo durior & crassior, quo magis serum exstillans exhalavit, nam notum est sanguinem constare sero & liquore rubro, ut hodie in chemicis exhibui, si verò hæc materies sero crassior, ibi stagnat, hæret extra vasa, & hac ratione scirrhus generatur. Medici verò hodierni plerique imprimis, qui Philosophiæ & præprimis Chemiæ indulgent, nimis putant, quod in tali casu loco affecto alcohol, spiritus carminativi & similia ad resolvendam materiam sunt applicanda, sed hodie in ipsis chemicis operationibus clarè contrarium observavimus, ubi alcohol sero admixtus ilico coagulabatur, sic per vitriolum; si ergo ad glandulas vel in loco glanduloso talis obstructio & materiæ aggregatio sint, tum novistis facilè hic scirrhum futurum, si verò Medicus in tali inflammatione adhibeat alcohol, tum suppurationem quidem prohibet, sed scirrhum facit, verum suppuratio hic unica erat sanatio, hinc clarè videtis, quam malè hoc sit factum. Siccatio à calore corporis in stagnante humore liquidori ablato, reliquum quasi concreescere facit, ut sanguis in cupella supra ignem durefcit, siccatur, non verò putrescit vel dividitur vel materia manet dura & aspe-

aspera, ergo vel à coagulo vel ab inspissatione vel à distillatione liquidissimi scirrhus oritur. His ergo intellectis quæritur quid sit morbi sedes? omnis glandula folliculum habens, nam hi glandularum folliculi comprimi possunt, & sic materia in his comprimitur & quò fortior compressio, eò materia contenta fit durior, quò plures folliculi comprimuntur, eò tumor fit crassior & pejor, nam pessimus est scirrhus in glandulis maximis, hac ratione fieri potest scirrhus in glandulis sex salivalibus, in glandula ad Thyroideam cartilaginem, in glandula Thy-mi ad æsophagum positam, in corpore glanduloso mammarum, licet disputetur, an mæ sint glandulæ, quidquid sit, habet ductus galactophoros, qui à lacte caseescente obstrui possunt. In pancreate verò frequentissime fit, hoc quoque in viro ultimo dissecto scirrhosum inveni, in glandulis vagis, quæ etiam circa cisternam magnâ copiâ sunt collectæ, circa vesiculas seminales, & circa testes & scrotum, & in inguinibus, ut etiam in tonsillis, quæ sæpe scirrhescent, quia simili structurâ glandularum sunt factæ, in omnibus his locis sæpe scirrhus observatur, sed quia viscera quoque secundum *Malpighium* sunt structuræ glandulosæ scirrhescere quoque possunt. Sic totum hepatis & lien scirrhosa fuerunt inventa, sæpe quoque in labiis scirrhus nascitur, nam ibi hærent tubercula cava seu granula à nemine huc usque descripta, quæ quidem sentiri possunt, si inter mordendum labium inferius talis granula seu glandula dentibus comprimatur, tunc hæc inflammata quandoque scirrhescit, & si negligatur, quandoque adeo cancrescit; & aliquando totum labium scirrhosum evadat,

accidit enim sæpe, ut ibi nascantur parvi cancri, quod est malum contagiosum, & infectio fit, quando quis bibit in poculo alterius hoc morbo affecti, tum verò curatio facile fit consumptâ hac parte cancerosâ cum lapide vitrioli. Maximè verò notandum tale quid quoque fieri in morbo quod dicitur oculus Elephantinus, ubi oculus cum dolore intolerabili ex orbita protrahitur, hoc malum sedem habet in glandula lacrymali (quæ, uti notum est, materiam lacrymarum secernit) quæ tunc scirrhusa & tumens facta oculum extrorsum trudit. Tale exemplum notat *Fabricius Hildanus* in prima sua observatione, cui simile vidi in clytoris uxoris, quæ mox postea suo magno bono per mortem à suis crudelissimis miseriis liberata fuit. Dein quoque Ovarium & Uterus mulierum sæpe varicosa fiunt, tunc folliculi incipiunt scirrhescere, quia hi folliculi mucro distenti comprimuntur, hi aliter fluxum rheumaticum uteri faciunt, quam *Charletonus* solus benè descripsit, estque instar mucinarium, si ergo hæ venæ varicosæ fiant & sanguine comprimantur, tum fit scirrhus, dein cancer qui vasa sanguinea uteri erodit, & sic mulieres Hæmorrhagiæ moriuntur; in naribus, membrana schneideriana vel mucosâ seu olfactoriâ ab usu dicta, & velo palatino inspissatur mucus, unde fit excrescentia mucosa; in mammis & sub axillis &c. frequentissimè fit scirrhus ab motu lentiore & situm; si mulier laboret scirrhum mammarum & causâ internâ, tunc etiam scirrhum gestet in utero, raro enim contrarium obtinet, nam mammæ & uterus habent in se magnam afficitatem. Quando oriuntur strumæ sub maxillis aut ad parotides,

tum

tum scirrhusæ & strumosa inveniuntur glandulæ mesenterii, quibus scirrhis factis advertitur etiam cæteras glandulas esse scirrho affectas uti & pancreas. In his omnibus locis dictis plerumque & magis quam in aliis scirrhus fit. Causa verò remota scirri ex dictis patet, nempe materia crassescens faciens scirrhum.

§ 485. *Inflammatio.* Cum enim parietes horum folliculorum arteriis consent, ipsique folliculi humorem suum ab arteriis accipiant, hinc si hæ arteriæ inflammantur, tum novum liquidum folliculis non suppeditant, ergo materies in folliculis secreta ibi stagnat & liquidissimum exhalet, sic quoque videmus in naribus, in quibus materia tenuis secernitur, sed si ibi per aliquot horas hæreat, tum per aëris accessum inspissatur, fitque mucus tenax, sic quoque semen in testibus, ubi primo secernitur, non est adeo tenax, sed postea stagnando incrassatur, hacque ratione materia in folliculis deposita stagnans magis magisque inspissatur, hinc inflammatio scirrhum procreare potest.

Lac ab omnibus alcalinis ad ignem coagulatur & ab acidis in frigore ipso & nonnullis salibus. Si lac caseosum sit factum, & non inflammatio nec suppuratio bene succedat, tum fit scirrhus, nam lac stagnans semper inspissatur, lentescit, & caseosum fit coagulatum, quod semper oritur à lacte, à quo serum secessit, quis enim crederet quod caseus (belgicè *comine-kaas*) imprimis dictus, qui si per annum servetur, fiat adeo durus, ut vix scindi possit, cum tamen ex solo lacte componatur, eodem modo etiam lac in mammis inspissari potest; quod eo facilius fit, quia lac

hæret in tubis in medio latis, in fine angustis vide *Nuckium*. Lac non hæret intra arterias, sed intra tubulos galactophoros *demonstrante Ruyschio*.

Durescens. Nam lac durum fieri potest, licet non caseescat.

Coagulatum. Tum morbus est levissimus.

Contusio frangit vasa minima, hinc in folliculis hærens liquor comprimitur, nec novo liquore secreto diluitur; hinc à nulla causa citius & magis fit scirrhus quam à contusione.

Attritus. *Vesalius*, *Columbus* aliique habuerunt occasionem aperiendi corpora scortorum, in quibus vagina penitus scirrhusa erat facta ab attritu, sic quoque docet crista Galli, qui est excrescentia scirrhusa ex intestino recto, extrorsum, ut apud citatos Auctores legere est.

Anthrax est, si pars subcutanea ilico ita indurescat, ut nec suppurari nec gangrænescere possit, ut sit quasi sphacelus topicus & pars affecta tota una vice excidit sine suppuratione (ut belgæ dicant de pestkool is uytgevallen) si verò Anthrax in loco glanduloso oriatur, & materia sit lentior, tum fit scirrhus, ergo fit Anthrax, si in glandulâ materiâ crassâ stagnante liquidissima pars expellitur, & si Medicus tum applicet talia? quæ partem durescere faciunt, tum ilico scirrhus ex anthrace in glandulâ nata oritur.

Bubones sunt maligni tumores circa inguina; hi sunt triplices 1. sunt bubones non maligni, qui oriuntur sæpe eo tempore, ubi adolescens ad pubertatem accedit, 2. sunt bubones critici semi-pestilenciales vel pestilenciales, id fit, si febris

febris pestilentialis materiam ad glandulam ilico deponit; 3. sunt bubones à lue Venerea, cum verò tales mihi sæpe videre contigerunt, hinc dicere possum, quod glandula nonquam citius scirrhescat, quam à lue venerea, si verò tum aquæ Theriacales vel Theriaca vel similes aquæ exsiccantes applicentur, tum ilico fit scirrhus, si verò emollientia vel suppurantia applicentur, tum curatur æger & contagium educitur, raro tamen postea perfectè mollis glandula iterum redditur; hinc annotandum est, quod si peccatum fuerit admissum horum malorum nec ad suppurationem perfectam fuerunt deducti bubones sed nimis cito clausi, tum scirrhescunt; & dein sæpius canescunt, quod plerumque contingit in curatione bubonum venereorum, cum festinantes Chirurgi nimis cito claudunt.

Ulcus est solutio continui in parte molli, ubi parietes sic constitutæ sunt, ut nil nisi pus vel ichorem vel sanum generent, si tum huic ulceri applicentur exsiccantia, tum scirrhescit, fitque asperitas scrupea prærupta, licet tum Empyrici dicant se curasse partem, sed minime verum est, nam sic scirrhum induxerunt; ergo ulcus fit, si nimis cito aër admittatur, vel adstringentia applicentur, sic quoque in internis obtinet, nam si v: g. quis à Peripneumoniâ suppurationem pulmonis accipiat, & paulo levatus ilico ad pristinam vivendi consuetudinem redeat, & omnes glandulæ non suppuratæ vel resolutæ sint, tum fit scirrhus.

Materies atrabiliaris. Est conditio sanguinis, ubi oleum crassissimum & sæx terrestris plus remanet quam à bono sanguine, ut in Chemiâ demonstravi, si ergo talis homo penitus

atrabilarius sanguinem stagnantem habet, tum magnus est scirrhii metus; sic melancholici ut plurimum in loco habent scirrhum hærentem, & sic inter centum mulieres melancholicas fere nonaginta novem inveniuntur scirrhus laborare. Veteres vocarunt atram bilem, ubi diffuso blandissimo & fluidissimo, reliquum crassum, terrestre viscosum oleum remanet; si hinc bilis sic excocta occupaverit glandulas, tunc hæ ab hac materiâ obstipantur, materia lapidescens semper hæret in omni corpore, ut *Helmontius* bene in tractatu de Lithiasi annotavit, nam omnis urina semper intra viginti quatuor horas intra corpus in matula munda generat plus minusve calculorum, hinc si stagnet in hepate, glandulares vesiculas obstipat.

Cessante menstruo. Quando mulieribus intra quadragesimum & quinquagesimum annum deficiunt menstrua, tum *nonante Hippocrate* fiunt scirrhii & cancri in mammis & utero, ut verò si his mulieribus in mamma fuerit antea scirrhus factus à quadam contusione huc usque ut plurimum facile fertur, sed simulac devenerit mulier ad illam ætatem, tum scirrhus ille incipit se manifestare & cancrefcere.

Hæmorrhoidali fluxu. Nam veteres putarunt hunc sanguinem maximè esse atrabilarium; hinc hoc fluxu desinente putarunt scirrhum nasci, quod non ita absurdum videtur, nam si sanguis huc derivatus non magis excerni possit, tum tenuissimum dissipatur & avolat, & hic sanguis vel ad venam portarum vel ad venam azugos (quam nonnulli dicunt etiam deorsum pergere) derivatur, tum sanguis hoc crasso non ita improprie atrabilario dicendo sanguine inficitur, qui ad varia loca glandulosa depositus.

tus scirrhum generat, quod utroque sexui contingere potest.

Lapidescens. Non enim dubito materiam adesse in corpore, unde lapides crescere possint, vidi sub linguâ ex ductu glandulæ sublinguali lapidem fuisse excretum, sic quoque in pulmonibus & excreatione deponitur, sic etiam in intestinis, & per alvum secedit, sic etiam in Hepate, Uretheribus, Renibus, vesicâ, si ergo calculus hæc loca occupet, pondere suo comprimens scirrhum facit, qui est scirrhus pessimus.

Austera. Licet rarò & multo rarius, quam vulgò creditur inde scirrhi oriantur.

Gypsea. Nam sæpe in corpore generatur concretum gypsum seu genus semi-calcis, quod tam facile exsiccat, nam hoc videmus in muco narium, qui si per duas horas hæsit in naribus instar corii durus evadit, cum tamen sub liquoris sat tenuis formâ secretus fuerit, an non ergo similis materia possit præbere materiam ad gypsum in corpore generandum sic mihi videtur.

Vita tristis. Scirrhusas plerumque reddit glandulas, hinc tristes plerumque habent scirrhus in Pancreate, Hepate vel Mesenterio, unde dependent anxietates, quas melancholici sentiunt in hypochondriis, quia sanguis propter scirrhusas glandulas circulare bene non potest, unde turbantur omnes functiones à visceribus dependentes. Deinde *demonstrante sanctorio* nil magis perspirationem inhibet quam tristitia & melancholia.

Victus durus est caro fumo & sale indurata, pisces exsiccati, farina non fermentata, fabæ, pisaque cruda *observante Hippocrate*; hinc peti-

tur ratio, quare infantibus rusticorum plerumque durus abdominis tumor oritur, quia hortos frequentantes austera & cruda edunt.

Hæreditaria labes. Hoc semper observatur, sic novi in hac urbe familiam, in qua omnes certa ætate scirrhum accipiunt, & hoc malum ab ovo parenti liberis est communicatum, uti & familiam, ubi omnes certâ ætate icterum accipiunt, & sic orto postea hydropo moriuntur. Novi etiam aliam familiam, ubi omnes primo satis faceti, sed certâ ætate in melancholiam incidunt.

Nunc cognoscitur scirrhi definitio locus & unde oriatur.

§ 436. Effectus scirrhi hic describitur.

Male sic vidi parotidem scirrhosam factam ad magnitudinem capitis excrevisse & protuberasse, unde omnia vicina erant compressa, *Harvæus* quoque duo exempla narrat, ubi in altero ad arteriam & in altero ad venam crucialem scirrhum natum refert, unde his vasis compressis malum ab horum compressu se multum extendit.

Suppurationes, Hæ non fiunt in ipso scirrho, sed in confinio, ut anthrax excidit, tum scirrhus.

Gangræna fiunt, si pars in suppurationem abire non possit, & motus tamen adsit magnus.

Paralyfes quando scirrhi comprimunt nervos & præsertim scirrhi ad gangliones positi, unde oriuntur sæpius morbi, quorum causa latet, deinde potest fieri paralyfis ab extensione scirrhi, ut videmus in extensione parotidum vide *Severinum de Abscessum naturâ.*

Atrophia oritur, si nervi & arteriæ comprimantur

muntur. *Sphacelus*, si pars nutriri nequit, notabile est exemplum apud *Harvæum* hominis, cui in femore, tibia & pede omnia hæc phænomena sunt observata, medicamentis nullo effectu applicatis mortuus est, in aperto cadavere inventa est glandula lumbaris scirrhusa facta arteriam Iliacam comprimens.

Sterilitatem. *Harvæus de Generatione animalium* docet se inquisivisse sedulo in omnes causas fecunditatis & sterilitatis in brutis & hominibus & invenisse fere semper scirrhum in arteriis tubis falloppianis aliave parte generationis uti & *Mauriceaux in Observationibus* animadvertit steriles mulieres fere semper laborasse scirrhu in utero.

Partus difficilis fit à scirrhu posito circa os uteri, vel in vagina, qui scirrhus aditum interceptipit juxta *Mauriceau*.

Volvulum voco, si ingesta per os post factam chylopoiesin vel cruda evomuntur, quia deorsum ire non possit, quod fit, quia aditus est interceptus; glandulæ intestinales se ita aliquando expandunt, ut impediunt chyli transitum, unde chylosæ materiei & fæcum regurgitatio oritur, tum omnes illi ægri sunt famelici, & nil per alvum deponunt, hacque ratione tribus aut quatuor diebus fament, dolent, & revomunt chylosam materiam subtercoream; hisce bene intellectis raro vel nunquam si scirrhus adsit, falli potestis. Puer patrem Chalopodiis ferratis obviam euns, valde defatigatus, sudansque à patre in vehiculo belgicè *narreslee* fuit receptus, in quo subitò refrigefactus post hoc tempus semper languebat; & per tres dies cibos avidè sumens quarto die omnia evomebat, unde tandem mortuus est, cadavere aperto in-

veni omnia intestina tenuia ad colon usque duodecuplo ampliora quam naturaliter, & in colo erat tumor scirrhusus, & sub hoc loco intestina instar vermicularis processus erant, quod etiam vidi in simili casu, ubi atrocissimi aderant dolores, ad partem intestinorum tenuium nigros cancos, qui tumore suo transitum præcluserant, hic morbus nempe Volvulus nisi fiat ab inflammatione vel constrictione in Hernia, semper à glandulis scirrhosis redditus oritur, rarissimè aliquid in cavo intestinorum hæret, quod Volvulum facit.

§ 487. Oritur hic scirrhi præsentis cognitio.

Causa si nempe præcesserit scirrhi exposita causa, hinc si præcesserit inflammatio, quæ nec versa in suppurationem, nec gangrænam nec sphacelum interim tamen non resoluta, & si quidem hoc fuerit in loco glanduloso & imprimis ubi glandula conglomerata locatur, ut etiam imprimis si deprehendamus ibi medicamenta esse applicata, quæ scirrhum faciunt, id est medicamenta exsiccantia calida, si tum simul temperies atrabiliaria accedat id est terrestris oleosa, vel penitus terrestris seu melancholica.

Causa Scirrhi erat contusio, si talis fiat circa loca glandulosa, & si tum simul temperies accedat terrestris.

Effectu si v: g. videam in loco vasa varicosa, quæ antea erant libera (nisi id fiat à gestatione fœtus in utero) tum certus sum scirrhum hære in hoc corpore, quia venæ rarò varicosæ fiunt, tum concludimus scirrhum in hoc corpore latere, sicque hic effectus scirrhi est signum præsentis; hacque ratione scirrhus

pul-

pulmonis tussim, palpitationes cordis, Dyspneam, Asthma parit, & omnes boni effectus à pulmone pendentes depravantur, sic si concretio gypsea in ultimis bronchiis, ut folliculi hi sinegma fundentes obstruantur, tum æquè verus scirrhus nascitur. Si lien scirrhosus sit factus, tum hepar caret effectu lienis; hinc primò mictus perpetuus oritur & pronitas magna in Venerem, sputatio frequentissima, simulque tensio hypochondrii dextri, unde Icterus, Hydrops & mors; si Hepar scirrhosum fiat, ilico eadem oriuntur.

Phænomenis. Ubi tumor glandulosus, durus, indolens & scaber adest, ibi loci hæret scirrhus, sic si quis habeat tumorem, sic ad mammas est aliquid speciale, si hæc pars sit dura & indolens, tum est scirrhusa, si tumor sit sub ventriculo & alvus dura & obstinata, tum scio esse in pancreate, cujus officium est diluere; hinc si pancreas scirrhosum sit, tum ficcitas magna sentitur in intestinis, & scirrhus glandulas ipsas mesenterii inficit; si hepar indurescat, tum fæces pallidæ & flavedo in toto corpore docent scirrhum in hepate; in utero facit sterilitatem & retinet fluxum menstruum, hocque modo sæpe per compressionem vasorum varicosorum hæmorrhagia lethalis nascitur; erat vir quidam qui corpore in Ehippium incurrerat ad cordis scrobiculum circiter sub cartilagine Xiphoideâ, unde hæmorrhagiâ natâ & adstringentibus à Medicis propinatis, totâ vitâ languebat, & post mortem in illo cadavere aperto pars hepatis scirrhusa fuit inventa.

Loca. Nempe glanduloso imprimis glandularum conglomeratarum.

Temperie. Homines qui habent signa melancholicæ temperiei, quæ signa in physiologicis explicantur, nempe si color pallidus plumbeus in corpore & facie, si pulsus lentus debilis, sed tamen æquabilis, si affectus animi non facile varient, si constans sit ad quodcunque propositum, tum concludimus illum hominem facile scirrhus affici posse; imprimis si causæ præcefferint. Verum si internè scirrhus hæreat, quomodo cognoscitur? si v: g. scirrhusum factum sit pancreas? dictum est scirrhi causam esse internam vel externam, externa est contusio, ut oritur, si ictus vel lapsus sub sterno fiat iogens, tum utcunque pancreas contusionem accipit, hepar enim sub costis satis est reconditum, si tum inflammatio sequatur & non resolvatur scirrhum præsentem, sed præterea hoc maximè scitur ex effectu, si nempe homo eo loci pondere gravetur & simul alvus dura & sicca est, quia succus pancreaticus aliter multum facit ad dilutionem.

§ 488. *Eventus* vel quod scirrhus sit mansurus qualis est, vel quod augebitur vel degenerabit in speciem canceri.

Durationem. Si scirrhus in sano & non in corpore temperiei terrestris hæreat, tum diu tolerari potest, si verò corpus melancholicum & vita adhuc satis fortis super sit, tum cito pergit, si diathesis inflammatoria adsit, tum facile inflammatur, fitque cancer.

Innocui. Nisi quod impediunt functionem partis scirrhusæ. Omnis scirrhus hæret extra vasa, hinc est ut corpus heterogeneum, & si non nimis urgeatur, diu tolerari potest, si verò vasa posita extra scirrhum inflammentur, tum scirrhus non mutatur, sed vis vitæ in eum
im-

impellens agit, sed tamen adhuc vasa per scirrhum mittuntur, ut adhuc quidem cum vitali parte habeat communicationem, & non plane mortua sit, ut in sphacelo contingere diximus, hinc dolor nunquam est in scirrho, sed ad superficiem scirrhii in vicinis, unde vasa quasi ad lapidem asperum ponuntur; ergo scirrhus in homine lento vix quid mali parit, sed motu malignus fit; hinc in hoc casu est cavendum à spirituosius, ut spiritu vini, & animi affectibus similibusve, tum scirrhus non nocebit.

§ 489. Nam vix vitari possumus, quin non aliquando inflammetur, vix enim vitam adeo debilem & moderatam semper conservare possumus & sic inflammationem prohibere & hinc semper metus est, ne cancer generetur. In prognosi scirrhorum semper est cogitandum, an causæ vitari possint, quibus scirrhus transire deberet in cancerum; hinc quando Medicus super hac re consulitur, considerari debet, num mulieres, quæ cancerum in mamma gestant, motus vehementiores vitare possint an non, idque pro conditionibus eorum ac vivendi ratione.

§ 490. *Recens* id est qui non ultra mensem duravit, verum longitudo durationis non facile sciri potest, sed quò recentior eò tutius medicamenta emollientia applicentur.

Benignus, id est ut *a.* non sit nimis magnus, *b.* non nimis durus, *c.* non nimis scaber, ita ut materia non nimis cretacea sit, *d.* quæ vasa varicosa nondum fecit, *e.* si partibus vivus non annectitur, sed mobilius est, *f.* si nullus dolor adsit nec inflammatio, & sit in homine boni humoris non atrabiliario, deinde in loco idoneo qui admittit medicamenta.

Euchymum corpus potest habere scirrhum à causâ externâ, & ab inflammatione male curatâ, tum verò magna spes est curæ, corpus verò *Euchymum* dicitur, quod laudabiles succos corpori proportionales facit denique si materia in folliculis glandulosis stagnans nondum talis est, ut in formam indissolubilem concreascit, sed adhuc cedit, si tum Medicus internè det liquidum tenue emolliens, & simile fomentum ad locum applicet, hoc per venas absorbetur, & in corpus defertur. Sic fuit homo, qui me consuluit de scirrho parotidis satis magno, ita ut de ejus cura desperaverim, sed tamen præscripsi emollientissimum medicamentum & fomentum, partemque pannis laneis fricari jussi hacque ratione curavi, Ficus assatæ sub cineribus in pulvem contusæ calidè applicatæ & fotæ maximè conveniunt; gummi fætidæ maximè hic laudantur, ut galbanum, sagapenum & opoponax admisceatur parum vitelli ovi, v: g. sagapenum ad dragmas tres vel quatuor ad ignem molliter & leniter extendatur supra alutam ad spissitudinem daleni Philippæi, postea hoc amplastro superimponatur tegula figulina, quam alibi commendavi, quæ diu calorem retinens mammæ commodè applicatur; hic verò in *Materia Medica* omne genus medicamentorum, quæ hic tuta sunt præscripsi, nam hic sæpe festinando exsiccantia applicantur, si humidum tenuissimum adhuc dissipetur, tum scirrhus redditur adhuc multo durior, hinc verò locus scirrhosus ita est fovendus ut internè si hæreret, à naturâ foveretur, natura enim optimè facit fotum, sic quoque sumi potest farina secalis cum posca mista & cocta in cataplasmatibus consistentiam, addatur sub finem parum

cum salis ammoniaci & olei castorei vel meli-
loti, idem est tentandum cum aceto, cui sal
ammoniacus permixtus est, hoc enim inflam-
mationem inhibet & summopere aperit; sed
miramini forsan, cur hic tam calida & fortia
medicamenta addiderim, ut absynthium, mar-
rubium album, ruta & sabina, sed certe hoc
fieri debent, nam hac ratione vasa laxantur,
liquida diluuntur, & simul paulo roborantur,
tum profumus maximè ægro, sed si spirituo-
sa alcoholisata adhibeantur, tum nocet.

Fumi acidi. Nam hoc observatum est, quod
si pars scirrhusa ponatur supra acetum, quod
tum commodè resolutio fiat, ut Medici Galli
quoque experti sunt, hi sumunt acetum cum
sale ammoniaco & aquâ & vapores per infun-
dibulum adscendere cogunt, sicque scirrhum
emolliunt, quod est optimum medicamentum,
hoc etiam *Galenus* animadvertit de usu aceti
in scirrho hepatis, dicitur hic morbus potu ace-
ti juvari, sic quoque *Dioscorides* dicit, quod
cinis sarmentorum aceto solutus lienosis infer-
viat, sic etiam *Plinius* dixit, hi omnes solâ
observatione duce in hanc sententiam deven-
runt; hinc locus scirrhusus bis vel ter de diè
vapori aceti est exponendus, ergo *Hippocrates*
in scirrho semper oxymel, qui fit ex Oxycrato
vel posca, quod fit ex aceto, aquâ & melle &
splenicum Emplastrum semper adhibuit, quod
emplastrum acetum recipit, nam acetum ma-
ximè solvit, minimeque cogulat, sic quoque
visum fuit scirrhos egregiè resolutos vapori
sulphuris, dum facit oleum sulphuris per cam-
panam, ut *Boyleus* notavit in utilitate Philoso-
phie experimentalis.

Vis Mercurii. Chirurgi omnes habent ad scir-
rhum.

rhum Emplastrum de Ranis cum Mercurio, Emplastrum Vigonis, quod constat multis calefacientibus, laxantibus & Mercurio vivo: si haberemus illud chaos *Paracelsi* fortè essemus majores magistri, nam debemus fateri, quod salivatio quidem deobstruat maximè vforum obstructions, sed in folliculis non penetret, sic in strumis glandulosis sæpe non juvat, sed modo diathesin in scirrhum tollit, Mercurius verò vel applicatur cum Emplastro Vigonis, vel si sub forma fumi (ut cinnabaris quod est Mercurius cum sulphure) adhibetur, tum ilico salivationem provocat. Hic quoque Diæta hic plurimum facit, victus sit emollientissimus omni terra carens, vitandum vinum & omnia circulationem augentia, modicè aperientia sunt adhibenda, ut sunt decocta ligni Guajaci, Sassafras, Radicum Bardanæ Salzaparillæ, quinque radicum aperientium, & tum parti fomenta emollientia applicentur, & vapore aceti locus irrorandus, frictiones instituendæ, si tum non resolvatur, scirrhus erit irresolubilis.

2. Si verò maneat scirrhus, tum metus est canceri; hinc, si fieri possit, est eximendus, ne hostis ille peregrinus suum ægrum interficiat; verum scirrhum eximi debere scimus *α.* si non cedit prioribus medicamentis, *β.* si tolli possit; *γ.* si non nimis inveterascit, *δ.* si non hæreat in loco, ubi magna vena vel arteria sita est, ut in glandulis *Warthonianis*, sub quarum profunditate magna vasa hærent, vel in Parotide, cui subjacet vena jugularis, *ε.* si sit mobilis & non profundè radicans, neque à locis vicinis vasa accipiat nec dimittat, & quod membrana glandula ita sit libera, ut laxius movere possit.

possit, ζ. si æger bene valeat, nam si sit senex, tum scirrhus est relinquendus, robur etiam in considerationem venit, an longius vel melius victurus sit æger cum scirrho, an post extirpationem scirrhi, si hæc omnia consonent, scirrhus est extirpandus, quia aliquando furere potest, licet nunc sit mitis, hinc præstat extirpare quam æger in perpetuo metu relinquere;

Ocyus. Aliter inveterascit.

Integrè. Nam semper totus est auferendus, aliter in cancrum abit, si quam minimum relinquatur, scirrhus enim se irritare non patitur; hic verò quadruplex est methodus scirrhum eximendi 1. optima methodus est ferrum, licet ab eo adeo ægri abhorreant 2. combustio vel corrosio, 3. ligatura, 4. compressio.

1. Ligatura convenit, si scirrhus extra corpus ita eminet, estque angusto collo tum ligetur, fiatque constrictio magis ac magis, & sic aufertur, vidi scirrhum à pudendis mulieribus sic ablatum, sed tamen rarò hæc methodus prodest, quia rarò tales excrescentiæ scirrhusæ fiunt, aliter, si unâ vice plane auferri possit, est optima.

2. Combustio quidem convenit in parvis scirrhis externè positis, ergo vix unquam adhibentur, nam si scirrhus sit paulo major, tum vix adhiberi potest, quia si corporis pars aduratur, ilico crusta oritur, quæ crusta tum impedimentum est, ne ustio ulterius fieri possit, nisi fere viva flamma adhibeatur, sic idem censendum est de methodo aliorum, qui applicant oleum sulphuris per campanam, oleum vitrioli, vel causticum Chirurgicum, vel lapidem infernalem, sed hoc quoque non convenit nisi

in parvo scirrho, quia eschara facta totalem erodicationem impossibilem fere reddit, imo & sic sæpe scirrhus in corpore melancholico irritatus cancrum facit.

3. Compressione fit, pars scirrhusa comprimitur intra duo plana, quæ continuè magis magisque adducuntur ad invicem, donec scirrhus moriatur, sed ibi tanta putredo in vicinia oritur, ut morbus scirrho fit peior.

4. Est ferrum, quæ methodus omnium est optima, si parvus sit cancer, integumenta aperiantur, tum filo per ipsum scirrhum educto elevatur & extrorsum ducitur, hac ratione manu vel instrumento quodam à vivo separatus sine ullo vestigio remanente eximitur, ergo optima methodus est ferrum, quæ triplici modo fit.

1. Scirrhus v: g. mammarum furca arreptus à corpore abducitur, & æquali sectione uno ictu abscinditur, hæc methodus dicitur extirpatio, sed hic nil est relinquendum.

2, Enucleandi, hinc methodus convenit, si cutis liberè hæreat supra scirrhum, nec quoque scirrhus internè partibus hæreat, sed undique liber est, tum integumenta supra scirrhum cruciatim sunt diffecanda, & maximè est cavendum, ne membrana scirrhi pertundatur, tum verò, si panniculus adiposus adhuc bonus sit, facilè à scirrho separatur, imo totus scirrhus sine magno dolore eximitur, si verò vel internè vel supernè hæreat, est pessimum, nam operatio tum irrita est, & æger tum est derelinquendus, vel si tum excindatur, cancer fit ab irritato scirrho.

3. Methodus est, ubi integumenta supra scirrhum cruciatim secantur & scirrhus ipse quoque

quoque cruciatim per duas acus filo ceraceo munitas perforatur, per quæ fila tum scirrhus elevatur, hocque modo trahendo longè citius membrana adiposa separatur, tunc locus, qui semper est in membranâ cellulosa, est vacuus, nam in hac membrana semper glandulæ ponuntur, hacque ratione panniculus adiposus erit læsus, & tractandus est ut ulcus, & emollientia sunt applicanda, tum panniculus adiposus iterum concrevit & callosus fit. Notandum verò, quod si magnus scirrhus v: g. mammarum sit extirpandus, quod operatione bene peracta vel æger atrophicus fiat, quia omne nutrimentum in pus vertitur, vel Phyticus, quia pus in sanguinem fertur.

Hic quoque quarta methodus addi posse mihi videtur, nempe ut operator manu mammam prehensens fortiter abstrahat à corpore vel à musculo pectorali, & sic uno tractu abscindatur, hacque ratione dolores à furcâ vel funibus aliter orituri evitantur. Si magnus sit scirrhus ut est scirrhus mammarum, tum sæpe furca bidens intruditur ab inferioribus sursum sub scirrho, vitando tamen muscolum pectoralem suppositum, & tum infra furcam elevatam percinditur uno ictu tota mamma; alii verò hic quoque duas magnas acus adhibent, quibus pertundunt mammam infra scirrhum, sic ut ad quatuor partes filum pendeat, & tum mammam his filis elevatam abscindunt.

3. *Vetus.* Si cum vasis vicinis concreverit, tum est immobilis, ut fit, si diu duraverit per aliquot menses vel annos, tum membranæ scirrhum coërcentes fiunt callosæ, & crassiores, nam membranæ nimis diu distentæ fiunt crassiores.

Colore

Colore. Si color sit cinereus & plumbeus vel livescens, si durus sit instar lapidis, doloresque lancinantes, tum non agit ut scirrhus, sed ut cancer, si sibi permittatur.

Pruritus primum signum est, quod scirrhus irritatus abeat in cancerum hoc pruritus fit, quando nervuli ita distenduntur, ut si magis hoc duraret & augetur, fieret dolor.

Loco. Si v: g. circa inguina hæreat scirrhus, tum extirpari non potest, in Utero non est extirpandus, nisi audax nimis esse velis uti docent *Mauriceaux & Ruyschius in Observatione septima suæ Anatomie.*

Cascochymico. Hoc semper observatur, quod si ex tali corpore scirrhus excindatur, quod tum ilico in alio loco propullulat; hinc tum æger monendus, ne permittat, ut nimis momenta applicentur; hinc in hoc casu non extirpandus, Medicus verò in hoc casus facere debet, ut scirrhus portabilis evadat, hoc fit 1. prohibendo inflammationem & 2. putredinem materiei, ergo nullus cibus, potus, nullaque medicamenta vel frictiones applicanda sunt, quæ motum augent, febremque faciunt.

4. *Anodyna.* Hic certe quædam penitus specifica proposui, sic *Paracelsus* nullam rem magis in hoc casu laudavit quam sperma ceti, ipsi dictum sperniola, sic quoque *Helmentius* laudavit ranas congelatas, quæ in mucaginem transeunt, & simile medicamentum ut prius nempe sperma ceti, hinc quoque optimum Emplastrum præscripti, ubi etiam addi potest cicuta vulgaris venenata.


Saturnina, Omne enim quod ex plumbo præparatur. hic convenit, fiet lamella plumbea flexilis, illaque Mercurio obducatur, tunc applicatur

plicatur locis scirrhis, vel funditur plumbum, additur $\frac{1}{3}$ pars Mercurii, fiat amalgama id permiscetur plumbi dragmis tribus Mercurii dragma una, tum est ductilis quasi ceracea materia, sumitur etiam Emplastrum diapompholygos, additur $\frac{1}{2}$ pars de amalgamate, tum est optimum remedium, nam materiam reddit perspirabilem, & frigefacit id est putrefactionem inhibet, vidi ægros talia gessisse sine damno ad vitæ finem, laudatur etiam Emplastrum de cicuta & similia.

Mercurialia. Si nempe cinnabaris in polli-nem contrita cum cerâ & minio in Emplastrum reducatur, hoc optimè prodest, sic etiam amalga Mercurii quoque cum cerâ in Emplastrum reduci potest; hæc omnia numero quarto recensita ad compescendum motum sunt adhibenda, nunquam verò linteo vel panno quod maximè notandum, hic uti licet, sed coreo alutaceo, quod belgicè *seemleer* dicitur; hinc ad impediendum attritum, ægro est imponendus pannus ingens ex aluta, & hoc sufficiet loco scirrhis, sed tamen cum ægræ quædam medicamenta habere velint, tum adhibentur commendata in *Materia Medica*, quæ omnem acrimoniam tollentia perspirationem provocant, licet fatear, quod hæc non multum faciant.

§ 491. His verò in temperie omnia per victum contrarium emendare & corrigere debemus; Temperies sunt, salina, aquosa, pituitosa, terrestris & biliosa, verum raro scirrhus fit nisi in temperie melancholica, hinc victus oppositus est præscribendus, ut herbæ aperientes Oryngiæ, Ononidis, Radices Scorzoneræ Salzaparillæ, Bardanæ, Rasuræ ligni Guajaci, Mel
semper

semper pro basi; sumantur de hoc decocto unciæ duæ singulo die, & certus sum, quod si dicta bene adhibeantur & observentur, tum æger scirrhum diu ferre possit, sed si modo semel peccat, in periculum canceri semper incurrit.



Cancer.

§ 492. Jam morbum immedicabilem tractamus, habentemque secum omne genus calamitosi, & quis in hoc curando quid præstare posset, ille sibi obstrictum haberet totum genus humanum.

Scirrhus. Nam omnis cancer antea fuit scirrhus, neque memini me unquam vidisse cancerum subtilissimè natum, sed semper à Chronico tardoque morbo habuisse originem.

Ætate. Nam si scirrhus diu maneat, tum semper cancer fit, sic mulieres per multum tempus quidem scirrhum gerunt nempe per quadraginta annos, sed ubi ætate sunt proveciores, tum fit cancer.

Augmento. Sed hic distinguendum, quod Atheroma, Meliceris, Steatoma, Polyposæ concretiones, non cancerum faciant, sed omnis scirrhus cito factus cancerum facit, ut non ita alii tumores, sed veri scirrhi, qui latera vasorum comprimendo faciunt, ut concrecant.

Motu. Scirrhus quò cordi est propinquior & majores arterias habet, eò citius fit cancer,
hinc

hinc scirrhus ad pedes diutissimè ferri potest, ad axillas verò non ita.

Margines verò hic voco, non solum supernè & externè seu etiam internè seu infernè seu concavum à scirrho factum.

Inflammari. Cum in omni corpore utcunque sano possimus procreare inflammationem; hinc scimus, quid sit inflammatio & quid inflammationem faciat, sed dixi scirrhum esse heterogeneum & quasi lapidem in corpore, & esse mortuum cum solâ hac differentiâ, quod habeat adhuc vasa per suum corpus decurrentia, si tum motus augeatur, tum ibi in his vel ad margines oritur scirrhi inflammatio, & pars incipit, rubere, tumere, dolere & livescere. Omnis sanguis acer inflammans valde motus convertit scirrhum in cancerum, si verò æger scirrhum gerens parvam circulationem habeat, hunc diu ferre potest, si verò humores ejus moveantur & ad locum scirrhi determinentur, tum fit cancer; hinc motum augmentia & inflammantia hic maximè sunt vitanda, nam credatis mihi, quod si verus scirrhus hæreat in loco, tum à motu fit cancer, hoc non solum in mammis, sed etiam in omni scirrho & in ipsis intestinis obtinet, sic certus sum, si æger Elixir proprietatis vel sal volatile vel vina fortia & similia motum augmentia assumet, ille convertit scirrhum in cancerum, vidi verum cancerum in intestino ileo. Cancris præsentia ibi scitur, si v: g. homo atrabiliaris conquerratur se ilico pondus sentire in hypochondrio id est gravitatem, nec de dolore primo conquerratur, si verò postea idem æger conquerratur de dolore ventriculi, ut plerumque fieri solet nam si quid hi ægri assument, pessimè se habent

bent, si nil assumant, tum morbus est tolerabilis, hi postea in speciem Atrophiae incidunt; oritur tandem Diarrhæa acerrima fætidissima, ita ut tandem membranas intestinorum simul deponant, hacque ratione misere moriuntur, in cadavere post mortem aperto invenitur hepar vel pancreas vel etiam ventriculus plerumque cancrusus, & sanies ex hoc loco affecto profuens lintea ipsa corrodit, Medici verò in hoc casu audientes ægros conqueri de dolore ventriculi, præscribunt, Aromata, vinum Absynthii, Helenii, & cætera moventia acria medicamenta, imo sæpe purgantia & vomitoria, unde ægri præ dolore furunt, & idem sequitur effectus æque ac frictiones ad cancrum exulceratam externè applicarentur.

Cancer. Hippocrates videtur promiscuè vocasse carcinoma addito vocabulo occulti, sed occultus cancer erat, ut est scirrhus, qui cancer fieri incipit, & cancer erat, qui se jam clarè distinguit à scirrhus, hac ratione cancer distinguitur in apertum cancrum, qui vel in suis pellibus adhuc hæret, vel qui vasis folliculisque exesis latè se diffundit, qui exulceratus dicitur & pessimus. Habui occasionem hunc morbum bene explorandi, cum multi ex amicis meis eo laborarunt, quibus per dies noctesque adfui, ita ut hic expertus loqui possim, & certus sum, quò magis scirrhus incipit inflammari eò malignior est cancer.

§ 493. *Putride.* Canceri, qui non fætent, sunt optimi, uti etiam qui saniem sanam non exulcerantem fundunt, pessimus verò cancer est, qui saniem subtilissimam fundens magnum pruritum doloremque inde lacerantem (belgicè *schryende pyn*) & quasi fulmine os igneas lanu-

rationes facit, tum scirrhus internè putrescere incipit eodem modo, ut si carnes v: g. recentes applicentur loco inflammato per viginti quatuor horas, tum putridissimæ evadunt, sic etiam hic tum simul pruritus oritur, sed si hi egri se scalpant excitati à pruritu, tum summam voluptatem persentiunt, sed væ illis postea, nam tum summus oritur dolor & scirrhus exacerbatur in cancerum, si tum simul factor adsit, & vis erodens, ita ut à sanie lintea consumantur, quali fieret ab aquâ stigeâ. Quò verò hæc omnia pejora, eò cancer pejor; sed hic maximè ad pruritum attendere debemus, qui est *status minimi nervi sic tensi, ut si ulterius tenderetur, tunc dolorem faceret*, nam summa voluptas & dolor maximam affinitatem habent, maxima verò voluptas quam homo sentire potest, est in actu venereo, si verò tum homo diu maneat in attritu & pruritu post spasimum venereum, tum dolor intolerabilis oritur; in hoc verò opere nervi sunt in tali statu ac hic, hinc etiam hi pruritus scalpendo quidem primo summam voluptatem facit, sed transit in dolorem intolerabilem, nam *dolor est illa conditio fibrillæ nervosæ cerebro oriundæ, unde facile solutio continuitatis sequeretur.*

Loco. Vidi in oculo, naso & labiis, sed etiam in interioribus canceri fieri possunt.

Dignitas. à necessitate requisita partis ad vitam, si nempe malum communicetur partibus vitalibus, ut si cancer fiat in glandula *Vesalii*, quæ à parte postica ad æsophagum posita est, tum via alimentis intercluditur, & æger sic acri debet.

Nexarum. Omnis enim cancer, qui solus existit, est tolerabilis, qui verò cum aliis

glandulis communicat, ille est pessimus, ut sunt glandulæ inguinales, subaxillares, Uteri & Mammæ; harum verò glandularum communicatio patet, quia mammæ post menstrua sunt flaccidissimæ, & contra proximè verò ante menses valdè tument, & durescunt, vidique quod matrona mamma una exstirpata, post annum altera, & tandem cancro uteri mortua sit; sic quoque fauces, palatum, os internum, vagina, os uteri, hæ omnes glandulæ inter se communicant, ut Lues Venerea docet, ubi ferè eadem ulcera sunt in iis locis, ergo differt multum, an cancer sit ubi commercium glandularum non est.

Temperies. Omnes ficci macilenti, colore lividi, hæmorrhoidibus obnoxii, si desinant fluere, sic etiam si menses subsistant, dolores splenici & hepatici, melancholici, atrabiliarii imprimis, si senes evadant, nam tum fiunt ficci, siccitas verò & temperies terrestris maximè scirrhum & cancrum faciunt, tumoresque valdè acres & amurcam oleosam colligentes, hi pessimo cancro laborant; in corpore euchymo sæpe obedit medicamentis, sed in atrabulario, sicco, duro, rigido ferè nunquam.

§ 494. *Occultus.* Sic Medici loqui solent, sed potius occultus dici deberet, si occulte se nondum manifestans hæreat, & in primo initio, nam manifestus non est, quin prius occultus fuerit.

Ulcerosus. *Ulcus* dicitur solutio continui in parte molli, cuius latera purulenta dant materiam & tum purulentum, ulcus dicitur vel saniosum tum pejus est vel titillantem ichorem, tum adhuc pejus est, hic verò tota Chirurgia &

& Medicina desiderant medicamentum ad cancerum, ut suppuretur vel in ambitu, ut aliquando in anthracibus fit, vel ut substantia ejus vertatur in pus, & tamen continuum non solvatur, sed proinde dolor nullum datur? quidquid nonnulli ut imprimis chemici jactent, sic habui Medicum Chemicum mihi amicum, ille dicebat se habere medicamentum suppurationem bonam efficiens, sed vidi eum in tribus casibus æquè infelicem fuisse ac ultimum alium Empyricum, sed tamen adhuc curare posse suo medicamento putabat, licet contrarium videret, sic tale medicamentum *Paracelsus* quoque laudat & jactat se mitigare posse acrem materiem ita ut non rodere possit, *Cardanus* etiam tale se habere dicit. Omnes nostræ glandulæ habent in se membranam pinguiosam, quæ cum absumitur; corpus glandulæ antea liberè accrescit corporibus vicinis, & hinc ulceratur cancer.

§ 495. Malignitas canceri definitur 1. à pruritu, 2. à lincinatione 3. à vasis varicosis, 4. à dolore, 5. à putredine & fæore, 6. à præsentia febris hæcticæ.

Scirrhum hoc est causa remota.

Acre. Vel oritur in scirrho putrefacto vel in vasis vicinis, orietur tamen cancer, si aromata seu medicamenta acria ingerantur, vel cibi acres ex aliis vel cæpis & similibus vel vino & spirituosus pipere idem de omnibus alimentis & condimentis, in quibus acrimonia adest, dicendum est; sic etiam acre morbosum scirrhum in cancerum degenerare facit, ut est acrimonia scorbutica seu cacochymica, & sic idem est, si fiat à medicamentis seu victu, seu statu morbofo, vel ab externè applicatis acris;

quod fit, quia scirrhus pedunculos & radices hinc inde dedit, materia interna canceri est immobilis, vixque habet vasa viva, sed simulacrum rumpuntur, viva trahuntur supra semi-mortuum, quod supereminet, hinc vitalia adhuc plus premuntur, unde summa oritur malignitas.

Retentis. Si v: g. quis scirrhum gerat ad inguina vel ad quemcunque locum, si tum fluxus hæmorrhoidum consuetus vel in fæminis menstruus retineatur, tum ex tali scirrho fit cancer; hinc rarò in fæminis fiunt canceri, nisi quando menstrua desinant testantibus *Hippocrate* & *Mauriceau*, idem accidit, si ulla consueta evacuatio modo desinat.

Sterilitas. *Harvæus* in libro de generatione *Animalium* observavit maximam causam sterilitatis esse ipsum scirrhum vel hærentem in ovariiis vel in tubis falloppianis vel Utero. Idem testatur *Mauriceau* in suis observatis.

Cælibatus. Ut in cænobiis (belgicè *kloosters*) fit, ubi Virgines Vestales vivunt, ibi plus fiunt canerosæ quam ullibi, ut audiavi ex quodam Medico, qui sæpe talis virgines tractaverat, sic etiam ex lectione Historiarum Sanctarum patet, plerasque cancro mori, hoc quoque *Marcus Donatus* notat, sed si sæpe pepererint & tractentur eo tempore, quo menstrua subsistunt, tum rarò cancer generatur, licet scirrhus adsit.

Effæta. Tunc temporis sæpe circa ovaria vel tubas vel Uterum oritur scirrhus à varicosis flexibus vasorum, quæ antea deponebant sanguinem, quod jam non magis fit, sed ibi accumulatur, corrumpitur, varicosus fit, & sic in scirrhum & dein in cancerum abit.

Victus austerus. Nam hæc sunt indigestibilia & ple-

plerumque circa glandulas colliguntur; sic si pueri rusticorum comedant grossularia immatura vel poma, pyra vel uvas immaturas, tum accipiunt scirrhus circa mesenterium, & in cute scabiem, si verò homo scirrhum habens hæc assumat, ille mutat scirrhum in cancrum.

Acer. Ut est caro & pisces sale & fumo conditi, sic etiam lardum sale & fumo induratum, sturiones, ova condita in his falsedo oleo condita est & hæc pessima sunt, quia scirrhum ilico in cancrum degenerare faciunt.

Calidus. Licet multi hæc mirè laudent & pro arcano habeant succum pressum de alliis, cæpis, cretam, & similia internè data, sic quidem si levis parvus scirrhusus tumor incipiens adsit, tum suppuratione resolvitur, nam hæc febrem faciunt, pessimè verò agunt, si verus scirrhus; multo magis, si cancer adsit, sic etiam maximè nocet spiritus vini vel spirituosæ vinosæ, vel condimenta.

Tristes. Nam dum adversaria meâ de mea praxi revolvò, video ex decem cancro laborantes novem inæstitiæ esse mortuos, nam tristitia cocta scirrhum facit, videatur *Sanctorius*.

Irritatio. Nam sic homo ex scirrhu in pessimum cancrum delabi potest; hinc cavendum, ne scirrhi irritentur seu per tristitiam vel acris medicamenta.

Motu. Medici multi ad scirrhum benignum frictiones adhibent, ut exploratissimum & optimum remedium, sed si jam degeneraverit in cancrum, tum malum accelerat.

Calore. Si sit ab æstu solis vel igne vel medicamentis vel febre vel à motu corporis; vel

ab alia re idem est, sic enim ex scirrho cancer generatur.

Emolliente. Nam vicina irritant, cancer enim irritari nequit.

Cauticâ. Nonnulli Medici imprimis Chemicæ voluerunt corroderenti materia scirrhus exedere, sed deplorandos inde vidi effectus, si verò parvus sit, ut una vice funditus tolli possit (ut ego semel feci in naso felici cum successu) tum hoc quidem convenit, aliter, si id fieri nequeant, tum vasa modo irritantur, & scirrhus abit in cancerum.

Vesicante. Cantharides enim exacerbant scirrhum, faciuntque cancerum, nam ut internè motum faciunt, sic etiam externè partem elevando in bullam vel causando inflammationem, utraque ratione cancerum producunt.

§ 496. *Locus.* Cancer fit ex scirrho, hinc omnis glandula est locus Canceri.

§ 497. *Ex signis scirrhi.* De externis signis scirrhi nulla est difficultas, nam patent ex definitione, si verò sit internus scirrhus, quomodo cognoscitur? si contusio, inflammatio, suppuratio prægressa, & non bene curata sit, & maneat pondus & anæsthesia, & si tum dein dolor v: g. sub dextro hypochondrio, oriaturque simul flavedo, & si postea simul molestam inertis ponderis gravitatem percipiat æger, tum Medicus scit scirrhum hepatis esse natum, ergo concludere potest hic cancerum esse futurum. Cum ergo omnia signa & causæ scirrhi sint explicata, hinc facile signa canceri seu aucti scirrhi intelliguntur.

Titillatione. Talis uti esse solet in digitis, cum post frigus iterum calent, tum verò pars aceto cum accharo Saturni est inungenda,
hac-

hacque ratione sæpè ille primus canceri impetus eluditur.

Pruritu. His tam grata est perceptio à scalpendo, ut licet per vitam & sanitatem iures ipsas se postea pessimè habituras, tamen abstinere non possunt; verum viscera ut jecur, pancreas lien non pruriunt, sed ibi motus vermicularis quasi seu sensus fornicationis sentitur, at intestina quidem pruriunt.

Calore. A levi tepore in summum calorem transit.

Rubore. Scirrhi rubore incipientes non magis sunt scirrhi vocandi, sed scirrhi maligni seu occulti canceri, nam scirrhus propriè non rubet, sed albus est.

Dolore Lancinante belgicè *steekende pyn*, ægri enim dicunt, est quasi ferrum citissimè ducetur per partem, sed unde hoc? quia semivitalia vasa per cancrum, locumque inertem & destructum decurrunt, sed si eorum vasorum fines affici incipiant, tum convelluntur à nerveo folliculo, hinc hi dolores oriuntur.

Urente. Nam vidi scirrhum in ægro, qui dicebat se talem dolorem habere, quasi pars aqua fervida allueretur, hoc fit per vasa viva mortuis applicata, non verò dico hæc in ipso cancro obtinere, sed in partibus cancro applicatis seu vicinis.

Calore. Omnes hos colores ad atrum usque deprehendi in cancro & hic prout ordine adjectivorum positus est, ea ratione se habet malignitas canceri.

Duritie. Cancer fit adeo durus, ut os, sic exploravi nuper scirrhum in cancrum vergens, qui adeo durus erat ac lapis, non verò duri-

tiei species, sed adeo renitens compressioni erat, hoc èd magis fit, quò cancer est peior.

Apice, talis locus erit eminens, ubi integumenta magis premuntur.

Tumoris. Quò scirrhus vel cancer occultus magis in exulcerationem vergit, èd peior est.

Vasis. Hoc verum est de venis, non ita de arteriis vel vix.

Varicosis. Vasa supra musculos, sub membrana cellulosa distributa fiunt varicosa, quia comprimuntur ab elevato canceri in maiorem planitiem & vix aliquid permittant, sic etiam quæ per scirrhum decurrunt; hinc sanguis profluere non potest, nam verò illæ venæ (ut nonnulli volunt) à cancro sanguinem accipiunt, sic etiam gravidæ mulieres & hydropici venas accipiunt varicosas, compressio enim venarum venas infra compressionem reddit varicosas. Hisce intellectis cancer externus cognoscitur, si verò sit internus, tum hoc patet ex sòlo dolore cum signis scirrhi antecedentibus, sic collatis & comparatis, vidi alicui ictum inferre, unde pancreate contuso, æger sanguinem per alvum deponens dolorem atque febrim accipit, si tum inde non sequatur Icterus, & tamen in dextro hypochondrio ictus sit illatus, tum glandula pancreatis scirrhusa est facta, si nempe nullum signum resolutionis nec suppurationis sit animadversum, si æger peccet in sex rebus non naturalibus, si v: g. ingurgitet vinum ad ebrietatem usque, tum fit cancer, nam inde tum ibi loci dolor sentitur, & accedit febricula hectica, inde concluditur cancer esse natus, nam hic causa cum effectu col-

collata nobis hanc rem detegit; hic verò hæc accuratè sunt observanda, nam cancer est infinitorum morborum pessimorum origo.

§ 461. *Ulceratur.* Noscitur à scirrhi signis & canceri occulti prægressi, & à signis postea § 499. enumerandis.

Pellis. Cancer duplici membranâ coërcente constat (nam omnis glandula duplicem membranam habet) nempe interiori & exteriori, hæ membranæ sunt semper valde nervosæ & fibris muscularibus constant, sed quamdiu in his suis propriis membranis seu pellibus hæret, tamdiu cutis non rumpitur, sed propriis pellibus exesis tum quoque exeditur panniculus adiposus & dein cutis, dicetis forsan rumpi debere à magno tumore assurgente, sed hoc non fit hac enim ratione venter hydropicorum valde extensus non rumpitur.

Transudando. Nunquam vidi ex uno cavo ingentem liquidi copiam profluxisse, sed quasi per spongia ex multis parvis punctis transudat, non verò ex uno rivo materia derivatur & colligitur, si verò ex uno rivo in unum acervum colligeretur materia, tum spes curæ esset.

§ 499. *Progressus.* Hæc sequentia non sine commiseratione vidi & conscripsi cum cura in amicis quibusdam charissimis notata.

Attrita. Cancer enim est corpus semi-mortuum & semi-vivum, nam vasa adhuc viva per hoc durum corpus transmittuntur, unde resistentia major fit, hinc atteruntur & deteruntur; hæc verò non possunt supputari nec resolvi, quia à canceri corpore impeditur, & quia vasa contra cancerum atteruntur eodem modo quasi rostrum applicaretur, nam idem est effectus,

an rostrum motum manui admoveatur, unde vasa atteruntur.

Tumore. Materies cancri licet suppurari nequeat, ab inflammatione tamen vicinarum partium tumescere potest; hinc omni momento rumpuntur quædam fibræ, nullæ suppurantur, & perfectè idem fit motus ac si quis omni momento cum tenaculo ferreo minimas fibras perpetuò divelleret.

Rumpuntur non tantum parva vasa sed etiam magna, sic vidi sub axillis glandulam cancerosam factam, unde arteria axillaris exedebatur; hinc non modo parva vasa sed etiam magna exeduntur.

Putredo. Cur verò totus cancer in putridum convertitur, non verò in ulcus & gangrænam, nam vix ingredi poteris in locum, ubi cancer aperitur, quin cadaverosum haurias fætorem? hoc fit vel quia nullum pus homogeneum & mortuum hæret ad semi-vivum vel quia vasa viva humores quidem recipiunt, sed ibi humores stagnare coguntur, hinc putredo generatur, cum impetus vi in cancrum urgeat, & sic vasa minutissima aliter circa cancrum evadunt maxima, ita ut suppurari non possint, sed his ex-fis Hæmorrhagia sæpe lethalis oritur, Medici cancrum convertere non possunt in pus vel quia pars maximè obstructa in cancro hæret extra legem circulationis, cum verò nulla sit suppuratio nisi per vim vitæ, hinc non potest fieri in locis extra circulationem, vel quia vasa per cancri corpus percurrentia sunt minutissima, sed circa cancrum maxima, si hæc sensim exedantur, tum stillant saniem, quæ est adeo acris, ut lintea exedat quasi ab igne esset ambusta. Nonnulli; voluerunt cancrum

ge-

generari ex semine, sed puto, quod in latebro-
so corpore canceri stagnans humor fiat planè
putridus, nam sic in hæc Urbe in fossa *de*
Vliet dicta erat Vir, qui triduum urinam reti-
nuerat, & cum emittebatur per cateterem,
Chirurgus ab hoc fætoze ferè in animi deli-
quium cecedit, & se inde male habuit valde
raucus & fere peripneumonicus.

Ambientia rodens illud nervosum, quod est
in cancro, & quod per illum decurrit, est ad-
huc vivum, etiamsi cæteræ canceri partes sint
corruptæ & mortuæ, unde lenta erosio, quæ
fit in illis nervulis, tantos creat dolores.

Progressus in ambitum. Nam quantum vi-
dere potui, cancer non serpit, sed coërcetur
suâ membranâ, quæ decuplo crassior fit, sed
putredo tamen hanc membranam exedit, &
tum fit cancer exulceratus, protuberat & hoc
modo in ambitum progreditur, nam ab exte-
rioribus sanies transudat, sic etiam in omni
ambitu.

Radices. Nam cancer exulceratus æquè in-
fernè aperiri potest quam supernè, & sic saniosa
acrisque materia per interstitia vicina pergere &
quasi radices formare potest. Cancer quidem
proprie nullas radices mittit, sed scitis, quod
vas vivum transeat per cancrum, hoc compri-
mitur, & humor in eo vase stagnat, tum
hoc vas æquè malignum fit ac ipse cancer,
nam communicat cum cancro, sic ut sit quasi
radix canceri; hinc est dimittere radices, quan-
do glandula extensa intra suam membranam
protuberat multum, tum hac disrupta cancer
adhæret cum vivis.

Labia tumida. Nam Chirurgi notarunt,
quod pelliculæ tenuissimæ à materiâ quadam

distentæ fiant crassissimæ, sic in Atheromate capitis una cellula membranæ cellulosæ in semidigiti crassitiem expandi potest, sic etiam Uterus in gravidis, sic quoque vesica urinaria calculo infarcta pollicem crassa fit, sic etiam omnis folliculus distentus à materiâ inerti solet crassescere, venæ & arteriæ etiam hoc modo coalescentes crassescunt; hinc ergo cum vis vitæ urgeat in cancerum exulceratum, tum verò ubique invenit resistantiam, nisi ubi apertus est, hinc ibi extrorsum premitur, & magis magisque protuberat supra integumenta & cutim, cutis verò resistens coercetur, ita ut superius pars protuberans explicetur, inferius arctetur, & sic quasi caput & collum formet.

Retorrida. Solus Cancer habet retorrida labia, nulla verò alia ulcera, hinc quidquid habet labia retorrida participat de natura canceri, quia cancer se nper tumet, non cedit membrana cellulosa & cutis à parte inferiori dilaceratur & rumpitur, & tum antea diu dolens in altitudinem sat magnam protuberat, hinc, cum rumpitur, labia incurvantur, quia vasa pressa faciunt exire cancerum eo loci, ubi cute non tegitur, sed liber est.

Dolor. Quia omnes nervi, hic non ilico sed lentè disrumpuntur, dilacerantur, consumuntur & tandem moriuntur, & accedit ad dolorem magis promovendum sanies rodens & urens, & hoc prohiberi nequid, nam si exsiccantia imponantur, fit eschara, tum sanies internè facit atrocissimum dolorem, hinc tum eschara est tollenda, sic etiam si emplastrum vel unguentum imponatur, tum sanies in loco (ut prius) coercetur, eadem omnia fiunt, si aqua imposita exsiccatur, tum quoque sub crusta urens.

arens dolor sentitur; hinc ille doloris sensus manet ad mortem usque.

Color cineritius. Tum adhuc levissimus est cancer. *Lividus* pejor & *ater* pessimus.

Canceri occulti. Nullus cancer in loco glanduloso hæret, quin communicet cum aliis glandulis, sic cancer mammarum communicat cum glandulis subaxillaribus & uteri glandulis inter se, & si cancrum in dextra mamma existipetur, plerumque sub dextra axilla iterum propullulat; si mulier habeat cancrum in mamma, jam habebit in inguinibus, ultimo etiam in utero, vidi sæpius cancrum in mammis sed nunquam talem, quam in pago Norvici, mamma erat humano capite major tota cancrofa, ut Saxum dura, axillæ modo fiebant cancrofæ, toto tandem corpore sicco & arteriis axillaribus nudis peresis magno suo bono placidissimè è vita decessit. In utroque sexu pancreas glandulæ intestinales & mesenterii inter se communicantur.

Hæmorrhagiæ. Hæ sunt valde frequentes, ut in labiis, mammis, & utero sæpe vidi, nam quibus oriuntur maligni dolores, hi Hæmorrhagiam accipiunt. *Mauriceau* notat, quod iis, quibus in effæta ætate dolor circa lumbos oritur, uterus sit cancrofus, & hæ plerumque Hæmorrhagiâ mori solent, vidi cancrum mammarum, qui omnia ad inguina usque consumpserat, & etiam axillam eroderat, ut ægro postea Hæmorrhagia fuerit mortua, hic cancer vocatur haimatodes belgicè *de bloedende kanker*, germanicè *de blutende krebs* quod verò semper fit, quia vicinæ arteriæ eroduntur; mulieres etiam his hæmorrhagiis afficiuntur ex cancro uteri, & sanguinem plerumque fundunt, quan-

do dolore perferre incipiunt, si verò illum dolorem aliquamdiu pacare possunt Medici, tum hæc Hæmorrhagia aliquamdiu subsistit, sed recrudescente malo iterum fluit sanguis, & tandem moriuntur, apertoque cadavere invenitur carcinoma in utero.

Convulsiones à nervis irritatis, nam à nervis consumptis nunquam convulsio oritur, sed phtysis.

Febris lenta. Quia sanies communicatur toti corpori, & sic nemo cancro laborat, quin habeat febrem hecticam, & semper ea febre moriuntur, sicque prius plane consumuntur, nisi Hæmorrhagia lethalis superveniat.

Extenuatio totius id est *μαργινός* Græcorum.

Ανοσμός. Ab *ἀ* privativo & *νοσμός* affectus quasi ablatio olfactus, nemo enim perit cancro, quamdiu olfacere potest, quia nares perpetuò à factore sibi semper præsentē eroduntur, ut tandem totum systema nervosum & nervorum olfactoriorum sensus sit abolitus, & tum mors sequitur, ut *Hippocrates* notat,

Indolentes in aure callo. Nam ibi parvæ glandulæ positæ sunt, quæ scirrhescere incipientes auris meatum occludunt, & quæ sunt tubera lenta non dolentia, quasi uvæ Corinthiacæ, tum ex his fiunt canceri vel calli, hacque ratione auditus perit, notatque cancerum glandulis per totum corpus communicari.

Lipothymia à doloribus, pervigiliis & Hæmorrhagiis, quæ verò hic de externo dixi, hæc de interno æquè vera sunt, nam sic vidi ægros coquerentes de dolore stomachi & intestinorum, qui canceri laborabant.

Tabes oritur, quia pus resorbetur in venas, unde

unde febris hectica & Phtyſis. Hinc intelligitur nunc quam horrendum ſit malum, ſi in interioribus v: g. in pancreate oriatur, tum ſigna ſunt oris fætor, tumor cum febre poſt paſtum & potum, exaſperata cum diris cruciatibus, fæces alvinæ non coctæ duræ cum fætoſo ſanioſo.

§ 500. In *Euchymis* id eſt humores bonos habentibus cancer occultus diu tolerari poteſt, ſicque vidi canculos per plurimos annos geſtatos, ſi modò actiones animales & vitales non maximè moveantur, & omnia motum circulatorium nimis augmentia caveantur; ſed Medicus hunc morbum ut calculum in renibus tractare debet, nempe emolliendo & laxando, ergo non adhibeantur calida illa quæ vulgus ſpecifica credit, ut ſuccus allii & ſimilia, nam inde ita exacerbatur cancer, ut inde mors ſequatur, ut vidi in puella nobili, cui in villa vulgò *Leo* dicta hoc accidit.

Occulti ita ut nondum malignitatem induxerit, ſed modo diſpoſitus ſit ad malignitatem, ita ut indureſcere incipiat, tum confideramus, an corpus ſit *euchymum* vel *cacochymicum*.

§ 501. Jam quæritur, an cancer extirpari poſſit? hæc quæſtio diu inter Medicos agitata eſt. tum in hanc, tum in illam devenerunt ſententiam, ſed puto nos hic, ut hæc quæſtio ſolvatur, cancrum dividi debere in duo genera, 1. in canculos, qui tutè extirpari poſſunt & debent, 2. quæ non extirpari debent, & quæ extirpando pejora evadunt, & ſic quæſtio eſt, an æger cancro præſente vel cancro abſente diutius & melius vivere poſſit, non verò, an extirpari poſſit, sæpe enim quidè extirpari poteſt,

Potest, sed inde in multum pejorem statum incidit æger, jam verò videamus cancrum, qui extirpari potest & debet, hujus hic perfectos characteres dabo, unde Medicus distinguere possit à cancro non extirpando per characteres ex veris præceptis artis, & rationis, non verò operator suæ arti indulgere debet, nec etiam suæ crumenæ implendigratia hanc operationem suscipere, hi enim artem nobilem exitialem faciunt.

Parvus qui non in immensam molem excrevit, ut æger mori possit à cicatrice, nam homines perire possunt à detracta cute per amplum locum, quia tantum fit puris generatio, succusque nutritius consumitur, cutis verò quidem recrescere potest, si aliquid vicem cutis suppleat, sed ubi ad cicatricem perducitur, ut fieri solet, tum fit Atrophia & mors, quia hæc secretio nimis cito impeditur, vel puris jam magna copia generatur, quod pus abit in sanguinem, & toto sanguine depravato æger postea moritur.

Incipiens qui non diutius quam per annum duravit, quò verò recentior, eò melior.

Liber, qui nondum vasa vicina malignitate infecit, qui nondum vasa varicosa nec dura reddidit, hæc verò cognoscitur, si cancer digitis æquè sursum quam deorsum, æquè ad unum quam ad alterum latus elevari & moveri liberè possit; hinc tentandum est, an possit cutis elevari sursum reliquo corpore mammæ non sequente. dein movemus hinc inde in omnibus sitibus corporis & jubemus, ut pectoralis musculus valide moveatur ad noscendum, an valide adhæreat, nec ne, & ægra se curvam.

curvam teneat, modo rectam modo corpore incurvo ad latus pronam.

Loco. Nam cancer uterī nec pancreatis excindi non potest.

Vasis. In quo non nimis magna vasa adsunt, nec metus est hæmorrhagiæ ut & ad mammas, ubi non sunt magna vasa, sed sæpe fiunt canceri ad axillas, qui plerumque venis axillaribus vel internis vel externis accrescunt, sed etiam ad inguinales & glandulas Warthonianas & parotides, ibi sæpe canceri vasis maximis accrescunt, & ab his abstinendum est canceris. Sic meminime audivisse ex Chirurgo sat perito, qui cancerum ad glandulas Warthonianas extirpare tentaverat, & cum jam elevaverat, vidit jugularem venam simul elevari, quam tamen prudenter separavit, eratque ipse tum, ut dicebat, quasi in metu mortis esset, dixitque se nunquam velle tale quid iterum experiri; nam illa vena pertusa sanguis sisti nequit, quia tam alte ex cranio descendit.

A causâ externâ. Omnis cancer est à scirrhus, si verò ille scirrhus ortus sit à causâ externâ ut à contusione, lapsu, apostemate, externâ inflammatione tum extirpari licet & debet, si corpus non sit cacochymicum.

Juvenili. Juvenile corpus vocamus, quod lege naturæ adhuc diu vivere potest, si verò corpus senile sit vix ultra annum v: g. vivere potens, tum cancer est relinquendus.

Sanoque. Hoc scitur, si nulla febre hectica laboret, si sitis non adsit, nec atrophia.

Solus. Periti Chirurgi antequam operationem suscipiant, solent v: g. si sit in unâ mamina, alteram quoque examinare, & tum quoque sub axillas ad mammæ cancrois latus dein quoque

quoque ad alterum latus, & si ibi nil inveniant, tum rogant, numne aliquando dolores circa locum ovariorum vel uterum habuerint, & numne aliquando magnum pruritum circa uterum & vaginam senserint, an quandoque subito hæmorrhagias uterinas passæ sunt. Si omnes hæ conditiones supradiçtæ adsint, tum cancer est exstirpandus.

§ 502. His ita ut § 501. dictum repertis nullo medicamento nisi ferrum est applicandum, nam si alia applicentur, semper malum augent, ut semper observavi, nam cancer habet hærentem materiem originalem in folliculis, & per hanc duram substantiam nervi & vasa percurrunt, nec suppuratio fieri potest, quia vasa non deteruntur in suo extremo, sed in medio quasi, & hinc suppuratio requisita non succedit, si verò talia medicamenta applicentur, tum movetur materia, ergo iter in cancrum acceleratur, tumorque augeatur, fitque inflammatio circa labia; hinc puto me non satis monere posse & vobis suadere, ut ab his in hoc casu abstineatis, nam considerari potest, ac si crusta parva vitri inter digitos hærentis esset, quæ si moveatur, partes destruit sic & hic.

§ 503. Videamus jam, qui cancer non est exstirpandus, hic verò æquè peccatur, si exstirpetur, quam si non exstirpetur, ubi præcedentia signa § 501. adsunt.

Magnus. Raro habetur, quin non etiam alia loca affecta sint, & tum semper quoque febris hæctica adest.

Vetus. Quamdiu hæsit, durus est, & radices egit.

Adhærens radicibus, qui radices sunt inflexilia

xilia & callosa vasa vitalia dispersa per cancrum. Sic vidi cancrum in corpore muliebri & senili in mammis, quod fere senio & macilentia erat consumptum, sed tamen protuberabat cancer à cartilaginibus costarum, eratque durus instar lapidis.

Vasis. Nam si vasis adhæreat, tum non scis qualibus vasis, nam sæpe magna vasa se in cancrum inſnuant eodem modo ut vena cava in jecur, ut observatores notarunt, sic etiam notatum est antea hæc in cancrum & per cancrum percurrisse.

A causâ internâ, quid tum juvat? Nam si radicitus tolli non possit, tum nil juvat, hic verò radices per totum corpus disseminatæ sunt, quæ hic fistulam & caminum quasi fecerunt, & hinc si tum exstirpetur cancer, ilico alium locum occupant adhuc pejorem cancri.

Cacochymico. Ob eandem causam.

Ad cancrum composito. A macilento sene, à melancholico, morbis prægressis, ut Hæmorrhagiis uterinis, vel Hæmorrhoidibus hoc judicatur,

Aliis cancris. Hoc multi norunt, & sic quoque duos casus in nobilibus matronæ hujus reipublicæ vidi, uni cancer erat in mamma, hæc fæmina hic *Lugduni-Batavorum* venit ad exstirpationem sustinendam, sed re examinatâ etiam cancer deprehendebatur in alterâ mammâ; hinc exstirpatio ei fuit dissuasâ, sed tamem eam fieri voluit; hinc hæc feliciter quidem facta & sanata est, sed altero anno iterum ad curandam exstirpationem alterius mammæ rediit, & tum quoque licet dissuasum fuerit, exstirpationem fieri voluit, sed tum dein cancrum ad axillas & uterum accepit, qui multo atrocior erat,

erat, hoc verò fit, quia ille locus antea erat dispositus, jam clauditur, hinc ad alium locum pergens exacerbatur.

§ 604. *Radice.* Radices voco vasa, quæ per involuera cranii pergunt, quæ si jam varicosa vel scirrhusa facta sint, ut fieri solet, tum ab extirpatione est abstinendum.

Semen voco diathesin cacochymicam intra humores latentem, quæ facit cancerum, si veniat ad loca glandulosa, tum verò ab eo est abstinendum; deinde semen est tristitia, humor acris, tenuis.

Ad interiora. Nam cancer est caminus, per quem materies cancrofa effluit, sed extirpato & clauso dein vulnere retropellitur hæc materies cacochymica cancrofa, & vadit ad axillas, uterum aut alia loca.

Auget. Hoc vidi in fæmina, cui tota mamma erat cancrofa, simulque tuberculum in axillis instar ciceris quod excisa mamma paucis septimanis pugnum superabat, id semper fit, si bini sint cancri, ut simul in mammâ & axillis.

§ 505. *Causa.* Nam si cancer sit extirpandus, tum radices & semina integrè una vice sunt tollenda.

Uteri. In his enim locis hæret talis extensio membranosa, quæ quoque vicem periostei fungitur, & hic vasa magna vicina adsunt: frequentissimè mulieribus accidit, desinentibus menstruis, quod magni dolores in utero oriantur, tum diu menstrua retinent, tantum profluvium sit ingens cum dolore magno, quibus iteratis sit cancer vide *Mauriceau*, qui cancer non est attingendus; *Harvæus* narrat exemplum mulieris maligno scirrhuso laborantis & uterum

ita obsidentis, ut ore uteri aperto sanies & fautor exirent, tum suo consilio solutione vitrioli injectâ cruor subsistit, sed cancro internè maligno facto cum diris symptomatibus mortua est ægra, & cum aperiretur cadaver omnia internè cancrōsa sunt reperta.

Faucium. Glandulæ ibi positæ scirrhosæ factæ sæpe ita cancreſcunt, ut nares & fauces occludantur, hi cancri non sunt attingendi propter arterias ibi positas & nervos vicinos, hinc nil aliud quam mors est optandum.

Palati. Hic cancri etiam insanabiles sunt ob arterias vicinas & perpetuum motum.

Labiorum. Hic cancer à levi causa oriri potest, dum nempe sub dentibus particula labii comprimitur, in quo tale tuberculum seu glandula hæret, tum ibi fit scirrhus, & si tum ille inflammatus cancreſcat, & æger non permittat exstirpationem vel ope caustici vel lapidis infernalis, vel spiritus salis marini vel cultri, quod optimum est, sed si relinquatur, tum totum labium & vicina exeduntur, & exstirpatio tum fieri nequit hinc æger est moriendus, ergo in hoc casu exstirpatio ilico est suadenda, nam si malum multum proſerpens occupaverit totam partem inferiorem maxillæ (ut vidi) tum vix curari poterit ob difficultatem exstirpationis sine vitæ dispendio, & hoc eò magis quò in longum & latum se extenderit, ut vidi in rustico, qui habebat totum labium inferius ad mentum usque & ad latera cancrōsum.

§ 506 Nam derelinquendus est æger, vitam degit miseram; hinc modo lenienda sunt symptomata, in hoc casu alia est optima, sed si inceperit exulcerari, tum solum Emplastrum Diapompholigos cum Saturninis.

§ 507. *Quies.* Nam non improprie cancerum considerare possumus, quasi globum ferreum hamis & uncis horridum in parte molli profundè intrusum, ita ut excindi non possit, nisi vulnus fiat nimis profundum, vasaque magna lædens, ita ut modò studere debeamus, ut impetus vitæ non nimis in hoc obstaculum irruat, uti etiam hic, nam cancer est corpus iners, nil agit, nisi impetus vitæ in eam irruat, nam antequam homo moritur vel vita succumbente canceri symptomata desinunt. Hic verò ad omnia animadvertendum, nam fæminæ corpus constringere solent per vestes strictas loricas ex barbis balenæ, quod est pessimum, si cancer mammarum vel scirrhus adsit, sed tum corium alutaceum mollissimum ex pelle agnina, cervina vel vitulina laxè circa corpus gerere debent. Hic intelligo quietem in corpore ipsius canceri & in omnibus vasis vicinis.

1. *Locum.* Ab omni califaciente, humectante, exsiccante & erodente præservetur, hoc fit per plumbeatum narcoticum more Veterum, nam Veteres in his fuerunt prudentes, hoc fit per Emplastrum § 490. N. 1. descriptum etiam cicuta hic divinum est remedium. Hæc tantummodo hic conveniunt, quæ compescunt & demulcent, hic verò eligere soleo corium alutaceum belgicè *seemleer* uti dixi sed tamen omne Emplastrum effundit vapores, hacque ratione cancerum emollit & irritat; optimum tamen emplastrum, si quid applicari debeat, fit ex plumbagine exceptâ solâ cerâ, ut sit Emplastrum defensivum Cæruleum, ceratum additur aliquid Opii aut croci, obducitur locus tegendus paucis siccis linteis.

2. Blandissima purgantia sunt sequentia, Agarius

garicus hic maximè laudatur uti Manna, Cassia, Rhabarbarum, Folia Sennæ, Aloës, Scammonium, Resina Jalalappæ, lenia subacida, Tamarindi, Pruna acido-dulcia, Damascena, ex his fiunt lenia purgantia per epicrasin, hæc omnia sunt optima, sed parvâ dosi sunt adhibenda, nam magnâ movent & mala sunt.

Mercurialia. Ita ut non perturbent corpus, sed ut modo leniter liquefaciunt humores ut sunt Mercurius dulcis Æthiops mineralis, ex his sumitur parva dosi semel vel bis unâ septimanâ ut leniter evacuetur materies atrabilia, hacque ratione obsecundamus naturæ.

3. Hæc in *Materia Medica* recensui, quæ omnia tutò adhiberi possunt, nunc unum nunc alterum, ne æger ab uno abhorreat; hæc sunt mollissima. Optimum diluens est aqua, tunc decocta cum lactuca optima sunt, vel Cichoreum, floris Papaveris Rhæados (ob famam vulgò belgicè *kankerbloemen*) Scorzonera, Tragopogon, Taraxicum, Endivia, Sonchus, Fumaria, Sambucus, hæc omnia sunt optima instar Thèe singulo mane jejuno ventriculo adhibita. Nitrum Antimoniatum Diaphoreticum exploratissimum habeo, quod est blandissimum absorbens, non verò promitto curationem quam nunquam vidi, vel adhibetur decoctum aliquod lenitivum & paulo exsiccans. v: g. tale

℞. Ligni Guajac.

————— Sassafr.

Stipit. Dulcamar. ana ʒij.

Rad. Polypod. querc.

————— Cichor.

————— Sisari ana ʒj.

Aga-

Agaric. levis ℥iij.

Herb. Borrag.

—— Natturtii aquat. ana mj.

Liquirit. rāsæ ℥ij.

Consciss. & contuss. infundantur in
 Aq. Pluvia per noctem altera mane
 Coq. per horæ demidium leniter colati
 Decocti bibantur singulis diebus per inter-
 valla uncia quatuor.

4. Hinc cibus, victus, potus medicamenta adeo temperata esse debent, ut inde motus majores minime fiant, nequidem Theriacalia conveniunt, sed vitentur, ut etiam cibi fumo & sale conditi, pinguedo piscis & porcorum, allium, piper, caveant denique ægri ab animi affectibus æstu valido solis, foci, hypocausti, motu rhedæ, equi, ambulatione, saltatione, animique affectibus. Vidimus ergo, quod Medicus suis consiliis cancrum reddere possit tolerabilem, hoc verò sic fieri debet, ut æger non peccet in assumptione cibi, potus, medicamenti, & ne se nimis moveat vel motum mechanicum applicat, vitat vigilias, & hoc modo se caveat quam maximè ab illis, qui majorem motum faciunt, sed utatur in sex rebus non naturalibus moderamine optimo, tum cancer ut corpus mortuum diu tolerari potest, si verò à motu irritetur, ilico recrudescit, inde vitanda sunt omnia acida, salia alcalina, volatilia, aromata, hic verò in magnum periculum incurrunt, si peccent in uno, nam fere semper ilico luere debent pœnam ad mortem usque, sic vidi cancrum per multos annos gestatum exacerbatum esse ab irâ, sic quoque vidi
 occul-

occultum cancerum pancreatis ab ebrietate se manifestasse, & sic mortem intulisse.

§ 508. *Symptomata* maximè minuuntur, si jus carniū recentium sine sale assumatur, nempe jus carnis vitulinæ cum paucō succo citri, hoc mirè dolores lenit, oleum Amygdalarum Dulcium ter quaterve de die ad unciā unā conducit, potus aquæ est optimus, & si aliud addetur, ægro non prodest, sed obest, sic si v: g. hordeum adsit, tum nocet; optimum medicamentum est cicuta venenata, cui recens in pulpam contusæ addatur pauxillum aluminis, nitri aut spermatis ranarum (si adsit) fiat cataplasma, & apponatur loco tumenti, quod dolorem compescit Opiata non emendant, sed compescunt dolores, & sic tollunt motum à dolore aliter futurum, quare ergo denegarem hoc remedium, tamen non nocet, & facilè dari possunt vesperi, si non quiescant, nam si evigilent, tum febricitant, calescunt, & hac ratione exasperatur Cancer, si verò hæc omnia ita fiant, tum morbus levatur.

§ 509. Agitur hic de cancro verò, ichor verò hic tam acris est, ut ferè una decumbentes sufficiat. Quid verò extrinsecus applicandum? Nam si pingua applicentur, tum in loco affecto planè occludis poros, ut nil exhalare possit, si aliud Emplastrum, tum facit exhalationem & balneum in loco, si aquam applicem, tum emollio & moveo, hinc melius erit nil applicare; verum si ægri velint aliquid applicari, tum sumi potest lene Oxycraton cum foliis Hyoscyami, Papaveris Hortensis, Rhæalos, & tale fomentum per paucū tempus modo applicetur, sed tamen ilico, si dolor ab-

fit, auferendum est. Verus cancer ubi jam exacerbavit, tum protuberat in magnum tumorem & apicem facit, & sic primò penetrat per cutim, & tum per hanc aperturam instar spongiæ seu fungi excrefcit, ita ut collum faciat, & eminens pars extra foramen crassescit instar spongiæ, quæ per parvum foramen usque ad dimidium pressa protuberat, & à parietibus foraminis comprimitur, hacque ratione facit collum, & tum fundit lacrymas, quæ lacrymæ sunt ichor tenuissimus; Chirurghi hos ægros tractantes dicunt, si nil applicetur, fit eschara, nam locus exsiccat, & cito tum cancer progreditur, si solæ lintea applicentur, hæc quidem ichorem absorbentia imbibunt, sed postea concrefcunt cum cancro, & dilacerando avelli debent, & sic sæpe brevi imo intra triduum moriuntur, oleum verò hic quidem minime licet applicari, quod aliter à siccitate & aëre defendit, ut statim dixi, qui perspirationem impedit, si enim Emplastrum applicetur, tum fit tanto peior, sed quid tandem adhibendum est, cum tamen aliquid sit applicandum? re bene examinata & experta inveni quosdam liquores, qui forma fomenti applicari possunt, nam si penitus relinquatur, tum exsiccat, hinc hoc fomentum hic in *Materia Medica* descriptum applicari potest, sed nil olei est addendum, quia obstitat, hinc deligatio hujus fomenti sæpius repetenda vel renovanda omni bihorio ope plumaceoli in hoc fomento intincti. Cancer non deligetur in loco frigido nec nimis calido, quò sæpius mundetur, eò melius est, id tantum fiat absorbendo belgicè *met pluksel*, nam ichor est tam acris, ut rodat viva; hinc cautissimè mundandus est cancer sine ad-

admissu multo aëris. Nullum Unguentum nec Emplastrum est applicandum nisi necessitas urgeat, sed applicari possunt plumbata cum aceto, nam hæc si cum aqua concutiantur, faciunt saponem, hoc verò hic commendo, quia (ut dixi) omnia plumbata in scirrho non conveniunt, nam in plumbo multa acria mitescunt, sic aqua fortis redditur dulcis in plumbo, sic & acetum dulce fit, hinc hic sumo acetum Lythargyrii cum oleo rosaceo, hocque applicatum non cito exsiccatur, unguentum Nutritum ex Lythargyrio est hic omnium mitissimum, quod tali modo est præparandum scilicet coquitur acetum supra minium, cerusam vel lythargyrium, donec liquor sit æquè dulcis ac saccharum Saturni, hoc conteratur in oleo rosarum tamdiu, donec fiat balsamus, tum imponatur ad partem, donec non amplius pars exsiccet, addendum est ad dolorem sotiendum ipsum Opium; denique non est detergendus, sed leniter abstergendus cancer.

§ 510. De exstirpatione egi. si cancer paulo major & ingens cicatrix requiratur, tum cancer est exstirpandus, si verò requiratur exstirpatio, tum primo antequam operatio fiat, victus debet esse tenuis, neque motum excitans, medicamenta debent esse omnia causæ contraria, & animi affectus sunt vitandi quam maxime, detur ægro ius carniū oleum amygdalarum dulcium. hæc dicta aliquot diebus ante exstirpationem præcedere debent, non verò operatio est instituenda, antequam hæc dicta fuerint prægressa; vires refocillantur vino rhénano cum succo citri & saccharo. Hic verò hæmorrhagia non est metuenda, nam si cautè exstirpatio à Medico conclusa sit, tum vasa

magna non habet, ut sunt v: g. mammae, nisi cum cancer diutius hæserit, & vasa varicosa fecerit; verum quia æger absque ea nempe Hæmorrhagia deficit in operatione; hinc corpus prius bene replendum & nutriendum est, ut bonis succis turgeat.

2. Hujus rationem dedi, ubi de scirrho egi. Sed postquam cancer ablati est, tum pus se per totum corpus diffundere potest; hinc operatione bene peracta Chirurgus quidem suum officium facit, sed Medicus debet semen tollere, hinc omnia præcedentia in usum sunt vocanda, postea debemus cogitare ingentem suppurationem futuram, nam si ingens fiat cicatrix, tum magna suppuratio est expectanda, v: g. si mamma exstirpetur, tum cavendum est, ne pus sanguinem ingrediatur.

Attollendo & protrahendo, ita ut inter muscolum pectoralem mamma abscindi possit, & id quidem in medio, ita ut panniculus adiposus per medium scindatur, nam pessimum est, si musculus lædatur, hinc in macilentis operatio non est instituenda. Quamdiu cancer non adhæret, nec habet radices, tunc ambitur internè à membranâ pinguedinosâ, hinc cum hæc non sentiat, tum tractari potest ferè sine dolore, modo caveantur muscoli subcutanei; fuit mulier, quæ volens sancta videri, cum esset valde obesa, panniculum adiposum aciculis & ferramentis sibi trajecit & hoc ferè sine ullo dolore, quod quidem verè contigit.

3. *Rara*. Si enim nimis frequenter detegatur, raro curatur, si verò non satis depurgetur, tum pus per venas absorptum sanguinem ingreditur, & hinc videndum est, an multum vel parum puris fundit, & pro ratione hujus quantitatis tem-

tempus deligationis definitur. Decocta, Bardanae, Cichorei &c. largiter sunt potanda, ut pus ex suppuratione factum, in sanguinem reſorotum & facturum Phthyſin (ut vulgo accidit) è ſanguine abluatur, cavendum etiam eſt, ne nimis luxuriet caro & nimium fiat pus; hinc adhibenda ſunt tantum plumaceola cum pulveribus Olibani, Maſticheſ, &c. non tantum baſſamus arcæi & ſimilia, quæ facerent magnam ſuppurationem.


Cruore vicino. Nam melius eſt aliquantulum cruoris exire, quam ilico per antimoniatâ ſtiptica ſiſti.

§ 511. Hoc bene annotandum eſt, nam ex decem ægris, in quibus hæc operatio inſtituta eſt, quidem novem ſunt, in quibus iterum propullulat; hinc omnia dicta adhuc continuanda ſunt, purgationes lenes aliquando dandæ & ſtibiata adhibenda ſunt, deinde æger ſe caveat à motu violento, nam forte ſemina adhuc ſunt in corpore vel humore.

Victu. In ſex rebus non naturalibus nullus error committendus idque per integrum annum, nam calamitoſum eſſet ægro & Medico, quod cum æger tantam carnificinam ſuſtinuerit, iterum malum de novo oriatur, vidi in hoc caſu optimè conducere diætâ lacteam, & ſi verò æger ob ventriculi debilitatem ferre non poſſit, tum ſumat quandoque aliquid ſaponis veneti, & ſic ventriculus roboratur. Hæc omnia bene ſunt obſervanda & intelligenda, nam dum praxin exercemus, tum quotidianus ægrorum planctus eſt, dicentes ſe dolore intollerabili ventriculi laborare, & dicunt, ſi non edere cogerer, me melius haberem, ſed à cibis ilico dolor exacerbatur, tum verò juniores Medici

statim cogitant de dolore colico, de dolore flatulento ventriculi; hinc dant fortia roborantia, ut olea stillatitia Fœniculi, Anisi, spiritus Carminativi, Sales volatiles & similia, sed vidi ægros inde intollerabiles accepisse dolores & tandem in vomitum atrabiliarium incidisse, vel in Dysenteriam materiæ liquidissimæ, tum ordinariò cancer hæret in pancreate, vel ad intestina seu ad glandulas vagas, tum habuerunt antea diurnos & fixos dolores & gravitatem à scirrho, si verò hi dolores exacerbentur, & scirrhus irritetur seu sit à cibo, potu, medicamentis, semper dolores intollerabiles faciunt, itque tandem Dysenteria, & materia, quam æger deponit, est sanguis ater, seu alius humor tam acris, ut intestina deglubita consumat, hac ratione quando IctERICI Dysenteria laborare incipiunt, tum dies noctesque alvum deponunt, quia cancer in hepate exacerbatus hæret, sic vidi juvenes, qui magnam famem habebant, sed ubi per tres dies ita famelici fuerunt, tum quarto die ægrotarunt, & tum vomitu omnia assumpta deponebant (nam alvum non deponere poterant) postea iterum sani erant & famelici, donec quarto die iterum ægrotantes vomerent, & sic porro; dum verò dicebam cancrum hære ad intestinum ileum, risui fui Medicis me putare cancrum hære in intestinis, sed post mortem cadavere aperto inveni gyros cancri in hoc ileo, sic vidi in Senatoris filio ileum tumuisse immaniter, ita ut magis amplum videretur quam cæcum, cum tamen alia intestina digito crassa erant. Ex hac doctrina Morbi Hypochondriaci, Melancholici, Hepatici, Splenici, intestinorumque intelliguntur, & semper bene est annotandum, quod

quod si in uno loco hæreat dolor fixus, ibi cancer adsit, imprimis si æger febris hecticâ laboret. Purgans nunquam est exhibendum nisi lene v: g. ex cremoris tartari, hac ratione duas mulieres juvenculas præcedenti ætate curavi.

*De Morbis Ossium.*

§ 512. Omnes species degenerationis, quæ in partibus mollibus contingere diximus, etiam in ossibus contingunt, nam ossa partibus mollibus quoque constant, ut periosteo interno & externo medulla & vasis, lamellisque ossis & vasis intermediis. Ossa adulti tantum differunt a partibus mollibus, vel ab ossibus embryonis in eo, quod præter vasa à liquidis repleta sunt etiam vasa simul coalita & callosa.

§ 513. Os enim est corpus per se subsistens, ut putatur, sed quovis momento deteritur. Si ex durissimo hominis sani juvenis cranio pars excindatur, paucis diebus protuberant puncta tubra seu papillæ, & brevi renascitur lamella ossæa, hinc ossa non sunt nisi lamellæ tenuissimæ, rigidissimæ, sed non immediatè continentes, sed in interstitiis habentes vascula, ut ad juncturas ubi spatia majora à secessu lamellarum ossarum relinquuntur, & ubi magna vasorum copia ponitur, hinc omne os est pars mollis circa juncturas, nisi in summo senio, ubi ossa crepant & faciliè rumpuntur maxime ætate.

§ 514. Os non est ubique ejusdem substantiæ;

tiæ, sed semper triplex materia, prima est media, unde fit ossificatio, in medio factus ossis est stellula ossea, unde radiatim quasi per conglutinationem fiunt striæ ossæ. 2. Os verò versus finem totidem lamellis est instructum ac in medio, sed cum ibi ad fines sit latius eo est fungosius demonstrantibus *Malpighio & Haversio*. Os in medio semper primo est os factum, & lamellæ in fine paulo plus accedentes minus compactæ sunt, intermedia loca vasculis sunt plenissima. 3. Os habet Epiphyses quibus nectitur aliis ossibus, ubi est molliissimum, & habet ibi cartilaginem fimbriam, aliter enim motum pati non potuisset. *Clopton Hawers* demonstravit quod os in densissima parte non habeat plures lamellas quam in latissima, sed tantum quod lamellæ sint compactiores in parte densiori, & quod proprius accedit os ad juncturas eò plura vasa habet intermedia inter lamellas, hoc excipitur in diploe cranii. Omne os in parte molli maximè morbos pati potest, ut sequenti paragrapho patebit.

§ 515. Hic quæritur, an os inflammari possit? quidam negant, quia talia vasa non habet, quæ vasa licet non videantur, oculo tamen armato in media ossis parte & ad juncturas sensibus patent, hinc eadem inflammatio fieri potest, quia ossa vasis sunt plenissima, quò verò os habet molliorem structuram, eò plus morbos partium mollium pati potest, omnia verò ossa plus partis molliis habent, quam vulgò putatur, nam si diu coquantur ossa, tum modo $\frac{1}{3}$ pars ponderis remanet.

§ 516. Os circa juncturas fit crassius, & lamellæ ab invicem secedunt, aliter tot lamellæ in medio ossis sunt, quot circa juncturas

turas, sed in medio plus sunt compactæ & complicatæ, & minora interstitia relinquunt.

Minus vasculosa. Quia ibi ubique medulla membrana vasculosa ambitur, cum tamen medulla in tam parvas cellulas sit divisa, in medio verò ossis unicâ lamellâ omnis medulla ambitur.

§ 517. Prima distinctio morborum ergo consistit in læsione talis partis ossæ, quæ maximè accedit ad partes molles, ibi enim inflammatio suppuratio, scirrhus & ipse sphacelus ut *Hippocrates* testatur, fieri potest.

§ 518. Si ulla res Medico & Chirurgo accuratè observanda sit, certe hæc est, quoad membrorum ossium intellectum, ita verò res sese habet, *Clopton Hawers* invenit, quod ossa ubique in parte habeant lamellas numero inæquales, sed quod hæ lamellæ modo in uno parte sint compactæ; in altera dehiscant, & ibi os fiat largius & mole quasi majus, sed intus manent dehiscences, ponas v: g. omnes ex mille lamellis componi, hæ omnes sibi invicem discedentes distantias apertas relinquunt, sic ergo illæ lamellæ modo in medio manent unitæ & complicatæ, sed in extremo lamellæ dehiscences ad invicem accedunt, plurimasque cellulas formant, tali modo omnes lamellæ fiunt cellulæ, tum os longè crassius apparet, sed tamen in ossis medio non plus ossæ substantiæ inest, quam ad finem & contra. Hæc omnia accuratè vidi & lubens curiosis avidis monstrare possum: femur circa juncturas vix ultra digitum crassum est in substantiâ ossæ; hinc natura ibi dedit trochanteres, ut defensores & sustentacula essent; in omnibus his cellulis à natura factis sit oleum, nam in his hærent fol-

liculi, qui oleum pingue fundunt, quod oleum sic per omnes lamellas osseas derivatur; hæc *Hawers*, dein *Ruyscius* notavit articulationem duplicem habere usum, 1. Ut fieret tanto major & fortior circulatio per os. 2. Ut oleum hic factum sensim sensimque inter lamellas derivetur. His intellectis videtis hic varios morbos posse oriri, nam oleum hoc rancescere, acre fieri, multaque alia patrare mala potest.

Plena. Os animalis per medium secundum longitudinem scissum exhibet unum magnum cavum medullosum, sed ad latera lamellæ osseæ, in hac parte hæret medulla plurima paululum sanguinolentior, quam in medio osse, nulla est pars delicatior corporis. Ubi os est densissimum & tenuissimum æquè multas habet lamellas, quam ubi spinosum & crassius est, sed cavernæ fiunt minores & vasa arctiora, adeo ut hæc vasa ultimò fundant inter hos lamellas & transudent oleum, quod facit, ne ossa arecant, aut facilè friabilia evadant. In senibus hæc vesiculæ sunt repletæ, non oleo sed muco, ut etiam in alis hominibus, qui morbis quibusdam laborant.

§ 519. Hinc oritur secundum genus morborum ossium vel in substantiâ densâ, vel cellulosa, vel in medullâ, vel in cellulosa superiori, ubi medulla formatur; si in parte densiori morbus non tollitur, nisi desquamando si in cellulosa abit in eariam, partem integram amittendo.

§ 520. *Periosteum.* Nemo bene quod scio ante *Hawers* demonstravit, quid periosteum sit, ille enim docuit, quod periosteum sit à Dura Matre, quæ cranio pro interno perioste-

teo.

teo infervit, nam non est musculus cerebri, ut Itali voluerunt, sed modò periostei munere fungitur, hæc pergit per omnes juncturas craniique foramina, per quæ nervi emittuntur, & vasa sanguinea aliaque, & dein medullam oblongatam quoque investit, quod ejus secundus usus est, si verò per hæc foramina porrexerit, tum ad superficiem ossis applicatur, & periosteum externum facit, & sic vertebræ colli à medullâ spinali hoc periosteum accipiunt, & inde vertebræ thoracis, inde lumborum, inde humeri, brachia, & uno verbo omnes partes periosteum accipiunt, nam si ab omni parte separari posset, tum appareret quasi sceleton Duræ Matris seu totus homo quoad ossa periosteo constans, hoc verò periosteum ligamentis suspendit & tendinibus muscutorum, ut *Columbus* solus observavit. Nam ligamenta apophytibus connascuntur, hæc verò superscandit periosteum, & ad inferiora articuli non pertingit, nam hæc ligamenta articulum perfectè includunt, ita ut nil ex articulo extrorsum ad periosteum vel ad alias partes accedere possit, internè verò articuli ossa undique cartilagine obducta sunt, quæ vasa nec *Rayschio* nec *Leewenhockio* conspicua non demonstrata sunt, hæc verò cartilagines per parvas eminentias ossi annectuntur, uti videbitis in *Thesaurò Ravii publico theatro Anatomico donato*, ubi totum habetur sceleton, in quo epiphyfes ab ossè separatæ sunt, quæ per dentes cartilagineos committuntur sibi invicem, quæ postea ligamenta faciunt, hoc aliter vix relatum legimus nisi apud *Hawersium*, periosteum est membrana omnia ossa amplectens, nisi dentes exceperis nam hi in ea parte, quæ aëre exponitur,

periosteum non habent, sed ibi externè crustam quasi induunt, gallis dicitur emalie instar amasi seu vitri metallici, belgicè *vergloest*, si hoc cadat, tum dens fit cariosus, aliter verò in alveariis, & qua parte gingiva teguntur, periosteum habent. Ossa palati quoque periosteo carere dicuntur, sed minimè verum est, nam ibi est valde crassum & callosum in usus requisitos. Verum periosteum Epiphyssi non accrescit, sed ligamentis superascendit; *Hawers* periosteum dixit esse simplex, unde in his locis periosteum de simplici dictum, compositum verò est, quod tendinibus superascendit, sed de priori hic est sermo. In parte, ubi os adest, ligamentum applicatur huic, & periosteum superascendit hoc ligamentum, verum ubi non est ligamentum, ibi semper applicatur periosteum immediatè ossi, quod facit unum continuatum progressum à Dura Matre oriundum cum autem musculus temporalis immediatè applicetur ossi; hinc pericranium ibi dictum hunc musculum superascendit, & præbet quasi vaginam, per quam tendo temporalis quasi transmittitur. *Periosteum* verò est propriè ut *Kuyschius* detexit, simul contextus seu rete vasorum arteriosorum omnis generis, venosorum omnis generis, arteriarum pinguedinosarum, & venarum nervorumque, estque membrana hæc vasa ubique in omni ossis puncto per poros perpendiculariter in os mittens; nempe arterias & vasa eodem modo recipiens simul venas, ergo non est membrana, sed rete innumerorum vasorum, quæ in poros ossium ramos mittunt, & hæc membrana vasa ex osse egredientia & in os ingredientia fulcit. Tendo quoque musculi, supra quos etiam periosteum transcendit,

se ossi affigit, & accrescit, ut quoque *Hawers* demonstravit, sic tendo erectoris digiti ossi increscit, & ibi tum periosteum non manet, sed secedit, & tum tendo annascitur toti ossi, sed ejus membrana se expandit sub periosteo; hinc periosteum ibi eo crassius evadit, hinc *Hawers* dixit duplex esse periosteum, unum quod superscandit tendines & ligamenta, alterum quod ipsi ossi applicatur, prius compositum, alterum simplex audit; hinc solvitur illa quæstio tamdiu agitata inter Medicos, an nempe musculus temporalis cum cranio cohæreat, vel an pericranium ibi cranium amplectatur, nam ubi temporalis musculus concrevit cum cranio, ibi non est periosteum, sed tendo musculi ossi planè concretus & pro parte osseus factus huic superscandit periosteum, & in loco vicino hæc membrana tendinis hujus cum periosteo jungitur, unde dixerunt Auctores pericranium, quia diversum à periosteo esse putabant. *Hawers* observavit, quod periosteum dimittat dupliciter sua vasa ad instar carotidum in capite nempe unum arteriosum genus quod ad substantiam ossis pertinet, alterum etiam arteriosum genus rectè perforans ossa ad conficiendam in medio medullam; quod periosteum sit textura vasorum, verum esse patet, si recentis animalis suffocati non jugulati os crudum sumatur, solo tantum periosteo tectum, elevetur periosteum, inspiciatur microscopio, fibræ capillares apparent distractione & ruptura discedentes, hæc sunt vasa, quæ os introeunt & ex osse exeunt, idque propriè est periosteum. Ejus usus est vasa ordinata serie nec facilè mutanda deducere pro adferendo humore nutritio, sanguine, medulla & lympa; alter usus est va-

sa egredientia perfuncto munere describendi humores sic recipere, ne fiat ulla contusio.

§ 521. Hæc tertia morborum ossium series oritur à periosteum externo læso; ergo si solum hoc periosteum contundatur, oritur morbus, ejus causa non hæret in osse, sed quia vasa os nutrientia id est adferentia læduntur, peribit pars ossis destituta suo nutrimento, itagnabit humor redux, orietur putredo & fiet suffocatio.

§ 522. *Periosteum internum vocatur illud peristomium vasculosum & nervosum, quod oritur à vasis periostei externi perforantibus os ad medullam conficiendam demonstrante Haversio*, hoc periosteum ab ullo Auctore non vidi descriptum, *Ruyschius* quidem aliquid memorat. Cranium uti notum est, habet periosteum internum, quod est Dura Mater, sic etiam vertebræ habent pro periosteum interno Duram Matrem protractam, nam hæc ad os sacrum usque facit vaginam, uti verò hic periosteum internum invenitur, sic etiam ubique, quod hac ratione detegitur, sumatur os quodcunque recens in medio, ubi solidum tenerrimè & subtiliter limatur usque dum ferè in cavum penetret, tum videbitis membranam concavam partem ossis tegentem, sed non est Dura Mater, quia nullus metus fuit, quod medulla læderetur, cum ossa satis fortia sint propugnacula, hinc periosteum internum seu potius enostium adeo tenue, nam est membrana tenerrima continens textura vasorum innumerorum emissariorum ex osse & periosteum externum, sic ergo quoque morbi sæpe accidunt, ubi os modo læditur in externâ membranâ, nam in osse æquè ab interioribus caries fieri potest.

§ 523. Hæc est quarta morborum species.

§ 524. *Medullosa*. Vidistis procul dubio in anatomicis os medium solidum habere unum homogeneous cavum, sed circa juncturas perit cavitas, ut ex ipsis epulis patet, nam ibi vidistis, quod in homogeneo ossis cavo medulla contineatur, sed ad juncturas hæret in cellulis oleum cum sanguine mistum medulla verò magis oleosum. Hæc medulla sub periosteo interno ossis tanquam Dura Mater hæret, & quoque membrana tenuiori medulla ipsa investitur quasi esset Pia Mater, illa membrana medullam continet, ut Pia Mater cerebrum, verum de hac membranâ vix ullus bene scripsit, nisi solus *Duverney*, qui tamen noluit sua inventa hac de re orbi erudito communicare, sed ut reliqua inventa sua, sic etiam hæc sparsim ab aliis edita sunt. Ad ossa verò duplex articularum genus derivatur, 1. quæ per periosteum externum distribuuntur, ex eo ad os pergunt, quæ ossi nutrimento inserviunt, ut quoque cranium à Dura Matre in capite arterias pro nutritione cranii accipit, sic quoque periosteum externum cranii arterias ad cranium mittit pro nutrimento, 2. Ad os per truncum integrum, vasa penetrant intra os per magna cava in osse relicta, & hæc vasa per periosteum internum pergunt ad membranam medullæ, & sic tota medullosa membrana constat folliculis ab his arteriis factis. Sic quoque Dura Mater accipit carotidem externam pro ossis nutrimento carotidem internam pro pulpa cerebri, ut inde spiritus conficiantur; venæ verò sanguinem ab hoc opere reducentes non communicant cum venis è nutritione ossis reduces; vasa verò ferentes hoc oleum ad articulum pro nervis haberi.

beri possunt, & sic hic materia secreta non datur venis, sed per vas tertium in articulum deferitur, ut quoque in cerebro fit, ubi cortex, quam hic medullæ assimilamus, facit nervos, hosque emittit ad omnes partes, ubi tandem suum liquorum, vel in venas deponunt vel exhalant, vel in usum requisitum aliis liquoribus miscent, sic ut hic magna sit convenientia. Nam sic quoque hic periosteum externum mittit arterias in substantia ossis, sic etiam internum periosteum vasa ad os mittit, sed sunt quædam vasa, quæ eunt directè in cavum ossis, quæ nec periosteum interno nec externo nec ossi prospiciunt, sed membranæ medullæ, & tum ex his folliculi medullæ corpus constituentes formantur. Arterias verò oleum hoc secernere inde patet, quia in hydrope, ubi sanguis est planè aquosus, modo aqua hic deponitur non oleum. Oleum verò hoc naturaliter lubricandis, inungendis, & defendendis articulis inservit, nam transfusat per cartilagineas Epiphyfes articuli, ibique usum dictum habet, & coercetur in loco à ligamentis undique articulum ambientibus & elaudentibus, hocque oleum ibi tenue redditum absorbetur. Sic hic quartum morborum genus occurrit, 1. si arteriæ hoc oleosum non adferant; 2. si venæ sanguinem ab hoc opere superstitem non reducant; 3. si in cellulis quoddam vitium hæreat, ut oleum non deferatur ad articulum; 4. si vasa oleum adferentia ad articulum obstruuntur eodem modo ac si nervi obstruerentur. Medulla non est unus liquor, sed congeries vesicularum innumerabilium plenarum liquido in sanis oleoso, in senibus aut defatigatis ichoroso. Ab influxu lunari nulla est distinctio quantitatis.

tis medullæ, cum autem in senibus & multum defatigatis hominibus pinguedo pereat, ita & medulla deficit, idem accidit longo morbo emaciatis, quod tale fiat in defatigatis, probant experimenta *Duverneyana Haversiana* circa medullam expulsam ex ossibus cervorum, ovium & boum, unde constat medullam transfundare & circulare. Usus medullæ est ossa tenere flexibilia aliquantulum, ne fiant fragilia, si verò aquosa sit materies medullosa, brevi putrescunt, oleosa nimis concreescunt & firmissimè compinguntur, sanguis maximam resistantiam passus in ossibus solum oleum subtilissimum transmittit, suntque ibi sacculi cavi, ubi hæret exstillans subtile oleum, quod in quiescentibus aggregatur, ut quiescentibus & torpidis accumulatur adeps, sed per motum tenue fit, & ab osse exit, arteriæ pressæ reddunt temporis brevitate oleum non adeo coctum, sed ichorosum.

§ 525. Hic est quinta classis morborum, quando materia medullaris vel membrana medullæ morbum accipit. Hic verò oritur quæstio, an ossa habeant diploën? hoc omnes recentiores & antiqui noverunt, quod nempe ad cranium hæreant duæ lamellæ, & in harum medio hæret cellulosa substantia, si ergo hæc interior lamella inficiatur, tum quia in medio hæc cellulæ hærent, hinc sic potest fieri separatio tabulæ vitreæ; has cellulas quidem diploën vocare possumus, & hæc ubique quodammodo inveniuntur. *Ruyfchius* enim demonstravit in firmissimis ossibus morbos posse oriri, ut fistulæ externæ, internæ, & sic internum ab externo separatur, idem in medio ossis femoris eodem notante oritur quandoque morbus ad hanc

hanc cellulofam fubftantiam, tum offa ab invicem fecedunt, & tum sæpe curiofum fruftum educitur, fic vidi ab offe tibiæ magnam thecam offeam longitudinalem effe educam, perfectè offis figuram referentem non ab exterioribus fed interioribus. Nam ibi caries facta erat, & fпина prominens extracta fuit. Qui tamen puer Haerlemenfis fuit fanatus per decoctum ligni Guajaci, hoc quoque in *Raviana* videre licet, ubi videbitis os ad femi-ulnæ longitudinem in altero excreviffe ut in theca, & in ea vacillare; hinc videtur periofteum internum & externum vafa ad os mittere pro nutritione offis, hæcque vafa fibi occurrere in medio, & fic quandam diploën formare, hinc etiam ibi caries oriri potèft, ut ex dictis exemplis patet, jam videamus effectus morborum foli offi propriorum.

§ 526. Jam videamus figna, quæ docent in hoc oleo in magnis cavitatibus offeis hærente morbos latere & ejus dein curationem. Pinguedo medullaris, quæ in offe hæret, videtur feparari à fanguine arteriofo, in tenerimas medullæ veficulas difponi & aggregari, & ex his iterum exire feu per vas venofum feu per folliculum, & inde deferri ad offium articulationes & ad interftitia offearum lamellarum ad glutinofitatem & tenacitatem offi conciliandam, & partim quoque redire in fanguinem ut eo acria demulceat. Si bene fani per totum diem ambuletis plusquam commodè ferre potèftis, tum noviftis quod fentiatís circa coxas & lumbos dolorem ficcum cum rigiditate ficca, hocque fieri videtur ab hoc oleo nimis confumpto, nam fi cervi inter venandum fine multa agitatione fubitò trans-

transfixi cadant, tum ossa sunt plena medullâ, si verò per integrum diem à canibus agitantur, tum nil medullæ in ossibus invenitur, sed modo oleosus quasi sanguis, sic etiam equus quietus in stabulis occilius multum medullæ in ossibus habet, sed equus cursorius nil medullæ habet; sic quoque in bobus, qui licet pingues si ferantur ad loca remota per longum iter, tum vix medullam habent sed si in pascuis vel stabulis imprimis bene saginati occidantur, tum multum medullæ habent; hinc ergo patet medullam circulatione abire, generari, regenerari & consumi, & sic per vasa adferentia secernitur, in vesiculis retinetur, & iterum reducitur, si opus sit, hinc hic quatuor in locis possunt fieri morbi; 1. ad ossa, 2. ad ossis articulationem, 3. in vesiculis medullæ, in vasis adferentibus & deferentibus; sic ergo si medulla liberè colligatur, in vesiculis deponatur, & exire possit, tum ejus sanitas est, & ejus actio seu usus illæsus manet, si verò secreta maneat, & nil novæ pinguedinis accedat, sed secretum stagnat, tum ultimo illud oleum à stagnatione & calore incipit rancescere, sic etiam oleum Amygdalarum dulcium in tepore per paucas septimanas rancescit, idem de lardo & butyro insulso verum est; nulla verò res plus rancescit quam medulla, *ranciditas verò est, ubi oleum blandum meracum, ex hac blanda diathesi acquirit diathesin acrem rodentem & putridam*, uti est oleum putrefactum semel destillatum. Includite medullam (ut de industriâ feci) phialæ chemicæ, stet in digestionem teporis humani quatuor diebus, tum si jejuni olfeceris, fere cades in animi deliquium præ fætore.

Secretionem impedit. Arteriæ adferunt affiduo sanguinem, hinc ibi fit assidua secretio, secretio ponit semper excretionem, ergo si oleum stagnet, novum separari nequit.

Vasa obthurabit: adferentia vasa sunt arteriæ, ossium fecernentia sunt laterales plexus ad folliculos, vesicula medullosa verò in inflammatione corrumpetur.

Inflammabit. Nam inflammatio est impedimentum transfluxus, & tamen visurgens adtransfluendum, si ergo oleum exire nequeat, & tamen eo pergat & effluat, hoc inflammatio vocari licet.

Suppurabit. Fateor quidem hic suppurationem propriè fieri non posse, sed à similitudine tamen suppuratio dici potest, nam ut sanguis stagnans à vi cordis conteritur in pus, sic etiam hic ab influxu olei oleum conteritur in vesiculis, si ergo sic medulla & vascula seu vesiculæ computruerint, tum etiam necessariò membrana communis medullæ affici debet; hinc periosteum internum afficitur, sed internum hoc periosteum erat (uti vidimus) basis vasorum, quæ os nutriebant, hinc tum etiam os ea parte debet fieri *gangrenosum vel cariosum*, quod est ossis collapsus, quia non nutriuntur novâ materiâ. Hæc verò caries est pessima, quæ contingit vitio medullæ prius computrescentis, ergo in hoc casu medulla transire debet vel in ichorem vel in virus, vel in cancerosam materiem; & præterea hic morbus pessimus, quoque est circa juncturas, quia ibi plura vasa, & lamellæ ossæ sejunctæ; hinc intelligitur morbus ossium, qui in Rachitide accidit, qui non est in medio ossis, sed ad juncturas.

Vasi orba. Hoc in Odontalgia patet, ubi modo dens à crusta externa vitrea denudatur, & tum ibi hæc particula ossea nudo aëri exponitur, hinc tum ab inhalitu aëris frigidi vehementer dolet, & simul putredo oritur, & caries dolorque permanent, & interpolatis vicibus redit, donec dens cadat.

Apophysium. Hæc caries fit à putredine interna, ossa apparent dura sed humido ablato fiunt friabilia, ut etiam cum alcalinis diu cocta fiunt fragilissima, in spiritu nitri flexibilia evadunt ut corium. Nunquam periosteum internum vel medulla inficitur, quin etiam incumbentia inflammentur, fungescant quasi, & os cariosum fiat. Omne os quod oleo caret, cariescit; hinc præsertim fiunt caries ossium, vel spinæ ventosæ ad loca ubi sunt plures cellulæ, ut fit in Rachitide infantum, Lue Venerea, Contusione magna, aliisque majoribus vitiis periosteo inductis.

Spina ventosa est caries ossis à medulla vel periosteo interno ortum ducens, spina verò dicitur, quia per spinas os secedit. *Ventosa* verò quia partes impositæ raræ, inflatæ & fungosæ apparent, nam si ibi supra locum affectum incisio fiat ad os usque, tum labia partis incisæ instar spongiæ apparent. Spina ventosa est cariosa corruptio ossis à causâ internâ oriâ, idque à medulla prius corrupta, tunc primò in osse, dein in periosteo, tum in omnibus integumentis, hinc humor oritur primò in osse, dein in periosteo, tum in omnibus integumentis, & omnia simul tum perfectè inflantur. Quando fit spina ventosa, non tantum accidit in uno loco, sed in pluribus, nisi caveatur,
&

& statim ac deprehenditur, secetur pars, nam si unum membrum hoc malo affecto auferatur, post aliquot tempus, redit statim ad aliud, ut accidit cuidam verbi Divini Ministro Ecclesiæ Reformatæ Gallicæ; cui duo brachia successivè secuit *Clarissimus Ravius*: phænomena hujus morbi sunt primò sequentia, oritur ad locum in meditullio ossium dolor obtusus profundus, pertinax, erodens, ad tactum non augens, sed per motum, calorem & teporem lecti exacerbans. Medicus accedens primo nil vidit, sed ubi diu duravit, oritur tumor in parte, nil autem apparet inflammationis, suppurationis vel scirrhusi, sed tantum spongiosus, vel ventosus, lentus & tenax tumor, postea tumor accrescit magis, nulla cum fractura vasorum, sed quasi partes inflarentur, & quasi omnia spongiosa fierent, sed ubi eo devenerit, sæpe sponte rumpitur, vel si Medicus aperiat, nullum adest pus, at omnia sunt inflata; si ultimo detegatur, os fætet intolerabiliter, ut lardum putrefactum, tunc pus prodit cinereâ materiâ repletum, ichorosum & purulentum, trahens secum lamellas osseas; aperto osse medulla tota putrefacta apparet pluribus in locis, novus est morbus, constituens cum Lue Venerea & Rachitide triadem morborum novorum difficillimorum & gravissimorum. Spinæ ventosæ habemus quotidie exempla in carie dentium, primò enim dolent, tum tument, dein inflantur maxillæ, dolor acutissimus & intolerandus fit, putrefacti cadunt & cessat malum.

§ 527, *Signa*. Si corpus ad hunc morbum sit dispositum, nempe si Rachitis, Lues Venerea, vel Scorbutum vel horum morborum diathesis adsit, vel omnes quatuor morbi simul

ad

adſint, tum adest dolor, ad attactum non augetur, ſed ad calorem lecti, ſolis, medicamenti & alimenti, hinc ergo ſi Medicus tale quid ſuſpicetur, tum attrectare debet locum affectum & rogare, an inde doleat, & tum ſi inde nullus dolor oriatur, rogare, ubinam doleant, ſi dicant profundè, & quod ſit, quaſi os interne diſploderetur, & ſi tum dein dicant, quoties vinum vel zingiber vel piper ſumpſi, tum dolor exacerbatur, uti & à calore lecti, hinc è lecto ad aërem frigidum hauriendum ſurgunt, & paulo inde levantur, dein ſi à tempeſtatis mutatione de majori dolore conqueruntur nempe ſi ver ipſis magis incommodum ſit, nam *Virgilius* canit

Vere calor redit offibus.

ſi tum ſimul ille dolor fixus maneat, & levis febris hectica adſit, tum ſcimus morbum hæ-
rere in cavo offis internè; verum caries quæ
hic obtinet, male confunditur cum carie exte-
rioris offis. *Caries verò eſt ſolutio continuæ facta
in ſubſtantiâ offeâ una cum calcinatione offis à
cauſa offi propria*, hic verò à cauſa in inferiori
offis cavo latente. Sed unde ſit, quod cum
medulla & ejus membrana atque perioſteum
afficiuntur, etiam os afficiatur uſque ad di-
ploën? quia ibi valà à perioſteo interno & ex-
terno concurrunt, & ſic cum perioſteum in-
ternum male afficitur, tum etiam diploën male
ſe habet, & inde quoque hoc malum perioſteo
externo communicatur, ſed hoc perioſteum
decies plus dolet, quam perioſteum internum,
quia hoc quam fortiffimè offi adhæret, & hinc
ſi quam minima diſtenſio vel dilaceratio oria-
tur,

tur, tum dolor fit acutissimus, dum verò hoc periosteum sic afficitur, tum etiam muscoli inficiuntur; hinc abscessus;

§ 528. Prognosis hic est difficillima, nam si inter lamellam primam & secundam malum tantum hæreret, tum facilè fieret exfoliatio, sed hic totum os est consumptum & vix separatio fieri potest, nec mundatio, hinc difficillima curatio. Hæc videntur esse symptomata spinæ ventosæ, nempe corruptio ossis, quæ contingit à causâ internâ imprimis à corruptione medullæ. Hic morbus videtur veteribus fuisse ignotus, sed post Rachitidem & Luem Veneream invaluit, nam hic habemus cariem à causâ interna, quæ cognoscitur à dolore hinc inde quasi vagante; sed caries veterum est morbus topicus, & non semper febrim hæcticam habet, quæ cum priori carie semper est juncta. Hic morbus dicitur παιδαρτεροκακή vide *Aurculium Severinum de Abscessuum natura* à παῖς puer & ἄρθρον articulus, putavi verò olim hunc morbum curari non posse, sed jam quædam exempla vidi, ubi ægri integrè sanati sunt. Nulla est absterfio nisi ab ipsa vita, nam etiam si putridum linteis eluatur, brevi post renascitur crusta, nulla enim est mundatio & absterfio sine vi circulantium humorum eluentium hoc putridum.

§ 529. Nonnulli Medici hic ad Antiscorbutica confugiant, quæ hic quoque prosunt, sed ubi morbus jam invaluit, tum non satis penetrant. Hac methodo plures à spina ventosa sine magno malo subsecuto perfectè curavi; vidi hic præparata Mercurii nil prodesse, imo Mercurium dulce plus nocere quam prodesse. Decocta ex ligno Guajaco affusa nostris humoribus

bus balsamicâ vi ea imbuunt, ne unquam putrescant, adde paululum cremoris tartari ad resinam solvendam. Illud lignum est tam resinosum & penetrans, ut imbibere possit omnes humores; sed tantâ copiâ hoc decoctum est assumendum, ut omnis fere sanguis sit hoc decoctum, sed tum simul tecto pallio sudare debent ægri sub instrumento id est sub cistella, ex qua modo caput prominet, vel sub craticula in lecto, nam sine sudore nil efficimus, sic vidi sudorem viridescentem perfectè ligni guajaci odoris erumpentem; curavi puerum, qui variis locis hoc malo in ossibus afficiebatur, & incisiones ad os usque à Chirurgo in variis locis factæ sunt, nam illi semper sectionem faciunt ad os usque, tum os cadit, ut quoque in illo puero articulus digiti ceciderat, hunc tamen hac methodo curavi, ut etiam domicellam, ubi jam extirpatio digiti indicis conclusa erat, imo digitus immaniter intumescere ab osse intumescente, sed tamen sic curavi nisi quod ille digitus adhuc $\frac{1}{3}$ pars crassior esset, & quoque fere $\frac{1}{3}$ pars longior, quam alterius manus.

Fomentum cum pauno ex lana in decocto guajaci intincto & expresso; fistilia calefacta ante commendata vel stannea hac methodo diu continuata sæpe multum fit boni, leviusculum acidum est optimum, ut lignum Buxi, Quercus, Sassafras, in omnibus his oleum est copiosum acido mistum.

§. 530. Determinetur verò ad locum affectum in hoc instrumento ab accensu spiritus vini & pannis hoc decocto madidis loca applicatis. Diæta sit tenuis, utatur æger pane biscocto solo & uvis passis tantum, tum mirificè

fit promotio ad curationem, sed nil adhibendum pingue vel oleosum internè nec externè, statim enim esset gangræna ad locum, possunt enim adhiberi antiseptica id est condire partem. Ex lue venerea affectis, quando ossa ita intumuerunt, in quibus nil potui proficere mercurialibus, intellexi medullam hæere extra circulationem, verum mercurius nil agit in vasis extra circulationem positis, hinc diu cogitans inveni lignum guajaci; verum cum hic oleosa putrefacta materia hæreat, quæ non facile abstergetur, hinc omne oleum omnino vitandum; sic hac methodo domicellam perfectè curavi, si Medicus vel æger superfugiat, sola superest extirpatio.

§. 531. Hic aliquid dico de parte externa, quando nempe vasa in interstitia ossium hærentia afficiuntur, tum similem curam instituere debemus, & quo magis accedit ad curam §. 529 præscriptam eo facilius & felicius cura procedit; hæc res verò magni est momenti, imprimis cum Medici omnes semper dicant extirpationem debere fieri, ut factum hic est in reverendo viro, cui ambo brachia amputata sunt. Dicunt verò multi cariem ossium non posse oriri à periosteo externo, sed quid tum de *Paronychia dicendum est*? *Paronychia est ubi papillæ nervæ in ultimo articulo digiti periosteo fixissimè incumbentes afficiuntur*, unde dolor intolerabilis oritur, quasi ferro ignito nervi terebrarentur, & si tum Chirurgus non ilico incisionem faciat ad os usque, & inflammationi & putredini contraria adhibeat, tum intra aliquot dies articulus corrumpitur & cadit, tum verò incisis integumentis ad os usque tinctura Mastiches cum spiritu vini applicanda est
offi,

ossi, & tum simul Missio Sanguinis instituen-
da, & internè diluentia danda, decoctum
Chinæ Salzaparillæ, tota verò pars est invol-
venda medicamentis anodynis emollientibus v.
g. fiat Cataplasma ex lacte dulci cum farina
lini vel avenæ decocto addendo oleum lini, &
hoc cataplasmate pars involvatur, est optimum
cataplasma quod novi; Hæc verò omnia sic
externè & internè adhibita malum sæpe tollunt
sine incisione, sic ut hæc prius tentanda sunt,
si verò his non cedit intra quatuor vel sex ho-
ras, tum caries metuenda, & tum nil superest,
nisi ut incidatur ad os fere usque & eadem ta-
men continuanda, sed si malum ad os femo-
ris hæreat, tum hoc fieri nequit, & nil super-
est, nisi magna venæ sectio & dicta simul ad-
hibenda. Credo hanc rem nemo posse in du-
bium vocari, quin si in medullâ malum
hæreat, sit pessimum, si in membrana medul-
læ quoque pessimum, sed prius pejus, si in
interno periosteo, tum quoque, sed adhuc cu-
rabile est & quò altius malum hæret, eò levius
& contra. Si in reliquo osse vel periosteo ex-
terna pars sit affecta, ut non sit liber itus &
reditus, sive id accidat inter lamellas sive in
cellulis vel in periosteo omnia fiant, quæ in
spina ventosa, sed tantum mutato ordine dicta
sunt. 1. quia humor vitalis non advertitur, 2.
putrescit, quia stagnat in lamellis, cellulis,
periosteo interno, habeturque idem perfectè
mutato ordine. In spina ventosa primò la-
borat tantum medulla, sed in his primò exte-
riora. At mala in medullâ pessima sunt &
difficillima, sed ad exteriora multo faciliora.
Duræ Matris inflammationis effectus est primo
dolor Piæ Matris, dein furor in primo gradu,

postea incipit homo totus fieri soporosus, & hoc notat jam corrumpi cerebrum. In Variolis visum est, tale quid accidisse ut in spina ventosa & inflammatione membranarum ossium.

§. 532. Curatio est eadem, implebo sanguinem iis liquidis, dein ad summos sudores determinabo.

§. 533. Morbi ossium sunt sequentes, a membrana medullæ affecta, b à medulla affecta, c à periosteo interno male affecto, d à lamellis ossis & vasis inter eas hærentibus morbos, e ab externo periosteo læso. Hic verò quò magis morbus ad interiora vergit, eò cura difficilior, nam morbus ab externo periosteo non ita difficillimè curatur, sed à medulla omnium difficillimè; hinc prognosis patet; ad juncturas fit difficillimè separatio, serpit malum ex cellula in cellulam, in medio denso ossis est quidem tardior progressus, sed facilior exfoliatio, hæc est regula universalis.

§. 534. 1. *Inflammatio est diapneusis sive transpiratio impedita in illa parte.* In periosteo est membrana, ut in aliis locis, hinc etiam inflammari potest, ut membrana omnium partium; hinc puto, quod in ossibus non levior morbus occurrat, quam qui à periosteo externo oritur, nam tum interiora adhuc bona sunt, & accessus datur; hinc ille morbus difficilior. Quænam verò inde mala oriuntur? Hæc recensui in doctrina de vulneribus capitis, ubi constitit, quod periosteum sustineat vasa os vivificantia & nutrientia, cum verò illa pars, quæ inde vivificatur, mori debet; hinc periosteum ubicunque læditur, tum munus suum non facit, & tum os non nutritur nec vivificatur, hinc

hinc periosteï morbi faciunt ossis morbos. Causæ videntur esse triplices vel vitio vasis, vel vitio humidi, vel vitio utriusque: vasis obthursatio fit à rigiditate vel laxitate, vel enata propria substantia, aut à liquidis crassis acrioribus, aut ab utrisque simul, de his causis satis actum est.

2. Signa sunt dolor punctorius, calor ingens, pulsationis geminatio, nullus dolor, febricula, hæc sunt signa inflammationis, verum si nullus dolor ab attactu oriatur, nisi musculi profundè moveantur, tum hæc sunt signa inflammationis periosteï. Pauci vestrum sunt, qui non experuerunt Odontalgiam, sed quid est Odontalgia? Hæc est duplex, prima est in osse integro, tum morbus hæret in peridonteo id est periosteodentium, quod est perfectum periosteum, vasculis tenuissimis constans, tum dolor atrocissimus oritur, licet cæterum corpus benè valeat, tum tandem fit dentis caries, dens vacillat & per frustula exidit. Secunda species Odontalgiae fit uno momento, tum ossis caries nervum nudum afficit, & hæc species in crudescit, si æger aliquid dulce, vel nimis frigidum, vel calidum in ore sumat, sic quoque idem in reliquis ossibus obtinet; hinc ergo cum audiamus ægrum conquerentem v. g. de dolore fixo profundoque ad humeros, & simul febricula adsit, tum semper cogitare debemus de periosteodentio vel osse affecto. In hominibus Lue Venerea, Rachitide & Scorbuto laborantibus hoc obtinet, nempe paulo postquam in lecto sunt, maximè dolent, dein surgunt, sed si iterum lectum petant, hoc malum lecti tepore recrudescit. Si externè oriatur dolor ingens, fixus, obtusus, profundus ad tactum

N 3

auctus,

auctus, vel acutus signum est periosteum esse affectum, in summa Podagra facile cognoscitur, quia corpora prius per Podagram emaciata sunt.

3. Exitus hujus mali solus bonus est resolutio, nam hic nec suppuratio nec gangræna fieri potest, & si resolutio non fiat, tum tandem totum os consumitur, nam repit à periosteo externo ad diploën, à diploë ad periosteum internum.

4. *Curatur ut inflammatio.* Nam si in intercostalibus musculis inflammatio sit, quantum Medici non faciunt ad avertendam suppuratorem & gangrænam, sed hoc rarò hic observatur, sic etiam hic eadem remedia conveniunt, eademque ac in inflammatione sunt indicationes, nempe 1. ut materia inflammans solvatur, 2. ut impetus urgens minuatur, 3. ut vas laxetur. Primæ indicationi satisfacimus, α. Venæ Sectione, β. diluendo per nitrum, sal aquam & saponaceos succos, γ. ad locum applicando fomenta, ut pars mollis & laxa servetur, δ per Diætam tenuem; sic quoque in Odontalgia Venæ Sectio instituatur, dentur diluentia fomentis ori applicatis, tenuisque præscribatur victus, sic sæpe conservatur, si id fiat in initio Odontalgia.

Avertatur. Vetus Medicina incubuit, ut inveniret remedia, quæ à loco ad locum materiam & motum derivent, sic si quis dolore ad brachium v. g. ad animi deliquium usque laboret, tum Venæ Sectione locus est debilitandus, externè laxandus & macerandus, ut impetus ad loca exteriora derivetur, si verò obstinata sit inflammatio & non cedat, tum Chirurgus debet incisionem facere, sed hic labor, hic opus est, Chirurgus quidem potest per membranam

cellu-

cellulosam facile secare, sed ulterius vix audeat, nam hic requirit primo cognitio decursus magnorum vasorum & nervorum, secundo decursus musculorum & insertionis, quod ultimum in vivo facile invenitur, si modo ægro jubeatur, ut edat actionem illi musculo propriam, tum ibi, ubi musculus desinit, oritur eminentia, & in toto decursu tensio, tum hic locus est vitandus, verum decursus vasorum & nervorum ex *Vesalio* & imprimis *Eustachio* intelligitur, plures hic vobis commendare non possum, sed cum sæpe natura ludat incursum nervorum & arteriarum, hinc primo per cutim una cum membrana adiposa sectio fiat, & tum abluatur, & hac ratione ulcus apertum relinquatur per unum diem, nam ab incisione integumentorum nullus metus hæmorrhagiæ est, nec à scissione nervi, tum verò secundo die videri potest, an etiam nervi vel vasa magna ibi locentur, & si non inveniantur, tum sectio fiat ad os usque & sic periosteum abstergeri potest. Si simplex sit inflammatio, Missio Sanguinis est optima, sed in Rachitide, lue Venerea, & Scorbuto non convenit; tum commendatissima sunt decocta dictorum lignorum, ut Guajaci, trium Santalorum, Sassafras, Bardanæ pro pauperibus, pro ditioribus Chinæ & Salzaparillæ; si simul applicentur fomenta, sed si simul Lues Venerea adsit, tum salivatio per mercurium est anceps remedium, nam aliquando curatur, aliquando non & relinquitur tumor; melius conducunt superius dicta, nam à mercurio glandulæ quidem purgantur, sed vix inde interiora ossium.

§. 535. Si suppurationem arcere non possumus, curabo ut causa suppurationem faciens,

& hanc extrorsum determinabo, aliter abradet plus periostei fibras ab osse subjecto, sic oritur major caries; hinc optimi Chirurghi unica incisione penetrant ad ipsum os, etiam dum violenta est inflammatio, scopus est ut materia suppurari incipiens extravertatur. Notum est in digito sæpe oriri dolorem intolerabilem in uno puncto, pars tumet, calet, dolet, & ardet, Chirurgus advertens sine causâ manifestâ subitam videt inflammationem, licet externè nullam inflammationem appareat, Chirurgus scit ibi os nudum esse, pulpam multam non carnem vel musculos, hinc adeo intumescit, Chirurgus hæc videns putabit esse Paronychiam, applicabit emollientissima Emplastra, si per dimidiam horam vel totam ad summum non tollatur dolor, incisionem faciet usque ad os, ubi dolor est, addit spiritus vini cum Mastiche, Olibano, & sic nervi puncturam tollitur. Si id non fiat, totum os cariosum excidit, nisi prius æger moriatur præ summo dolore.

1. Dolor violentus, calidus, profundus, ad levem tactum acutus oritur.

2. Ingens pulsatio, febris, quæ facillimè noscuntur, sed quid est *horripulatio*? Si cui inflammata vasa rumpantur, tum semper fit horripulatio (belgicè *huivering* gallicè *frissons*) hoc fit, quia si una pars rumpatur, tum vasa laxantur, hæc quoque fit, si aditus ex arteriâ in venam laxetur, à quacunque causâ fit, sicque homines utcunque sani accipiunt hunc motum, nam hac ratione fit frigus & concussio per artus, unde horremus, si ergo jam hæc omnia adsint, & horripulatio sequatur, tum scimus suppurationem fieri.

3. *Absentia* id est si dolor bonis signis absit, si gravitas in parte & tumor.

§. 536. Tum pars suppuratur, hinc tum exeditur periosteum & oritur ossis macula, & hæc ossis pars peribit & gangræna fiet, id est quando pars non recipit nec humores dimittit, si tum periosteum consumptum sit, tum ulcera & fistulæ postea fiunt, & tamen suppuratio fieri nequit, quia exitus non datur, suppuratione facta scitur, si gravitas & pondus in loco sentitur locus parum distendatur, & dolor ferè cesset, tum suppuratio periosteï facta est, id est consumptio vasorum in os pergentium & ex osse egredientium, hinc os nudatur id est suis vasis privatur. Fluctuatio in loco externo docet abscessum, at in profundo periosteio difficillimè hoc cognosci potest, nisi signa inflammationis antea adfuerunt; hinc optimi Chirurgi sæpe non advertunt signa abscessus, nisi ubi materia maxime corrodens vicina erumpere tentat, unde scimus diuturna interna mala maximè orta esse ab inflammatione periosteï.

§. 537. Hic morbus dependet à Lue Venerea, Scorbuto pessimo, vel horum miscela Rachitide.

Corrumpet. Quia pus attinget ossis lamellas.

§. 538. *Ilico.* Novi enim homines inde mortuos.

Aperiendus. Nam profundè ut ad os & periosteum accessus detur, si verò os videamus cariosum, tum instrumento ferreo instar cunei quo ad formam perfodiatur, & inspergatur gumini Sarcocolla Therebinthina cocta vel Mastiche, Olibanum, vel Elemi ad ignem inspissati, tum parva fiet exfoliatio, & periosteum citissimè à natura recrescit. Quando pus juxta

has decurrens periosteum secedit ad articulos,
 tum ibi horrendæ fiunt inflammationes, sed si
 bonâ fortunâ pus decurrat inter musculos, &
 in quadam parte faciat abscessum, tum hoc de-
 purato æger curari potest, sed tamen in absces-
 su apertura facta non tam facile curari poterit
 abscessus, nam illud pus hæret in gyris & fini-
 bus cellulosæ membranæ super periosteum,
 hinc Chirurgus aperit in uno loco, non tamen
 per hunc aditum pus extrahere potest, qui hinc
 inde in gyris latitat. Contingit aliquando puel-
 lam pulcherrimam ludendo in platea ad os fe-
 moris ad acetabulum sensisse dolorem maxi-
 mum perstantem, puella miserrimè claudicans
 à Medicis, Chirurgis optimis & me ipso exa-
 minatur, os bonum fuit inventum, sed tumor
 triplo major erat, quam naturalis, omnes con-
 cludunt esse ingentem puris collectionem seu
 abscessum, sed undulationis vel fluctuationis
 signa aderant; Chirurgus lanceola incidit ad
 os usque, nil invenit, nec exiit nisi humor
 paucus, sed hac apertione tunc aliquid facilio-
 ris gressus conciliatus fuit illi loco; hinc ab-
 scessus est aperiendus, licet quid dubii subsit,
 cavendo nervos, venas, ac arterias, hinc ali-
 qua prudentia opus est, dum scalpellum adigi-
 tur, quia omnes venæ & arteriæ non ejusdem
 loci sunt; ergo prudentes Chirurghi nunquam
 sibi soli hoc sumant. Dein os purum redditur
 plumaceolo ad fundum crasso & sicco, quod
 sequenti die affluxu humorum ita extenditur,
 ut vulnus dilatet, tum ossi nudato inspergitur
 pulvis Euphorbiæ, qui carni non nocet & os
 optime curat, dein pulvis aliquis Catagmaticus
 ex Mirra, Benzoë, Thure, Mastiche &c. sic
 os

os optime concrefeit, postquam denudatum & depuratum est.

§. 539. 1. Si tumor, ardor, magnus, rubedo ingens, dolor summus, febris magna adsint, signa sunt inflammationis violentæ, quæ hæc symptomata majora sunt, eò peior morbus.

2. Id est si pars frigida & livida sit, vel omnis dolor ab illa parte paulo evanescat sine ullo bono signo.

3. Supra periosteum incumbunt tendines, vagina musculi, adeps, cutis, jam si caries sit profunda, omnia supposita tument, quia à gangrænofo & carioso ossè omnia teterrima exhalantia inflammationem faciunt, & vicina corrompunt. Per gangrænam hic intelligitur, si periosteum & ejus vasa sic sint destructa, ut nullam habeant communicationem cum succo vitali influente & redeunte.

§. 540. Tum fit ferè sphacelus.

§. 541. Nil in os à nervis adfertur, tum marcescit, & quod in ossè quiescit, fiet acre, putridum & corrosivum, tunc cadit os instar cinerum vel quasi esset in cineratione combustum aut putrefactum; omnis humor nostri corporis stagnans vi caloris fit acerrimus & corrosivus, ut patet in durissimis ossibus dentium, ubi periosteum, quod maxillam in alviis obvelat, inflammatur, unde Odontalgia oritur. Os cariosum fit friabile, si humore acri stagnante factum sit, tunc contagio crescit, confirmant id Malpighiana & Haversiana observata, lamellæ forinant cava, intermediæ sunt series vasculorum, si gangræna vel caries consumpserit unam lamellam, tum hæret in lamella secunda à periosteio, hac ratione caries serpit

quo ad profunditatem, si serpat insinuatione ad longitudinem, fit exfoliatio, prior dicitur desquamatio.

§. 542. Hic verò ægro est proponendum, an malit mori præ doloribus cruciatibusque acerrimis, an verò malit partem incidi, si concedat, tum superiora viva incidantur, & 1. nudatio fiat, 2. mundatio, 3. applicetur Emplastrum, & fiat injectum ex decocto Camphoræ, Mirrhæ, Aloës, Alliaræ, Croci cum Sale Ammoniaco, hacque ratione intra viginti quatuor horas fiat separatio marginis. Tum verò humida non ita magis requiruntur, sed tum inspergatur pulvis ex Olibano cum Aloë & Succino, tum plumbum siccum imponatur; quomodo verò fit ossis separatio? Veterum Methodus erat per caustica vel per causticum actuale id est ferrum candens, verum hoc in osse fieri non potest; hinc separatio fiat Methodo *Belloste* perforando hinc inde non admodum profundè per ferrum, & tum vasa viva protuberant, si verò nulla vasa viva sint, tum os iphacelo est affectum. Si periosteum gangrænosum sit, locus ad os usque est incidendus, nullum enim aliud remedium datur, ut gangrænosus ichor putrefactus acer exire possit, tunc addenda sunt mundificantia ut ex Aloë, Myrrha, Galbano, Sarcocolla, similibus cum Vitello ovi, Therebinthina, ac parum mellis admisto optimum fit mundificans & deterisivum. Si parum colorem mutaverit, inspergatur parum succum Euphorbii, si multum, pulvis Catagmaticus ex Mastiche & Similibus, donec ex osse emergant apices vel papillæ rubræ. Si periosteum internum inflammetur, habet causas & effectus eosdem, quo ad os internum vel abi-

bit in resolutionem; vel suppurationem, vel gangrænam vel sphacelum æque ac in osse exteriori; unum tantum est discrimen, quod materia non exhalare possit, hinc prius corrumpitur, antequam quid externè appareat; talia exempla sunt apud *Hildanum* & *Ruyschium*. An verò hoc ad *Paronychiam* Veterum, vel *panaricium* referri non potest? Difficillimè est dictu, nam nemo scripsit quid sit paronychia, sed hic morbus imprimis oritur ad primum articulum digiti vel pollicis, ad manus imprimis & pedes quoque, quandoque oritur circa radicem unguis vel ad latera vel ad anteriora, in digiti pulpa paulo supra insertionem tendinis flexoris. Dicitur græcis *vorè ûπαρὸ ἐνὶχὸς* id est morbus circa ungues, ubi ille morbus primo fit, oritur ilico intolerabilis dolor, qui nullo dolori est comparandus, ita ut ipsum cerebrum afficiat, si per duas horas sic duret, tum purpureæ maculæ oriuntur, totumque os carie afficitur, si in pollice, tum se usque ad dimidiam partem radii extendit, si in uno ex digitis, tum ad humerum usque, inde patet malum hæere in expansione membranæ musculosæ, nam musculi digitorum usque ad Olecranon pergunt, & dein musculus Biceps & Deltoidis dant membranam se expandentem supra omnes musculos, hinc tum malum huc usque proserpit, sed pollicis musculi ad dimidium radii inseruntur, & hi quoque non in armillam hærent ad Metacarpum, sed propriam habent, hoc *Du-verney* invenit, est ergo *Paronychia* inflammatio acutissima hærens in expansione membranæ musculorum, quæ supra tenditur musculis, & tandem ad digiti finem pergit supra insertionem tendinum. Inflammatio, ubi supra tendinem

oritur, ibi manet, & hæc membrana videtur multo tensior, hinc dolor acutissimus oritur, quæ inflammatio intra paucum tempus fit, uti ad dentes, qui morbus non est periostei, sed hujus membranæ. Sed cur hic tantummodo observatur? quia hæc membrana ibi loci est tensissima, hinc si paulo major sit tensio, vel tumor adsit, tum ille dolor diu perdurans hujus membranæ inflammationem facit, hic præterea nullus musculus nulla pinguedo ponitur, sed modo periosteum, & quia hæc membrana est tenuissima, si ibi extensio oriatur, tum periosteum comprimitur. Cur hic dolor in toto corpore similis non invenitur? Quia nervi in magnâ copiâ colliguntur. Cur hic non fit bona suppuratio sed semper gangræna? Hoc fieri videtur, quia vasa nimis subtilia tumescunt in seipsum, hinc substantia non extrorsum vertitur. Hic morbus æquè facilè ac alius ossis morbus vel inflammatio curatur, si modo illa tensissima membrana laxa reddatur, hinc tum Venæ Sectione instituta Emollientia applicentur ex farinosis avena secali coctis, in lacte cum oleo olivarum, si verò hæc intra quatuor horas nil juvent, tum incidatur uno momento in medio, non ad periosteum usque, sed tamen eo usque, ut pars extendi possit, & tum postea eadem emollientia applicentur, si hoc non fiat, caries oritur intra paucum tempus, quia nullibi sunt plures nervi quam in hac parte, & periosteum hic est tensissimum, hinc si ibi oriatur inflammatio, tum os nimis compressum cariosum redditur.

§. 542. Nunc huc usque vidimus, quid ossi accidere possit à periosteo externo læso, & quomodo os inde afficiatur, rarò enim os videtur affici.

affici ex proprio malo, sed fere semper à perioſteo externo vel interno vel medullâ ejusque membranâ; quomodo verò os afficiatur à perioſteo externo vidimus, ſimulque fieri dixi de morbo extremos articulos digitorum occupante panaricio ſeu paronychia dicta & rationem dedi, cur hic tam mira ſequantur ſymptomata.

§. 543. *Perioſteum internum* id eſt illa membrana, quæ oſſis concavam partem tegit, quæ pars hæret inter membranam medullæ & concavam oſſis ſuperficiem; cur verò rariffimè hic inflammatio contingat? 1. quia hic vaſa & humores ſunt tenerrimi, 2. quia hic motus adest parvus, 3. quia frigus externum non accedit, aliter quoque ac alia corporis pars inflammari poſſet, hinc ibi rarò fit inflammatio niſi in Lue Venerea, Rachitide, & Scorbuto peſſimo.

Quo ad os internum. Ubicunque ſanguis ſtatgnat in arteriâ motus & propulſio continuatur, & ibi quoque fit idem effectus nempe inflammatio, in quocunque demum fit loco.

Exitus. Inflammationis exitus eſt reſolutio, ſuppuratio, gangræna, ſphacelus, & ſcirrhus, hi ſunt effectus inflammationem ſequentes. Scirrhus verò hic fieri nequit, quia non eſt locus glanduloſus. Sphacelus fieri non poteſt, quia interiora lædit, nec quoque ſuppuratio, quia pinguedo non mutatur in pus ſed in rancidum liquorem; cæterum hic morbus cum inflammatione convenit, imo ſuppuratio fieri nequit niſi in vaſis liberis, nec quoque in loco clauſo, tum enim non fit pus ſed ichor.

Ob denegatam. Materies hic mutata fit putrida & acris, quia exhalatio impeditur, ſinus
ſeu

seu fistula, in qua se explicat, aperiri nequit & quia hic hæret in loco calido, inde hac ratione degenerat, cum verò liquor sic degeneratus exire nequeat, non aliter fieri potest, quin simul medulla afficiatur, nam hæc ossis membrana vix attrectatur, quin statim diffluat, nisi arte præparetur, hinc tum totus effectus cadit in medullam subjectam.

Unde Medulla facillime putredine afficitur, uti sæpe videmus in bouum medullâ in mensâ, illa enim medulla semel putrefacta non redit in naturam suam blandam, nam difficillimè oleum quodvis rancidum iterum corrigi potest, imo nil horridius est quam oleum putrefactum, unde Auctores de Peste dixerunt, nil magis hunc morbum propagari, quam olea pingua, nos enim carnem ferre possumus, non verò oleum, nam qui oleum putridæ medullæ comedit, ille vix toto die sibi saporem ex ore detergebit, hinc patet, quanta mala inde oriri possint.

Totum inde os. Os habet vasa periosteï interni & externi, si omnia vasa ab ossè ablata vel putrefacta sint, quod idem est, tum ossis gluten perit, nam os aliter materia constantissime, & vix calcinabile constat, illa verò constans materia est gluten, quod est oleum, quod nulla ignis vi sine apertâ flammâ diuturnâ ab ossè separari non potest, si ergo illud oleum deficiat, tum fit caries, & totum os in cariösa fragmenta resolvitur.

§ 544. Ponatur os fæmoris lædi primo medulla intacta, sed periosteum internum inflammari & suppurari, pus autem non potest transire per os, nec quiescit, sed calet, movetur, corrodit vicina, tum totum os coërcebit humorem

morem pessimum corrosivum. Si medulla prius sit corrupta, tum primò os non læditur, quin prius periosteum internum læsum sit, sed periosteum internum inde afficitur, hinc idem erit effectus, cum nulla sit differentia nisi temporis mora.

Vix. Si morbus eo usque perveniat, ut tota medulla conversa sit in ichorem rancidum, tum nulla spes curæ, nam inde fit ossis caries, quæ est quasi gangræna ossis, nam gangræna est vasorum advehentium & revehentium ineptitudo ad munus exercendum id est ut nil advehant nec revehant, hinc ad hunc morbum curandum, tum nova vasa essent creanda, ergo cura est impossibilis, licet multi Chemici jactent se hoc præstare posse, cum *Paracelsus in sua Chirurgia majori* dicat, nullum medicamentum posse vasa perditâ integrè facere recrescere, cum verò ille sic loquitur, qui aliter sat magnus jactator fuit, multo minus hodierni Medici id præstare posse puto. Lues Venerea non mihi videtur hæere in solo pingui, non ergo in sanguine nec in sero.

§ 545. *Signa.* Si Auctores consulamus, vix aliquid invenimus, sed ex his phænomenis diagnosis formare possumus, curabile verò cognoscitur id malum, si adhuc consistat in inflammatione, tum enim adhuc vasa sunt integra, & humores non valde corrupti, sed jam quæro, unde cognoscatur, quod inflammatio periosteï interni adsit? 1. Si febris continuata semperque eadem ratione perdurans adsit, nec interim sit intermittens, nec quotidiana, nec tertiana, nec quartana geminata, nec febris hæctica, tum Medicus concludit in hoc agro adesse diathesin inflammatoriam. 2. Si ergo

go talis febris adfit, nec tamen inflammatio externè appareat, tum Medicus dicit, hæc est signum inflammationis, externè enim non video, hinc internè esse debet. 3. Si æger dicat, os mihi profundè dolet, quasi dissiliret, si tum ruditer tractando dolor augeatur, tum os internè esse affectum noscitur, & si talis febris accedat, tum notio est eo certior.

Nulli remedio nec Embrocho nec fomentis cedens, si verò Podagra vel Rheumatismus esset, tum parum remitteret.

4. Si verò æger tum simul dicat, in lecto vel à motu musculari dolor augetur, tum hoc est signum, quod pars profundius agitetur, & quod ibi inflammatio adfit, si tum simul nec Emplastris nec Unguentis aliquid proficiamus, tum certi sumus (cum nulli in ossa adiunt nervi) inflammationem adesse, si verò illa pars non resolvi possit, tum omnia mala cariosi ossis & corruptæ medullæ fiunt.

§. 546. Hic autem nil plus facere possumus, quam natura vel ars admittit, cum Medicus sit tantum naturæ minister, hinc nil facere potest, quam impedimenta curationis tollere. Ergo generalia supersunt agenda, si talis oritur dolor descriptus in ossium cavis, tum curamus ut Pleuritidem, si dicas id solum non sufficere, non nego, sed forte sufficeret, si juxta generalia inflammationis curæ facio id quod possum. Medico tamen ad hunc morbum maximè est attendendum, cum inflammatio hic potius sit chronica quam acuta, ut homini hydrope laboranti accidit (quamvis hydrops prorsus ab inflammatione absit) tunc non audemus mittere sanguinem, id enim esset occidere ægrum, quia illud pauxillum boni sanguinis, quod ad vitam

vitam superest, tolleretur. Si à magno cursu dolor ad tibias summus & febris oriantur, & æger ad pressionem de doloris augmento conqueratur, nullo apparente tumore, sed si moveatur, sentit dolorem augeri, [concludo morbum in interioribus ossium hæere, tum diluo sanguinem, instituo Venæ Sectionem; tum acria irritantia demulcenda sunt per medicamenta anodyna, oportet locum affectum in suis vicinis maximè laxare per fomenta aquosa farinosa, & sane cura in Odontalgia quam optimè hisce modis succedit, postea antiphlogisticis adhibitis dolor & febris minuuntur, sed non integrè tolluntur, tum non amplius metuitur inflammatio, tum dabo decocta Chinæ Salzaparillæ, Bardanæ, Scorsoneræ, Radicum Graminis, Tragopogonis quinque aperientium, & tum sudorem provocabo sub craticulâ ope spiritu vini, diætâ sit tenuis ex pane biscocto vide § 529. Spina ventosa quæ his signis observatur, si adhuc sit in statu inflammationis hac methodo tolli posse videtur, hæc cura appareat crudelis, sed alia methodo nil præstare possumus; hæc cura inservit ad suppurationem præcavendam.

§. 547. Si nempe periosteum internum labefactatum sit & medulla in ichorem conversa, tum quæso quid remedii genus, forsan putes os perterebrari posse & sic materiam educi, id quidem fieri potest, sed tunc tamen os periosteum nudatur, hinc eadem mala regenerabuntur, & tamen ossis caries quoque manet, tum nil agendum nisi exstirpatio, si operatio institui possit vide Caput de Sphacelo; si verò nobis adhuc aliquid promittere possimus, id erit à Decocto Guajaci, Buxi, Sassafras, Santali rubri,

bri, citrini vel albi cum sudatione in cistella cum spiritu vini vel sub craticula, ut hac ratione quasi febris oriatur, & omnia sudando moveantur. Mercurius sæpe adhibetur, qui in glandulis quidem morbos curat, at difficillimè in ossibus, quò enim plus salivæ educitur, eò crassiora ad partem remanent, & vidi semper quando malum in interioribus ossis erat, mercurium magis obfuisse quam profuisse, non verò in externo periosteo.

§. 548. Hic miseram tragædiam propono, cujus catastrophe est exstirpatio vel mors ægri.

A tumore. Hinc dolor fit acerbissimus, talis dolor sæpe oritur in hominibus Lue Venereâ laborantibus, sic ut adfuerim hominibus bene menti compotibus, qui præcabantur, ut modo caput pertunderetur ad mortem accelerandam, & sic à doloribus liberarentur, hic enim dolor est strictè permanens & dilacerans.

Ab Acrid. Si exhalationes putridæ accedant ad periosteum externum, tum erosio fit, & dicta symptomata geminantur.

Incumbentia. Tum omnes muscoli omniaque integumenta fiunt fungosa & replentur materiâ non exhalante turpi & fætida.

Lento contagio. Quia vasa sunt parva & motus lentus.

Membrum perit. Nam acris ichor hic colligitur, qui se non manifestat, nisi ipsi via paratur, vel sibi viam paret, & si ipse ichor hoc faciat, tum omnia jam sunt corrupta, quia periosteum externum jam corrosum & corruptum est, hocque inficit panniculum adiposum incumbentem, ergo muscoli modo in medio hærent non affecti, hinc sphacelus dici nequit, tum exstirpatio fieri non possit, ægri moriuntur,

tur, hoc verò malum jam descriptum oritur à medulla vel periosteo interno malè affecto. Hæc putredo vocatur rancescentia, quæ nulla loca plus infestat quam ossa. Si os à putrefactione extendatur, tum fibræ periostei interni distenduntur, unde fit dolor horrendus, quasi sensim dilaceretur fibra post fibram, tum pars maximè est spongiosa ichorosa, semis rigida & flaccida, donec cadat; hæc etiam ab odontalgia accidunt.

§. 549. *Lues Venerea.* Quantum videre potui, videtur mihi venenum venereum se nulli rei magis permisceri quam pinguedini seu in cellulosa membrana. *Ruysschii* seu adiposa Veterum seu musculosa, seu in pinguedine ossium, & puto semper radicari in pinguedine, hinc huic quæsito respondetur, ubi quæritur, quare ossa tam fæda afficiantur in Lue Venerea? Notum enim est, hunc morbum in pinguedine radicari, & glandulas quatenus pingues & panniculum adiposum affici, hinc per pinguedinem palati & narium disseminatur, ossaque afficit, quia plena sunt pinguedine, unde non mirum est, quod ossa hac ratione afficiantur, hoc verò probatur, quia ægri, qui curantur à Lue Venerea sic debeant macilescere, ut nil pinguedinis supersit, aliter recrudesceat malum, hinc hæc cura per salivationem vel decoctum lignorum exsiccans peragitur. An non in Podagra simile quid obtineat, nam ibi vidi ossa etiam cariota decidisse? Nam ibi à ligamentis & periosteo externo affecto caries fit. Quoties Lues Venerea occupat ossa à parte periostei externi, tum curari potest per mercurium, sed quando hæc affecit medullam, tum tota ossis moles destruitur, & curari non potest per mercurium,

nam per mercurium nil proficitur, per sado-rem tantum agi potest, quando materies est mutabilis, sed hic non est mutabilis.

Scorbutica. Plures sumunt hanc Diathesin, tanquam à Lue Venerea veniret, verum cum scorbutum potest pessima mala facere ad dentes, quidni ad alia ossa, in hoc morbo gingivæ gangrænescunt, dentesque fiunt cariosi, legatis quæso hoc *journal* de his tribus hominibus, qui in Groenlandia in *Spitzbergen* hibernare voluerunt, ubi ultimus scripsit, quomodo sint mortui cum dolore ad omnia ossa, ergo scorbuto, & ille scribit, ego jam sentio me quoque mox moriturum, & quoque mortuus est, ille vocabatur *Joris van Spitzbergen*, hinc scorbutum non improprie nonnullis Belgarum dicitur *Scheurbot*.

Rachitica. In vera Rachitide omnia ossa tumescunt, & omnes dentes nigrescunt, & male afficiuntur; in hoc morbo ossa in cariem a-beunt, si diu duret, sed tamen sæpe sanantur, si verò ossa in Lue Venerea cariosa fiant, pessimus est morbus, in scorbuto verò caries non est tam frequens nisi ad dentes & os femoris, à Rachitide omnia ossa afficiuntur, hinc cum hi morbi veteribus vix noti fuerint, hinc caries tum non videtur adeo frequens fuisse, nam *Hippocrates* quidem dicit περί κεφαλῆς tantum quasi sideratio foret ab extremis causis, sic etiam *Celsus* de subitanea sideratione scribit, sed à contagio in his suscepto hoc malum producente apud Veteres nulla fit mentio.

Gumma. Hæc vox in Nosocomiis Italidis primo est inventa, est tumor ortus circa os vel periosteum, tenax, non planè durus, sed tanquam gummi, digito cedens, figuram impressam recipiens,

piens, fixus hærens ad os, qui oritur, si membranæ periosteï in suis stratis, & vasis incipiant infarciri humore lento, qui ire tamen & redire nequit; hinc est tumor præternaturalis à lamellis ossæis ab invicem discedentibus ob inflammationem vasorum inter lamellas positorum, qui tumor in osse extrorsum delatus cum dolore satis magno & tenacitate adhuc facile cedente. Tunc lamellæ adscenderunt & hac ratione hunc tumorem fecerunt.

Tophus. Itidem vox Nosocomiorum, vocatur tumor circa ossa mollis quidem, sed sic ut cornua vituli vel rostra avium primo emergentia referat, oritur, si lamellæ ossis & periosteï referat externi infarctæ duriores fiant, est ulterior quam gumma.

Nodus est major gradus quam Tophus ejusdem naturæ sed durior.

Exostoses sunt duplices vel lamellarum ipsarum ossæarum vel aliquando omnes lamellæ exesæ sunt, & solæ lamellæ tenues factæ sunt extrorsum elevatæ. Exostosis est, si tumor durus in substantiâ os deformet, & tam durus sit, ut quasi ipsum esset os, in thesauro Raviano videbitis Exostosin à lamella ossæa elevata cum succo duro quasi osseo insperso.

Abscessus est, si partes ossis cellulosæ vel membranacea vasa suppurari incipiant, cellulæ rumpuntur, & os abscedit; hoc est, quod vocat *Hippocrates* ἀποσάσειν; hic abscessus dicitur fieri circa molles ossis partes ad juncturas, abscessus in osse triplici modo fieri potest, 1. quatenus Epiphisis adnato ossi ab osse recedit, ut si trochanteres femoris ab osse femoris recedant. 1. In lamellas, ubi latiores discessus substantiæ ossææ ad articulum. 3. In ossæa sub-

stantia

stantia vel inter lamellas vel maximè diploë, nam abscessus nil aliud est, quam quid vasa obstructa & inflammata faciant separationem, ergo abscessus in osse est exfoliatio.

Caries. Si os careat nutrimento & glutine id est si periosteum internum & externum consumptum sit.

Spina ventosa est caries à labefactato osse ab interno periosteo vel medulla corrupta.

§. 550. Naturalis color ossis est subcæruleus, candidus, eodem modo, ut sanguis ruber per venam & cutim albam externe non rubrum colorem dat, vel subcæruleum, sic etiam ossa per se alba à stratis vasorum pellucetibus fiunt subcæruleæ; hoc quoque videmus in sceletto ad demonstrationes anatomicas præparato, ejus ossa à pinguedine non sat orbata, sic iidem colores usque ad nigram percurrunt, hinc naturalis color est subcæruleus, ut apparet in tunica adnata oculi, qui oritur à multitudine vasorum periostei ossis, color albus designat inflammationem & vasorum compressionem, flavus putredinem, cinereus, gangrænam, lividus & niger sphacelum.

In album pinguem. Ac si esset lardum, tum vasa contusa & perdita sunt, sicque porro malum augetur, pro ut colores ponuntur. Color naturalis dentium non est candidus, sed subcærulescens, si verò dens malè se habeat, tum r. fiet albus, dein flavus, tum cineriteus, nigrescens, & tum cadet, si enim quis velit reddere dentes candidos, tum vulgo sumit vitriolum & spiritum nitri, & ita destruens omnia vascula reddit dentes albos sed facilè caducos.

§. 551. Sic si quis acida acerba edat, tum dentes dicuntur longiores fieri & re verâ fiunt, nam

nam sic partes ossæ levissimè ab invicem secedunt, hacque ratione dentes obstupeſcunt, ut dicere solemus, nam acida ossibus inimica sunt, sic videntur horum ossa instar ceræ molliora esse facta à simili causa, ut *Parisiis*, *Lugduni in Galliis*, & *Amstelodami* exemplum habuimus.

Inæquale. Quia vasa attolluntur, & hinc lamellæ non æqualiter elevantur.

Spongiosum? Quia vasculis caret humoribus replentibus & lamellæ secedunt.

Friabile. Omne os violentissimum ignem sustinet, antequam redigitur in pulverem seu terram, sed si nulla aqua nec oleum magis adhæreat, tum ilico cadit, si attingatur: verum si tum iterum in aquam vel oleum immittatur, tum os denuo dureſcit, hinc os privatum oleo & aqua cariosum fit.

§. 552. Nam ut *Hippocrates* jubet sapes uti & odores sunt distinguendi: si peritis Chirurgis rogetur, an ulcus sit cum mala diathesi, tum subolfaciunt Emplaſtrum vel Plumaecolum, si tum fætorem percipiant instar lardi rancidi, tum dicunt os esse affectum quia medulla & lardum eadem ranciditate afficiuntur; ille fætor est similis ac in cavo dente, caries ibi hærens putreſcit; quò plus est olei in parte, eò fætor major, hinc in medulla est tantus fætor, quia minus est salis & plurimum olei.

§. 553. Simulac os primæ phalangæ digitorum carie afficitur, tum omnes membranæ tumescunt, non inflammantur, si incidantur, tum non sanguinem fundunt nec pus sed ichorem, hoc fit, quia tendo offi annectitur, & cellulosa membrana expanditur, si ergo hæc

materia maligna eo pertingat, tum materia in cellulis hærens quoque denegari cogitur.

Labia inversa non plana nec mollia nec subfidentia sed retorrida, quia omne internè hærens facit, ut externa magis protuberent, & sic eructata labia cutis deprimit, hæcque labia à pinguedine fiunt, ut quoque de Cancro notavi, hac quoque ratione gingivæ in dentium carie reflectuntur, simulac ruptura facta est.

Sanies clara. Quia materia tantum exit per illa parva vasa non verò per magna ulcera, talia sine causâ recrudescentia semper habent sedem in pinguedine, cum verò pinguedo sola sit sedes ulcerum, hinc ibi facile fieri possunt.

Parvis Squammulis. Quæ sunt parva ossis secedentis stigmata, quæ vasis sunt orbata.

Recrudescentia sit v. g. caries dentis, illa etiam propagatur ad alios dentes, hoc verò impeditur dentis carioli evulsione; vel reddendo dentem mortuum, ut sit per plumaceolum intrudendum spiritum vini Camphorati, vel spiritu vini cum Euphorbio vel oleis destillatis aromaticis imbutum, quæ ossa & vasa exurunt, Chirurghi sæpe vulnera per annos curant cum lapide infernali vel simili caustico, tum crusta inducitur loco affecto. & sic quasi clauditur, verum citò recrudescent, hoc enim natura sic facit, ut si materia maligna hæreat vel appellat ad locum, claudi non possit.

Rebellio. Chirurghi sæpe conqueruntur se optima detergentia adhibuisse ex Aloë, Croco, & Mirrha, & optima abstergentia de balsamis ut de Copaiva, de Peru, sed dicunt se tamen nil efficere potuisse. sed hoc fit quia ulcus non potest deduci ad cicatricem, antequam vulnus
sit

fit factum, & vulnus quoque est, donec heterogeneum abfit.

§. 554. *Cur caries?* Os nutritur à duplici vasorum genere nempe à periosteo interno & externo, hinc ossa diploën habent, ubi hæc vasa conveniunt, ut antea dixi *Ruyfchium* demonstrasse, hinc si periosteum externum sit affectum, tum sæpe diploë est bona, & si tum bona separatio fiat, tum recrefcit periosteum & sic curatur.

Alue Venerea. Hoc malum hæret in oleo, hinc si quis posset ex hoc sulphure elicere illum spiritum incolam, tum morbus sanatus esset, sed hoc nemo potest, nisi omnem pinguedinem solvat & educat, tum iterum bonis succis ægrum repleat, si verò parum pinguedinis relinquatur, recrudescit malum, hinc hæc caries difficillimè curatur, licet *Fernelius* per rastrum os tibiæ excusserit, quod in aliis ossibus fieri nequit, cum ergo lues ferè semper occupet oleum & oleum tenaciter adhæreat, & difficulter abluatur, si ossa afficiantur, tum hæc inflammatio, quatenus pingua vasa afficit, est pessima, & dein quoque ad interiora & medullam pergit; Lues Venerea non agit multum in sanguinem, sed malum semper in illa pinguedine nidulat, videmus enim hos homines æquè bene bibere & edere, sed tamen totam pinguedinem consumi, sed ubi hæc putredo devenit (ut in spina ventosa) ad medullam ossiam, tum ipsa salivatio non prodest, neque sudor solus nisi Methodo proposita, quando autem per mercurium funditur tota pinguedo & specie salivæ educitur, tum virus venereum unum pinguedine eliminatur.

A spina ventosa. Hic morbus semper secum habet

habet magnam diathesin, nam rarissimè oritur, nisi totum corpus prius labefactatum & affectum sit, medulla enim hic prius afficitur, hacque ratione malum sensim proserpit. De hoc morbo scripsit Italus quidam Vir *Josophus Pandolphus de Spinositate Spinæ Ventosæ morbo gravissimo.*

§. 555. *Cur in parte solidiori?* Quia ibi vasis paucissimis & tenerrimis lamellæ compactissimæ sunt; hinc minimum vitium tenerrima vasa facilè destruit, & solida relinquit, hinc ibi exfoliatio à vasis succumbentibus producenda est. Nec tamen putetis ibi nullam vitam nullaque vasa naturaliter hærere, hoc enim minime verum est, nam si os tibiæ fractum bene apponatur, & appositum retineatur, tum intra decem dies unitum & concretum est, non verò firmum, sed adhuc flexile, post quadraginta dies Chirurgus audet dicere insistere & ambulare, licet os sit adhuc quodammodo flexile; hinc clarum est os in vita habere vasa, sed Anatomici dicunt hæc injectione non patere, hoc verum est, sed injectio non procedere potest ultra secundum vasorum genus nec ad vasa lymphatica provenire, nam tum in venam abiret.

In spongiosa? Quia ibi plura vasa pluresque humores & lamellæ ossæ sunt cellulosæ, ita ut integras cameras faciant, hinc si os in spongiosa quadam parte lædatur, vix sanari potest, quia hic lamellæ ab invicem secedunt, & hinc si ibi semel fiat fistula, tum liquores semper affunduntur, & vix ad coalitum perducipotest, ut sit prope juncturas.

In juncturis? Quia hic non hæret periosteum nec ligamenta, sed cartilago longe plicabilior ac in reliquo corpore & vasis constat plurimis,

sed

sed ad hujus ultimam cognitionem nondum perventum est, nam *Ruyschius* ibi vasa implevit, ita ut tota cartilago externè rubra à materiâ ceraceâ pellucente appareret, sed tamen membranam invenire non potuit. Hæc cartilago cum vicinis partibus non habet communicationem, nec habet, unde recreſcat, & præterea hic lamellæ ab invicem seceſſerunt; hinc hic morbus est peſſimus. Os femoris in medio est circiter digitum craſſum; sed ad juncturas ibi vix unguis craſſitiem habet, & hinc ibi morbus ortus vix ſanari poteſt, licet omnia optimè applicentur; ergo videmus Chirurgos non indigere medicamentis externis, nam nil facere poſſunt niſi reponere & unire, hacque ratione retinere, tum natura ſanat; ſummus anatomicus *Realdus Columbus Vesalii discipulus* docuit oſſa conſtare ad juncturas alio fragmento concreto vocato Epiphyſi, hoc præbere exitum fibris oſſeis, unde ligamenta formantur, ergo ſi ad juncturas oriatur caries, ubi duo oſſa ſibi apponuntur, dum internodia corrumpuntur, duo oſſa inficiuntur.

Prima. Quia ibi vasa tenerrima & motus in parte ſolidiori lentiffimus, imo per viginti annos durari poteſt in lue venerea.

Altera. Quia ibi vasa humoresque ſunt copioſi.

Ultima. Quia ibi eſt mira trajectio, nam puto (ut dixi) medullam aucto calore liqueſcere, & ſic ad medullam pergere, atque inter eas circulare, hacque ratione pervenire ad hanc cruſtam cartilagineam, perque eam tranſudare, & quod ſic illa medulla cum ſmegmate *Haverſiano* faciat humorem articuli, puto verò, quod

si hic morbus oriatur, quod tum medullæ profluxus impediatur, hinc difficillima cura.

Cur in Pueris? Quia in his omnia ossa spongiosa humida & mucilaginosæ sunt, hinc facilius corrumpenda & vix restituenda.

Cur in Spina ventosâ? Quia hic morbus non est topicè in ossæ, quin simul fuerint corrupti prius humores ad hoc os pergentes, hoc verò rarò in his humoribus solum obtinere potest; hinc rarò unum os à spina ventosâ afficitur; sic quoque rarò unus dens cariosus, si ab interna causa caries orta sit; & vidimus sæpe unum membrum extirpatum malum in alio membro propullulasse.

§. 556. *Qui his.* Dubito, an plures dentur ossium morbi, hinc puto me de his satis egisse, de qua re vix apud Auctores mentio fit, hinc Medici sic hærent in curanda Rachitide, Odontalgia, & imprimis Spina Ventosâ, inde ab his morbis rari morbi oriri possunt, sic Phtyfica tabes fit ab ossæ putrido. Omnes ossium morbi oriuntur vel à violenta causa externa vel interna, si ab interna erit vel Spina Ventosâ vel caries, vel tophus, vel gumma, vel condylo-ma, vel exostosis, vel abscessus.

Ἀγκύλωσις tantummodo restat, quæ duplici sensu intelligitur, i. apud Veteres & Hippocratem *Anchylosis* dicebatur *immobilitas articuli mobilis nunc præternaturalis facta à causa hærente in ipso articulo cum tumore*; Recentiores sumunt pro omni immobilitate articuli à quacunque etiam causa oriatur, hic verò sumamus laxo sensu pro omni immobilitate nata in articulo. Hujus causæ sunt calli, si frangatur os humeri quam proximè ad processum Omoplatæ maximum, tum os per sexaginta dies reti-

retineri debet immotum, tum ibi accrescit callus, hinc fit immobilitas, sic quoque callus in ossis femoris, si ad articulum ruptum sit, tum à callo ibi nato articuli immobilitas fit, quia pars non moveri potest, nisi in callum, ut obstaculum incurrat; ergo quando fractura accidit ossi proximè ad juncturam, tum postea callus illius ossis fracti concrescit cum altero osse, hæc est Anchylosis species vide *Thesaurum Ravianum in theatro Anatomico*.

Inspissato linimento Haversiano. Liquidum mucilaginosum circa juncturas existens & oleosum in cellulis oleosis miscentia se simul debent ambo ita attenuari, ut exhalari possint, & ita resorberi à venis in articulo patulis, tum si motus ibi adeo deficiat, ut mucilaginosus hic humor exhalari aut resorberi nequeat, tunc inspissatur & fit anchylosis, hoc accidit illis, qui fregerunt crura aut brachia, & diutius dein immotis his partibus manserunt, tum enim Anchylosis fit; hinc Chirurghi tantum has partes quotidie movent sensim & magnâ vi, & sanant additis simul balneis & fomentis. Glandulæ ad juncturas positæ ab *Haversio* fuerunt inventæ, quas *Ruyschius* folliculos vocavit; hi semper humidum fundentes articulum ab inflammatione & tritu defendunt, si verò adsit nullus motus, tum humor secretus concrescit, & facit gluten, hinc immobilitas, si hoc non per sales alcalinos volatiles, frictiones & balnea in motum deducatur & dissipetur, ut sæpe fit, si recens sit malum, maximè per vesicantia, hoc imprimis in articulo genu observatur.

Ligamentis rigescentibus. Omnia enim ligamenta vasis sanguineis ambiuntur & colliguntur per membranam cellulosam, si ergo hæc

suppuratione consumatur, tum fit rigiditas & articuli immobilitas. Hoc plerumque accidit senibus & animalibus quibuscunque senio confectis.

Exostosis seu excrescentia ossea. Hic exemplum habetur de defectu liquidi Haverſiani, ſic inter octo offacula carpi & ſeptem tarſi hærent bursæ, quæ ambiunt quodlibet officulum, ſi hæ ſint conſumptæ, tum fit immobilitas, & ſi hoc malum inde oriatur, tum licet manus fortiter trahatur, ut in luxatione fieri convenit, vel alia Methodus adhibeatur, tamen curari non poteſt, exoſtoſis eſt peſſimum ſignum in lue venerea, ſi ægri dicant ſe brachium movere non poſſe, hoc fit, ſi caput Epiphifeos diſtendi, figuramque mutare & Exoſtoſin generare incipiat; hinc ob figuram mutatam in ſuo cavo retineri non poteſt, & ſic quoque moveri in hoc cavo nequit, tum belgæ dicunt ille eſt rigidus à Variolis (*ſteif van de pocken*). Dein adhuc eſt alia Anchyloſis coxarum, ubi oſſa innominata concurrentia faciunt cotulam id eſt magnam illam acetabuli cavitatem & hæc cavitas ita eſt excavata, ut ad $\frac{1}{3}$ partem adſcendat, & in hac parte folliculus ſic conſtitutus ſit, ut à motu & tritu hic non afficiatur, ex hoc ſuccus continuò exprimitur, qui partem obliens ita lubricat, ut tanta molimina ſine læſione ſuſtinere poſſit: verum os ichii pubis & Ilei hic ſuppeditant medullam, nam hæc oſſa multum pinguedinis habent. Si ergo hic in hoc caſu oriatur inflammatio, tum morbus coxarum dicitur, *Hippocrates* primus detexit, & dixit hunc balneo, frictionibus & abſtinentia poſſe curari, ergo ſanguinis miſſione, frictionibus & ſimilibus in initio curatur, ſi verò dureret uſque ad tertium diem, tum pars eſt inurenda.

renda, & sic sæpe sanatur, ut quoque tale exemplum vidi, & si hac ratione non curetur, tum suppuratur, & ægri per totam vitam claudicant; similis saccus est circa flexuram genu.

Difficillima curatio. Nullum certum remedium hic novimus, possumus quidem partem oblinire, frictiones & balnea adhibere, sed si callus semel factus sit, & ligamenta obriguerint, vel utrumque, tum est morbus incurabilis, & sæpe magnis cum doloribus cruciatibusque lethalis; si linimentum sit induratum, tum debemus 1. partes emollire balneis unguentis &c. & quotidie partes hinc inde magna vi movere, 2. victus sit tenuis præsertim ex medulla animalium & omni mane sumant ægri jejuno ventriculo medullam bubulam sine ullo sale, dein petant balneum, ut sudor oriatur; verum si illa materies coaluerit cum ossis cavitate non sanabitur. Si hoc oriatur à ligamentorum rigiditate, tum profunt balnea ex alto gallis *la Douche*, embrocationes, nisi hæc rigiditas oriatur à senio, quò locus est altior, eò melior. Si Anchylosis fiat ab exostosi, inutile erit ægrum torquere, nec curatio fiet.

§. 557. Vidistis ergo nunc morbos elementales solidorum & fluidorum, & ex his compositorum, sed tamen simplicissimos; hinc consideravimus ea, quæ sensibus externis maxime patent. Ex his constitit Medicum vel Chirur- gum nil efficere posse nisi ope naturæ, nam Chirurgus quidem os fractum reponere potest, sed facere non potest, ut extrema concrecant, sed enim natura facit, & in mortuo minimè succedit, sic in aliis, sed ars modo aufert naturæ impedimenta, hinc *Hippocrates dixit natura sibi sola ad omnia sufficit, natura repugnan-*

te omnia frustra fiunt. Sic etiam scalpellum Chirurgicum non agit nisi ope naturæ, nam si homo sit in animi deliquio, tum nulla sanguinis gutta secta vena scalpello elici potest, si ergo impedita sit natura, tum impedimentis sublatis natura redit. Non invidiosè dico in aliorum Virorum merita, quod qui non à Chirurgia Medicinam tractare incipit, ille malè Medicinam tractet. Id in exemplo videamus, inflammatio in oculo externo microscopio inspicere, externa medicamenta applicare & videre possum, numne resolutio vel suppuratio fiat, tum oculus in periculo versatur, & videre possum, an morbus oculum sit destructurus id est an fiat gangræna. Si ergo Medico dicam ecce externam oculi inflammationem, si mihi tum dicere possit, quid sit, tum inflammationis cognitionem habet, & quomodo curetur Ophthalmia nempe Venæ Sectione seu balneis & vili potu, si verò hac ratione nil proficiatur, tum suppuratio fit, si verò dicere possit, quomodo curetur, tum suppurationem ejusque curam intelligit, si autem hoc in oculo cognoscat, tum rogabo, quid sit Pleuritis, sed dixit, oritur à tali causa, in tali corpore, prægressis talibus symptomatibus, tali dolore, tali febre, & quarto die talis morbus mutatur, fiunt sputa, si tale sit sputum, tum fit tale Empyema, talis gangræna, nunquam verò dixit esse inflammationem arteriarum intercostalium, semel modo dixit, latus fideratum est. An ergo putatis ullum Medicum intelligere quid sit pleuritis nisi sciat, quid sit inflammatio, hinc optimum est Medicos mantisse *χρῆματίζοντες*, ut *Helmontius*, & *Paracelsus* optime dixerunt, nam Chirurghi morbos Chirurgicos


cos curare quoque non possunt, nisi sciant vitia solidorum & fluidorum; sic v. g. si Chirurgus ulcus scorbuticum curet, tum corro-
dentia applicat, nunc Alumen, nunc Vitriolum, nunc detergentia, ut Mirram, Aloën, hacque ratione pars detergens fit pura, ut antea erat, sed non correxit causam erodentem, ergo malum iterum redit, hinc etiam humorum vitium prius est corrigendum, sic enim quoque *Jacobus Carpus* per mercurium lûem veneream & ulcera venerea curavit, & modo folia brassicæ ulceribus imposuit, & sic salivatione ægros sanavit, an ille ergo non fuit major Chirurgus, quam qui tantum per externa agit, sic si luxatio ossis humeri cum inflammatione & febre facta sit, medicus advocatus nil scit de luxatione, ille Venæ Sectione instituta, antifebrilia dat, sed nil proficit, Chirurgus verò dislocatam partem restituit, hacque ratione vasis compressis restituti febris tollitur, ergo patet esse optimum Medicinam internam adhuc Chirurgiæ & Chirurgiam Medicinæ internæ esse junctam. Hoc patet ex Chirurgorum scriptis imprimis si legatis *Hildanum cum Aurelio Severino de efficacia Medicinæ editio Francofurtensis* & præ cæteris *Aurelii Severini tractatum de mira Abscessuum natura*, ex his clare vobis patebit; neminem Medicinam internam intelligere posse, nisi Chirurgiam intelligat, sic vobis antea exemplum ex *Harveo* dedi, qui in quodam homine pedem immobilem & rigidum invenit à tumore comprimente arteriam iliacam medicamentis irritè adhibitis. Similem quoque casum notat, ubi Ædema ad femur externè apparebat, sed dissecto cadavere inventum fuit ab Atheromate

O 6

ma-

magnam venam Iliacam compressam fuisse; sic etiam crus immobile fieri potest, vel quædam alia pars imprimis à nervo compresso, sic quoque tendinum vagina suppurari potest, tum hæc pars fit paralytica à nervo compresso, hoc verò, si curabile sit, tollitur per Venæ Sectionem, frictiones & balnea, quid enim Medici Chirurgiam non callentes cogitarent de tali morbo, quid enim egissent, si non scivissent. Si inflammatio adsit in dorso, & panniculo manus adiposo, idem erit effectus ac in membranâ thoracis internâ, nempe video externè majorem rubedinem in manu, sed docuerunt Pleuritide subitò mortuorum corpora pleuræ membranam multo fuisse lividiorem ac rubicundiolem, in utrisque oritur talis dolor, quasi aciculæ plurimæ pungerentur, & ut hinc magis quasi per convulsionem pars contraheretur, sic etiam pleuriticus in respiratione respirare metuit ob dolorem inde factum, costas immobiles tenendo, ut Pleuritici omnes ferè faciunt; jam in manu fit calor & tumor, idem in pleuriticis apertis anatome docuit; pulsus utrisque fit durus & celer, jactatur manus, malum non bene fertur, idem pleuriticus facit. Si morbus in manu non per resolutionem tollatur, tum fit suppuratio, si non per aciculam discindatur, facto foramine humor exit, sic in pleuritide cadit in cavum thoracis, vel fit gangræna, ut in manû, sic pleuritidis causa, effectus & Phænomena sunt eadem. Nunc videamus curam externè, applicantur fomenta, utatur æger Venæ Sectione instituta diluentibus & resolventibus, hacque ratione humoribus fluidis redditis vasa laxentur, idem fit internè in pleu-

pleuritide. Si verò Chirurgus non videat in manu tertio die hæc juvari, tum applicabit maturantia, facientia pus & motum in loco, ut in pleuritide hic subsistimus, nam est magnum opus ad materiam per respirationem extrorsum educendam, & si in pectoris cavitatem cederit, tum non amplius est pleuritis, sed Empyema, & curatur per incisionem ad costas factam, hacque ratione puro educto locus mundatur, adeoque omnia eadem sunt, ergo causa, sedes, mutationes, effectus, curæ semper sunt eadem. Adeoque postquam hæc didici per historiam Chirurgicam nunquam plus profeci quam attendendo omnes externos morbos similes esse internis; Cum verò hoc nostrum assertum sit universaliter verum, commendo utilissima illa volumina, imprimis legendum est *Sepulchretum Anatomicum Theophili Boneti* hominis nati ad similia operosa opera, cum sint collectiones observationum ex optimis veterum & recentiorum, quos ipse legit; tandem pergo ad morbos internos.



Compendium Lectionum publicarum in Nosocomio.

Tumor in Hypochondrio Sinistro.

Vir 45. annos natus olim in castris stipendia meruit, ubi sæpius in variis expeditionibus cogebatur noctes atque dies sub armis manere, itinera facere sine alimento, unde ortæ ficcitates imprimis à solis calore, incidit ex hisce in

Asthma à quo ex arte liberatus, postea corpore satis robusto fruebatur.

Circiter initium Septembri elapsi sanus adhuc nisi quod Asthma aliquando erat molestum, incidit in febrem tertianam, quæ cito in quotidianam transiit, hæcque tandem in continuam violentam, ex quo nonnisi vitæ periculo evasit, languorem tamen retinuit, mansit febricula levis, adhuc dolor in latere sinistro abdominis ad finem cartilaginum costarum spuriarum inortus tumor separatus, à quo languebat, dolorem retinebat, cum hoc tumore & levi febricula ad Nosocomium hoc delatus est ante octo dies, quando præscripti leve medicamentum ad refocillandas vires, & aliad leniter resolvens. Ad ægros accedens semper soleo inspicere oculos, horumque gingivas, quia ibi vasa sanguinea nuda fere apparent.

In hoc itaque ægro hodie oculorum color satis naturalis, horum acies pro sene vegeto, gingivarum color bonus, signa tamen scorbuti ad dentes apparent. Respiratio sedata, æquabilis, sine motu fere pectoris.

Pulsus lentus, sedatus, æquabilis, & moderatus.

Appetitus optimus, digestio proba, alvus respondet ingestis ut & lotium. Vires quæ ante octo dies projectæ erant, nunc increfcere incipiunt. Somnus optimus, Rita perspiratio. Unicum adest præternaturale, scilicet tumor in hypochondrio sinistro, qui ex eo ortus videtur, quod in hac ætate senili, accesserat febris, unde liquidissima perdita, & crassissima retenta, deponi videntur in vasis hypochondriacis,

eis, nam à primo febris initio conquestus est de oppressione hic loci.

Quæritur quænam morbi materies?

Prægressus est morbus acutus, in quo male forte tractatus erat pauper, hic uti fieri solet; unde tempore crileos, materies quæ maturari & expelli deberet, mansisse videtur, unde tumor, sed qualis? Non est Aneurisma, nam non pulsatur, non Varix, quia non cedit; nec scirrhus non asper. Non inflammatorius, nulla febris. Non suppuratorius, nam durus est. Qualis ergo? Videtur oriri ab expansis vasis materia lenta oppietis, ergo non magna malignitas. An ergo Melicerides? tumor scilicet mellis substantiæ? non; nam non satis mobilis. An steatoma, ortum scilicet in vasis adiposis? non; Ergo videtur esse Atheroma.

Quis locus affectus? Hoc ex Anatome petendum. Non in peritonæo vel omento quia mobilis: sub his splen, ventriculus, pancreas, & intestinum colon hærent. Quum probabile ergo videtur hære vel in splene, vel flexura Coli, quia mobilis antrorsum, unde potius puto Colon affectum esse. Sed multum non refert, nam siue splen seu colon sit locus affectus, medicamenta erunt eadem, solis prognosis diversa.

Prognosis, si in splene, difficilis, nam accedit probabilius alius morbus, scilicet scirrhus, unde miserrima postea vita Hydrope tandem finienda.

Sed credo quod tumor in Colo hæreat, & facile usu Medicaminum solvetur. Si jam adesset tempus Vernalis, haberemus herbas recentes, resolutissimas, unde facile absolveretur cura. Hyems verò instat adeoque difficilior,

cilior inde prognosis, si homo hic in re esset lauta, hac ratione instituerem Medendi Methodum.

1. Immittere curarem omni mane & vesperi Clyisma tale v. g.

℞ Mel. Mercurial. ℥ij.

Sapon. Venet. ℥j.

Aquæ simplic. ℥viii.

M. F. Clyster.

postquam alvum deposuerat, ut clyisma retineat, quamdiu potuerit, eo enim spes esset resolutionis, sive in splene sive in Colo.

2. Post clyisma depositum, juberem ut iret in balneum aquæ communis manè & vesperi, ex quo egressus fricaretur Unguento Althææ composito vel nervino cum oleo admisto per horam unam vel duas ut eo promoveretur resolutio.

3. Darem Medicamenta Saponacea, Aromatica, Antiscorbutica.

4. Juberem exercitium quotidie in rheda.

5. Diætam præscriberem ex iis unde minima excrementa, scilicet jure carnis, & hac ratione certus ferè sum ægrum restitutum fore. Sed hic loci victus talis non datur, quamvis non omnino incongruus, cum sit ex hordeaciis, & similibus, itaque talis erit victus.

1. Dabo Medicamentum Antiscorbuticum, balsamicum.

2. Unguentum resolventissimum.

3. Emplastrum loco affecto superimponendum, ut instar fomenti sit.

℞ Emplastr: de Cumino
—— Meliloto ana ʒj.
M.

ad alutam extendatur.

℞ Ung: Althæ: comp:
—— Martiat:
Ol: infus: Chamomel:
—— Croci ana ʒj.
M. F. linimentum.

℞ Aq: stillat: fœnicul.
—— Menthæ ana ʒviij.
Elix: proprietat: ʒiv.
Spir: cochlear: stomachic. ana ʒj.
Sal: Card: Benedict. ʒj.
Syrup: Menth. ʒj.
M.

sumat cochleare unum omni bihorio
interdiu.

Aquæ hæ sunt balsamicæ, oleosæ,
Antiscorbuticæ, Elixir proprietatis digesti-
vus, sal tartari, sit Antiscorbuticus spiritus sto-
machi à Deckero concinnatus ex Aromaticis.
Antiscorbuticis constat. Mallem. assumpsisse
Syrupum ex radicibus aperientibus loco Syrupi
Menthæ, sed apud pharmacopolum Nosocomii
non prostat, Salem Cardui Benedicti addidi
quia maximè resolvit. Melius duxi externa
tumori applicanda quam clysmata.

In primo Concilio inquiritur de Idea Morbi,
2. de causa materiali efficiente, 3. parte affecta,
4. de illis, quæ ex prædictis cognitis à sanitate
de-

degenerant, nam non sufficit unum vel alterum signum, sed omnia quæ detegi possunt. Et hinc eruitur morbi diagnosi, siue distincta cognitio. Deinde agitur de prognosi, scilicet an æger quidem evadet, an morietur, an integra erit restitutio, & qualis erit mutatio siue Crisis. Tandem definiri debent ea, quæ agenda sunt, ut morbus in sanitatem mutetur id est proponendæ sunt indicationes, quæ petuntur.

1. Ex morbi natura. 2. Causa. 3. Materia.
4. Loco affecto.

Materia ipsa agens habetur ex victu, Chirurgia & Medicamentis strictè dictis. Estque hic primi Consilii finis.

In secundo Concilio primus Medicus, cui præcipuè æger committitur, solet 1. recitare omnia, quæ in primo Concilio acta erant. 2. Ex ægro inquirere, an ex præsentibus symptomatibus aliquid mutandum in Diagnosi, Prognosi aut methodo medendi.

Hoc fit inquirendo in omnes functiones Animales, Vitales, Naturales. Dein in locum ipsum affectum, & si in hisce nil mutatum sit, persistendum in conclusione primi Concilii, si verò novum aliquid appareat, tum pro re nata confirmabitur vel mutabitur prædicta conclusio. Estque hic finis Concilii secundi.

In ægro hoc nostro functiones omnes nullo modo peiores quam antea imo meliores apparent & vegetiores; ergo nil monent mutandum in primo concilio. Locus affectus scilicet tumor in hypochondrio sinistro est jam minor, mollior, parum dolens quamvis ruditer satis tractetur. Sed in hypochondrio dextro novus ortus est tumor dolens, exquisitè ubi situm est hepatis, ad tactum vel inspirationem augetur,

apparuit post adhibita Medicamenta primi Concilii: Alvus præterea manet obstinata, ita ut non nisi semel dura dejecit.

Hic est præsens ægri status, an itaque aliquid de priore consilio mutandum? Certè idea morbi manet eadem, sed unum est ἐπιγινόμενον scilicet dolens tumor in latere dextro. Locus ubi hæret est sub diaphragmate, ubi ponuntur portio Coli, Pylorus & Hepar. Credo itaque quod tumor sit in hepate, quoniam ab inspiratione augetur, si accessisset color flavus, tum certum haberet signum. Unde verò ortus est tumor ille? Non apparuit nisi post assumpta Medicamenta, & adhibitam frictionem lateri sinistro, hinc videtur quod materies obstruens in splene vel Colo liquefacta, moveatur per vasa venosa quibus in hepar defertur, ibi paululum sistitur, nondum satis cocta, unde in Diagnosè nihil mutatur.

An verò Epiginomenon hoc mali aliquid portendit? Credo quod non, si modo cura adhibeatur, ut materiæ mobili reddita, magis expediatur. Observavit enim olim *Hippocrates* quod tumor Hepatis obfesso splene, vel tumor splenis obfesso hepati superveniens, bonum sit signum. Unde Prognosis nondum fit pejor. An aliquid in indicationibus mutandum? Certè cum materia jam solvi incipiat, priora Medicamenta continuanda erunt, scilicet frictiones, Unguenta, Emplastra sed quoniam alvus adstricta permanet, quamvis ab hujusmodi Emplastris solet utcunque moveri, & materia non satis cocta in hepate sistitur loco prioris miscellæ dabo laxans quoddam Medicamentum una cum decocto hepatico aperiente, pergat in usu frictionis, Unguenti & Emplastri.

gum. galb.

— Opopanac.

Mirr. el. ana ℥j.

Aloës depurat. gr. x.

M. F. Pilulæ

gr: v. sumat unam omni quadrihorio interdum
superbibendo ℥iv decocti sequentis calidi.

℞ ligni Santal. Rubr. Raf. ℥ij.

Rad. Apii.

— Bardan.

— Cichorei.

— Petroselin. ana ℥iij.

Consciss. & confract. Coq. in aquâ purâ spa-
tio ¼ horæ Colatur. ℞ v.

Sumpsi Galbanum, Myrrham, Apopanacem
tanquam optima ad solvenda lenta, addidi A-
loën, sed pauca copia pro stimulo. Santalum
& radices sunt aperientia egregia, omnia simul
faciunt ℥xix ita ut sint colaturæ circiter ½ ut in
hisce fieri solet.

Duo imprimis symptomata adhuc manent,
materies nempe hærens, licet non multo in
hypochondrio sinistro, & dein dolor fixus in
hypochondrio dextro, qui imprimis oriri con-
cludebatur, quod materies hypochondrii sinistri
per vim vitæ, frictionem & medicamenta mo-
ta & propulsa, huc usque in hepate jam sisti-
tur, verum nec videtur inflammatoria nec scir-
rhosa. Quæritur itaque an aliquid in diagnosi
mutandum sit? Certe eadem manet ac in ul-
timo Concilio, uti & morbi idea, nam omnes
sanitatis functiones redierunt. Dolor ad hypo-
chon-

chondrium sinistrum vix sentitur, tumor vix invenitur.

Prognosis. Certè omnia adhuc pulchre procedunt, sed metus est, ne materies in hypochondrio dextro stagnet nimis diu, si enim hoc fiat, augebitur malum, & fiet insuperabile. An itaque erit aliquid mutandum? Certè propria medicamenta optimè adhuc convenirent, tamen concedi potest vinum medicamentum loco decocti ad vasa roboranda, quod itaque imprimis fiet ex herbis amaris hac ratione.

℞ Rad. Angel. . . . ℥j.

sumit Centaur. Min.

— Absynthii ana Mß.

Cort. Winter. ℥ij.

Consciss. & contract. in vin. infundantur, bibat uncias duas quater de die vacuo ventriculo.

Icterus.

Mulier 40 annorum ante triennium inciderrat in febrem primo satis mitem, postea violentam valdè! Ex qua evasit quidem, sed anno sequenti morbo quodam laborans huc erat delata, & ut ipsa refert à me sanata, sed tamen remanebat Diathesis ad Cacochymiam biliosam, cum qua nuper huc rediit. Oculi albi quidem apparent, sed flavedine pellucida tincti, faciei color flavus, lingua, gingivæ, labia colorem sanguineum satis referunt.

Pulsus paululum celer, non debilis, sed mulieres sanæ pulsum viris celeriores habent.

Ref-

Respiratio bona. Calor temperatus. Vires nondum deficientes. Urina crocea. Alvus obstinata, quamvis alias celeriter respondere solet.

Adest Diathesis cacochymia biliosa uti vel ex colore patet. Cacochymia dicitur degeneratio quaecunque humorum. Cacochymia ergo biliosa fit, quando bilis in intestinum duodenum fluere nequit, sed in sanguinem regurgitat.

Diagnosis. Malum videtur in humoribus imprimis hærere, sed quisnam horum peccat? Respondetur bilis sanguini reaffusa, nam credo quod in sanitate bilis vix in sanguinem refluat, ubi verò via consueta exire non valeat, sed sanguini reaffunditur, tum flavescit cutis. Bilis verò est sapo resolventissimus, ergo si sanguini admisceatur, hunc resolvet, contra ac dicunt omnes ferè Practici: sed quænam causa bilis liberum effluxum in intestina impedit? Videtur quod materies obstruens in ductibus biliosis hæreat, unde bilis impedita per venam cavam in sanguinem refluit, adeoque solvitur sanguis & turbatur tota Chylopoiesis ob bilis defectum.

Prognosis ex dictis patet, quod si affectus hic durat sanguis à bile solutus hydropem inducet. Indicatio duplex imprimis erit. 1. Sanguinem à Diathesi biliosa liberare. 2. Glutinosum obstruens resolvere. Utrumque promoveri unica conabor pro hac vice formula.

✱ Rad. Apii.
 — Bardan.
 — Cichorei.
 — Gramin.
 — Taraxaci ana ℥ij.

Dec.

Decoctum cum aq. spatio $\frac{1}{4}$ horæ ss iv admisce
 Oxymel: scillit: zij .
 Tart: vitriolat: 3j .
 Bibat ziii fervidas omni bihorio interdiu.

Mel est sapo naturalis adeoque resolvit, si ei addatur acetum, penetrabit magis, si verò in hac miscela infundantur squillæ, fit medicamentum resolvens celeberrimum, uti est tartarus Vitriolatus. Hisce medicamentis assumptis, status ægri hodiernus talis est. Acies oculorum flavescens apparet, cutis tota flavet, gingivæ & labia rubescencia utcunque subpellucidè flavescunt. Hæc externa. Appetitus parvus admodum, sitis naturalis major, tamen non magna, alvus à duodecim diebus ne semel soluta, uti in hoc morbo familiare est, vires languent sine febre. Adest somnolentia potius quam soninus, morbus hic quinque annos duravit, haud multum levatus, nunc pejor est. Incidit in morbum acutum, qui languorem reliquit, uti sæpe fit, materies enim lenta post acutos relicta plerumque ad hypochondria, unde sæpissime oriuntur morbi Chronici. Diagnosis Ultima erat, quod morbus sit Cacochymia biliosa, quæ nunc confirmata videtur, hinc erunt effectus ibi dicti.

Locus affectus est totum corpus, uti docet color, sed locus primarius & mali sedes videtur hepar, quod bilem facit, sed non excernit, uti docet alvus per duodecim dies non soluta: dein urina flava idem confirmat hinc puto lapillos ductus biliaris occupare & quidem auisim fere dicere hoc verum esse.

Prognosis. Si esset in re lauta multum foret spei, quod hæc omnia emendari possunt, hic verò

verò parum. Quid itaque expectandum? Ex nimis diluto sanguine, & viribus debilibus, tandem sanguis derivabitur in loca ultima, unde tumor externè, internè, macilentia id est hydrops.

Indicatio itaque prima erit diathesin biliosam tollere. 2. Sanguinem solutum compingere. 3. Causam obstruentem solvere. Si dives esset, deberet nihil pro victu præter jus carniū sumere recens decoctum cum Endivia, Cichoreo Uvis Corianthiacis, Radicibus Scorzonæræ, Apii, Petroselini, Asparagi nec alia ulla exhiberi quæ feces crassas relinquunt.

Balneo quotidie sunt adhibenda cum frictione, ut materia liquefacta propellatur.

Dein omni hora diei deglutendus est succus recens crudus Graminis, Beccabungæ, Nasturtii Taraxaci, Cichorei ex quibus incideret in diarrhæam, sed abiret color flavus nec timenda est talis diarrhæa, quamvis multum debilitet, sic enim desperatos evasisse vidi. Boves tali fere morbo in stabulis tempore hyberno laborant, & vesiculas felleas sæpe lapillis, plenas habent, in prata verò demissi verè, primo incidunt ilico in Diarrhæam, statimque post solutam materiem sanantur. Verum ingruit jam tempus hybernum adeoque hac Methodo non licet uti. Hinc potius recurrendum est ad ea, quæ saponacea vi solvunt, uti sapo Venetus Mel quæ melius cum aceto, optime simul cum Scillâ operantur &c.

℞ Sapon. Venet.

Gum. Galban. ana ʒij.

M. F. Pilulæ.

gr: iv. sumat unam omni bihorio diei superbibendo ʒss sequentis mixturæ.

℞ Oxy-

℞ Oxymel: scillit. ℥ij
 Tart: Vitriolat. ℥j
 Elixir: propriet. ℥iij
 Aquæ stillat: menth. ℥iv
 M.

Post hæc medicamenta ægra melius se habuit.

Color tamen oculorum manet flavus, & hic notandum, nullum esse severiorem indicem status corporis, quam tunica adnata oculi, quæ nunquam fallit, si enim ut hic Icterus semper flavescit, si hydrope pallescit, si inflammatio interna rubet, si gangræna livescit; Hæc sanè dedici ab iis, qui morbos pecorum curant.

Color totius corporis est pallidus, in ore melior, pulsus exilis, respiratio ferè impedita. Alvus licet usa sit medicamentis moventibus nondum solvitur. Sitis nulla, vires ut ante. At symptoma nunc imprævium supervenit, scilicet menstruorum eruptio, quæ primo die vehemens erat, secundo mitior, & jam coerceri incipit unde hoc? A medicamentis, uti videtur, solventibus assumptis. An boni vel mali quid promittit? Est certe bonum ut signum, sed malum ut causa. Nam indicat corpus medicamentorum viribus obsequi, quod tamen nimia sanguinis jactura debilitabitur, si hæc permaneat. An itaque, cogit ut mutantur remedia? Videtur se æque benè habere, ut antea, nam vires inde non durescunt, & incipit natura has vias claudere iterum ergo in iisdem permanere debet nam præstantiora non novi.

Ægra hæc à multis annis Cacochymia cum signis viscerum laxorum, & materie inertii obsessorum,

sefforum, ante triennium circiter ab Ictero liberabatur. Hinc semper cogitare persto, quod morbi idea sit viscera Chylopoiëtica laxata, tumefacta pituita obfessa, cum materie gypsea in ductibus biliosis hærente. Nam historia prægressa & circulatio modo lenta hæc confirmare videntur, si esset in re lauta, deberet præcipua curatio in sequentem æstatem deferri, & tum largissimus usus Cichorei, Scorzonæræ, Taraxaci Radicis graminis &c: mense Majo usurpari. Dein mense Junio adhiberi debent aquæ acidulæ ferratæ cum motu & totius corporis perfrictione & tunc credo quidem ægram restitutam iri, si viscera non nimis sint scirrhusa. Præcipua verò hoc tempore indicationes sunt, ut conemur sanguini addere paululum vigoris lentorem humorum viscera obsidentium dissolvere, & Cacochymiam Scorbuticam emendare. Hæc imprimis præstabuntur iis, quæ saponacea vi sanguinem reddunt mobiliorem & simul Cacochymiam corrigunt.

℞ Elix: pptis cum oleo tart: præpar. ℥ij
 Spirit: carm: sylv. ℥ij
 Syrup: papav: Alb. ℥j
 Oxymel: scillit. ℥β
 Aquæ stillat: Menth. ℥x
 M.

ut capiat ℥β omni quadrihorio diei.

NB. incipit laborare fluore uterino, qui corpori debili familiaris est; syrupus papaveris Albi, ad dolores compescendos exhibetur.

Symptomata eadem manent, sed accidit Rheumatismus Uterinus, nunc sanguinolentus, nunc albus cum dolore circa locum, ubi sunt
 tubæ

tubæ Fallopiæ, & vomitus sanguinolentus, ubi definit excretio per uterum, ut familiare est in tali casu.

Dolor ille nec est inflammatorius, nec suppuratorius, sed à vasis uterinis constrictis, si ad hunc tollendum mittatur sanguis, mitificabitur quidem dolor, sed missio sanguinis in chronicis est pessima, præcipuè cum corpus tam debile sit neque juvabunt vesicatoria à Clarissimo Collega præscripta, unde imprimis lenientia conducere, sed tunc princeps malum augebitur, quod fortia moventia requirit, cumque dolor non tantum urgeat, licebit moventia lenientibus miscere.

Conclusio itaque hodierna est, quod morbus idem manet, & vel ipsum hepar vel ejus emissaria, quod imprimis suspicor, obstructa sint, quod metuendum sit, ne si morbus pergat uti hætenus, sequatur hydrops à sanguine soluto, & ex arteriis magnis in lateralia vasa succedente, unde hæc sola implebuntur, deplebuntur illæ. Denique quod prioribus indicationibus satisfiet sequentibus.

℞ gum. Ammon.

— galban.

— Opopanac.

Sapon. Venet. ana ℥j

M. F. Pilulæ.

sing. gr. iv. de quibus capiat 1. omni bihorio diei superbibendo semper cochlear. 1 sequentis Misturæ.

℞ Aquæ stillat. Menth. ℥xij

— Cephalic.

— Stomach.

P 2

Syrup.

Syrup. pap. albi ana ʒij.
M.

℞. Aq. cephal. stomach. syr. papav. albi
ana ʒij
Aq. stillat. Menthæ. ʒxij
M.

℞ Ung. Althææ comp.
— Popul.
— Rosac.
Ol. lini ana ʒj.
M.

Pro limineto ad partem dolentem inungen-
dam.

Incidit hodie symptoma præter consuetudi-
nem morbi, vocatur anxietas. Hæc plerumque
vel ab inflammatione vel convulsione, vel vis-
cida & inertī materia. Quæ quando pulmones
occupat, uti hic efficiunt respirationem impe-
ditam, suffocationem, tussim, raucedinem sum-
mam, & anxietatem, si causa sit inflammato-
ria, ilico mitti deberet sanguis, sed nulla hic
adsunt signa inflammationis aut diathesis in-
flammatoria, nam nulla est febris. An ergo
est convulsiva ut in passione hysterica? Certè
usa est remediis, quæ convulsionem ilico com-
pescerent, gummi enim quæ assumpsit ultimo
paroxysmum hystericum cito sisterent. Ergo
mihi videtur, quod materies viscida à visceribus
abdominis delata in pulmones, liberum jam
sanguinis iter per eas impedit sine inflammatio-
ne. Malum hoc adjuvatur eo quod à duodecim
diebus non deponit alvum, quamvis assumpta
remedia eo determinant, adeoque intestino-
rum materia sæcali suffocationem augere vi-
detur.

Pro-

Prognosis hujus symptomatis prædicit, quod si non subito levetur, cito erit lethale, nam vires non sunt magnæ, unde summus suffocationis metus, si non promptè resolvi possit materies. Resolutio verò tentari non potest. Venæ Sectione ob debilitatem, unde ad diluentia & resolventia fugiendum est.

Concludimus ergo quod symptomatis idea sit anxietas à respiratione impedita, ob materiem lentam pulmones occupantem & fæcalem, intestina crassa distendentem sine inflammatione, summa verò cum debilitate, uti docent genæ, & labia rubra & lacrymæ involuntariæ ob impeditam jugularium evacuationem. Hinc maximè convenire videtur Decoctum Emolliens, Resolvens, Clysmata & Emplastra à pectore ad umbilicum.

℞ Rad: quinq. aperient: ana ℥ij

— Glycyrrh: ℥iβ.

Flor: Althæ: Rhæados ana ℥β

Sem: contus: papav. albi ℥j.

Cum aqua communi decoct. & depur. ℥iv admisce Syr. Diacodii ℥j hauriat omni ½ ℥j donec levetur anxietas.

℞ Mell. Mercurial.

Syr. Althææ Fernel. ana ℥j

Sal gem. ℥vj

Aquæ communis. ℥vj

Misce pro Clysmate injiciendo.

℞ Emplastr. de Melilot.

— de Labdano ana ℥j

M.

extendatur pro Emplastro stomachico.

Ultima vice concludebatur symptoma urgens esse anxietatem, corpus debile & languidum ferè suffocantem; Quæ anxietas in acutis contingens citam sanguinis missionem, si vires ferre possint, requirit. Quærebatur verò an in hac ægra tunc vena secanda fuit. Certe quamvis venæ, labia & lacrymæ, angustias summas indicabant, non tamen audebamus venam secare, nam hic sæpe turpiter falluntur Medici, quoniam æger uno momento levatur summopere, postea prostratis viribus vel languent vel moriuntur. Hinc collegis meis sæpe in hac re soleo utcunque resistere.

Si fuisset anxietas à spasmò tum carminantia egregii fuissent usus. Sed hoc non deprehendebamus, unde concludebatur malum oriri à materie inerti pulmonem infarciēte & alvo adstricta, & levatum iri Clysmate & decocto molli aperiente uti re verà accidit, nam post viginti quatuor horas reversus deprehendi, quod circa horam tertiam post meridiem levata fuerat, unde suasi continuationem eorundem, & morbus jam in pristino videtur statu. Conclusio itaque hodierna erit, quod diagnosi & prognosis morbi principis eadem manent, sed metus ne illud periculosum symptomata redeat, & hoc anni tempore non possumus multum resolvere, adeoque continuabimus usum decocti prioris, ut præcaveatur anxietas, ut resolvatur vel ad resolutionem disponatur materies; Clyisma quoque accipiat, unum addemus scilicet cardiacum quoddam ad languorem, qui nunc occupat.

℞ Ol. stillat. fœniculi

— — — — — Menthæ

— — — — — Caryoph. ana gtt. iv.

cum

cum sacch. eund. succ. ʒij F. S. A. Eleo-
saccharum in mortario vitreo diu terendo cui
admisce

Pulv. Cort. Magell. ʒj

———— Zingib. ʒij

M.

sumat de hoc pulvere ʒi quater quotidie ex
Cochlear. vini Albi gallici.

Tales pulveres mirificè in languore profunt,
& meliores sunt potibus, quia diutius in Ven-
triculo manent. Reiteretur decoctum ultimum
in eundem usum. Applicetur idem Clyisma
cras.

Hodie omnia ferè eadem manent ac prius
pulsus semper debilis. Solum quod modo ur-
get est dolor ille antiquus ad os Ilium dextrum,
ubi intestinum cæcum, ovarium, & tuba Fal-
lopiana hærent, qui mansit semper ab illo tem-
pore cum fluxu vel sanguineo lento, vel albo
sive virulento. An itaque in languente hac
muliere est Diathesis ad uterum naturæ scir-
rhosæ, vel atheromatis? Quando fluxus illi
coërcentur ut alii Medici conati sunt, augetur
dolor. Si maneant, prosternuntur vires. Hinc
suspicio præter aliorum viscerum labem dia-
thæsin hæreere vel ad ovarium vel tubam Fal-
lopianam ad Ulcus vel Schirrum. Indicationes
ferè eadem ac in ultimo concilio, si enim
tempestate hac frigida moveamus debile hoc
corpus, multum sanè noceret medicamentum
Ergo potius continuabimus emollientia illa,
quibus nuper à lethali anxietate liberata fuit,
ad languorem verò vix melius exhiberi potest

quam pulvisculi illi Aromatici, imprimis si addatur mixtura aliqua, quæ non tam emollit ac decoctum, sed frigus temperet & dolorem sedat utcunque

℞ Aquæ Stillit. Fæn. ʒxij
 Spirit. Carmin. Sylv. ʒij
 — Antiscorbut. ʒj
 Syrup. papav. Albi ʒj
 M.

ut sumat cochleare unum omni bihorio interdiu

Reiterentur pulveres ultimo præscripti in eodem usus.

Pergat in usu Decocti.

Ægra hodie magis flavescit, quod morbi radicem non sublatam, vires verò constantiores notat. Symptomata verò pessima anxietatis nuperrima jam disparent, puto verò nondum alia quam priora præscribenda præcipuè balsamica, unde decoctum ultimum heri reiterari jubebam.

Symptomata in dies in melius tendunt, sed flavedo potius augetur, de qua uti priore concilio sentiendum. Pedes paululum tument: sed frigus hybernium vetat multum adhuc movere. Incipit se manifestare scorbutum ad gingivas, & linguam inferiorem parvis ulcusculis, qui morbus modo frequentissimus est cum ingenti ptyalismo. Huic symptomata vix melius novi medicamentum, quam Spiritus Salis, imprimis si melle rosaceo temperetur, & aqua aliqua diluatur. Optandum foret, ut hisce uterentur in Classibus, ubi hic morbus ei vitæ genere

nere adeo frequens est, loco Spiritu vini vel Spiritu Theriacali iterentur decoctum & pilulæ in eisdem usus. Porro

℞ Aquæ stillat. rosar.

————— Sambuci ana ℥iij

Spiritus salis ℥ij

Mell. rosac. ℥ij

Sal. Ammoniac. ʒi

M.

pro lavando ore quater de die.

In hac ægra bilis fluxus in intestina videtur impediri, unde illa per venam cavam in sanguinem refluit, & ibi perstat, quod in intestinis perstare debuisset, resolutionem sua vi saponacea. Quid itaque in hoc casu prævidendum erit.

1. Digestio Chyli turbata cruditas sanguinis inferret, 2. sanguis dissolutus ex vasis maximis in minima extra ferè vim cordis secedet, unde totum corpus turgidum fit, ut in hac muliere, unde metus est supervenientis hydropis.

Præcipuum itaque quod agendum est, ut resolvatur obstructio & compingatur sanguis, quod tamdiu saponaceis moventibus conati sumus facere, donec anxietas periculosa curam singularem requirebat, nunc verò audebimus resolventia, aperientia adhibere, quæ optimè ex succis fiunt, hi tamen nondum comparari possunt. Itaque decoctum sequens vicem supplebit.

P 5

℞. Rad.

℞. Rad. Apii	}	ana ℥ij.
— Cichor.		
— Petros.		
— Eryng.		

Coq. in S. q. aquæ colat. adde sal Polychrest. ℥ij. in decoctum ℥xij. contunde & emulge Rhabarb. ℥ijß. Hujus capiat ¼ mane alternis diebus.

Nihil momenti occurrit nisi hæmorrhagia uterina aucta à viribus auctis. Concludebamus ultima vice quid tempestas jam mollior permittat usum medicamentorum materiem plus moventium, jam verò ab eo tempore fideliter accepit præscripta & fluxus uterinus sanguinolentus inde auctus est. Quæritur undenam veniat ille sanguis? an à renibus? cum dolor latus dextrum occupet juxta situm renis? respondetur, si sanguis à renibus proflueret, appareret tantum quando urinam redderet: ægra verò sanguinem hunc omni momento excernit, ergo non fluit à rene per vesicam, sed ab utero per vaginam: an itaque circa agenda aliquid mutandum? credo symptoma hoc non tanti esse momenti, ut contraindicet aliquid, unde nolim quidpiam mutare hodie; capiat itaque decoctum ultimum: conqueritur ægra hæc de dolore lumbi dextri exacerbato, & fluxu uterino sanguinolento cum purulenta materie excreta. Cætera ut prius. Incipit aër nunc mutari in mitiorem, & anni tempestas promittere brevi herbas quarum succi salubres, spem dabunt deobstruendi impacta, & detergendi ul-

cus,

cus, quod jam videtur formari ad dextrum u-
teri latus, hisce verò herbis jam destituimur,
unde sufficit modò decoctum detergens, ut in-
de etiam disponatur corpus ut prudenter solva-
tur materies ope succorum post ferias, adda-
mus misturam aliquam resolventem, & anody-
nam ad sedandos dolores.

℞. Tartar. Vitriolat. ℥jβ.
Spirit. Antiscorb. ℥ij.
Laudan. puri. gr. v.
Aq. Stillat. Menth. ℥xv.
M.

sumat ℥β omni quadrihorio diei, si non dor-
miat.

℞. Lignum trium fantall. ana ℥j.
Rad. Cichor. —
Taraxaci. ana ℥iv.

Cum ▽ decoct. spatio $\frac{1}{2}$ hor. tum ℥vj.
decoct. admisce Rob. Sambuci ℥iv. bibat om-
ni trihorio ℥iij. calidas.

Hujus ægræ historia satis fuscè jam habetur,
nil novi supervenit, itaque pergemus uti ante
ferias dicebatur, & innixus imprimis experi-
mento boum, succos illos solventes addito sti-
mulo movente dabo.

℞. Rad. recent. Cichor. ℥vj.
Tarax. recent. cum toto ℥viij.

Minutim scissa & contusa ebulliant cum S. Q.
aquæ spatio $\frac{1}{4}$ hor. Exprimantur fortissimè per
P 6 pan-

pannum, tumque hujus decocti ℥ v. adde sal Polychrest. ʒβ. Syr. Cichor. cum Rheo ʒiv sumat mane hora 7. 8. 9. 10. 11. hujus decocti ʒij. cum pil. duabus sequentis præscriptionis.

℞. Gum Sagap. } ana ʒij.
Sap. Venet. }
M.

F. pil. sing. gr. v. Ex herbis his sic contusis & pressis omnia fere exeunt. Sagapenum omnia gummi acrimoniâ superat, unde melius movet.

Ægra post usum ultimi præscripti remedii hæmorrhagiam uterinam passa est, non stillitiam, ut naturaliter fit, sed quasi pleno rivo erumpentem, an itaque habenda est pro evacuatione critica naturali, an debilitante? An eorundem usus permittendus; an vitandus? Corpus Cacochyma biliosa Chronica laborat, à materie infarcta in visceribus abdominalibus, huic accedit ulcerosum vel scirrhosum quid ad ovarium forte vel uteri fundum dextrum hærens, indicatio erat vasa laxare, vires augere, materiem resolvere, ut hoc expediatur. Hinc cum tempus pro tali evacuatione fere instat vernum tempus sit medicamenta moventia imprimis pilulæ ex gummi exhibitæ: hæc omnia inquam concurrentia evacuationem illam accelerant & augment.

Passa est similem sæpius, attamen vires inde non vacillant, ergo non pro debilitante multum habenda est. Hinc videtur quod eadem medicamenta continuari, possunt si addetur mistura

tura aliqua, quæ fluxum & dolorem compe-
cat.

Concludimus ergo hodie quod symptoma hoc bonum sit, ut lignum, nam indicat priora medicamenta ritè successisse, sed malum ut causa. Si enim non cito compescitur, paululum debilitabit nimis corpus; Itaque reiterentur ultima præscripta in eisdem usus.

℞. Aq. Still. Cinnam. ℥i℥.

— Menthæ ℥iv.

Spirit. vitæ Math. ℥ij.

Syrup. Papav. alb. ℥j.

Laudan. puri gr. iij.

M.

Capiat ℥℥. omni trihorio diei.

Propositum fuit in hac ægra, medicamentis resolventibus materiem in hypochondriis hærentem expedire, si ferre possit & sperabamus hoc obtinere, si vires non deficerent. Ex horum usu excretio per alvum, & sanguinis per uterum aucta est, quæ ultima copiosa manet, non distillando, ut naturaliter sit, sed quasi uno rivo fluendo, dolor ad hypochondrium manet, alvi fluxum expectabamus imo sperabamus summo-
pere; unum quæritur an cum prudentia remedium aliquod contra fluxum sanguinis adhiberi possit? nam non venit à plethora, videtur pendere à vasis varicosis ob tumorem fortè scirrhosum vel cancrum, unde meliora non sunt speranda, si sisteretur. An itaque à remediis moventibus & resolventibus desistendum? non, nam color devenit melior, sed tamen abstinebimus parum, ab acerrimis istis gummi

& continuabimus usum decocti, cum mistura Aromatica, Anodyna. Fateor quidem quod reliqua sine gummi minus præstabunt, sed tamen aliquid. Iterentur itaque Decoctum & mistura ultimo præscripta in eisdem usus.

Omnia tam bene procedunt, ut suadeant potius continuatum usum remediorum quam mutationem. Nam à tam copioso usu succorum viridium, nec superatur appetitus, nec magna nimis urget Diarrhæa, cumque ultima vice ommittebantur acres pilulæ, fluxus uteri compescitur. Color tunicæ adnatæ antea flavus nunc nitidus apparet, si in re esset lauta, credo quod integrè restitui fere possit ab antiquo Ictero, imprimis ope balneorum post succorum usum. Conqueritur jam de dolore ad Ileum dextrum, aucto postquam sistebatur sanguinis fluxus. Tentavi ope solventium & deobstruentium expedire abdominalia viscera, & per corroborantia nimium fluxum impedire, jam vix video quid ulterius fieri potest præter palliationem, & si sic poterit pergere, credo quod multum levabitur. Addemus nunc Anodynum quoddam ad dolorem mitigandum; hilaris enim animus curam multum promovebit. Pergat in usu decocti.

℞. Massæ pil. de Cynoglossō ʒβ.

F. pil. xv. quarum sumat unum mane hora septima, alteram vesperi eadem hora.

Morbus hic uti novistis est Chronicus duplicatus scilicet Cacochymia biliosa, & diathesis ægrota circa ovarium dextrum, si uteretur remediis prædictis, nec alium haberet morbum præter

præter illam Cacochymiam, credo sane quod feliciter sanaretur, sed fluxus ille uterinus eo magis augetur, quo plus liquefacta est obstruens materies, unde subducitur bonus sanguis & nova inducitur cacochymia. Hoc sane multum obest, nam inde cogebamur omittere stimulantibus illas pillulas, aliter adeo necessarias, unde sistitur quidem fluxus sanguineus, sed manet albus, mihi videtur, quod deberet pergere in usu eorundem succorum, qui valide detergunt, & simul opiatorum, ad nimium fluxum cohibendum, sed tunc dicetis pars uteri affecta plus putrescit, certe succi ille putredini resistunt multum.

Iterentur itaque pillulæ ultimæ ad duplum, & pergat in usu decocti.

Ex tota ex historia habetis speciem curæ splanchinæ vobis forte olim non inutilem futuram.



Tumor Ædematofus in latere dextro,

Unde

Hydrops Anasarca.

Rusticus 28. annorum semper optime se habens, nullum morbum unquam passus, ad laborem aptus temperei ut videtur, sanguine divitis, ante quatuor septimanas cum sarcinam ferret, perterrefactus, lapsu inopinato antiquæ domus, subito contremuit, & dolore lateris circa lumbos dextros corripiebatur, domum
rever.

reversus dolorem cum tumore descendentem per femur & crus dextrum sentiebat, ita ut intra quatuor dies tumor infimum abdomen, penem, scrotum, femur & crus dextrum occupaverat, cæterum exinde in diæta non peccavit multum bibendo nec magnum primo apparuit malum. Habitus corporis sic se habet: Oculi, labia, gingivæ, lingua pallida docent debilitatem adesse, lingua præterea apparet sicca cutis nil exhibet præter pallorem non magnum, functiones vitales cognoscuntur imprimis respiratione, quæ hic libera apparet, quando enim inspirat fortiter, nullum sentit malum, unde nulla in pulmone adest labes, deinde pulsus qui hic exilis est debilis.

Quoad functiones naturales, appetitus non est magnus, nec sitis, alvus quæ ante duos dies ingestis respondebat, nunc sistitur.

Ex hac historia videtur homo laborare confusione humorum à perturbatione animi orta. Qui enim subito terrorem concipiunt, frigescent, horrent, & sæpe languent, sed princeps hic morbus est tumor topicus præternaturalis ingens sine febre, in loco supra carnem infra cutim posito ab infimo abdomine ad calcem extensus, est ergo verum Anasarca hydrops sive humor Ædematosus: Hic verò solet fieri cum frigore & pallore, cum hic adsit rubedo: indicium est materiem adhuc satis mobilem, & tumorem esse ædema Erysipelatodes. Scrotum quadruplo majus est naturali, & nuper majus fuit: est itaque Anasarca scroti, non hydrocele, quæ testes occupat. Diagnositis itaque morbi videtur, quod homo laboret tumore partium descriptarum à materie aquosa, levissimè inflammatoria, partes inter cutem & musculos

culos scilicet membranam adiposam occupante, quæ ex humorum perturbatione secederat in loca aliena.

Prognosis. Credo quidem quod sanari possit, cum multum adsit signum visceris læsi vel humoris adeo corrupti ut restitui non possit. An verò sanabitur facile? credo saltem non cito, quoniam debuit fuisse causa, quæ tantam producere valuit mutationem in corpore sano.

Quod curam spectat, videtur, quod victus debeat esse levis, siccus ex pane biscocto, carne assata, & piscibus. Adeo ut si in re lauta esset, talis victus intra mensem unum vel alterum mira præstaret: debent condimenta ex acribus antiscorbuticis fieri, ut Raphano, Sinapi, Alliis Cæpis &c. motus quantum hunc exercere possit, multum conduceret.

Primaria hic itaque indicatio videtur, ut aqua extra vasa fere hærens interim in circulum reducatur vel expellatur. Unde cura absolvitur vel resorbendo materiem vel cutis apertione excernendo.

Posterius præstabant antiqui inurendo crustas hinc inde. Prius verò fit per magnas evacuationes ut diuresin, sudorem vel purgationem validam, vel per medicamenta acria, calefacientia & inde exsiccantia dicta, quæ imprimis agunt humorum circulum augendo, quo turbantur viscera, & debilitatur magis corpus jam nimis debile. Ergo Proposito nostro optimè convenire videntur pilulæ acres utcunque quæ in primis viis manent, & vinum medicatum, si urgeret maximè tumor, apponerem Vesicatoria, ut fiant bullulæ, vel fonticulos in urem, sed nihil tantum urget; Frictiones magnas non suadeo, ne rumpatur Epidermis, a-

moto

moto non verò expreffo liquido. Ergo conclusio hodierna erit, quod perturbatio maxima animi secedere fecit à sanguinis massa humorem aquosum inertem ad loco definita accumulatum sine Cacochymia, cui malo fequentia, conducere videntur.

℞. Gumm. Amm. Myrrh. El.

As. fætid. ana ℥j.

Borac.

Balsam. copaiv. ana ʒβ.

sing. gr. v. ut copiat omni trichorio M. F. S. A. pilulæ omni trihorio diei superbibendo ℥j fequentis vini Medicati.

℞. Rad. Angel.

— Helenii.

— Imperat.

— Zedoar.

— Zingib,

Cort. Winter.

— Sambuci

Fol. Absynth.

— Centauri minor.

— Rutæ.

— Sabinæ

} ana ℥j.

} ana ʒβ.

ana ʒj.

Consciss. & contract. F. cum vino albo gallico pint. v. S. A. Vinum Medicatum.

Pilulæ nullo modo diathesin inflammatoriam inducunt, & bonæ sunt in perturbatione spirituum. Propositum nempe est, ut Venter tali materie soluta, officio bilis fungente perpetuo madescat, uti & intestina, sed non facile

facile in sanguinem transeunt, inde additum est vinum medicatum, abstineat à potu quantum potest.

In secundo Concilio Medicus ægrum examinare debet, ut ex responsis videat, an Diagnofis, prognofis indicata cum prioribus conferat mutum aliquid, an verò confirmet; æger ufus est fideliter præfcriptis, & inde fe melius utcunque habet, fed oculi adhuc pallent, lingua paululum fcabra, color fine febre moderatus, refpiratio expedita, ut in hydropicis sæpe fit, appetitus bonus & moderatus, pulfus fatis moderatus, fed paulo debilis, tumor abdominis plus quam nuperrime cum duritie Ileum dextrum occupans, quali materies mollis locum occuparet, penis & fcrotum æquè tumida ac ante, femur & crus paululum detumefcere, urina potum excedit. An itaque mutatur Diagnofis? certe nil novi apparet, nifi tumor ille abdominis, qui cum non valde durus fit; videtur fieri ab eadem caufa ac reliqua fcilicet Leucophlegmatici. Prognofis eadem manet, an itaque curari poteft morbus methodo incepta? Respondetur omnis hydrops vel evacuatione vel diffipatione tollitur; Evacutio eft vel interna per purgantia, fudorifera, vomitoria &c. vel externa & topica, quæ ut plurimum fit urgente neceffitate: unde videtur diffipatio tutiffima, quia corpus roborat, cum evacuationes debilitant, fed quoniam natura indicat vias urinæ prioribus addemus, quæ ad renes determinant.

Conclufio itaque hodierna erit quod confirmatur Diagnofis & Prognofis, Indicationes verò novæ accedunt, ut adjuvetur natura in expellenda materie per renes, & tumor ille

ope

ope frictionis cum unguento aromatico & Emplastro tali quæ partes subtilissimas inspient, discutiatur.

℞. Ol. still. Caryophill. gutt. iij.
 — Juniper. gutt. x.
 F. cum Sacchar. albiss. ℥ij.

Eleosaccharum, cui sensim admisce spirit.
 still. juniper ℥ij. Sal. dulcis ℥iv.
 Sal Polychrest. ℥j.
 Rob. Sambuci ℥ij.
 Aq. still. fœnic. ℥xij.

Ut fumat cochleare unum omni trihorio inter-
 diu.

℞. Ung. Mart. } ana ℥ij.
 — Nervin. }
 Olea puriss. Thereb. ℥℥.
 M.

Pro linimento.

℞. Emplastri de Cum. } ana ℥ij.
 — Melilot }
 M.

Extensum supra linteum exhibe pro Emplastro
 abdominis.

Pergat in usu pilularum & vini medicati.

Re omni examinata sic se habet æger. Ap-
 petitus major, digestio facilis sine tumore ven-
 triculi, quod plurimum ad prognosin in hisce
 morbis facit, nam inde sæpe anguntur, sitis
 inci-

incipit ~~ma~~ major, hæc in hydropicis sæpissime à victu sicco & medicamentis calidis, raro ab ipso morbo oritur, accedit quod homo hic antea pro victu utebatur lacte ebutyrato &c. quod hydropicis nocet, & hæc subito mutantur pro generosis aromaticis. Lingua non adeo scabra, respiratio adeo expedita est ac hominis sani, quod hic optimum est, nam tussis & respiratio impedita indicant sales multum exalteri. Pulsus debilis, lentus valde temperatus, alvus non obstricta. Urina redditur ad duplum potus, qui paucus est ergo urinæ excessus est ab aquosa lymphæ partes antea occupante, nullus adest abdominis tumor; sensit levamen ab Emplastro, cujus partes subtiles se intra vasa, venosa infinuando totam corporis temperiem emendant, & perspirationem ab interioribus ad exteriora promovent. Femoris tumor non major est, & paulo calidior, notare hic debetis, quod si femur hoc à stagnante lymphæ hoc momento liberum esset, erit tam macilentum ac brachium, ergo excessus hic vastus tantum fit à panniculo adiposo infarcto, unde dicitur hydrops Anasarca vel hydrops interius. Calor hic præsens, ut in omni hydrope bonus est, præsertim cum hisce diebus membra fere sponte frigescent. Scrotum æque fere magnum ut ante. N. B. est hujus hic duplex morbus scilicet hydrops tunicæ vaginalis, qui hydrocele propriè dicitur, & tum intra tumorem sentitur corpus durum scilicet testis, sed est & alius scilicet hydrops membranæ cellulosa scroti, quæ nunquam in Eunuchis pinguedinosa est, hæc facile à lymphæ distenditur, uti hic videtis, & ab hydrocele multum differt, cum sit extra tunicam vaginalem, præputium contrahitur retrorsum, quia

quia nempe cellulosa ejus membrana valde dilatabilis infarcitur. Simile quid aliquando in lue venerea fit, quando caries eroderit membranam præputii, quæ tunc tota tumet, adeo ut inde viderim penem brachio crassiores. Nulla hic adsunt signa læsi visceris. Hæc verò sunt febris hectica, quæ omnibus communis est, si pulmo affectus sit tussis vel respiratio impedita, si hepar Icterus, si splen color lividus totius corporis, si pancreas, dolor cancerosus circa ea loca, sed nulla talia hic sunt,

Concludendum itaque hac vice, quod diagnosis, prognosis & indicationes eadem manent, nam omnia ex voto succedunt. Dicit *Hippocrates* quod si exquisita præscripta sint medicamenta & effectus inde ex voto non succedant, in iisdem tamen persistendum esse multo certe magis, si omnia uti hic in meliora mutantur.

Iterentur itaque pilulæ, vinum medicatum, mistura diuretica, linimentum & Emplastrum in eisdem usus.

Conqueritur æger hodie de languore & appetitu prostrato & Diarrhæa.

Reliqua sunt ut prius. In hisce morbis quando materies stagnans in venis resorbetur solet viscera obruere & debilitare, hinc imprimis defici ulcus & intestina.

Prognosis. Acre frigus retardat vim medicamentorum, nam jam adsunt omnia signa frigida temperiei, hinc quamdiu durat glacies, non ita cito curabitur.

Indicatio eadem mane scilicet movere materiem & per vias urinæ educere, aut etiam per alvum monstrante natura ope hydragogi, sed ultimum hoc vetat frigus, nam deberet sæpe

sæpe laudare corpus magno cum incommodo.

Conclusio itaque erit ut priora continuentur sed loco mitturæ proponatur alia appetitum magis excitans, & primas vias confortans.

℞. Aq. Still. cortic. Aurant.	} ana ℥iij.
— Melissæ	
— Cinnamomi	
Spirit. Viuriol. Matthiol.	
— Stomach.	
— Salis	℥ij.
Syr. rad. 5. aperient.	℥ij.
M.	

Sumat cochleare unum omni hora vel bihorio in languore.

Pergat in usu pilularum, Vini medicati, Linimenti & Emplastri.

Diarrhæa biduum ante ultimum concilium superveniens adhuc manet sine tenesmo, prius ad quinque vices spatio Nuckthemæræ urgebatur, nunc paululum minuitur.

Remediis ultimo præscriptis ad confortanda, & roboranda viscera, dissipandam aquam, & roborandum corpus non usus est, unde natura ab illo tempore vacillat.

Appetitus penitus prostratus est à percussa aqua ad viscera abdominalia, accedit quod parum hic instructi sint, gratis medicamentis sine febre, sensus constant, somnus copiosus est refocillans, durities tumoris femoris major, scrotum minus, abdomen flaccidum lingua adhuc scabra. Videtur homo hic inquietus devenisse metu ne moriatur, hinc renuit omnia medi-

medicamenta, quamvis confitetur, quod inde se multo melius habuit, nunc verò suspicatur omnia, & cogitat de transmigratione. Diagnofis. Morbus idem manet, fed peior, oriebatur enim ab animi perturbatione, nunc iterum fuæ cauſæ committitur, nec medicamentis juvatur, unde debilitantur magis ſanguis & viſcera, & magis obruitur corpus humore aquoſo. Prognofis. Nulla adhuc apparet ſigna viſceris læſi, nulla enim adest febris hectica, nullus color flavus à corrupto hepate, nullus color lividus vel plumbeus ſplenem obſeſſum indicans, aut difficilis respiratio à læſo pulmone nulla? Ergo non videtur, ſubita ſecutura mutatio, ſed tempeſtas frigida, viſcera debilia, ſanguis iners, prognofin pejorem reddunt.

Accedit, quod metu mortis & cadaveris ſectione inquietus fit, augetur prima morbi cauſa, dein medicamenta refocillantia renuit, adeoque ſi ſic pergat, ſenſim deficient, imprimis ſi durante frigore hinc diſcedat, & medicamentis deſtituatur, manebit enim macilentia, obruentur magis magisque viſcera, donec intra ſe quaſi ſepultus ob lympham ſeroſam à rubro ſanguine ſecedentem, & interim ad finem morbi excitantem deficient: nam

Creſcit indulgens ſibi dirus hydrops

Nec ſitim pellit niſi cauſa morbi

Fugerit Venis & aquoſus albo.

Corpore languor.

Si verò redeat tepor acris, animus tranquilus, & bono utatur victu & medicamentis melius ſe habebit, imo promittere fere poſſum quod integre reſtituetur. Indicationes eædem manent, ſed occaſio applicandis remediis deſt,

est, nam omnia renuit ob nauseam uti ait, cum tamen medicamentum gratus excogitare nequeo, quam est mistura ultima, incassum alia præscriberentur, commendandus est illi simplicis vini usus loco medicamentorum.

N. B. In felix ille homo bihorio post decessit ex Nosocomio, ad domum suam & paupertatem pristinam, ubi manente frigore in dies plus languebat, morbi eventus deficit.

*Rheumatismus.*

Puella conquiritur de doloribus vagis nunc artus, nunc dorsum & scapulas occupantibus imprimis carpos.

Est hæc Nisocomii ancilla, quæ noctu sæpe cogitur è lecto surgere ad opem ægris ferendam. Interdiu verò nunc supra vaporem carbonis igniti, sed & nunc acri frigore exponitur; visitudines hæ, caloris & frigoris efficiunt, ut hæreat lentus humor circa vaginas tendinum imprimis, sed non inflammatorius, nulla enim adest febris, hinc nec Venæ sectione tollendus, lentor enim hic ab inertis & mucoso sanguine & strictis vasibus oritur, & hisce temporibus est morbus frequentissimus, qui felicissime semper curatur, decocto penetrante & simul laxante blando, sic enim expeditur materies & relaxantur vasa.

℞. Lig. 3. Santall. ana ℥j.

Stipit. Dulcamar. ℥ij. Coque

sum aqua simplici vase clauso, spatio i horæ adde.

Parv II.


Q

Ligni.

Ligni. Sassafr. ℥iv.

— Glycyrrh. ℥jss.

Ebulliant iterum. Decoct. ℥ vj. exhibe.
Bibat ℥ij. calidas omni bihorio interdium.



Mulier Phtyfica facta ex Utero exculcerato.

Honestâ Mater familias annos 65. nata, liberos duodecim peperit & aliquoties abortivit, per multos annos vegeta satis, nec gravi unquam morbo corrupta, sibi suæque familiæ victum honestâ industriâ quæsit. Juxta tempus mulieribus consuetum scilicet intraquadragessimum & quinquagesimum annum à Catamēniis erat libera. Ante novem menses cum pondus magnum elevare conaretur uno impetu, uteri prolapium violentem passa est, extra pudenda delapsi, non vaginæ inversionem ut quandoque accidit. Perterrita, & rei ignara remedium penitus contrarium adhibuit, nam ut pendulum uterum à sordibus coagulati sanguinis abstergeret frigida aqua partes lavit, unde dolor multum exacerbatus fuit, dein vulgato inter mulierculas consilio uterus panno violaceo colore tincto prehensus in situm naturalem reponebatur. Successit hæmorrhagia satis notabilis, remissionibus interpolata, non ritè sanata, hanc incipiebat stillicidium ingens ferimucosi, ut fieri solet post novam hæmorrhagiam recrudescens. Accessit tandem febris continua quotidie exacerbata; ab eo tempore huc usque fere permanens quibus cum inopia &

& defectu boni medicamenti concurrentibus, totum fere corpus marasmo contabuit.

Appetitus fere deletus, sitis ingens, alvus satis respondet, urina sponte effluit, nec retineri potest. Febris fere manet perpetua. Facies Hectica - Hippocratica cum rubore splendente genarum: Pulmones oppressi materia subpurulenta, ut heri quando aderam, videbatur brevi sane defectura, unde tunc temporis conatus sum sequentem præscribere emulsionem.

R. Amygd. dulc. N°. xx cum aq. hordeat.
fiat emulsio cujus ℥xvi adde
Syri Althæ. Fernel. ℥iss.
Aquæ stillat. Cinnam. ℥j.

Videtur morbus nec à temperie nec malo aliquo prægresso perperam tractato oriri, sed per causam externam accidisse, ut multis contingit, quæ sæpe pepererunt, hisce enim ligamenta uteri laxata, non tam firmiter vi illata resistunt, quando nempe aër copia magna in pulmonibus retentus, rarefactus, diaphragma & viscera abdominalia deorsum contra uterum urget, facile exprimitur, si verò perita manu repositus fuisset, nil inde secutum fuisset mali, corpus enim adhuc quoad fabricam forte apparet, debile verò quoad vires.

Repositio Uteri fit partem ilico fovendo ope decocti laxantis cum paucis salis admisto. Dein mulier resupina ponitur cruribus deductis, lumbis elevatis, scapulis depresso, in expiratione eviter introtruditur. Uteri situ ritè observato. Postea crura adducta retinentur ope ligaturæ, et si ægra quatuordecim dies quiescat in lecto, nunquam assurgat, victu suo facile digestibili

utatur & parum bibat, feliciter plerumque sanatur.

Post diuturnum verò Rheumatismum Uterinum vix sanatur hic morbus nisi gerendo discum intra vaginam horizontaliter positum, qui uterum sustineat, prolapsum verò, pro prima vice à causa externa methodo dicta sæpe curatum vidi.

Ægra hæc uterum extra situm per sex septimanas gessit, hinc vasa laxata, circulatio perversa & stagnatio inducta in vasa, quæ tandem rupta hæmorrhagiam produxere violentam succedente quasi lotura carnis, dein sero mucoso; Interim visceribus debilibus & inopia boni consilii cruditates ortæ sunt, unde totum corpus exhaustum. Febris non videtur Epidemica, quia hæc hoc tempore ex intermittentium natura est. Est ergo symptomatica ab inflammatione & suppuratione harum partium orta, hectica tandem facta à cruditatibus sanguinem occupantibus, quæ tandem ut fieri solet, pulmonem nunc occupat, rejecta scilicet in minutias arteriæ pulmonalis, quas transire nequit, unde ibi accumulata pulmonem opplet.

Diagnos. morbi videtur itaque esse marasmus ortus ex contabescente sanguine per copiam maligni humoris & puris per venas absorpti. Nam vasa ad uterum & vaginam inversa, inflammata & suppurata tandem hæc produciunt. Hinc etiam sphincter turbatus & officii sui oblitus urinam retinere non valet.

Prognosis. Quando heri hac hora accedebam, ægram apprehendi debilem oculis lacrymosis sordescentibus, oppressam, anhelosam tussē vexatam, uti vix vitæ sustinendæ par videbatur, multæ itaque rationes concludunt ægram tabe

&

& marasmo confectam, brevi obituram, paucæ vitam longam promittunt. Corpus quidem se habet, ut spes esset sanitatis, nisi fomes malî hæreret ad uterum, adeoque si omnia ritè succedant alia, manet hic fixus.

Hinc metuendum est, ne sanguis magis magisque pure infectus pulmones obruat, unde suffocatio lethalis.

Ergo causa, ætas, morbi gradus, tempus hybernum spem vetant, sed cum nulla sint putredinis ad viscera signa tentandum, ut vita saltem lenior reddatur.

Cura. Indicatio præcipua erit per victum & medicamenta corpus hoc exhaustum, aridum, ferè tabesfactum succis laxantibus replere, quæ sunt vera in hoc casu cardiaca. Nec vulgata hoc nomine stimulantia cardiaca conveniunt, quæ vitam fortiolem per paucas horas efficiunt postea debiliorem multo relinquunt. Si succi hî ritè degerantur, postea aliis medicamentis erit locus.

An aggrediendus est malî fomes? Scilicet uterum detergendo an sistendo febris hæctica? Sanè hæc omnia plus movendo corpus hoc debile magis debilitant.

Hinc Axioma Medicum conditur, scilicet quando indicatio vitalis cum aliis urget, priorî supra omnia prospiciendum.

An symptoma pulmonis levandum? Hoc fit expectorantibus, hæc sunt vel blanda lenientia, vel tussim moventia hæc vetat debilitas. Illa cum prima indicatione conincidunt.

An dolor ad lumbos per fomenta levandus? hæc in debili corpore citissimè frigescent, unde plus nocent.

An hoc Opiatis tentandum? Sane ob eandem.

dem debilitatem non audeo. Ergo laxantibus. ut in indicatione prima, solis hoc tentandum.

Sit itaque potus ex aqua cum avena cocta & æquali lactis copia admista, cum paucis cinnamomo & saccharo. Viæ utatur ex jure carniæ recente cum Oryza, miliove &c. admista præcipue verò Oryza, quæ tam cito non acescit in debili hoc corpore. Debet sumi frequenter & paucâ copiâ simul. Hæc omnia non sunt merè aquosa, sed vi plastica & nutriente prædita, ut & puri opposita.

Putabam apozema leniter detergens præscribere, sed non audeo, itaque emulsi præcedens per tres dies vicem supplebit. Ut verò tussi magis prospiciatur oleum lene exhibebo.

℞ Ol. amygd. dulc. ℥iij.
Capiat ʒj omni bihōrio.

Ægra præscripta citissima vomitu vel anxietate rejecit, appetitus vix ullus sed naturaliter in acida inclinans, hinc jura carniæ repudiavit, & lac ebulyratum maluit, fitis satis magna à tabida siccitate potius quam malignitate, ut videtur orta, alvus ab ultimo concilio bis figuratas fæces deposuit, quod in hoc malo maximè laudatur, nihil enim plus metuendum est quam diarrhæa, quæ superveniens citò ægram auferret, urinam jam retinere potest, sed præ debilitate vix movere corpus valet, unde ægrè demittit.

Pulsus idem ac antea scilicet debilis, adeo ut vix sentiat, tamen non nunc debilior.

Reliqua symptomata potius meliora quam pejora. Diagnōsis itaque manet eadem, uti & causa morbi prius detecta.

Præ-

Prognosis an mutanda? Nihil ex præscriptis malè cessit, si quid mutandum sit, in melius mutatur, tamen hæc adeo parum apparet, ut nondum sperare licet, sed metuere ne corpus in dies plus consumatur, pulmo plus oppleatur, & humores magis corrumpantur pure, unde tandem superveniat diarrhæa certissimè lethalis.

Indicationes. An tanta adhuc manet debilitas & humorum penuria ut adhuc replendum sit corpus, nec adhuc detergere? Certe detergentia sunt magnâ copiâ assumenda, cumque sit massa iners à vi vitæ tantum movenda, corpus ea adhuc ferre potest, sed in hydropem laberetur. Ergo quamdiu nausea non repugnat in iisdem erit pergendum. An stimulant aliquid cardiacum addendum? De hisce in Institutionibus agens docui, quod alia sint cardiaca, quæ in nostram substantiam convertuntur, alia quæ grato stimulo agunt, priora jam præscripsi, nec aliquid ex posterioribus adhibere audeo, nisi fortè vinosum aliquid, ut tussis magis expediat, quæ debili laterum concussu fieri modo nequit. Ergo conclusio hodierna est, ut primæ indicationi prioris concilii satisfiat, & pectus levetur lenissimo spirituoso cardiaco.

Iteretur ultima emulsio & oleum amygdalarum in eodem usus.

℞ Aq. still. cort. Aurant.

———— Melissæ ana ℥iv

Spirit. Vit. Matthioli ℥iss

———— pector. ℥ij

Syr. papav. albi ℥iss.

M.

ut sumat ℥ss omni trihorio diei superbibendo ℥j
vel alteram lactis calefacti. Nil plus nutrit
quam

quam oleum pressum amygdalarum dulcium, & emusio ex iisdem: levi stimulante Cardiao liberabitur paululum pectus, syrupus paraveris tussim titillantem lenit, & lentum expedit.

Ægra hæc videtur se pejus habere, deficiunt enim vires, & corpus quotidie exsiccat nec medicamentis quicquam proficimus. Videtis nunc genas collapsas penitus livescere, ut in moribundis accidere solet, & lacrymas ex oculis sponte fluere, quod pessimum est, quando enim hæc sine aliqua prægressa evacuatione, aut motu magno, aut animi affectu, aut denique morbo evacuationem venarum impediante fluunt, ex sola debilitate proveniunt, & indicant ægram cito à defectu virium morituram, auditis strepitum magnum & tussim sine levamine ab expectoratione, quæ non à motu materiei, sed mole inhærente in bronchiis oriuntur. Hoc autem malum etiam est signum, cum enim tussire cogatur sine expectoratione, levamine musculis abdominis & respiratione defessis, & viribus consumptis inde fit ægra. Alvus antea stricta pro prima vice heri incia ægra solvebatur cum multa aqua; ergo metuendum est, ne putridâ superveniente diarrhæâ à medio cito tollatur. Materies ex Ictero fluida solita biduum abhinc sistitur, hoc verò accedente Medicus considerare debet, an ex defectu virium, an verò ex iisdem instauratis, & materie in alium locum pulsa, cum levamine oriatur. Omnia sane hinc docent symptoma hoc à virium defectu provenire; & malum admodum est signum. Dicebat enim *Hippocrates* si ulcera antiqua sine ullo percepto levamine fluere desinant, actum est, notat enim circulationem fere extinctam.

Diagnosis itaque eadem manet. Prognosis: Quoniam defectus virium quotidie ingravescit, cum cæteris pravis symptomatibus, certe nulla spes relinquitur. Quidnam itaque indicatur? Certè fere nescio. Jam enim omnia contra marasum tentavi sine successu. Dicit *Hippocrates* mala suis oppositis esse tractanda, ergo difficatio humectantibus dedi itaque cibos potus, medicamenta, quæ vasis adhærerent, nec tam cito abluerentur tamen incassum. Quid magis humectat, nutrit, vasa replet quam lac, emulsiones, decocta farinosa & ipsum oleum. Hæc omnia copia satis magna & sine nausea accepit, tamen corpus manet aridum, nec iis aliquo modo repletum, ergo tentavi omnia nisi balnea, quæ adhiberi nequeunt. Quid itaque agendum, an Cardiaca refocillantia? Certe non; hæc enim quantum novi nequaquam in corpus nostrum convertuntur, sed solummodo vi aromatica stimulante agunt, unde Phitisi nocent corpus aridius reddendo, ergo in solis emollientibus & humectantibus remediis perseverandum, ut si quidem possibile sit vasa depleta repleantur. Iterentur itaque omnia ultimo præscripta. Hæc forte vitam aliquatenus prolongabunt, sed mihi videtur præ defectu virium vitam cito defecturam, & nunc quod alvus laxior evadit, metuo ne Diarrhæa superveniens eam occidat, præcipue si medicamenta laxantia propinentur, dein metuendum est ne materies per ulcus excerni solita, nunc remanens in pulmones delatâ eos cito oppleat in vasis minimis stagnet, & tantam faciat resistantiam, ut viribus eam propellere non valentibus peripneumoniam lethalem inducat, vel si materies in bronchiis secernatur, & viribus


Q 5 defi-

deficientibus excerni nequeat, omnem viam aëri intercipiat, sicque desinat circulatio, nam videtis jam quanta cum molestia aërem ducit.

Misera ægra cujus exhaustum cadaver ibi jacet, post ultimum vestrum decessum incepit pulmones habere sensim magis magisque repletos, respirationem continuò magis impeditam, strepitum in gutture auctum, donec tandem suffocato pulmone extingueretur sine ulla evacuatione vel symptomate novo. Itaque via in mortem prædicta fuit vel ab oppresso pulmone, vel diarrhæa putrida, quæ ultima tamen non evenit, ægra à priore suffocata. Hinc videtur quod nil amplius præstari potuit, si enim primo quando huc delata erat, tentassem detergentia, inde accelerata fuisset mors, sed repletia & humectantia; optima sane quæ novi in cassum adhibebantur. Hinc eventus morbi testimonium est, rei infelicitè sed ritè gestæ. Speraveram in cadavere hoc quo magis exsuccum vix videbitis, vobis monstrasse tres ventres plenissimos suis propriis visceribus. Credo præterea quod visuri fuissetis exulcerationem ingentem ad uterum, nam post delapsum ejus per vaginam, os internum in situ suo manet, & pars uteri interior aëri exponitur, ligamenta lata & rotunda trahuntur deorsum, quorum vasa in uterum patent, cum itaque à situ deturbatur uterus, fit stagnatio ad loca intorta, & compressio unde post rupturum hæmorrhagia, inflammatio & suppuratio, ut testantur dolor & ardor ad loca illa & materies purulenta per vaginam in lectum defluens usque ad triduum ante mortem.

Hinc quatenus conjicere possum *Diagnosis*, *Prognosis*, & indicationes inde deductæ hujus morbi

morbi veræ erant, unum tamen deficit, ut certe vidissemus, an re verâ in cadavere talis locus sic fuerat affectus, uti dictum est; Circa hanc rem notare debetis, quod ulcera omnia ante mortem exsiccata, ut hic fuit, in cadavere longe aliam præbent speciem ac in corpore vivo, fiunt enim incredibiliter minora à vasis contractis & exsiccatis ante mortem. Hujus rei insigne exemplum mihi videre contigit, ante viginti annos, cum tractaveram hominem spina ventosa laborantem, cujus manus affecta ad minimum sextuplo major erat altera sana, cum verò nullis levaretur remediis, incidit tandem in atrophiam, octiduo ante mortem incepit subsidere manus donec tandem alteram non excedebat magnitudine, excepto sole osse, quod non tantum detumuit, Ergo in cadavere non debemus expectare ulcera adeo magna ac in vivis aliquod tempus ante mortem videntur. Hæc præcipua sunt, quæ in cadavere ostendere cogitabam, sed honesti mulieris amici hic se interponunt precibus itaque sine summa fere injuria hoc aggredi non possum.

*Febris Rheumatica.*

Homo accepit febrem ante aliquot dies, quæ omnibus symptomatibus videtur interpolata fuisse magis à frigore, quam quod ex genere intermittentium sit. Pulsus respiratio, facies docent febrem non esse magnam, & ex eo genere, quæ febres Rheumaticæ dicuntur.

Curatur hæc febris facillimè ope medica-

menti penetrantis non nimis Aromatici v. g.:

℞ Santall. trium. ℥j

Glycyrrh. ℥ij

ebulliant cum aqua $\frac{1}{2}$ horæ ad finem. Adde
Rasur. lign. Sassafr. ℥iv

ebulliant iterum parum vase clauso.

Exhibe decoctum ℞ vi. ut bibat ℥ij calidè
omni bihorio.

Febris ultimi decocti usus profligata fuit,
manet jam tussis sine alio malo.

℞ Succi Glycyrrh. inspissat. ℥ij

Solvat in aqua stillat. fœnic. ℥x

Capiat cochleare unum quater de die.



Quartana Exquisita.

Homo ante 30 septimanas accepit quartanam, adhuc persistentem, quæ toto tempore non vacillavit, sed eadem semper rediit hora. Nulla adsunt malignitatis symptomata, nec abdominis, nec crurum tumor, in hoc enim semper inquirendum est in hisce morbis, an nullum adlit læsi visceris signum, & corpus bene morbum fert.

Diagnosis patet esse quartanam exquisitam benignam. Prognosis. Superabitur facile. Cura non est nimis cito sistenda, regula enim est in praxi quod quando quartana accuratè observat
suum.

saum typum, sine malis symptomatibus comitantibus, vitam firmet, si itaque ferri possit usque in vernum tempus ad longævitatē disponet, hinc Veteres in hoc casu levissimum purgans exhibebant, ut sensim subduceretur, materies saburrosa ex paroxismo relicta, cum aromaticis lenibus ad roboranda viscera, unde sensim imminuta materia dispereat tandem febris sine noxia corpori illata. Itaque.

℞ Aq. still. Menthæ ℥xiv

Elixir. pptis. 3vj

Spirit. Antiscorb. Zij.


Syr. Alth. Zij

Sal. volat. oleof. zij.

M.

ut bibat $\frac{3}{4}$ omni bihorio diei. Hæc molliter
solvent, & leniter alvum subducent.

Homini huic de diuturna quartana conquere-
renti exhibitum fuit remedium non ad sistendam
febrem, sed coquendam materiem, ut scilicet
talis medicamenti usû disponderetur corpus ad
curam perfectam. Jam verò à duobus ultimis
paroxysmis liber evasit, quod imprimis attri-
buendum est calori aëris & vi moventis non
sistendi medicamenti. Hinc antiquum obser-
vatum confirmatur quod tales morbi optimè à
calore curantur.



Dolor Ventriculi.

Puella inter viginti & triginta annos conqueritur de dolore Ventriculi post. pastum semper aucto, sine alio prævio symptomate.

Q7

Hinc

Huic malo obnoxiae sunt plurimae feminae, quae imprimis multos potus aquosos bibunt. Ei verò occurrere solent semen Santonici Absynthii vel ferrum.

℞ Sem. Absynth. ʒj
 Limat. Martis ʒβ.
 M. F. pulv.

Cujus fumat omni bihorio interdiu digitabulum plexum.

Puella hæc ab usu pulverum præscriptorum dicit se bene habere, & re verâ talis dolor Ventriculi, si non à scirrho oriatur sic solet sanari. Jam verò conqueritur de sudore nocturno à duabus prægressis noctibus, qui post usum martis à sanguinis motu aucto provenire solet. Ergo iterentur pulveres ultimo præscripti.

℞ Diasc. Syl. ʒβ.

Sic vasa nimis dilatata constringuntur, & motus sanguinis vi Opii minuitur.

Hæmoptoe.

Mulier 42 circiter annorum, cui menses nondum desiere, sex abhinc septimanis in sputum sanguinis incidit cum tussi, sine ulla evidenti causa, sicque ut videtis sanguinem floridum cum tussè semper rejicit per intervalla, quem itaque puto provenire ab arteriâ quadam minutâ.

minutâ ruptâ, ex quo sanguis magnâ satis copiâ secretus tussim excitat, & per eam rejicitur. In hoc casu inquirendum est à Medico summopere, an sputum post violentum corporis motum accidit, tunc enim à vasis pulmonis dilaceratis vi motus, si verò à nulla manifesta causa oriatur, tum fit plerumque ab erosione per sanguinem nimis acrem, & est hæc hæmoptoe semper pessima, tunc enim erosio vasis æger sæpe ab hæmorrhagia moritur, vel postea à tabe, ex ulcere vulneris inflammationi supervenienti orta, quid ergo est hic metuendum. Quid itaque agendum? Cavendum summopere ab omni eo, quod sanguinis motum augeat, ne augeatur hæmoptoe, itaque ex largo vulnere fiat Missio Sanguinis ad ℥xij, sic enim compescetur sanguinis motus & labiorum vulneris inflammatio præcavebitur. 2. Dentur emollientia & opiata, quibus acrimonia sanguinis obtundatur & sensus irritationis tussim excitantis tollatur. 3. Adstringentia vulgo dicta, quamvis hæc parum tanquam adstringentia proficiant.

℞. Sem. papav. albi. Amygd. dulc. ana ℥ij
Contundantur simul, sensim affundendo
aq. ℥ss.
ut fiat Emulsio, cui admisce syr. papav.
Albi ℥iiss.

accipiat Cochlear. ij omni hora leniter tepida
si enim calida fumantur, nimis motum auge-
rentur, si frigida tussim.

℞. Lap. Hæmatit. Contritiss. ʒss
Syr. Myrtini. ℥ss

Ag.

Aq. papav. Rhæad. ℥viij.

M.

ut capiat ℥ss omni trihorio.

Alterum est apud veteres remedium ad sistendum motum sanguinis à recentioribus prætervisum, scilicet ligatura artubus injecta, his enim sanguis omnis, qui in extremis magna semper copia est, ibi retinetur, nec ad cor cito pervenit, unde vasa rupta non tantum dilatantur. Ubi verò imminuta est hæmorrhagia tunc ligaturas paululum solvunt, nec membrum suffocaretur, non verò omnes ligaturas simul, sed sensim unde optimè præcavetur hæmorrhagia.

Hic verò jam non opus est, si tamen ingravescat, multum applicabuntur. Abstineat ab omni victu calido, falso, vel stimulo quocunque motu, frigore aut calore.

Vidistis mulierem hanc tussi acerrima vexatam & cum suffocationis metu antequam tussiebat, tempore à tussè libero redibat oppressa cum strepitu in pectore, & post singulam fere tussim rejiciebat sanguinem floridissimum spumofum non grumosum non penitus floridum, vidistis quod si per breve tempus non tussiebat, fiebat anxia, & minitabatur animi deliquium.

Dictum fuit ægram hanc vitam semper sanam degisse, sed ante quatuordecim dies incidit in tussim satis lenem postea in sputum sanguinis, quod sedatum primo recrudescebat, ut ante quatuor dies violentissima fuerit. Nulla causa externa inter sex res non naturales deprehensa fuit, unde concludebatur grave hoc symptoma ab interna causa scilicet sanguinis acrimonia.

Hæ.

Hæmoptoe sive Hæmoptosis dicitur propriæ sanguinis per tussim rejectio, si enim ab ore tantum proveniat sanguis, causam agnoscit scorbutum, & eo refertur; si vomitu rejiciatur, est morbus longè alius: si verò à larynge aspera arteria bronchiis vel pulmone proveniat, est verà hæmoptoe.

Quæritur summopere & meritò quidem quomodo cognoscatur Hæmoptoës sedes.

Respondetur 1. si sanguis a larynge proveniat, tum sentitur titillatio ad illum locum, scilicet. Tracheæ superiora, inde oritur tussis & paucæ sanguinis guttulæ rejiciuntur. Est hic morbus sine periculo.

2. Si ipsa Trachea sit locus affectus, cognoscitur titillatione magis profunda quam prior, tussim excitante, quæ sanguinem paucum floridum rejicit, sed abest sensus oppressionis in thorace. Hæc species etiam facilè curatur, nam pulmo non afficitur. Hinc multi jactantur adeo de cura Hæmoptoes, quam adeo metuunt periti Medici.

3. Si sanguis ex membrana bronchia succingente proveniat, tum rejicitur cum mucò admisto. Ausus fui & in hac specie bona prædicere, nam morbus in arteria bronchiali non verò pulmonali hæret, & certe sputum tale cum strigmentis sanguineis sæpissime in diuturna gravedine videtur sine periculo. In hisce minuendus est impetus sanguinis, nec nimia ejus vi vasa plus dilatentur.

4. Ultima denique species est quando per ruptum arteriæ pulmonalis ramum sanguis immediatè ex Ventriculo cordis dextro in vesiculas deponitur. In hoc casu rejicitur cum profunda titillante tussè sanguis floridus spumosis;

sus; magna copia per brevia intervalla ut supra dicitur.

De hac hæmoptoe caveant Jactatores, nemini promittant, (si nempe à causa externa non proveniat, tunc enim non tam lethalis est.) nam ex mille decumbentibus vix unus emerget. Fit hæc ultima species quandoque à vulnere pulmone illato, & tum periculosa quidem est, sed sæpe tamen curabilis, talem casum olim curavi in strenuo duce bellico.

Si itaque à causa aliqua externa fiat hæc hæmoptoe, major manet spes, quoniam humores adhuc boni & blandi dimanent.

Si verò Hæmoptoe ab arteria bronchiali erosa, non vi externa rupta, sed à sanguine acrisalfo exesa proveniat, caveat Medicus, ne multa promittat, est enim morbus fere lethalis, in insulis Britannicis adeo frequens, & in Phthisi suppuratoriam fere desinens, talis est miseræ hujus ægræ casus. Si erosio talis fiat in membrana inter vesiculas sive in Areolis Malpighii opprimitur sensim pulmo vomica tecta. in hoc casu non advertitur hæmoptoe, sed infestat fere tussis sicca, dyspnæa febris supervenit hectica.

Vomica latens in dies augetur cum prioribus symptomatibus auctis, donec rupta tandem puris magnam copiam cum sanguine uno ferè impetu reddat, manente Phthisi pulmonali verò ad mortem usque, si verò non rumpatur vomica, augetur tamen in dies, donec totus fere pulmo in saccum purulentum conversus, aëris ingressum præcludens ægram suffocat. Quæritur jam ex qua parte pulmonis proveniat hic sanguis? Videtur ex profundissima, sed prius collectus, non prodit facile, sed.

sed magno cum tussis conamine. Causa videtur sola pendere à sanguine & debili pulmone.

Quid in sanguine accusandum? Videtur peccare acrimonia non atrabilis. Quo usque proventus est morbus? Videtur adhuc in statu vulneris non vero ulceris manere. Prognosis quid promittit? Crediderim vix ita sanari posse ægram, quin malum returgeretur, suppuretur tandem pulmo, & Phtisis denique suppurationis sequatur, nam memini me vidisse Phtisim siccam post hæmoptoen insecutam. An itaque nil apparet spei? Certe Hæmoptoe facilius sanatur in ætate tenera quam provecta, illa enim facilius fert sanguinis subductionem quam provecta. Dixerat *Hippocrates* Phtisim raro post 36 annum oriri, & verum est, nam post eam ætatem pulmo multo fortior fit & sanguis blandior, adeoque quando postea fit hæmoptoe, debuit morbi causa tanto fuisse fortior.

Quid itaque agendum est: 1. Juberem Missiōnem Sanguinis singulis 14 diebus per duas menses, nam magnum malum, magnum requirit remedium, metus enim est suppurationis vel novæ hæmoptoes & debilia vasa, accedit quod non tantum metuendum sit à V. S. in corpore muliebri, ubi omni mense naturaliter excernitur sanguis ob plethoram. Adeoque hac ratione tentavimus plethoram præcavere. 2. Debet perfectè quiescere sine ullo motu muscolari quantum possibile est, ne impetus sanguinis augeatur, imprimis cavere debet à loquela, risu, clamore &c. 3. Vitanda moventia & stimulantia, hinc omnia acria salsa &c. prohibenda. 4. Impedienda quantum fieri potest tussis per opiata. 5. Sit potus ex lacte recentium triplo aquæ, victus ex partibus æqualibus lactis.

& aquæ. Hæc est exquisita diæta lactea, lac enim purum dari non debet, ne coaguletur, nec ultra 3j vel ij ne gravetur pulmo. 6. Medicamenta fere nulla danda sunt, nisi quæ eandem habent vim, uti Decoct. flor. Althæ. glycyrrh. vix habemus ultra hæc. Itaque in ægri gratiam hæc variari debent, dum Medicus manet in eadem indicatione. An itaque nihil de astringentibus addendum? Certum Hæmoptoe adstringit se ipsum, si motus sedetur. Dein adstringentia si pulmonem pervenirent, totum viscus simul adstringerent, unde fieret suffocatio. Dabimus tamen lapidem Hæmatit. &c. non ad adstringendum sed ad absorbendum. An danda balsamica ad præcavendam suppurationem? Est hic certe error vulgaris nam bene norunt Chirurgi, quod balsamica egregie promoveant suppurationem. Ergo ab hoc titulo inepto proponuntur, cum tamen blanda sint plerumque ut oleum Amygdalarum dulcium Balsamus Arcæi &c. conducunt egregie ad leniendum & temperandum sanguinem. Dixi antea adhiberi debere opiata ad tussim sedandam, & certe sine horum ingenti vi nunquam aggredi debet hic morbus. Nervi enim in pulmonis membranam sunt irritabilissimi, cum vas hic sit ruptum, perpetua sit titillatio, inde tussis, & inde nova dilatatio & forte disruptio, ergo opiata tanta debent copia dari, ut impediatur inanis tussis, quod verò minori copia hoc effici potest eò melius.

Sanguis die ultimi concilii mittebatur, & inde sensim sistebatur hæmoptoe, paucus ille qui adhuc ejicitur, fluidus est, quod bonum semper indicat. Ab illo die vires sunt potius constantiores. Phlegmata rejecta non sunt purulenta.

tulenta, nec sanguinolenta, sed ad minimum adhuc motum tussæ sicca fere suffocatur.

Concludimus itaque hodie quod omni ratione cavendum sit, ne motu vei acrimonia sanguinis recrudescat, Hæmoptoe, quod prioribus monitis & sequentibus medicamentis efficere conabimur.

✶ Flor. Althææ.

— Papav. Rhead. ana ℥j

Fol. Menthæ. M. I.

Semin. contus. papav. alb. ℥ij

Rad. Althææ. ℥ss

— Glycyrrh. ℥ij

F. cum Aq. decoct. spatio $\frac{1}{2}$ horæ ut exhibeantur ℞ iv.

℞ Laudan. puri. gr. iij

Lap. Hæmatit. ℥j

Syr. papav. alb. ℥j

Aq. Flor. Rheados ℥viiij.

M.

Ut bibat cochl. i. omni bihorio interdiu superbibendo ℥ij tepidas de decocto. Sumpsi hic ferè gr. iv. opii, nam ℥j syrupi papaveris albi ferè æquat gr. j. laudani.

Sunt verò misturæ dos. xviii unde si sex sumat quotidie habebit gr. i opii & $\frac{1}{3}$ ℥. Syrupi Papaveris Albi.

Decoctum fit ex emollientissimis herbis non adstringentibus : Medici solent addere aquam cinnamomi, & acetum quæ bona sunt respectu Morbi, sed malo respectu tussis, quæ maximè observanda est, ideoque hæc omisi.

Con

Conclusio nuperrima erat, quod diagnosi, quod erat Hæmoptoe ex ramo arteriæ pulmonalis soluto, tali solutioni raro superveniat ulcus ante 14 dies post Hæmoptoen præcedente semper inflammatione. Hanc adesse docent imprimis febris & sitis inanis, sed nulla talia signa adhuc videbantur, nec hodie apparent. Sitis quidem manet, sed non magna, nulla urgebat quamdiu remediis utebatur, hæc verò heri fuerunt consumpta, & tunc rediit tussis, sentit anxietatis parum juxta decursum sterni, tussis notat cruditatem ad vulnus, quæ si adesset inflammatio non appareret, accedit quoddum pulsus tango & jubeo ægram expandere pulmonem, pulsus non vacillat, quamvis multum capiat aëris, quæ certè bona sunt signa.

Diagnos. Itaque eadem manet, nempe quod vulnus pulmonis crudum sit sine notabili inflammatione, sine suppuratione.

Prognosis. Ergo metuendum est ne fiat recidiva Hæmoptoes, quoniam post Venæ Sectionem vasa vix detumuerunt, corpus fæmininum & titillatio tussim excitans remanet. Ergo hodie agendum, ut imprimis sedata tussis impediatur nova solutio. Clari Viri hic cogitant de adstringentibus, sed dixi quid de his sentiam. Alii volunt detergere, ut impediatur nova suppuratio. Si hoc fiat, excitabitur vulnus crudum ad novum sanguinem dimittendum.

Ergo primis 14 diebus agendum imprimis est, ut impediatur nova solutio & inflammatio, sine qua nequaquam fiet suppuratio. Concludimus ergo circa agenda, quod omni decimo quarto die Venæ Sectio sit instituenda. Et intermedio tempore in iisdem persistendum, nam

nam nondum respuit decoctum & præstantius non novi. Lapidis hæmatitides usus non videtur amplius necessarius, est enim vena ferri & si nimis adhibeatur, agit ut ferrum, unde potest novam efficere hæmorrhagiam.

Pergat in usu decocti & mixturæ ultimo præscriptæ omisso lapide hæmatitide.

Præcepta fuit Missio Sanguinis singulis decimis quartis diebus, eo proposito ut debilitetur corpus, & minuetur impetus & copia sanguinis, quò quies pulmone utcunque concilietur, sed tempore feriarum uno saltem die antequam mitti deberet sanguis, erupit ex pulmone hora sexta matutina sanguis coccineus floridus.

Erat hoc sanè infortunium satis notabile; sed Missio Sanguinis ilico celebrata sistebat statim hæmoptoen. Præscripsi tunc temporis eadem iterum medicamenta, sed post duodecim dies rediit intempestiva Hæmoptoe, tamen minori copia sanguis excretus erat, ut ante coccineus, floridus spumofus. Anxietatem tunc passa est imprimis à terrore & alvum obstrictam. Iterabantur eadem medicamenta, & Venæ Sectio unde sistebatur sanguis, alvus clymate laxata anxietatem solvit. Heri cum deberet conatum exhibere ad onerandam alvum prodiit iterum parum sanguinis ex pulmone, sed ilico eruperunt menses simul. Et hoc certe satis commodum, quoad curam sed malum respectu Prognosis, nam cum sanguis jam ad aliquot libras evacuatus sit, tamen plethora propulsi menses, unde vix sperare licet pulmonis consolidationem. Phlegma & respiratio docent vix ulcus in pulmone nisi ad labia vulneris. Qui enim laboravere hæmoptoe, si cito post ejus causam demittant phlegmata purulenta, inodora,

inodora, uti hic non habent vomicam, adeoque talia sputa bona sunt, nam vulnus quod hic fatis magnum fuit, non potest consolidari sine pure facto; hinc falluntur sæpe Medici, qui aiunt hominem non resurgere cui pus verum prodit, si enim à simplici natura vulneris fiat, est signum optimum, alias ac si à vomica tecta prius non rupta.

Prognosis. Jam spes est sanitatis recuperandæ post omnia prægressa, nam nulla secuta est febris hæctica, ergo ulcus à vulnere secutum non potest esse magnum & quamdiu gaudebit fluxu menstruo, tuta erit ab Hæmoptoe nova, si verò hic sistat citissimè iterum sanguinem spuet, unde novæ tragediæ.

Circa agenda itaque debemus imprimis uti beneficio naturæ, ut per vasa uteri jam aperta fluat sanguis & hæmoptoen præcaveat. Sed quomodo hoc præstabitur? An Emmenagogis vulgo dictis? Certè hæc prius in pulmone quam utero agerent. Restat itaque ut tantum vasa uteri debilemus, & labefactemus, dein ut in prioribus pergamus vel similibus.

Ergo 1. ponat pedes in balneo aquæ tepidæ dulcis, sed ita ut non caleseat reliquum corpus, sic derivabitur sanguis deorsum à pulmone ad uterum. Caveat ne frigus pedes, crura, vel femora, aut ventrem inferiorem attingat, ne fiat repulsus sanguinis. 2. Post duodecim dies reiteretur Venæ Sectio ad præcavendam hæmorrhagiam. 3. Quoniam pulmo reliquus adhuc bonus est, & respiratio uti debet medicamentis mollissimis, glutinosis. 4. Ea imprimis necessaria sunt, quæ tussim sopiant.

℞ Rad. Symphit. Mag. ℥j
 Fol. parietar. ℥ij
 Flor. papav. Rhæad. ℥j
 Sem. cort. papav. alb. ℥ij
 M.

Ebulliant cum aqua spatio 4 horæ tum decoct. ℞ iij admitce syrupum papaveris albi ℥iij bibat ℥ij tepidas omni bihorio à mane ad vespèram. Continuetur diæta lactea farinacea.

Diagnosîs ultima erat arteriam pulmonalem ruptam ita consolidari, ut non dimittat sanguinem, sed à cicatrice proveniat materiem purulentam, cicatrix verò adeo tenera est, ut facile iterum solvi possit. Materies jam rejecta in vase servata apparet crassa, alba & verum certe pus, adeoque vera adest suppuratio non est mali moris, Rheumatici enim sæpe tale pus sine noxa rejiciunt.

Omnis enim suppuratio in externa superficie vesicularum vel bronchiorum periculo caret. Si verò erosa arteria pulmonali formetur vomica, quæ tecta primo tandem rupta pus deponit, est tunc sane gravis momenti res, materia tamen hic rejecta prioris videtur esse generis, nam videtur natam fuisse cicatricem ut rupta fuit arteria, cujus externa superficies pus dat. An itaque præscripta boni quid præstabunt? Propositum erat, ut demulcendo, & tenacitate lenta temperando sanguinem à nimia caliditate & fluiditate præcaverent. 2. Ut tussim quatenus irritatione fit, compescant, non quatenus à materia, nam non omnis tussis, sed nanis tantum compescenda est. Hinc Hippocrates

Pars II. R

crates in curandis Phtificis, quandoque tussim excitantia defendit, quandoque verò inanis est penitus contraria præscribit. 3. Ut sanguis ad vasa uterina disponatur sine excitato motu Quis itaque successus? Continuata est sanguinis excretio, sed minori copia, in omnibus melius se habuit, inspiratio aut expiratio sine sibulo aut tussè, dum inspirat æquabilis manet arteriarum motus, tussis nulla fere ante hesternam vesperam, nam tunc consumpta erant Medicamenta, & ab eo tempore molesta urget tussis; Hæc post Hæmoptoen fit vel ab asperitate & irritationis partis læsæ, vel à materie suppurata & aggregata in quodam loco, prior periculosa, quoad effectum non causam. Posterior tum verò prioris generis esse videtur. Diagnosis eadem manet. Prognosis non diversa, scilicet quod si caveri poterit ulterior ruptura arteriæ, prægressa sanari potest. Quid agendum? Certe nihil præstantius præscribi potest quam omnia ultima præscripta, vitanda quæ tussim movent, ut Acida, Alcalina, Motus &c. Effectus ultimi concilii sunt, quod ægra in omnibus morbum spectantibus benè se habet sine ulla labe, capit multum aëris, cito dimittit sine tussè, quod sane miror, & gaudeo nam antea non potuit hoc sine tussè facere, nulla amplius hæmorrhagia, tussis sedata, nulla febris hectica, nisi quod anxietatis parum patitur vesperi quando pedes aquæ immittit, menses per tres dies rediere, unde levatur pectus, hinc ritè scripsit *Bennetus* (à quo fateor me multa didicisse, & doleo quod horrido illo stylo lectores deterreat) quod magnus sit error in sputo sanguineo refrigerare pedes, spe impediendi sputi, nam è contra sæpe illud excitat

excitat. Ægra à novem diebus non deposuit alvum, sed opiata & inviscantia medicamenta hoc faciunt, estque hoc symptoma bonum in tali morbo, tamen hoc habet incommodi, quod materies sæculenta die ageſta magnum conatum facit, ut exprimatur, ſed an licet purgans, an ſolvens aliquid hic dare? Non nam certe uno tali errore perderentur forte omnia, ergo adhibebimus tantum Clyſma molle.

℞ Syr. Althæ. ℥iij
Citri puri ℥ij
Aq. communis ℥vij.
M.

pro clyſmate ilico applicando pergat in reliquis ut ante.

Concluſio ultima erat, quod morbus præſens ſit ea diatheſis pulmonum, quæ ponit cicatricem nondum penitus levigatam, ſine Phthiſe pulmonali vel ſuppuratione alia quam ab externa ſuperficie vulneris. Nulla hodie ſigna contrarium aliquid docent. Ut perficiatur cura, debet evitare omnia, quæ impetum faciendo vas iterum rumpant, ſi enim fortè rumpatur vas intra ſubſtantiam pulmonis nec expuatur ſanguis, & poſtea pus, fiet vomica tecta, & ejus effectus. Itaque vitando omnia, quæ acrimonia, copia, vel motu excitato vaſa lædant.

Dicitur apud Medicos peritos, quod diæta lactea hic ſit optima, & verum eſt ſi ad ℥j vel ij ſimul ſumatur, ſi enim nimia exhibeatur copia ſola mole opprimit pulmonem. Dein debet ſopiri tuſſis, quod ſit oleis blandis, preſſis,
R 2 succis


succis imprimis glycyrrhicae & omnium optimè opiatīs. Tandem debent venæ inferiores assuefieri ad dilatationem, ut eos plus accipiant; nec tamen cito ad cor remittant. Hoc imprimis obtinetur balneis pedum, quorum ope jam pro tertia vice rediere menstrua, unde videtis quantum in Medicina valet derivatio. Ad temperandum sanguinem & consolidandum vulnus non novi præstantius quam decoctum ultimum, quod itaque reiteretur, tussis compescitur sequentibus pilulis.

℞ Succ. Glyc. inspiss. ʒj
Opīi puri. gr. x.
M.

accuratè ut F. pilul. gr. iij circiter sumat unam quater de die sensim deglutiendo.

Ægra tempore hæmoptoës tussī valida vexabatur ex levi causa exasperata, nunc verò ducere potest aërem magnā copiā. aliquamdiu retinere & dimittere sine tussē excitata, faciei rubore & pulsus vacillatione, quæ omnia docent facilem per pulmones dari transitum. Ex centum casibus vix unum sanè inveni, qui tam pulchrè procedit, fuit enim hæmoptoe ex arteria pulmonali profunda à causa interna, nunc consolidatur sine Vomica aut Phthisi, nec restat aliud, quam ut præcaveatur nova ruptura in quem finem priora sunt optima, iterentur itaque Decoctum pectorale & pilulæ in eisdem usus.

Dimittat prius pedes in aquam tepidam.



Adstricta alvus cum mente turbata.

Puella mente non adeo constans, & ideo hic manens, dicit se laborare febre, sed certe habitus corporis, & reliqua signa post interrogationem docent nullam adesse febrem. Alvus est adstricta, itaque præscribam aliquid ad hanc laxandam & simul animum sedandum, ne ægra credat se nimis negligi.


℞ Elix. pptis. cum sal. tart. parat. ʒv

Syr. Althæ. ʒiβ

Aq. Stillat. Fænicul. ʒx

M.

ut capiat Cochl. i. omni trihorio.



Contractura.

Vetula ante aliquot annos semper optimè se habens ex solo animi affectu incidit in contracturam sub osse sacro, qualem certè in Medicinæ praxi nunquam mihi contigit videre. Nam videtis quod ipsæ pedum plantæ contortæ sursum penitus spectent, nec aliquid veteris formæ infra os sacrum manet. Hic morbus in initio neglectus, nunc certe non capit medelam. Jam verò incepit labefactari cerebrum utcumque unde Medicamentum quoddam re-

R 3

solvens,

solvens & excitans adhibebimus, ut juvetur cerebrum.

℞ Elix. pptis. ℥iv

Sal. volat. oleos. ℥iij

Aq. still. Menthæ. ℥xv

Spirit. Vit. Matthiol. ℥ij

Syr. Alth. Fernell. ℥ijβ

Aq. Stillat. Cinnam. ℥β

M.

Capiat ℥β omni trihorio.

Hemiplegia.

Mulier ut apparet sanissima & optimè valens ante initium hujus morbi; jacet nunc hemiplectica, nam totum latus dextrum, à capite per linguam, brachium, crus, pedem, motu destituitur manente sensu aliquo. Historiam mali ignoro, nec adest aliquis qui aliquid distinctè narrare potest. Dicitur ab animi perturbatione post puerperium provenisse, tamen mens constat, unde non videtur cerebrum multum affectum, sed fortè causa hæret ad initium spinalis medullæ. Hinc dabimus Medicamentum aliquod vires corporis, & spiritum excitans donec sequenti vice distinctius aliquid de morbi causa narretur.

℞ Spirit. Sal. Ammoniac. ℥iv

Tinct. Castor. ℥vj

Mel. Anthos. ℥iij

Aq. Stillat. Rosmar. ℥xij

M.

ut bibat cochlear. j omni bihorio diei superbi-
bendo ℥ij de herbis sequentibus instar Thee
præparatis.

℞ Folia recent. Rut.

———— Rorismar.

———— Scordii ana M J.

conscissa, mista & in quatuor partes divisa, ex-
hibe. Infundatur quotidie pars una cum aqua
fervida ℥xiv in usum præscriptum.

Ægræ custos postquam inquisiverat in mor-
bi historiam à vicinis refert, quod hæc sit ju-
vencula viginti & sex circiter annorum ante
paucos annos nupta, & haud ita pridem puer-
pera, quod in puerperio passa sit summum pau-
pertatis onus, & à marito fere deserta, qui post
multas calamitates, & injurias illi illatas, stra-
gulo tandem lecti, quibus tecta jacebat misera
hæc ægra sustulit & vendidit, quod hinc animo
percussio, paralyse erat correpta, sine facultate
loquendi, ita ut totum latus dextrum immobile
nec modo hoc verum; excrementa illi insciæ
exibant. Talis erat ultimo die mercurii, quan-
do primo eam vidimus, ubi quoniam non in-
tellexi malum prægressum, tentavi remedia, quæ
subito in nervos agerent, quæ optima sanè
fuiſſent, si morbus à solo spirituum lentore
ortum duxisset.

Quando prius loqui volebat non formavit
tonum articulatum, nunc verò incipit utcun-
que vocem unam vel alteram edere; si rogem
ut linguam exerat, hanc rectam emittit, cum
ultima vice ad lævam deflecteret. Hemiplectici
enim quando linguam exerere conantur, tra-
hunt

hunc semper in latus sanum, nunc verò potest non modo recta exerere sed vibrare paululum; si verò rogem. ut tollat brachium dextrum non potest nisi ope alterius manus, inceptit à biduo monere custodem quando dimittere vult excrementa.

Diagnosis. Ad quod itaque morbi genus pertinet? Ad morbos motus muscularis scilicet paralytim; cumque non totum corpus, sed dimidia ejus pars afficiatur, est hemiplegia. nam mente constat, ergo non est parapoplexia. Hemiplegia vel habet causam in ipso cerebro, vel ad originem nervorum sub ipso cerebro. Prior species habet læsum cerebrum comes, hic verò cerebrum liberum esse videtur, imprimis quia mente constat, linguam potest rectam exerere, & os non deducitur in unum latus. Quænam est physica morbi idea? Infra caput ad calcem usque hemiplegia solvitur, & nuperrimè fæces inscia dimittit. Ergo debet causa in altissima fere parte medullæ spinalis hærere, ubi bifurcatur, si enim ejus sedes ad vertebra thoracis hæreret, tunc potuisset movere brachium.

Vidi Argentifabrum, cui contusa erât vertebra lumborum, unde involuntariè prodibant fæces, & totum femur factum fuit paraliticum, sed superiora facile potuit movere. Vidi in nobili puero vertebra thoracis ultimam à rachitide erosam, unde inferiores partes paralyti afficiebantur superioribus sanis, quando apostema fuerat apertum, rediit parum motus per aliquod tempus, sed postea aucto malo extinguebatur æger. Ergo causa morbi videtur hærere immediatè supra originem nervorum brachii, sub nervis colli, nam hoc potest mo-

veri.

veri. Sed quid ibi hæret? Aut quid patitur focus? Non destructus est ab ictu vel lapsu, nam nihil tale præcesserat, si post ingentem phrenitidem sic correpta fuisset, tunc oriretur malum à materie metastasi, sed neque tale quid erat: an itaque à tumore inflammatorio, periosteï interni crassi, aut membranarum medullæ spinalis, uti sæpe contingit? Nulla adfuit caloris aut febris signa. An sanguis à perturbatione animi ex vase rupto effusus locum comprimit? Talis effusio sæpe fit ad nasum aut uterum imo aliquando à summo animi affectu rumpitur vas intra cerebrum, & homines inde cadunt apoplectici. Sed neque hæc videtur mali causa, nam jam duobus fere mensibus sic laboravit adeoque sanguis effusus jam fuisset putrefactus, inde non tam cito levamen cepisset à remediis adhibitis.

Puto itaque spirituum transitum non verò secretionem impediri, unde impeditur motus. Sed quid est quod hunc transitum impedit? Certè difficillimum est dictu, nam levis causa mollissimum illud corpus sic potest disponere, ut obstruatur meatus spirituum, & videtur à solo animi affectu provenire.

Prognosis. Puto quod integrè potest convalescere ægra & quidem brevi, si bona sint Medicamenta, quia imprimis constat cerebrum esse bonum, sed non loquitur nisi nervi linguæ à solo cerebro proveniant. Non videtur lingua multum impediri ad formandas litteras. Sed facit sonum, quod à spina omnes accipit nervos.

Quid agendum erit? Morbus ex dictis videtur esse fere sine materia, & species Catalepsios ad dimidiam corporis partem. Hinc Missio

R 5 San-

Sanguinis non videtur multum profutura, sed ea imprimis, quæ in genus nervorum agunt. Ergo conducunt Epispastica ex Cantharidibus, quorum subtiles partes nervos vellicabunt. Dein purgans hydragogum sed quorsum hoc? Definitus erat morbus fere sine materia quod est verum, sed intentio talis purgantis est imprimis ad resolvendum, & violentum motum excitandum. Dein adhiberi debent frictiones magnæ cum fortissimis spiritibus, & tandem Medicamenta ultimo præscripta. Itaque

℞ Resin. Jalap.

— Scammon ana gr. iv

Trochis. Alhand. gr. ij

Mercurii dulc.

Sacchari puriss. ana gr. viij.

Diu terendo in Mortario Vitrio F. pulvis tenuissimus crassina manè sumendus cum pauca cerevisia dulci.

Iterentur mistura & herbæ ultimæ præscriptæ in eisdem usus.

Applicetur vesicatorium cervici. Jalappa, Scammoniam, Colycynthis, possunt sanguinem in aquam resolvere, ergo sunt re vera Venena. Sed arcanum summum in cura. Paralyseos est quod saccharum facit resinosa purgantia facilius operari.

NB. Necesse admodum est monere, ut talis pulvis teratur in mortario vitreo, aliter ægra mortem aliquando inferre potest, si fiat in Mortario Cupreo, nam cuprum facilius solvitur spiritu illo acido mercurio dulci adhærente, quam ipse mercurius, unde fit vitriolum summo opere Emeticum. Utatur cibus & potibus acrioribus, qui in genus nervosum agunt.

In-

Inquirendum est in symptomata, ut ex his videamus, quid in Diagnose vel Prognose mutandum, vel denique in agendis. Functiones naturales sic se habent: appetitus satis bonus, digestio sine molestia, distributio Chyli optima, sitis naturali paululum major, alvum a biduo non deposuit post scilicet purgationem, ut semper fere accidit, monet custodem de excernendis excrementis, calor naturali nec major nec minor. Ergo in functionibus naturalibus nihil in Diagnose, Prognose vel agendis mutatur. Respiratio æquabilis loquela satis bona, motus pulsus satis moderatus. Sed violenta acria exhibita sunt Medicamenta, & tamen nullus excitatus motus febrilis, ergo videntur humores deficere. Morbus verò imprimis in functionibus animalium hæret, in hisce præcipuè inquirendum. In primo Concilio ante octo dies mens tam parum constabat, ut in mediis hæreret excrementis sine percepta molestia, quod magnum certe signum est perceptionis imminutæ, adeoque & cerebri tunc temporis impediti, sed post usum acerrimorum Medicaminum rediit functio cerebri, ut perciperet conatus ad deponendam alvum & urinam. Nunc verò absolutè mente valet, memoria satis bona est, nam narrat satis distinctè, quæ acta sunt ab ultimo Concilio. Ergo functiones animales huc usque demonstrant omnia ritè procedere, nec in mille casibus fortè unus reperietur, qui per duos menses radicatus tam cito sanationem adeo facilem admittat, sed motus animalis in musculis artuum deficit, incipit tamen conatum edere elevandi brachii, unde meatus ad hæc loca expediri incipiunt.

Diagnosis. Itaque hodierna est, quod nervi superiores expediri incipiant, & reliqui non pejus imo melius se habent.

Prognosis. Sanari potest, & fere licet asserere, quod citò & certò sanabitur cura, si in re lauta fuisset, daretur cibus ex salis carnis, iisque assatis potius quam elixis, cum Aromatibus Thymo Majorana &c. conditis pane biscocto cum aromaticis parato. Potus nullus nisi vinum Medicatum, cum Floribus Roris-marini, Stæchados Lavendulæ, foliis Salvie Betonicæ &c. Hæc enim laevi odore faciunt ad curam mali. Bis vel ter de die debet tepidarium ingredi ubi aer siccus & calidus est, nam hoc tempus pluviosum curam multum impedit, uti in balbutientibus, & omnibus paralyticis patet, qui tali tempestate pessimè se habent. Motus debet exerceri plus quàm potest, imprimis partis effectæ, somnus & Vigiliæ moderatæ, animi affectus magni excitandi imprimis ira, sic Medicus quidam Principem sæminam, Calisæ uxorem ab Hemiplegiâ liberavit, impetrata à Calisæ venia, ut quædam tentaret ad iram excitandam: Cumque solus apud sæminam fuisset, voluit subducta manu sæmora attractare, unde ægra ira & vindicta contra temerarium hominem æstuans à morbo liberabatur. Medicamenta talia debent esse, quæ corpori ingesta faciant subitam, & magnam mutationem motus, imprimis volatilia fætida, ut Ruta Sabina, Spiritum Castorii vel Urinæ &c. Dein balnea & frictiones siccæ cum pannis asperis supra fumum Tabaci, Myrrhæ, Olibani & imprimis Succini. Sumemus itaque pilulas fætidas cum Emplastro nuchæ,
&

& spinæ dorsi applicando, quoniam frictiones non tam benè hic institui possunt.

℞ As. Fætid.

Gum. Galban.

— Sagapen.

Castor.

Balsam. Copaiv. ana ʒj.

M.

F. pil. gr. iv. sumat unam omni bihorio diei superbibendo ʒβ misturæ ultimæ repetitæ, quæ itaque in hunc finem reiteretur.

Porro.

℞ Fol. recent. arbor. Vitæ

— Rutæ

— Sabinæ ana M ij.

conscissa exhibe ut his utatur loco priorum herbarum.

℞ Emplastr. de Cumin. galb. puriss. ana ʒj
M.

F. Emplastrum ad alutam applicandum cervici, & dorso superiori.

Balsamus Copaivæ optimus est inter olea nativa ad nervos irritandos.

Tres illæ herbæ nunc recentes sunt fortissimæ.

Superest ferè tantum paralytis ad humerum, nam femur, crus, & tibia sunt utcunque restituta cum heri innixa sit, sed non adeo ritè procedit ad humerum via tamen incipit expedi-

ri, cum movere paululum potest digitos. Mirum forte hoc vobis videbitur quod cum obstructio vel transitus impeditus ad superiora manebat, tamen partes inferiores prius sunt restitutæ. Brachium totum calet satis, ergo immobilitas videtur à defectu spirituum, non verò sanguinis pendere, sed cur via spirituum versus inferiora prius restituitur? Videmus sæpe quod vasa depleta collabantur vi contractili aucta, hinc cum origo medullæ comprimebatur, nervi inde orti collaberentur, sed nervi ad brachium tendentes majores habent ganglionnes, & fortiores membranas obvolventes, quam inferiores, unde difficilius expedientur iterum, accedit quod brachium nudum frigori semper exponebatur, nam crus & femur stragulis fovebantur.

Prognosis. Confirmatur quod cito satis sanabitur, nec alia agenda indicantur quam prius, cum tam pulchrè huc usque procedant, itaque omnia prioris Concilii, reiterentur.

Exhibebimus præterea cras hydragogum paulo fortius, cum jam vires plus constant.

℞ Resin. Jalapp. gr. vij

Scamm. gr. vj

Sacchar. puriss. gr. viij

Mercur. dulc. gr. xv.

Trochis. Alhand. gr. iij.

M.

F. pulv. in Mortario Vitreo tenuiss.

Purgans nuper descriptum hydragogum aliquoties alvum solvit, illius verò præcipua intentio erat sanguinem solvere, quod certe valet efficere in sanguine denso fortissimi hominis,

nis, si enim Scammonium ad ʒj vel Jalappa ad ʒiv vel Mercurius dulcis magnâ copiâ exhibeantur sic attenuabitur sanguis à globis rubris factis in serofos; ut in aquam putridam conversus per os aut alvum exibat. Huc referuntur corrosiva sive alcalina sive acida, sive composita, ut lapis infernalis &c.

Hinc oritur dogma practicum, quod ubi opus est excutere materiam lentam ex sanguine ut in Gonorrhœa, vel aliquid vaginas nervorum obstruens, tale purgans convenit. Sed valdè debilitat, & corpus paralyticum nimis debile est, ergo interpolari debent medicamentis sanguinem compingentibus, & suo stimulo in nervos agentibus, si verò his aut illis solis utamur, vix tam benè procedit cura ac si utrisque.

Post ultima exhibita Medicamenta sermo alacrior est tamen nondum perfectè expedita nam prima verba distinctè promittit, ultima sæpe deficiunt, quod in hoc morbo familiare est, cum à longo tempore inassueta fuit loqui, haud tam rite jam procedit, quamvis organa expedita videntur, sed Musicus solertissimus, si à fidibus suis per longum tempus abstinere non adeo rite eos percutiet postea, donec paululum sese assuescat. Motus humeri supinatus, & pronatus brachii hodie meliores sunt quam antea, pedibus potest se sustinere & ambulare paululum, unde patet vias in musculis illas incipere expedire, & satis quidem longè, nam tremulos motus edere potest digitis, unde liber est meatus usque in musculos fidicinales.

Concludimus ergo causam mali jam non ad nervorum originem hæere, sed probabiliter in horum vaginis ubi sæpe hæret paralyfis, cum
cere-

cerebrum bonum est, nec probabile ipsos nervos obstructos esse, si enim hoc fiat, quomodo deobstruentur iterum; sanè ignoro.

Prognosis omnia bona promittit imprimis, si maneat calor & pergat in usu Medicamentorum, unde celeris & melior effectus præstatur quam expectare fere potuimus, nam vigor animalis redit, nec ingravescit ullum symptoma. Indicatio erat ut conaremur materiem infarctam expedire ex vaginis nervorum, unde imprimis commendabantur frictiones calidæ, sed hisce destituimur. Unde Emplastrum Aromaticum vicem supplevit, addemus jam acre linimentum, quo fricetur pars. Mixturem primò potentiorē & purgans exhibebimus & hisce certè ferè possim dicere, quod satis cito sanabitur, nec temere hæc methodus mutanda est. Iteretur pulvis purgans ultimò præscriptus hodie hora 12. dandus porro.

℞ Unguent. Nervin.

———— Martiat.

Olei castorei ana ℥j.

M.

F. linimentum ut eo perfricentur humeri, & brachium manè & vesperi.

℞ Sal. vol. oleos. ℥vj.

Spirit. Antiscorb. ℥iv.

— Tinct. Castor. ℥is

———— Succin. ana ℥ss

Aq. Still. Rosimar. ℥xv

Syr. Rad. s. aper. ℥iij.

M.

fumat cochleare unum omni sesquihora diei.

Iterentur herbæ virides ultimæ in eundem usum.

Herpes.

*Herpes.*

Puella 12 circiter annorum à prima pueritia assueta efflorescentiæ cutis, haud ita pridem herpete subleprosa capitis laboraverat, morbo pueris & puellis satis familiari, huic applicatum erat vulgatum remedium ex cerevisia recenti & butyro insulso, quod sæpe satis bonum est, postea vero morbus relicto ferè capite palpebras invasit, dein uti nunc videtis faciem sub oculis.

Vocatur Herpes ex eo quod repat, distinguitur in siccam & humidam. Sicca quando stigmata minima apparent cum squammis siccis. Humida quando adsunt ulcuscula, quæ faciem non pus fundunt. Vocatur leprosa quando non modo adsunt squammæ sed ulcera profunda. Diagnositis itaque est, quod sit ulcerosa herpetica Diathesis cutis. Prognosis si subito siliatur, pessimè postea laborabit æger, & morbus forte in cæcitatem desinet, cum oculis jam adeo vicinus sit, licet hi adhuc intacti maneant, nam tunica adnata nitidissima apparet, tamen sanari potest.

Cura perficietur purgante hydragogo, aliquoties repetita donec squammæ decidant, dein succis Antiscorbuticis diarrhæam levem inferentibus. Videmus enim equos in stabulis hyberno tempore scabiosos factos, ubi in lata dimittuntur prata oborta diarrhæa sanantur perfectissimè.

Nihil videtur extrinsecus applicandum, nisi
Unguen.

Unguentum quoddam blandum vel oleosum, quodcunque ad arcendam crustam ab aëre exsiccante productam, sed dum hæc præscribuntur, considerandum est, an aliquid maligni Veneris adsit.

Mater, Sorores & Fratres, apparent sanissimi, ergo nihil tale hic est, nec est vera scabies, quia reliquos cum quibus venfatur puella non inficit.

℞ Refin. Jalap. gr. xij
 Scamm. puri gr. xxiv
 Mercur. dul. ℥ss
 Trochisc. Alhand. gr. iv
 Sacchar. puriss. ℥j.
 M.

F. pulv. diu terendo in Mortario Vitreo, in quinque doses dividendus, quorum sumat unam alternis diebus.

Tale purgans solet hunc Morbum mirificè tollere liquefaciendo sanguinem, unde materies redditur perspirabilis, & simul per alvum subducitur. Post ultimam purgationem utatur sequentibus per decem dies.

℞ Tarax. recentiss. cum toto M. I.
 Becabung. M ℞
 Rad. Recent. Oxylap. ℥j.

Minutim scissa coque in pinta $\frac{1}{2}$ ferilactis per $\frac{1}{4}$ horæ tunc exprime succum pro una dose Matutino tempore.

*De Gangræna.*

Mulier 42 annorum nullo antea morbo laborans semper sanissima fuit, maritata sex procreavit liberos; corripitur ante bimestrem acerrimo dolore in hypochondris extendente se ad lumbos, dolor porrexit & fatigavit maximè corpus; postquam perduravit ille dolor, nec cesserat Remediis, quæ ob paupertatem non, ut oportebat, data fuerunt, tum incepit paralyfis occupare pedes, crura & femora ad truncum usque, quâ subinde auctâ omnis motus fuit abolitus sub trunco corporis, accessit insensibilitas integra partium; dum hoc contigit hæc mulier semper jacuit supina, qui effectus est paralyfios; hinc orta est gangræna occupans pedes crura nates & vicina, cum tandem cogeretur semper supina decumbere illæ partes putrefactæ sunt, inde emissio involuntaria fæcum & urinæ, tum accescit febris, & periire ferè omnes functiones. Vocatus cum illa mente constans mihi omnia narraret, & explorarem pulsum, & respirationem, prædixi non multum posse sperari à curatione, hinc tum consideravi quod oporteret situm corporis mutare, verum impossibile erat, nam ad quemlibet alium situm deficiebat viribus subinde ergo cogitavi, quid oporteret, ut benè depurarentur assiduè loca, & emollientissimis repurgarentur, ut separari posset exspectari partium. Dein danda decocta quibus spes foret, sanguinem liberatum iri à miasmate gangrænoso resorpto in sanguinem, uti & demulcentia.

For.

Formula Decocti.

℞ Rad. Bard. ℥vj
 — Scors. ℥iv

Cum Aq. Decoct spatio $\frac{1}{4}$ horæ ℥ 2. admisce

Syr. papav. albi ℥j

bibat unam unciam omni hora cui misceat spiritum Cochlear. gtt. x.

℞ Spirit. Cochlear. ℥j.

Postero Die deficientibus viribus exhibui.

℞ Amygd. D. elect. N. 20.

F. Emulsio. ℥xvj

Admisce nitri puri ℥j

Syr. papav. albi ℥j.

M.

subsequenti nocte spasmo oris correpta fuit, ut os nequaquam movere possit, hinc remedia fumere non potuit, nisi tantum quantum effluere potuit intra dentes, tandem convulsionibus musculorum oris & temporum correpta fuit ægra, & sat placidè cæteroquin nobis præsentibus mortua est. Si tamen in initio paralyseos data fuissent Remedia idonea, credo, quod potuisset evadere. Talem etiam Paralyfin anno elapso habui ad crura & femora, ita tota moles musculorum gastrocnemiorum ferè fuit abolita.

Finis partis secundæ.

INDEX

RERUM ET VERBORUM.

A.

A <i>B'cessus</i> quid	44. 89
_____ <i>Causa</i>	44
_____ <i>Signa.</i>	<i>ibidem</i>
_____ <i>Effectus.</i>	100
_____ <i>Indicatio.</i>	89
_____ <i>Cura.</i>	94
<i>Acrida</i> in inflammatione nocent.	18
<i>Ædema.</i>	26
<i>Aër</i> in inflammatione subfrigidus.	69
<i>Αγκυλωσις</i> quid? causa signa cura.	318
<i>Anodyna.</i>	76
<i>Anthrax.</i>	123
<i>Aperientia</i> quid.	76
<i>Attenuare</i> quid.	78. 81

B.

B *Ubo* quid.

C.

C <i>Anales</i> mobiles qui.	41
_____ <i>Cancer</i> quid.	238
_____ <i>Causa proxima.</i>	<i>ibid.</i>
_____ <i>remota.</i>	243
_____ <i>diversitas.</i>	240
_____ <i>occultus</i> qui.	242
_____ <i>hujus</i> <i>Diagnosis.</i>	246
_____ <i>qui ulceratus.</i>	242
_____ <i>Diagnosis.</i>	249
	<i>Cancer</i>

I N D E X

<i>Cancer.</i>	<i>Sedes.</i>	246
—	<i>Effectus Prognosis.</i>	249
—	<i>Cura.</i>	265
—	<i>parvus quomodo curetur.</i>	255
—	— <i>quæ in curatione vitanda.</i>	258
—	<i>magnus quid indicet.</i>	258
—	— <i>Symptomatum palliatio.</i>	265
—	— <i>Prognosis.</i>	260
—	<i>cura.</i>	509
<i>Carbunculus.</i>		123
<i>Cataplasma</i>	<i>in gangræna optimum.</i>	180
<i>Caries</i>	<i>offis unde?</i>	282. 299. 304
—	<i>Prognosis & cura.</i>	308
—	<i>quæsitæ.</i>	312. ad 318
<i>Combustio</i>	<i>unde?</i>	207
—	<i>gradus.</i>	208
—	<i>cura.</i>	210
<i>Consolidatio</i>	<i>in osse quomodo fiat?</i>	205
—	— <i>in carne quomodo?</i>	206
<i>Crisis</i>	<i>quid.</i>	87
<i>Crudum</i>	<i>quid.</i>	91

D.

D	<i>Ecoctum optimum in cancro.</i>	264
	<i>Digestiva quid.</i>	117
<i>Diluentia.</i>		80

E.

E	<i>Pispasticum in inflammatione.</i>	67
	<i>Erysipelas.</i>	2. 25
—	<i>bullatum.</i>	26
<i>Exostoses</i>	<i>quæ.</i>	311
<i>Exstirpatio</i>	<i>offis quando instituenda.</i>	192
—	<i>in quo loco.</i>	193
	<i>Ex-</i>	

RERUM ET VERBORUM.

<i>Exstirpatio.</i> Definitio.	195
———— ad administrationem quid requiratur.	196
———— Actio quomodo fiat.	199
———— Symptomatum sequentium cura.	202
———— ad	207

F.

F <i>Istula</i> quid.	102. 112
———— harum causa.	100
———— apertæ & clausæ quomodo cognoscantur.	115
———— cura.	116
———— Clausarum effectus.	125
———— Prognosis.	126
<i>Fomentum</i> optimum in Gangræna.	166. 170
<i>Fonticulus</i> quid.	68
<i>Frigida</i> actu in inflammatio nocent.	51
<i>Furunculus.</i>	122

G.

G <i>Angræna</i> quid.	49. 126. 310
———— locus.	128
———— causa proxima.	47
———— causæ antecedentes.	132
———— efficientes.	139
———— augentes.	50
———— signa futuræ.	143
———— præsentis.	144
———— Prognosis.	149
———— indicatio.	158
———— cura.	159
<i>Gangrænæ</i> inveteratæ effectus.	174
———— indicatio.	175
———— Cura.	177
———— ab impactu acris gelu factæ cura.	184
I. In-	

I N D E X

L

I <i>Nflammati</i> quid.	3
_____ ejus nomen.	1
_____ caufa proxima.	5
_____ fedes.	8
_____ caufæ ftagnationem in arteriis	
_____ minimis efficientes.	9
_____ in vafis lymphaticis arteriofis.	
_____	21
_____ in omni vafe conico.	24
_____ diverfitas cum aliis morbis.	24
_____ Diagnofis & effectus.	28
_____ fanatio beneficio naturæ.	38
_____ exitus in fuppurationem.	44
_____ Grangrænam.	47
_____ Sphacelum.	50
_____ Scirrhum & quando.	
	54
_____ Prognofis.	57
_____ indicatio quadruplex.	60
_____ fatisfit indicationi primæ.	62
_____ _____ fecundæ.	67
_____ _____ tertiæ. <i>ibidem</i>	
_____ _____ quartæ.	83
<i>Injeftio</i> mundificans.	118
<i>Ignis</i> & inflammatio eft idem.	3

M.

M <i>Acularum</i> Rubrarum cognitio. Prædictio	
_____ curatio unde nofcantur.	
<i>Maturatio</i> quid.	94
<i>Morbilli</i> .	124

N. *Nodus*

N.

Nodus quid.

321

O.

Obstruens materia quid. 77

Odontalgia quid. 293

Ossa morbos similes quos molliores partes patiantur. 271

Cur. iidem.

Quintuplici morborum serie distinguuntur. 272

prima series morborum adscribitur interstitiis ossium. 271 ad 273

Ossium morborum causa. 271, 272

Effectus. 290

secunda vesiculis ossium, harumque liquori. 273

causa. Effectus. 282

Prognosis. 286

Tertia ossis tegumento externo. 274

causa. 290

Prognosis. 292

omnium cura. *ibid.*

Quarta series. tegumento externo. 278

Causa. 290 & 303

exitus in gangrænam. *ibid.*

in cariem ossis. 304

Diagnosis hujus. 305

Cura. 306

si suppuratio vel gangræna adfit. 307

Pars II.

S.

Quin

I N D E X

	Quinta series vasis & vasculis vesicularum ossium.	279
	Diagnosis & effectus morborum.	282
	Cura.	292
	Ossium inflammationis in suppurationem vergentis.	295
	præsentis signa effectus cura.	297
	in gangrænam & cariem.	199
	cura.	300

P.

P	Aronychia definitio & cura.	290
	Parotis.	122
	Periosteum quid.	274. & 276
	internum quid.	278
	Pblegmone cum inflammatione differentia unde sciatur.	242
	Pthyfis quid.	103
	Phymorum cognitio. Prædictio. Curatio unde petendæ.	121. 124
	Potus in morbis inflammatoriis optimus.	82
	Pulsus cur non sentiatur.	33
	Purgans in inflammatione optimum.	65
	Pus quid.	46

R.

R	Anciditas quid.	283
	Refrigerantia quid.	73
	Repellentia quid.	74
	Resolutio quid.	38
	Retropulsum quid.	83
	Re-	Re-

RERUM ET VERBORUM

<i>Revulsio.</i>	66
<i>Rosa bullata.</i>	26

S.

S <i>Anatio perfecta quid.</i>	87
<i>Scabiei causa.</i>	6
<i>Scirrhus quid.</i>	54. 56. 215
- - Causa proxima.	54
- - causæ remotæ.	214
- - antecedentes.	219
- - sedes.	214
- - effectus.	224
- - prognos.	228
- - cura.	229
- - differentia cum inflammatione unde pateat.	24
<i>Sectaceum quid.</i>	69
<i>Sinus quid.</i>	101. 112
<i>Sitis causa.</i>	35
<i>Sphacelus quid?</i>	127. 187
- - locus.	128
- - causa proxima.	50
- - causæ antecedentes.	132
- - signa futuri.	144
- - præsentis.	147
- - Prognosis.	149
- - indicatio.	187
- - cura.	189
<i>Spina ventosa quid.</i>	285. 309. & 312
<i>Splendor unde oritur.</i>	32
<i>Stupefacientia quid.</i>	136
<i>Sudorifera in inflammatione nocent.</i>	20
<i>Suppuratio quid.</i>	44

INDEX RERUM ET VERB.

T.

T*Ophus* quid.

311

V.

V*Ariola* 124
Venæ sectio in inflammatione optima. 61

Victus in inflammatione.

63

Ukus quid.

71

110

Finis Partis II.

INDEX

INDEX CAPITUM.

I Nflammatiō.	Pag. 1
Absceſſus.	89
Fiſtulæ.	112
Gangræna.	126
Sphacelus.	187
De Combūſtione.	207
Schirrhus.	214
Cancer.	238
De morbis offium.	271
Tumor in hypochondrio ſiniſtro.	323
Icterus.	333
Tumor œdematoſus in latere dextro unde	
Hydrops anasarca.	351
Rheumatismus.	361
Mulier Phtyſica facta ex utero exulcerata.	362
Febris Rheumatica.	371
Quartana exquiſita.	372
Dolor ventriculi.	373
Hæmoptoë.	374
Alvus adſtrieta cum mente turbata.	389
Contractura.	389
Hemiplegia.	390
Herpes.	401
Gangræna.	404

THE UNIVERSITY OF CHICAGO
LIBRARY

1910



